

Namo tassa bhagavato arahato sammāsambuddhassa

# Padarūpasiddhi

## Ganthārambha

[Ka]

Visuddhasaddhammasahassadīdhitim,  
Subuddhasambodhiyugandharoditam;  
Tibuddhakhettekadvākaram jinaṃ,  
Sadhammasaṅghaṃ sirasā'bhivandīya.

[Kha]

Kaccāyanañcācariyaṃ namitvā,  
Nissāya kaccāyanavaṇṇanādīm;  
Bālappabodhatthamuṃ karissaṃ,  
Byattaṃ sukaṇḍaṃ padarūpasiddhiṃ.

## 1. Sandhikaṇḍa

Tattha jinasāsanādhigamassa akkharakosallamūlakattā taṃ sampādetabbanti dassetuṃ abhidheyypayojanavākyamidamuccate.

### 1. Attho akkharasaññāto.

Yo koci lokiya lokuttarādibhedo vacanatto, so sabbo akkhareheva saññāyate. Sithiladhaniṭṭādiakkharavipattiyāñhi atthassa dunnayatā hoti, tasmā akkharakosallaṃ bahūpakāraṃ buddhavacanesu, ettha padānīpi akkharasannipātarūpattā akkhareveva saṅgahanti.

Tasmā akkharakosallaṃ, sampādeyya hitatthiko;  
Upaṭṭhahaṃ garuṃ sammā, uṭṭhānādīhi pañcahi.

### Saññāvidhāna

Tatthādo tāva saddalakkhaṇe vohāra viññāpanatthaṃ saññāvidhānamārabhīyate.

### 2. Akkharāpādayo ekacattālīsaṃ.

Akkharā api ādayo ekacattālīsaṃ, te ca kho jinavacanānurūpā akārādayo niggaḥītantā ekacattālīsamattā vaṇṇā paccekamaṃ akkharā nāma honti. Taṃ yathā – ā i ī u ū e o, ka kha ga gha ṇa, ca cha ja jha ṇa, ṭa ṭha ḍa ḍha ṇa, ta tha da dha na, pa pha ba bha ma, ya ra lava sa ha ḷa aṃ-iti akkharā.

Nakkharantīti **akkharā**, a ādi yesaṃ te **ādayo**. Akārādīnāmanukkamo panesa ṭhānādikkamasannissito, tathā hi ṭhānakaraṇappayatanehi vaṇṇā jāyante, tattha **cha ṭhānāni** kaṇṭhatālūmuddhadantaotṭhānāsikāvasena.

Tattha – avaṇṇa kavagga **hakārā kaṇṭhajā**.

Ivaṇṇa cavagga **yakārā tālujā**. Ṭavagga **rakārā ḷakārā muddhajā**. Tavagga **lakārā sakārā dantajā**. Uvaṇṇa pavagga **oṭṭhajā**. Ekāro **kaṇṭhatālujo**. Okāro **kaṇṭhoṭṭhajo**.

**Vakāro dantoṭṭhajo.**

Niggahītaṃ **nāsikaṭṭhānaṃ**.

Na ña ña na mā **sakaṭṭhānajā, nāsikaṭṭhānajā** cāti.

**Hakāraṃ** pañcameheva, antaṭṭhāhi ca saṃyutaṃ;  
Orasanti vadantettha, kaṇṭhajaṃ tadasaṃyutaṃ.

**Karaṇaṃ** jivhāmajjhaṃ tālujānaṃ, jivhopaggaṃ muddhajānaṃ, jivhāggaṃ dantajānaṃ, sesā sakaṭṭhānakaraṇā.

**Payatanaṃ** saṃvutādikaraṇaviseso. Saṃvutattama<sup>k</sup>ārassa, vivaṭattama<sup>s</sup>esasarānaṃ **sakārahakārāna**ñca, phuṭṭhaṃ vaggānaṃ, īsaṃphuṭṭhaṃ yaralavānanti.

Evamaṃ ṭhānakaraṇappayatana<sup>s</sup>utikālabhinnesu akkharesu sarā nissayā, itare nissitā. Tattha –

Nissayādo sarā vuttā, byañjanā nissitā tato;  
Vaggekajā bahuttādo, tato ṭhānalahukkama.

Vuttañca –

“Pañcannaṃ pana ṭhānānaṃ, paṭipāṭivasāpi ca;  
Nissayādippabhedehi, vutto tesamanukkamo”’ti.

Ekenādhikā cattālīsaṃ **ekacattālīsaṃ**, etena gaṇanaparicchena –

Adhikakkharavantāni, ekatālīsato ito;  
Na buddhavacanānīti, dīpetācariyāsabho.

**Apiggahaṇaṃ** heṭṭhā vuttānaṃ apekkhākaraṇatthaṃ.

**3. Tatthodantā sarā aṭṭha.**

Tattha tesu akkharesu **akārādīsū okāranta** aṭṭha akkharā sarā nāma honti. Taṃ yathā – a ā ī ū e o-iti sarā.

O anto yesaṃ te **odantā, dakāro** sandhijo, saranti gacchantīti **sarā**, byañjane sārentītipi **sarā**.

“Tatthā”’ti vattate.

**4. Lahumattā tayo rassā.**

Tattha aṭṭhasu saresu lahumattā tayo sarā rassā nāma honti. Taṃ yathā – a i u-iti rassā.

Lahukā mattā pamāṇaṃ yesaṃ te **lahumattā, mattāsaddo** cettha accharāsaṅghātaakkhinimīlanasaṅkhātama<sup>s</sup> kālaṃ vadati, tāya mattāya **ekamattā rassā**, dvimattā **dīghā**, aḍḍhamattā **byañjanā**. **Lahuggahaṇa**ñcettha chandasi diyaḍḍhamattassāpi gahaṇatthaṃ. Rassakālayogato **rassā**, rassakālavanto vā **rassā**.

**Sararassaggahaṇāni** ca vattante.

**5. Aññe dīghā.**

Tattha aṭṭhasu saresu rassehi aññe dvimattā pañca sarā dīghā nāma honti. Taṃ yathā – ā ī ū e o-iti dīghā.

**Aññaggahaṇaṃ** diyaḍḍhamattikānampi saṅgahaṇatthaṃ. Dīghakāle niyuttā, tabbanto vā **dīghā**. Kvacī saṃyogapubbā ekārokārā rassā iva vuccante. Yathā – ettha, seyyo, oṭṭho, sotthi. **Kvacīti** kiṃ? Maṃ ce tvaṃ nikhaṇaṃ vane. Putto tyāhaṃ mahārāja.

## 6. Dumhi garu.

Dvinnaṃ samūho **du**, tasmim̐ dumhi. Saṃyogabhūte akkhare pare yo pubbo rassakkharo, so garusañño hoti. Yathā – datvā, hitvā, bhutvā.

“Garū”ti vattate.

## 7. Dīgho ca.

Dīgho ca saro garusañño hoti. Yathā – nāvā, nadī, vadhū, dve, tayo. Garukato añño “lahuko”ti veditabbo.

## 8. Sesā byañjanā.

Ṭhapetvā aṭṭha sare sesā aḍḍhamattā akkharā **ka**kārādayo niggahītantaṃ tettiṃsa byañjanā nāma honti. Vuttehi aññe **sesā**. Byañjīyati etehi atthoti **byañjanā**. Taṃ yathā – ka kha ga gha ṇa, ca cha ja jha ṇa, ṭa ṭha ḍa ḍha ṇa, ta tha da dha na, pa pha ba bha ma, ya ra lava sa ha ḷa aṃ-iti byañjanā. **Kakārādīsvakāro** uccāraṇattho.

“Byañjanā”ti vattate.

## 9. Vaggā pañcapañcaso mantā.

Tesaṃ kho byañjanānaṃ **ka**kārādayo **ma**kārantaṃ pañcavīsati byañjanā pañcapañcavibhāgena vaggā nāma honti. Taṃ yathā – ka kha ga gha ṇa, ca cha ja jha ṇa, ṭa ṭha ḍa ḍha ṇa, ta tha da dha na, pa pha ba bha ma-iti vaggā.

Te pana paṭhamakkharavasena **ka**vaggacavaggādivohāraṃ gatā, **va**ggoti samūho, tattha pañcapañcavibhāgenāti vā pañca pañca etesamatthīti vā **pañcapañcaso**, mo anto yesaṃ te **ma**ntā.

## 10. Aṃiti niggahītaṃ.

Akāro uccāraṇattho, **iti**saddo panānantaravuttanidassanattho, aṃiti yaṃ **akā**rato paraṃ vuttaṃ bindu, taṃ niggahītaṃ nāma hoti. Rassasaraṃ nissāya gayhati, karaṇaṃ niggahetvā gayhatīti vā **niggahītaṃ**.

Karaṇaṃ niggahetvāna, mukhenāvivaṭena yaṃ;  
Vuccate niggahītanti, vuttaṃ bindu sarānugaṃ.

Idha avuttānaṃ parasamaññānampi payojane sati gahaṇatthaṃ paribhāsamāha.

## 11. Parasamaññā payoge.

Yā ca pana parasmim̐ sakkataganthe, paresaṃ vā veyyākaraṇānaṃ samaññā ghosāghosalopasavaṇṇasaṃyogalingādikā, tā payoge sati etthāpi yujjante.

Parasmim̐, paresaṃ vā samaññā **para**samaññā, veyyākaraṇe, veyyākaraṇamadhītānaṃ vā

samaññātyattho. Payujjanaṃ **payogo**, viniyogo.

Tattha vaggānaṃ paṭhamadutiyā, **sakāro** ca **aghosā**. Vaggānaṃ tatiyacatutthapañcamā, ya ra lava ha lā cāti ekavīsati **ghosā** nāma.

Ettha ca vaggānaṃ dutiyacatutthā **dhanitā**tipi vuccanti, itare **sithilā**ti. Vināso **lopo**. Rassassarā sakadīghehi aññaṃaññaṃ **savaṇṇā** nāma, ye **sarūpā**tipi vuccanti. Sarānantarītāni byañjanāni **saṃyogo**. Dhātuppaccayavibhattivajjitamatthavaṃ **liṅgaṃ**. Vibhatyantaṃ **padaṃ**. Icevamādi.

Iti saññāvidhānaṃ.

### Sarasandhividhāna

Atha sarasandhi vuccate.

Loka aggapuggalo, paññā indriyaṃ, tīṇi imāni, no hi etaṃ, bhikkhunī ovādo, mātu upaṭṭhānaṃ, sametu āyasmā, abhibhū āyatanam, dhanā me atthi, sabbe eva, tayo assu dhammā, asanto ettha na dissanti itīdha sarādisaññāyaṃ sabbasandhikaraṇaṭṭhāne byañjanaviyojanattham paribhāsamāha.

### 12. Pubbamadhoṭhitamassaraṃ sarena viyojaye.

**Sarenā**ti nissakke karaṇavacanaṃ, sahayoge vā, sandhitabbe sarasahitaṃ pubbavyañjanaṃ anatikkamanto adhoṭhitamassarañca katvā sarato viyojayedti sarato byañjanaṃ viyojetabbaṃ. Ettha ca **assara**ggahaṇasāmatthiyena “byañjana”nti laddhaṃ.

### 13. Sarā sare lopaṃ.

Sarā kho sabbepi sare pare ṭhite lopaṃ papponti. **Lopoti** adassanaṃ anuccāraṇaṃ. Ettha **sarā**ti kāriyīniddeho. **Bahuvacanaṃ** panettha ekekasmaṃ sare pare bahūnaṃ lopañāpanattham. **Sareti** nimittaniddeho, nimittasattamī cāyaṃ, nimittopādānasāmatthiyato vaṇṇakālavyavadhāne sandhikāriyaṃ na hoti. **Lopanti** kāriyaniddeho, idaṃ pana suttaṃ uparī paralopavidhānato pubbalopavidhānanti daṭṭhabbaṃ, evaṃ sabbattha sattamīniddeho pubbasseva vidhi, na parassa vidhānanti veditabbaṃ.

“Assaraṃ, adhoṭhita”nti ca vattate, siliṭṭhakathane paribhāsamāha.

### 14. Naye paraṃ yutte.

Sararahitaṃ kho byañjanaṃ adhoṭhitaṃ parakkharaṃ naye yutte ṭhāneti paranayanaṃ kātabbaṃ. Ettha **yutta**ggahaṇaṃ niggahītanisedhanattham, tena “akkocchi maṃ avadhi ma”ntiādīsu paranayanasandeho na hoti.

Lokaggapuggalo, paññā indriyaṃ, tīṇimāni, nohetam, bhikkhunovādo, mātu paṭṭhānaṃ, sametāyasmā, abhibhāyatanam, dhanā matthi, sabbeva, tayassu dhammā, asantettha na dissanti.

Yassa idāni, saññā itī, chāyā iva, kathā eva kā, itī api, assamaññī asi, cakkhu indriyaṃ, akataññū asi, ākāse iva, te api, vande ahaṃ, so ahaṃ, cattāro ime, vasalo itī, moggallāno āsi bijako, pāto evāṭīdha pubbalope sampatte “sare”ti adhikāro, idha pana “atthavasā vibhattivipariṇāmo”ti katvā “saro, saramhā, lopa”nti ca vattamāne –

### 15. Vā paro asarūpā.

Asamānarūpamhā saramhā paro saro lopaṃ pappoti vā. Samānaṃ rūpaṃ assāti sarūpo, na sarūpo **asarūpo**, asavaṇṇo. Yasmā pana mariyādāyaṃ, abhividhimhi ca vattamāno āupasaggo viya

**vāsaddo** dvidhā vattate, katthaci vikappe, katthaci yathāvavattitarūpariggāhe, idha pana pacchime, tato niccamaniccamasantañca vidhimettha **vāsaddo** dīpeti. “Naye param yutte”ti param netabbaṃ.

Yassadāni yassa idāni, saññāti saññā iti, chāyāva chāyā iva, kathāva kā kathā eva kā, itīpi iti api, assamañsi assamañi asi. Cakkhundriya miti niccaṃ. Akataññūsi akataññū asi, ākāseva ākāse iva, tepi te api, vandeḥaṃ vande ahaṃ, sohaṃ so ahaṃ, cattārome cattāro ime, vasaloti vasalo iti, moggallānosi bījako moggallāno āsi bījako, pātova pāto eva.

Idha na bhavati – pañcendriyāni, saddhindriyaṃ, sattuttamo, ekūnavīsati, yassete, sugatovādo, diṭṭhāsavo, diṭṭhogho, cakkhāyatanaṃ, taṃ kutettha labbhā iccādi.

Bhavati ca vavatthitavibhāsāya.

Avaṇṇato sarodānī-tīvevādiṃ vinā paro;  
Na luppataññato dīgho, āsevādivivajjito.

Bandhussa iva, upa ikkhati, upa ito, ava icca, jina īritaṃ, na upeti, canda udayo, yathā uduke itīdha pubbāvaṇṇassarānaṃ lope kate “paro, asarūpe”ti ca vattate, tathā “ivaṇṇo yaṃ navā”ti ito **ivaṇṇaggahaṇa**ñca, “vamodudantāna”nti ito **uggahaṇa**ñca sīhagatiyā idhānuvattetabbaṃ.

## 16. Kvacāsavaṇṇaṃ lutte.

Ivaṇṇabhūto, ukārabhūto ca paro saro asarūpe pubbassare lutte kvaci asavaṇṇaṃ pappoti. Natthi savaṇṇā etesanti **asavaṇṇā**, ekārokārā, tattha ṭhānāsannavasena ivaṇṇukārānamekārokārā honti.

Bandhusseva, upekkhati, upeto, avecca, jineritaṃ, nopeti, candodayo, yathodake. **Kvacīti** kiṃ? Tatrima, yassindriyāni, mahiddhiko, sabbītiyo, tenupasaṅkami, lokuttaro. **Lutteti** kiṃ? Cha ime dhammā, yathā idaṃ, kusalassa upasampadā. **Asarūpeti** kiṃ? Cattārimāni, mātupaṭṭhānaṃ.

Ettha ca satipi heṭṭhā **vāggahaṇe kvacikaraṇato** avaṇṇe eva lutte idha vuttavidhi hotīti daṭṭhabbaṃ. Tato idha na bhavati – diṭṭhupādānaṃ, pañcahupāli, mudindriyaṃ, yo missaroti.

Tatra ayaṃ, buddha anussati, sa atthikā, paññavā assa, tadā ahaṃ, yāni idha bhūtāni, gacchāmi iti, ati ito, kikī iva, bahu upakāraṃ, madhu udakaṃ, su upadhāritaṃ, yopi ayaṃ, idāni ahaṃ, sace ayaṃ, appassuto ayaṃ, itara itarena, saddhā idha vittaṃ, kamma upanissayo, tathā upamaṃ, ratti uparato, vi upasamo iccatra pubbassarānaṃ lope kate –

“Kvacī”ti adhikāro, “paro, lutte”ti ca vattate.

## 17. Dīghaṃ.

Saro kho paro pubbassare lutte kvaci dīghabhāvaṃ pappotīti ṭhānāsannavasena rassassarānaṃ savaṇṇadīgho.

Tatrāyaṃ, buddhānussati, sātthikā, paññavāssa, tadāhaṃ, yānidha bhūtāni, gacchāmīti, atīto, kikīva, **bahūpakāraṃ**, madhūdakaṃ, sūpadhāritaṃ, yopāyaṃ, idānāhaṃ, sacāyaṃ, appassutāyaṃ, itarītarena, saddhīdha vittaṃ, kammūpanissayo, tathūpamaṃ, rattūparato, vūpasamo.

**Kvacīti** kiṃ? Aciraṃ vata’yaṃ kāyo, kimpimāya, tīnimāni, pañcasupādānakkhandhesu, tassattho, pañcaṅgiko, munindo, satindriyaṃ, lahuṭṭhānaṃ, gacchāmahaṃ, tatridaṃ, pañcahupāli, natthaññaṃ. **Lutteti** kiṃ? Yathā ayaṃ, nimi iva rājā, kikī iva, su upadhāritaṃ.

Lokassa iti, deva iti, vi ati patanti, vi ati nāmenti, saṅghāṭi api, jīvitahetu api, vijju iva, kiṃsu idha vittaṃ, sādhu iti itīdha parassarānaṃ lope kate –

“Lutte, dīgha”nti ca vattate.

### 18. Pubbo ca.

Pubbo saro parassare lutte kvacidīghaṃ pappoti. **Caggahaṇaṃ** luttadīghaggahaṇānukaḍḍhanatthaṃ, taṃ “**cānukaḍḍhitamuttaratra nānuvattate**”ti nāpanatthaṃ.

Lokassāti, devāti, vītipatanti, vītināmenti, saṅghāṭīpi, jīvitahetūpi, vijjūva, kiṃsūdha vittaṃ, sādhuṭi.

**Kvacīti** kiṃ? Yassadāni, itissa, idānīpi, tesupī, cakkhundriyaṃ, kinnumāva.

Adhigato kho me ayaṃ dhammo, putto te ahaṃ, te assa pahīnā, pabbate ahaṃ, ye assa itīdha pubbalope sampatte –

### 19. Yamedantassādeso.

Ekārassa padantabhūtassa ṭhāne sare pare kvaci **yakārādeso** hoti. Akāremeteyesaddādissevāyaṃ vidhi, **yanti** yaṃ rūpaṃ, e eva anto **edanto**, ādesiṭṭhāne ādissatīti **ādeso**. “Byañjane”ti adhikicca “dīgha”nti dīgho.

Adhigato kho myāyaṃ dhammo, putto tyāhaṃ, tyāssa pahīnā, pabbatyāhaṃ, yyāssa.

**Kvacīti** kiṃ? Te nāgatā, puttā matthi. **Antaggahaṇaṃ** kiṃ? Dhammacakkaṃ pavattento, damento cittaṃ.

Yāvatako assa kāyo, tāvatako assa byāmo, ko attho, atha kho assa, ahaṃ kho ajja, yo ayaṃ, so assa, so eva, yato adhikaraṇaṃ, anu addhamāsaṃ, anu eti, su āgataṃ, su ākāro, du ākāro, cakkhu āpāthaṃ, bahu ābādho, pātu akāsi, na tu evātīdha –

### 20. Vamodudantānaṃ.

Okārukārānaṃ antabhūtānaṃ sare pare kvaci **vakārādeso** hoti. **Ka kha ya** tasaddādiokārasedaṃ gahaṇaṃ.

Yāvatakvassa kāyo, tāvatakvassa byāmo, kvattho, atha khvassa, ahaṃ khvajja, yvāyaṃ, svassa, sveva, yatvādhikaraṇaṃ, anvaddhamāsaṃ, anvebhi, svāgataṃ, svākāro, dvākāro, cakkhvāpāthaṃ, bahvābādho, pātvākāsi, na tveva.

**Kvacīti** kiṃ? Ko attho, atha kho aññatarā, yohaṃ, sohaṃ, cattārome, sāgataṃ, sādhuṭi. **Antaggahaṇaṃ** kiṃ? Savanīyaṃ, viravanti.

Paṭisanthāravutti assa, sabbā vitti anubhuyyate, vi añjanaṃ, vi ākato, nadī āsanno itīdha maṇḍūkagatiyā “asarūpe”ti vattate.

### 21. Ivaṇṇo yaṃ navā.

Pubbo ivaṇṇo asarūpe sare pare **yakāraṃ** pappoti navā. I eva vaṇṇo **ivaṇṇo**, **navāsaddo kvacisaddapariyāyo**.

Paṭisanthāravutyassa, sabbā vityānubhuyyate, byañjanaṃ, byākato, nadyāsanno.

**Navā**ti kiṃ? Pañcahaṅgehi, tāni attani, gacchāmaṃ, muttacāgī anuddhato. **Asarūpeti** kiṃ? Itihidaṃ, aggīva, atthīti.

Ati antaṃ, ati odātā, pati ayo, pati āharati, pati eti, iti assa, iti etaṃ, itiādi itīdha “ivaṇṇo yaṃ navā”ti **yakārā**dese sampatte –

## 22. Sabbo canti.

Atipatiitīnaṃ **tisaddas**edaṃ gahaṇaṃ.

Sabbo **ti**cceso saddo sare pare kvaci **ca**kāraṃ pappoti. **Ti**ti niddesato akatay**akā**rassevāyaṃ vidhi, itarathā **kvaci**ggahaṇassa ca “atissa cantassā”tisuttassa ca niratthakatā siyā. “Paradvebhāvo ṭhāne”ti dvittaṃ.

Accantaṃ, accodātā, paccayo, paccāharati, pacceti, iccassa, iccetaṃ, iccādi.

**Kvacī**ti kiṃ? Itissa, iti ākaṅkhamānena.

“Te na vāivaṇṇe”ti ito “na ivaṇṇe”ti ca vattate.

## 23. Atissa cantassa.

**Ati**ccetassa antabhūtaṃ **tisadda**ssa ivaṇṇe pare “sabbo caṃ tī”ti vuttarūpaṃ na hoti. **Atissā**ti **ati**upasaggānukaraṇameṭaṃ. Tenevettha vibhattilopābhāvo. Ettha ca **anta**saddo saddavidhinisedhappakaraṇato **ati**saddantabhūtaṃ **tisadda**meva vadati, na ivaṇṇanti daṭṭhabbaṃ, itarathā idaṃ suttameva niratthakaṃ siyā.

“**Ivaṇṇo yaṃ navā**”tīdha, asarūpādhikāro;  
Ivaṇṇassa sarūpasmiṃ, **yā**dese ca na sambhave.

**Ca**kāro anuttasamuccayattho, tena **iti**patīnamantassa ca na hoti. Ati isigaṇo atīsigaṇo, evaṃ atīto, atīritaṃ, itīti, itīdaṃ, patīto.

Abhi akkhānaṃ, abhi uggato, abhi okāso itīdha **yakā**re sampatte –

“Sare”ti vattate.

## 24. Abbho abhi.

Abhiiccetassa sabbassa sare pare **abbhā**dese hoti.

“**Abhī**”ti paṭhamantassa, vuttiyaṃ chaṭṭhiyojanaṃ;  
Ādesāpekkhato vuttaṃ, “**aṃ**mo”tiādike viya.

Pubbassaralopo, abbhakkhānaṃ, abbhuggato, abbhokāso.

**Adhi** agamā, adhi upagato, adhi ogāhetvā itīdha

## 25. Ajjho adhi.

**Adhi**iccetassa sabbassa sare pare **ajjhā**dese hoti. Ajjhagamā, ajjhupagato, ajjhogāhetvā.

Abhi icchitaṃ, adhi īritaṃ itīdha

“Abbho abhi, ajjho adhī”ti ca vattate.

## 26. Te na vā ivaṇṇe.

Te ca kho **abhiadhi**ccete upasaggā ivaṇṇe pare abbho ajjhoiti vuttarūpā na honti vā. Saralopaparanayanāni. Abhicchitaṃ, adhīritaṃ. **Vā**ti kiṃ? Abbhīritaṃ, ajjhiṇamutto, ajjhiṭṭho.

Ekamidha ahantīdha

## 27. Do dhassa ca.

**Dha**iccetassa sare pare kvaci **da**kāro hoti. **Eka**saddato parassa **idh**assa **dh**akārassevāyaṃ, saralopadīghā. Ekamidāhaṃ. **Kva**cīti kiṃ? Idheva.

**Cas**addena kvaci **sā**dhuṣsa **dh**assa **ha**kāro, yathā – sāhu dassanaṃ.

Yathā eva tathā evatīdha

“Navā”ti vattate, “saramhā”ti ca.

## 28. Evādissa ri pubbo ca rasso.

**Yathā**tathādvayaparassedam gahaṇam. Dīghasaramhā parassa **eva**saddādibhūtassa **ekā**rassa rikāro hoti, pubbo ca saro rasso hoti navā. Yathariva, tathariva. **Navā**ti kiṃ? Yatheva, tatheva.

Ti antaṃ,ti addhaṃ, aggi agāre, sattamī atthe, pañcamī antaṃ, du aṅgikaṃ, bhikkhu āsane, puthu āsane, sayambhū āsane itīdha **yavā**desesu sampattesu –

“Saññā”ti vattate.

## 29. Ivaṇṇuvaṇṇā jhalā.

Ivaṇṇauvaṇṇaiccete yathākkamaṃ **jhal**asaññā honti. **Vaṇṇ**aggahaṇam savaṇṇaggahaṇatthaṃ.

Jhalasaññā pasaññāva, na līngantaṃva nissitā;  
Ākhyāte līngamajjhe ca, dvilīngante ca dassanā.

## 30. Jhalānamiyuvā sare vā.

**Jhala**icchetesaṃ **iyau**vaiccete ādesā honti vā sare pare, saralopo.

Tiyantaṃ, tiyaddhaṃ, aggyāgāre, sattamiyatthe, pañcamiyantaṃ, duvaṅgikaṃ, bhikkhuvāsane, puthuvāsane, sayambhuvāsane. **Vā**ti kiṃ? Agyāgāre, sattamīatthe, bhikkhuāsane nisīdati.

Go ajinaṃ, go eḷakaṃ itīdha

“Go, avo, samāse”ti ca vattate.

## 31. O sare ca.

**Go**iccetassa **okā**rassa sare pare **avā**deso hoti samāse. Gavājinaṃ, gaveḷakaṃ. **Cas**addaggahaṇena uvaṇṇassa **uva**avādesā. Yathā – bhuvī, pasavo.



Putha evātīdha

### 32. Go sare puthassāgamo kvaci.

**Putha**iccetassa nipātassa ante kvaci **gakārāgamo** hoti sare pare. Āgacchatīti **āgamo**, asantuppatti āgamo. Ettha ca “sare”ti nimittāsannavasena puthassa anteti labbhati. Puthageva, putha eva.

Pā evātīdha

“Sare, go, āgamo, kvacī”ti ca vattate.

### 33. Pāssa canto rasso.

**Pā**iccetassa ante sare pare kvaci **gakārāgamo** hoti, **pāssa** anto ca saro rasso hoti. Pageva vutyassa, pā eva.

“Vā, sare”ti ca vattate.

### 34. Yava ma da na ta ra lā cāgamā.

Sare pare **yakārādayo** aṭṭha āgamā honti vā. **Casaddena** **gakārāgamo** ca, vavatthitavibhāsathoyam **vāsaddo**.

Tattha **yakārāgamo** **yathā**dibho ikārekārādīsu. Yathā idaṃ yathayidaṃ, byañjaneti adhikicca “rassa”nti rassattaṃ, yathā idaṃ vā, yathā eva, yathāyeva, yatheva, evaṃ māyidaṃ, māyevaṃ, taṃyidaṃ, taṃyeva, nayidaṃ, nayimassa, nayimāni, navayime dhammā, buddhānaṃyeva, santiyeva, bodhiyāyeva, satiyeva, pathavīyeva, dhātuyeva, tesuyeva, soyeva, pāṭiyekkaṃ.

Tathā sare **vipariyādito** ca. Vi añjanā viyañjanā, byañjanā vā, evaṃ viyākāsi, byākāsi. Pariantaṃ pariyantaṃ, evaṃ pariyādānaṃ, pariyuṭṭhānaṃ, pariyesati, pariyosānamiti niccaṃ. Ni āyogo niyāyogo. Idha na bhavati, parikkhato, upaparikkhati.

**Vakāro** tisaddādito avaṇṇukāresu. Ti aṅgulaṃ tivaṅgulaṃ, evaṃ tivaṅgikaṃ, bhūvādayo, migī bhantā vudikkhati, pavuccati, pāguṇṇāvujutā.

**Makāro** lahuppabhutito sare chandānurakkhaṇādīmhi. Lahu essati lahumessati, evaṃ garumessati, idhamāhu, kena te idha mijjhati, bhadro kasāmiva, ākāse mabhipūjayi, ekamekassa, yena midhekacce, āsatimeva.

**Dakāro** upasagga saki kenaci kiñci kismiñci koci sammā yāva tāva puna ya te’tattasādīhi. Uupasaggato niccaṃ, u aggo udaggo, evaṃ udayo, udapādi, udāhaṭṭaṃ, udīto, udīritaṃ, udeti.

Nipātato ca, saki eva sakideva, evaṃ sakadāgāmi, mahāvuttisuttana **ikārassa** **akāro**. Tathā kenacideva, kiñcideva, kismiñcideva, kocideva, sammā attho sammadattho, rassattaṃ. Evam sammadakkhāto, sammadaññā vimuttānaṃ, sammadeva, yāvadattham, yāvadeva, tāvadeva, punadeva.

Nāmato, yadattham, tadattham, yadantarā, tadantarā, tadaṅgavimutti, etadattham, attadattham, sadatthapasuto siyā. Yatetattasehi samāseyeva.

**Ādisaddena** aññadattham, manasādaññā vimuttānaṃ, bahudeva rattiṃ, ahudeva bhayaṃ.

**Vāti** kiṃ? Kenaci atthakāmena, sammā aññāya, yāvāham, tāvāham, punāparaṃ, attattham.

**Nakāro** āyatādimhi. Ito āyati ito nāyati, ciram nāyati.

**Takāro** yasmā tasmā ajjādito ihaggādimhi. Yasmātiha, tasmātiha, ajjatagge.

**Rakāro** ni dupātu puna dhī pāta caturādito. Ni antaram nirantaram, evam nirālayo, nirindhano, nirihakam, niruttaro, nirojam. Du atikkamo duratikkamo, durāgataṃ, duruttaṃ. Pāturahosi, pāturaheṣuṃ. Punarāgaccheyya, punaruttaṃ, punareva, punareti. Dhiratthu. Pātarāso.

**Catusaddādito**, caturaṅgikam, caturārakkhā, caturiddhipādapaṭilābho, caturoghaniṭṭharaṇattham. Bhatturatthe, vuttiresā, pathavīdhātūresā.

Tathā sarato ivevesu chandānurakkhaṇe. Nakkhattarājāriva tārakānaṃ, vijjurivabbhakūṭe, āraggeriva sāsapo, sāsaporiva āragge, usabhoriva, sabbhireva samāsetha.

**Vāti** kiṃ? Dvādhiṭṭhitam, pātvākāsi, punapi.

**Lakāro** chasaṅkhyāhi. Laḷānamaviseso. Cha abhiññā chaḷabhiññā, chaḷaṅgam, chaḷāsīti, chaḷaṃsā, saḷāyatanaṃ.

**Vāti** kiṃ? Cha abhiññā.

Iti sarasandhividhānaṃ niṭṭhitam.

### Itthilinga

Atha itthilingāni vuccante.

Akāranto itthilingasaddo appasiddho.

Ākāranto itthilingo **kaññāsaddo**. “Kañña”iti ṭhite –

#### 176. Itthiyamato āppaccayo.

Itthiyam vattamānā akāranto itthilingamhā paro āppaccayo hoti.

Pakatyatthajotakā itthi-ppaccayā syādayo viya;  
Nādayo paccayatthassa, sakatthassāpi vācakā.

“Saralopo”tiādinā pubbassare lutte, paranayane ca kate  
“dhātuppaccayavibhattivajjitamatthavaṃ līṅga”nti vuttattāva paccayantassāpi alīṅgattā  
vibhattuppattiyamasampattāyaṃ “taddhitasamāsakitakā nāmaṃ vā’tavetunādīsu cā”ti ettha  
**vaggahaṇena** itthippaccayantassāpi nāmabyapadeso. Pure viya **syādyuppatti**, “sesato lopaṃ  
gasipī”ti silopo. Sā kaññā.

Bahuvacane “ālapane si gasañño”ti ito “sañño”, “te itthikhyā po”ti ito “itthikhyā”ti ca  
vattate.

#### 177. Ā gho.

Līṅgassanto ākaro yadā itthikhyo, tadā **ghasañño** hotīti **ghasaññāyaṃ** “ghapato ca yonaṃ  
lopo”ti vikappena **yo**lopo. Tā kaññā kaññāyo.

Ālapane “sakhato gasse vā”ti ito “gassā”ti vattate.

**178. Ghate ca.**

**Ghato** parassa **gassa ekāro** hoti, saralopādi. Bhoti kaññe, bhotiyo kaññā kaññāyo.

Aṃmhi saralopapakatibhāvā kaññam, kaññā kaññāyo.

Tatiyādīsu ‘‘āya catutthekavacanassa tū’’ti ito ‘‘āyo, ekavacanāna’’nti ca vattate.

**179. Ghato nādīnaṃ.**

**Ghasaññato** liṅgassākārā paresaṃ **nādīnaṃ smiṃ**pariyantānaṃ ekavacanānaṃ vibhattigaṇānaṃ **āyā**deso hoti. Saralopaparanayanāni. Kaññāya, kaññāhi kaññābhi, kaññāya, kaññānaṃ, kaññāya, kaññāhi kaññābhi, kaññāya, kaññānaṃ.

**Smiṃ**mhi –

**180. Ghapato smiṃ yaṃ vā.**

**Ghapato** parassa **smiṃ**vacanassa **yaṃ** hoti vā, aññatthāyādeso. Kaññāyaṃ kaññāya, kaññāsu.

Evamaññepi –

Saddhā medhā paññā vijjā, cintā mantā vīṇā taṇhā;  
Icchā mucchā eja māyā, mettā mattā sikkhā bhikkhā.

Jaṅghā gīvā jivhā vācā,  
Chāyā āsā gaṅgā nāvā;  
Gāthā senā lekhā sālā,  
Mālā velā pūjā khiḍḍā.

Pipāsā vedanā saññā, cetanā tasiṇā pajā;  
Devatā vaṭṭakā godhā, balākā parisā sabhā.

Ūkāsephālikā laṅkā, salākā vālikā sikhā;  
Visākhā visikhā sākhā, vacā vañjhā jaṭā ghaṭā.

Jeṭṭhā soṇḍā vitaṇḍā ca, karuṇā vanitā latā;  
Kathā niddā sudhā rādhā, vāsanā siṃsapā papā.

Pabhā sīmā khamā jāyā,  
Khattiyā sakkharā surā;  
Dolā tulā silā līlā,  
Lāle’lā mekhalā kalā.

Vaḷavā’lambusā mūsā, mañjūsā sulasā disā;  
Nāsā juṇhā guhā ihā, lasikā vasudhādayo.

Ammādīnaṃ ālapaneva rūpabhedo. Ammā, ammā ammāyo.

**Gassa** ‘‘ghate cā’’ti ekāre sampatte –

**181. Na ammādito.**

**Ammā annā**iccevamādito parassa gassa ālapanevakavacanassa na ekārattaṃ hoti. ‘‘Ākāro vā’’ti

rassattaṃ.

Bhoti amma bhoti ammā, bhotiyo ammā ammāyo. Evaṃ annā, annā annāyo, bhoti anna bhoti annā, bhotiyo annā annāyo. Ambā, ambā ambāyo, bhoti amba bhoti ambā, bhotiyo ambā ambāyo iccādi.

Ākāraṇtaṃ.

Ikāraṇto itthiliṅgo **rattisaddo**;  
Tattheva **syādyuppatti**, **silopo**, **ratti**.

Bahuvacane “saññā, ivaṇṇuvaṇṇā”ti ca vattate.

### 182. Te itthikhyā po.

Itthiyā ākhyā saññā **itthikhyā**, liṅgassantā te ivaṇṇuvaṇṇā yadā itthikhyā, tadā **pasaññā** hontīti **pasaññāyaṃ** “ghapato cā”tiādīnā **yolopo**, “yosu kata”iccādinā dīgho. Rattī rattiyo ratyo vā, he ratti, he rattī he rattiyo.

“Aṃmo”tiādīnā niggaḥitaṃ, rattim, rattī rattiyo;  
Tatiyādīsu “ekavacanānaṃ, nādīna”nti ca vattate.

### 183. Pato yā.

**Pasaññato** ivaṇṇuvaṇṇehi paresaṃ **nādīnamekavacanānaṃ** vibhattigaṇānaṃ **yāādeso** hoti. Rattiyā, rattīhi rattībhi rattīhi rattībhi, rattiyā, rattīnaṃ rattinaṃ.

Pañcamiyaṃ –

### 184. Amā pato smiṃsmānaṃ vā.

**Paiccetasmā** paresaṃ **smiṃ smā**icchetesaṃ yathākkamaṃ **aṃ āādesā** hontī vā. Vavatthitavibhāsathoyaṃ **vāsaddo**, tena **uvaṇṇantato** na hontī, **ivaṇṇantatopi** yathāpayogaṃ.

“Sare, yakāro”ti ca vattate, sīhamaṇḍūkagatīhi **yovacane kavacanaggahaṇaṇca**.

### 185. Pasaññassa ca.

**Pasaññassa** ivaṇṇassa **yovacane kavacanavibhattīnamādeso** sare pare **yakāro** hoti. Ettha ca **yakārassevādhikārato** **pasaññaggahaṇena** ivaṇṇova gayhati, **caggahaṇaṃ** “ratto”tiādīsu nivattanattaṃ. Ratyā rattiyā, rattīhi rattībhi rattīhi rattībhi, rattiyā, rattīnaṃ rattinaṃ. **Smiṃ**vacane amādesa **yakārādesā**, ratyaṃ. “Ghapato smiṃ yaṃ vā”ti **yaṃādeso**, rattiyaṃ.

Aññattha “aṃ, smiṃ, vā”ti ca vattate.

### 186. Ādīto o ca.

**Ādiiccetasmā** **smiṃ**vacanassa **aṃ** oādesā hontī vā. **Casaddena** aññasmāpi **ā aṃ** oādesā. Ratyā rattim ratto rattiyā, rattīsu rattīsu.

Evamaññānīpi –

Patti yutti vutti kitti, mutti titti khanti kanti;  
Santī tantī siddhi suddhi, iddhi vuddhi buddhi bodhi.

Bhūmi jāti pīti sūti, nandi sandhi sāṇi koṭi;  
 Diṭṭhi vuḍḍhi tuṭṭhi yaṭṭhi, pāḷi āḷi nāḷi keḷi;  
 Sati mati gati cuti, dhiti yuvati vikati.

Rati ruci rasmi asani vasani osadhi aṅguli dhūli **duṇḍubhi** doṇi aṭavi chavi āḍiṇi  
**ikārantanāmāni**.

**Ikārantam.**

**Īkārantō** itthilingo **itthīsaddo**;  
 “Ittha” itidha “itthiyam, paccayo” ti ca vattate.

### 187. Nadādito vā ī.

**Nadādito** vā **anadādito** vā itthiyam vattamānā līngamhā īppaccayo hoti.  
**Vāggahaṇamanadādisampiṇḍanattham**, tena **puṭhugavādito** ca ī.

Saralope “kvacāsavaṇṇam lutte” ti asavaṇṇe sampatte pakatibhāvo nāmabyapadeso,  
**syādyuppatti**. Itthī, itthī “agho rassa” ntiādinā rassattam, itthiyo. Sambodhane “jhalapā rassa” nti  
 rassattam. Bhoti itthi, bhotiyo itthī itthiyo.

Dutiyekavacane “ghapato smiṇ yaṃ vā” ti ito “vā” ti vattate.

### 188. Aṃ yamīto pasaññato.

**Pasaññato** ikārato parassa **aṃ** vacanassa **yaṃ** hoti vā. Itthiyam itthiṃ, itthī itthiyo, itthiyā, itthīhi  
 itthībhi, itthiyā, itthīnam, itthiyā, itthīhi itthībhi, itthiyā, itthīnam, itthiyam itthiyā, itthīsu.

Evam nadī, nadī. **Yolopābhāve** “tato yonamo tū” ti ettha **tusaddena** yonamokāro ca,  
 “pasaññassa cā” ti ikārassa **yakāro**, “yavataṃ talana” iccādinā dyassa **jakāro**, dvittam. Najjo  
 sandanti, nadiyo.

Ettha cevaṃ sījḥantānaṃ **najjo** ādinam vuttiyam ānattaggahaṇādinā nipphādanaṃ **atraja**  
**sugatā** dinam viya nipphādanūpāyantaradassanatthanti daṭṭhabbam.

He nadi, he nadī he najjo he nadiyo, nadiyam nadiṃ, nadī najjo nadiyo.

Amādisutte **ā patoti** yogavibhāgena kvaci nāsānañcāttam, tena na jaccā vasalo hoti, pathabyā  
 ekarajjenāti ādi ca sījḥati, pure viya **yakārajakārādesadvittāni**.

Najjā kataṃ nadiyā, nadīhi nadībhi, najjā nadiyā, nadīnam, najjā nadiyā, nadīhi nadībhi,  
 najjā nadiyā, nadīnam, najjam nadiyam nadiyā, nadīsu.

Aññepi –

Mahī veteraṇī vāpī, pāṭalī kadalī ghaṭī;  
 Nārī kumārī taruṇī, vāruṇī brāhmaṇī sakhī.

Gandhabbī kinnarī nāgī, devī yakkhī aji migī;  
 Vānarī sūkārī sīhī, haṃsī kākī ca kukkuṭī –

Iccādayo **itthīsaddasamā**.

Tatheva **mātulasaddato** īppaccaye kate –

### 189. Mātulādīnamānattamīkāre.

**Mātula ayyakavaruṇa**iccevamādīnamanto **ānattamāpajjate** ikāre paccaye pare, antāpekkhāyaṃ chaṭṭhī, saralopādi. Mātulānī, evaṃ ayyakānī, varuṇānī, sesaṃ **itthīsaddasamaṃ**.

**Anadādīsu puthusaddato** īppaccayo. “O sare cā”ti ettha **casaddena ukārassa avādeso**. Puthavī, puthaviyo. **Sasmā smiṃsu** puthabyā puthaviyā, puthabyā puthaviyā, puthabyaṃ puthaviyaṃ puthaviyā iccādi.

**Gosaddato** “nadādito vā ī”ti īppaccayo. Mahāvuttinā vā “gāva se”ti ettha **gāvaiti** yogavibhāgena vā **okārassa avādeso**. Gāvī, gāvī gāvīyo iccādi **itthīsaddasamaṃ**.

“Mānava”itīdha “itthiyaṃ, vā, ī”ti ca vattate.

### 190. Nava nika ṇeyya ṇantuhi.

**Nava nika ṇeyya ṇantu**ppaccayantehi itthiyaṃ vattamānehi liṅgehi īppaccayo hoti. **Vādhikāro** kattāhaci nivattanattho, saralopādi. Mānavī, evaṃ nāvīkī, venateyyī, gotamī.

“Guṇavantu ī”itīdha “vā”ti vattate.

### 191. Ntussa tamīkāre.

Sabbasseva **ntuppaccayassa takāro** hoti vā **ikārappaccaye** pare, aññattha saralopādi. Guṇavatī, guṇavatī guṇavatiyo, guṇavantī, guṇavantī guṇavantiyo iccādi **itthīsaddasamaṃ**.

Evaṃ kulavatī, sīlavatī, yasavatī, rūpavatī, satimatī, gottamatī.

**Mahantasaddato** “nadādito vā ī”ti īppaccayo, **ntubyapadeso** vikappena **takārādeso**. Mahatī mahantī.

“Bhavanta ī”itīdha “ikāre”ti vattate.

### 192. Bhavato bhoti.

Sabbasseva **bhavantasaddassa bhotādeso** hoti ikāre itthigate pare. Sā bhotī, bhotī bhotiyo, he bhoti, he bhotī bhotiyo iccādi.

“Bhikkhu” itīdha “itthiya”nti vattate “vā”ti ca.

### 193. Patibhikkhurājīkārantehi inī.

**Pati bhikkhu rāja** iccetehi ikārantehi ca itthiyaṃ vattamānehi liṅgehi **inīppaccayo** hoti.

“Saralopo” mādesa”iccādisutte **tuggahaṇena** kvaci pubbalopassa nisedhanato “vā paro asarūpā”ti saralopo. Bhikkhunī, bhikkhunī bhikkhuniyo iccādi.

**Gahapatīsaddato** inī, “atta”miti vattate.

### 194. Patissinīmhi.

**Patisaddassa** anto **attamāpajjate inīppaccaye** pare. Tatheva parasare lutte “pubbo cā”ti dīgho, gahapatānī.

Tatheva **rājasaddato inī**, saralopapakatibhāvā, rājini. **Īkārantesu daṇḍī**saddato inī, saralopādi, daṇḍinī, daṇḍinī daṇḍiniyo, evaṃ hatthinī, medhāvinī, tapassinī, piyabhāṇinī iccādi.

“Pokkharinī” itīdha “tesu vuddhī”tiādinā **ikāranakārānaṃ akāraṇakārādesā**, pokkharāṇī, pokkharāṇī. “Tato yonamo tū”ti sutte **tuggahaṇena yonamokāro ca, ikārassa yakāro**, “yavata”miccādisutte **kāraggaṇena nyassa ñakāro**, dvittama. Pokkharāṇiṇo pokkharāṇiyo vā iccādi.

**Vādhikāro** anuttasamuccayattho, tena **vidū yakkhāditopi inī**, paracittavidunī, saraloparassattāni, paracittavidunī paracittaviduniyo, yakkhinī yakkhiniyo, sīhinī sīhiniyo iccādi.

**Īkārantaṃ.**

Ukāranto itthiliṅgo **yāgusaddo**.

Tassa **rattisaddasseva rūpanayo**. Amādesādiabhāvova viseso.

Yāgu, yāgū yāguyo, he yāgu, he yāgū yāguyo, yāguṃ, yāgū yāguyo, yāguyā, yāgūhi yāgūbhi yāguhi yāgubhi, yāguyā, yāgūnaṃ yāgunaṃ, yāguyā, yāgūhi yāgūbhi yāguhi yāgubhi, yāguyā, yāgūnaṃ yāgunaṃ, yāguyā, yāgūsu yāgusu.

Evaṃ dhātu dhenu kāsū daddu kacchu kaṇḍu rajju kareṇu piyaṅgu sassuādīni.

**Mātusaddassa** bhedo. Tassa **pitusaddasseva rūpanayo**. “Āratta”miti bhāvaniddesena **ārādesābhāve** “pato yā”ti **yādesova viseso**.

Mātā, mātaro, bhoti mātā, bhoti mātā bhotiyo mātaro, mātaraṃ, mātare mātaro, mātārā mātuyā matyā, “tesu vuddhī”tiādinā **ukāralopo**, rassattañca. Mātarehi mātarebhi mātūhi mātūbhi mātūhi mātūbhi, mātu mātussa mātuyā, mātārānaṃ mātānaṃ mātūnaṃ mātunaṃ, mātārā mātuyā, mātarehi mātarebhi mātūhi mātūbhi, mātu mātussa mātuyā, mātārānaṃ mātānaṃ mātūnaṃ mātunaṃ, mātari, mātāresu mātūsu mātusu.

Evaṃ dhītā, dhītaro, duhitā, duhitaro iccādi.

**Ukārantaṃ.**

Ūkāranto itthiliṅgo **jambūsaddo**.

Jambū, jambū jambuyo, he jambu, he jambū jambuyo, jambuṃ, jambū jambuyo iccādi **itthīsaddasamaṃ**.

Evaṃ vadhū ca sarabhū, sarabū sutanū camū;  
Vāmūrū nāganāsūrū, samāni khalu jambuyā.

**Ūkārantaṃ.**

Okāranto itthiliṅgo **gosaddo**.

Tassa pulliṅgago**saddasseva rūpanayo**.

Kaṇṇā ratti nadī itthī, mātulānī ca bhikkhunī;  
Daṇḍinī yāgu mātā ca, jambū gotitthisaṅgaho.

**Itthiliṅgaṃ niṭṭhitaṃ.**

## Napuṃsakaliṅga

Atha napuṃsakaliṅgāni vuccante.

Akāranto napuṃsakaliṅgo **cittasaddo**.

Pure viya **syādyuppatti**, “citta si” itīdha –

“Napuṃsakehi, ato nicca”nti ca vattate.

### 195. Siṃ.

**Si**, **aṃ**iti dvipadamidaṃ. Akārantehi napuṃsakaliṅgehi parassa **sivacanassa aṃ** hoti niccaṃ. Saralopapakatibhāvādi, cittaṃ.

Bahuvacane “yonaṃ ni napuṃsakehī”ti vattate.

### 196. Ato niccaṃ.

Akārantehi napuṃsakaliṅgehi **yonaṃ niccaṃ ni** hoti. “Sabbayonīnamāe”ti **nissa vā ākāro**. Aññattha “yosu kata”iccādīnā dīgho. Cittā cittāni.

Yonaṃ nibhāve cāette, siddhepi avisesato;  
“Ato nicca”nti ārambhā, āettaṃ kvacidevidha.

Ālapane **galopo**. He citta, he cittā cittāni, dutiyāyaṃ **nissa** vikappenekāro. Cittaṃ, citte cittāni. Sesam **purisa**saddena samaṃ.

Evamaññānīpi –

Puñña pāpa phala rūpa sādhanam,  
Sota ghāna sukha dukkha kāraṇam;  
Dāna sīla dhana jhāna locanam,  
Mūla kūla bala jālamaṅgalam.

Naḷina liṅga mukha’ṅga jala’mbujam,  
Pulina dhañña hirañña padā’matam;  
Paduma vaṇṇa susāna vanā’yudham,  
Hadaya cīvara vattha kuli’ndriyam.

Nayana vadana yāno’dāna sopāna pānam,  
Bhavana bhuvana lohā’lāta tuṇḍa’ṇḍa pīṭham;  
Karaṇa maraṇa ñāṇā’rammaṇā’rañña tāṇam,  
Caraṇa nagara tīracchatta chiddo’dakāni –

Iccādīni.

**Kamma**saddassa tatiyekavacanādīsu rūpabhedo.

Kammaṃ, kammā kammāni, he kamma, he kammā kammāni, kammaṃ, kamme kammāni.

“Vā, u, nāmhi, cā”ti ca vattate.

### 197. A kammantassa ca.



**Kammasaddantassa ukāra akārādesā honti vā nāmhi vibhattimhi. Antaggahaṇena thāmaddhādīnamantassapi uttaṃ. Casaddaggahaṇena yuva maghavānamantassa ā hoti kvaci nā suicetesu. Kammunā kammanā kammena vā, kammehi kammebhi.**

**Sasmāsu** ‘‘u nāmhi cā’’ti ettha **casaddena puma kammathāmantassa** cukāro vā **sasmāsūti uttaṃ**. Kammuno kammaṣṣa, kammānaṃ, kammunā kammā kammamhā kammasmā, kammehi kammebhi, kammuno kammaṣṣa, kammānaṃ.

**Smiṃ**vacane ‘‘brahmato tu smiṃnī’’ti ettha **tusaddena** kvaci **ni** hoti. Kammani kamme kammamhi kammasmīṃ, kammesu.

Evaṃ thāmunā thāmena thāmasā vā, thāmuno thāmassa, thāmunā thāmā. Addhunā, addhuno iccādi purimasamaṃ.

**Guṇavantu si**, ‘‘savibhattissa, ntussa, simhī’’ti ca vattate.

### 198. Aṃ napuṃsake.

Napuṃsake vattamānassa liṅgassa sambandhino **ntuppaccayassa** savibhattissa **aṃ** hoti **simhi** vibhattimhi. Guṇavaṃ cittaṃ.

**Yomhi** ‘‘ntussanto yosu cā’’ti **attaṃ, ikāro** ca. Guṇavanti, guṇavantāni, sesaṃ ñeyyaṃ.

**Gacchanta si**, ‘‘simhi gacchantādīnaṃ ntaṣaddo a’’miti **aṃ**. Gacchaṃ gacchantaṃ, gacchantā gacchantāni.

**Ākāraṃtaṃ.**

Ākāraṃto napuṃsakaliṅgo **assaddhā**saddo.

‘‘Assaddhā’’iti ṭhite –

‘‘Samāsassā’’ti adhikicca ‘‘saro rasso napuṃsake’’ti samāsantassa rassattaṃ, samāsattā nāmabyapadeso, **syādyuppatti**. Sesaṃ **cittasamaṃ**.

Assaddhaṃ kulaṃ, assaddhā assaddhāni kulāni iccādi.

Tathā **mukhanāsikā**saddo. Tassa dvandekattā sabbatthekavacanameva. Mukhanāsikaṃ, he mukhanāsika, mukhanāsikaṃ, mukhanāsikena iccādi.

**Ākāraṃtaṃ.**

Ikāraṃto napuṃsakaliṅgo **aṭṭhi**saddo.

**Syādyuppatti, silopo, aṭṭhi**.

‘‘Vā’’ti vattate.

### 199. Yonaṃ ni napuṃsakehi.

Napuṃsakaliṅgehi paresaṃ sabbesaṃ **yonaṃ ni** hoti vā.

Aṭṭhīni, aññattha niccaṃ **yolopo, dīgho** ca, aṭṭhī, tathā he aṭṭhi, he aṭṭhī aṭṭhīni, aṭṭhiṃ, aṭṭhī

aṭṭhīni, aṭṭhinā iccādi **aggisaddasamaṃ**.

Evamaṃ satthi dadhi vāri akkhi acchi acci iccādīni.

**Ikārantamaṃ.**

**Ikāranto** napuṃsakaliṅgo **sukhakārī**saddo.

“Sukhabhārī si” itīdha anapuṃsakattābhāvā **sismimpi** “agho rassa” miccādinā rassattaṃ, **silopo**. Sukhakāri dānaṃ, sukhakārī sukhakārīni, he sukhakāri, he sukhakārī he sukhakārīni, sukhakārīnaṃ sukhakārīṃ, sukhakārī sukhakārīni.

Sesamaṃ **daṇḍīsaddasamaṃ**. Evamaṃ **sīghayāyī**ādīni.

**Īkārantaṃ.**

**Ukāranto** napuṃsakaliṅgo **āyusaddo**. Tassa **aṭṭhisaddasseva** rūpanayo.

Āyu, āyū āyūni, he āyu, he āyū he āyūni, āyuṃ, āyū āyūni, āyunā āyusāti manogaṇādittā siddhaṃ. Āyūhi āyūbhi, āyuno āyussa, āyūnamiccādi.

Evamaṃ cakkhu vasu dhanu dāru tipu madhu hiṅgu siggu vatthu matthu jatu ambu assuādīni.

**Ukārantaṃ.**

**Ūkāranto** napuṃsakaliṅgo **gotrabhū**saddo.

**Gotrabhū si**, napuṃsakattā rassattaṃ, **silopo**. Gotrabhu cittaṃ, gotrabhū gotrabhūni, he gotrabhu, he gotrabhū he gotrabhūni, gotrabhuṃ, gotrabhū gotrabhūni, gotrabhunā iccādi pulliṅge **abhibhū**saddasamaṃ.

Evamaṃ abhibhū sayambhū dhammaññūādīni.

**Ūkārantaṃ.**

**Okāranto** napuṃsakaliṅgo **cittagosaddo**.

“Cittā gāvo assa kulassā” ti atthe bahubbīhisamāse kate “saro rasso napuṃsake” ti okārassa ṭhānappayatanāsannattā rassattamukāro, **syādyuppatti**, **silopo**. Cittagu kulaṃ, cittaḡū cittaḡūni iccādi **āyusaddasamaṃ**.

**Okārantaṃ.**

Cittaṃ kammañca assaddha-mathaṭṭhi sukhakāri ca;  
Āyu gotrabhū dhammaññū, cittaḡūti napuṃsake.

Napuṃsakaliṅgaṃ niṭṭhitaṃ.

**Sabbanāma**

Atha sabbanāmāni vuccante.

Sabba, katara, katama, ubhaya, itara, añña, aññatara, aññatama, pubba, para, apara, dakkhiṇa,

uttara, adhara, ya, ta, eta, ima, amu, kiṃ, eka, ubha, dvi, ti, catu, tumha, amha iti sattavīsati sabbanāmāni, tāni sabbanāmattā tilingāni.

Tattha **sabba**saddo niravasesattho, so yadā pulliṅgavisitṭhatthābhidhāyī, tadā rūpanayo. Pure viya **syādy**uppatti, “so”ti **si**ssa **okā**ro, saralopaparanayanāni. Sabbo jano.

Bahuvacane “sabba yo” itīdha “parasamaññā payoge”ti sabbādīnaṃ sabbanāmasaññā.

“Yo”ti vattate.

### 200. Sabbanāmakārate paṭhamo.

Sabbesaṃ itthipumanapuṃsakānaṃ nāmāni **sabbanāmāni**, tesam sabbesaṃ sabbanāmasaññānaṃ liṅgānaṃ **akā**rato paro paṭhamo **yo** ettamāpajjate. Sabbe purisā.

**Akā**ratoti kiṃ? Sabbā amū.

He sabba sabbā, he sabbe, sabbaṃ, sabbe, sabbena, sabbehi sabbebhi.

Catutthekavacane **āyā**dese sampatte –

“Ato, ā e, smāsmiṃnaṃ, āya catutthekavacanassā”ti ca vattate.

### 201. Tayo neva ca sabbanāmehi.

Akāraṇtehi sabbanāmehi paresaṃ **smā smiṃ** iccetesam, catutthekavacanassa ca **ā e āya**iccete ādesā neva hontīti **āyā**desābhāvo. **Cagga**haṇaṃ katthaci paṭisedhanivattanatthaṃ, tena pubbādīhi **smā smiṃnaṃ ā e** ca honti. Sabbassa.

“Akāro, e”ti ca vattate.

### 202. Sabbanāmānaṃ naṃmhi ca.

Sabbesaṃ sabbanāmānaṃ **akā**ro ettamāpajjate **naṃ**mhi vibhattimhi.

“Sabbanāmato”ti ca vattate.

### 203. Sabbato naṃ saṃsānaṃ.

Sabbato sabbanāmato parassa **naṃ**vacanassa **saṃ sānaṃ**iccete ādesā honti.

Sabbesaṃ sabbesānaṃ, sabbasmā sabbamhā, sabbehi sabbebhi, sabbassa, sabbesaṃ sabbesānaṃ, sabbasmiṃ sabbamhi, sabbesu.

Itthiyaṃ “itthiyamato āppaccayo”ti **āpp**accayo. Aññaṃ **kaññā**saddasamaṃ aññaṭṭha **sa naṃ smiṃ**vacanehi. Sabbā pajā, sabbā sabbāyo, he sabbe, he sabbā sabbāyo, sabbaṃ, sabbā sabbāyo, sabbāya, sabbāhi sabbābhi.

Catutthekavacane “sabbanāmato vā”, **sabbato koti** ito “sabbato”ti ca vattate.

### 204. Ghapato smiṃsānaṃ saṃsā.

Sabbato sabbanāmato **gha**pasaññaṭṭha **smiṃ sa**iccetesam yathākkamaṃ **saṃsā**ādesā honti vā.

“Samsāsvevakavacanesu cā”ti vattate.

### 205. Gho rassam.

**Ghasañño ākāro** rassamāpajjate **samsāsvevakavacanesu** vibhattādesesu paresu.

“Sāgamo”ti vattate.

### 206. Samsāsvevakavacanesu ca.

**Sam** sāiccetesu ekavacanaṭṭhānasambhūtesu vibhattādesesu paresu liṅgamhā **sakārāgamo** hoti.

Sabbassā sabbāya, sabbāsam sabbāsānaṃ, sabbāya, sabbāhi sabbābhi, sabbassā sabbāya, sabbāsam sabbāsānaṃ.

**Smim**mhi “sabbanāmato, ghapato”ti ca vattate.

### 207. Netāhi smimāyayā.

Etehi sabbanāmehi **ghapasaññehi** parassa **smim**vacanassa neva **āya yādesā** hontīti **āyābhāvo**. **Vād**hikārato kvaci hoti dakkhiṇāya uttarāyāti ādi.

**Samyamādesā**, sabbassam sabbāyaṃ, sabbāsu.

Napuṃsake sabbam cittam, sabbāni, he sabba, he sabbāni, sabbam, sabbāni. Sesam pulliṅge viya ñeyyam.

Evam **katarādīnaṃ aññatamasaddapariyantānaṃ** tīsupi liṅgesu rūpanayo.

Tattha **katarakatamasaddā** pucchanatthā.

**Ubhayasaddo** dviavayavasamudāyavacano.

**Itarasaddo** vuttappaṭṭiyogavacano.

**Aññasaddo** adhikatāparavacano.

**Aññatara aññatamasaddā** aniyamatthā.

“Yo, sabbanāmakārate paṭhamo”ti ca vattate.

### 208. Dvandaṭṭhā vā.

Dvandasamāsattā sabbanāmakārato paro paṭhamo **yo** ettamāpajjate vā. Kataro ca katamo cāti katarakatame, katarakatamā vā iccādi.

**Pubbā**dayo disādivavatthānavacanā.

Pubbo kālo. Bahuvacane “dhātuliṅgehi parā paccayā”ti ettha **parā**ti niddesato pubbādīhi **yov**acanassa vikappenekāro.

Pubbe pubbā, he pubba, he pubbe he pubbā, pubbam, pubbe, pubbena, pubbehi pubbehi, pubbassa, pubbesam pubbesānaṃ. “Smāsmimnam vā”ti vikappenākārekārā.

Pubbā pubbasmā pubbamhā, pubbehi pubbebhi, pubbassa, pubbesaṃ pubbesānaṃ, pubbe pubbasmiṃ pubbamhi, pubbesu.

Itthiyaṃ pubbā disā, pubbā pubbāyo iccādi **sabbāsaddasamaṃ**.

Napuṃsake pubbam ṭhānaṃ, pubbāni, he pubba, he pubbāni, pubbam, pubbāni, sesaṃ pulliṅgasamaṃ. Evaṃ **parāparadakkhiṇuttarādharasaddā**.

“Sabbanāmato, dvandaṭṭhā”ti ca vattate.

### 209. Nāññaṃ sabbanāmikaṃ.

Dvandaṭṭhā sabbanāmato parassa yovacanassa ṭhapetvā eṭṭaṃ aññaṃ sabbanāmikaṃ kāriyaṃ na hoṭīti **samsāna**mādesābhāvo. Pubbāparānaṃ, pubbuttarānaṃ adharuttarānaṃ, “nāññaṃ sabbanāmika”nti vinādhikārena yogena tatiyāsamaṣepi. Māsapubbāya, māsapubbānaṃ.

“Nāññaṃ sabbanāmika”nti ca vattate.

### 210. Bahubbīhimhi ca.

Bahubbīhimhi ca samāse sabbanāmikavidhānaṃ nāññaṃ hoti. Piyapubbāya, piyapubbānaṃ, piyapubbe.

**Casaddaggaṇa**ṇena disatthasabbanāmānaṃ bahubbīhimhi sabbanāmikavidhānaṃva hoti.

Dakkiṇassā ca pubbassā ca yadantarāḷanti atthe bahubbīhi, dakkiṇapubbassaṃ, dakkiṇapubbassā, evaṃ uttarapubbassaṃ, uttarapubbassā iccādi.

**Yatetasaddādīna**mālapane rūpaṃ na sambhavati. **Yasaddo** aniyamattho.

Yo puriso, ye purisā, yaṃ, ye. Yā kaññā, yā yāyo, yaṃ, yā yāyo. Yaṃ cittaṃ, yāni, yaṃ, yāni. Sesaṃ sabbattha **sabbasaddasamaṃ**.

**Ta eta ima amu kiṃ**iccete parammukha samīpa accantasamīpadūra pucchanatthavacanā.

**Tasaddassa** bhedo. “Ta si” itīdha –

“Anapuṃsakassāyaṃ simhīti, sa”miti ca vattate.

### 211. Etatesaṃ to.

**Eta taiccetes**aṃ anapuṃsakānaṃ **takāro sakāramāpajjate** simhi vibhattimhi. So puriso.

**Sabbanāmaggaṇa**ṇa, ito **taggaṇa**ṇa vattate.

### 212. Tassa vā nattaṃ sabbattha.

**Taiccetassa** sabbanāmassa **takārassa nattaṃ** hoti vā sabbattha liṅgesu. Ne te, naṃ taṃ, ne te, nena tena, nehi nebhi tehi tebhi.

“Sabbassa, tassa vā sabbatthā”ti ca vattate.

### 213. Sasmāsiṃsamsāsvattaṃ.

**Ta**iccetassa sabbanāmassa sabbasseva **attaṃ** hoti vā **sa smā smiṃ saṃ sāiccesu** vacanesu sabbattha liṅgesu. Assa nassa tassa, nesam tesam nesānaṃ tesānaṃ.

“Smāhismiṃnaṃ mhābhimi vā”ti ito “smāsmiṃnaṃ, mhāmhī”ti ca vattate.

#### 214. Na timehi katākārehi.

**Ta** imaiccetehi katākārehi paresam **smāsmiṃnaṃ mhā mhiiccete** ādesā na honti.

### Pakatisandhividhāna

Atha sarānameva sandhikāriye sampatte pakatibhāvo vuccate.

“Sarā, pakatī”ti ca vattate.

#### 35. Sare kvaci.

Sarā kho sare pare kvaci chandabhedāsukhuccāraṇaṭṭhāne, sandhicchārahitaṭṭhāne ca pakatirūpāni honti, na lopādesavikāramāpajanteti attho.

Tattha **pakatiṭṭhānaṃ** nāma ālapanantā anitismiṃ acchandānurakkhaṇe asamāse padantadīghā ca ikārukārā ca nāmapadantātītakriyādīghā evamādi.

**Ālapanantesu** tāva – katamā cānanda aniccasaññā, katamā cānanda ādīnavasaññā, sārīputta idhekacco, ehi sivika uṭṭhehi, upāsakā idhekacco, bhoti ayye, bhikkhu arogaṃ tava sīlaṃ, siṅca bhikkhu imaṃ nāvaṃ, bhikkhave evaṃ vadāmi, pañcime gahapatayo ānisaṃsā iccevaṃmādisu pakatibhāvo, pubbasaralopaya<sup>av</sup>ādesādayo na honti.

**Kvaciggahaṇena itismiṃ** chandānurakkhaṇe sandhi hoti, yathā – sakkā devīti, namo te buddha vīratthu.

**Sareti** kiṃ? Sādhu mahārājāti, evaṃ kira bhikkhūti.

**Asamāse padantadīghesu** – āyasmā ānando gāthā ajjhabhāsi, devā ābhassarā yathā, tevijjā idhipattā ca, bhagavā uṭṭhāyāsanā, bhagavā etadavoca, abhivādetvā ekamantaṃ aṭṭhāsi, gantvā olokeno, bhūtavādī atthavādī, yaṃ itthī arahā assa, sāmavati āha, pāpakārī ubhayattha tappati, nadi ottharati, ye te bhikkhū appicchā, bhikkhū āmantesi, bhikkhūujjhāyimsu, bhikkhū evamāhaṃsu, imasmīṃ gāme ārakkhakā, sabbe ime, katame ekādasa, gambhīre odakantike, appamādo amatapadaṃ, saṅgho āgacchatu, ko imaṃ pathaviṃ viccessati, āloko udapādi, eko ekāya, cattāro oghā.

**Nipātesupi** – are ahampi, sace imassa kāyassa, no abhikkamo, aho acchariyo, atho anto ca, atha kho āyasmā, atho oṭṭhavacittakā, tato āmantayī satthā.

**Kvaciggahaṇena akāra** itīvevetthādīsu sandhipi. Yathā – āgatattha, āgatamhā, katamāssu cattāro, appassutāyaṃ puriso, itthīti, ca marīva, sabbeva, sveva, eseva nayo, parisuddhetthāyasmanto, nettha, taṃ kutettha labbhā, sacesa brāhmaṇa, tathūpamaṃ, yathāha.

**Asamāseti** kiṃ? Jivhāyatanam, avijjogho, itthindriyam, abhibhāyatanam, bhayatupaṭṭhānam. **Acchandānurakkhaṇeti** kiṃ? Saddhīdha vittaṃ purisassa setṭham, yo missaro.

**Nāmapadantaikārukāresu** – gāthāhi ajjhabhāsi, pupphāni āharimsu, satthu adāsi.

**Kvacīti** kiṃ? Manasākāsi.

### 36. Sarā pakati byañjane.

Sarā kho byañjane pare pakatirūpā hontīti yebhuyyena dīgharassalopehi vikārābhāvo. Yathā – accayo, paccayo, bhāsati vā karoti vā, vedanākkhandho, bhāgyavā, bhadro kasāmiva, dīyati, tuṅhībhūto, so dhammaṃ deseti.

Iti pakatisandhividhānaṃ niṭṭhitam.

#### Byañjanasandhividhāna

Atha byañjanasandhi vuccate.

“Byañjane”ti adhikāro, “sarā, kvacī”ti ca vattate.

### 37. Dīghaṃ.

Sarā kho byañjane pare kvaci dīghaṃ pappontīti suttasukhuccāraṇachandānurakkhaṇaṭṭhānesu dīgho.

Tyassa pahīnā tyāssa pahīnā, svassa svāssa, madhuva maññati bālo madhuvā maññatī bālo, tathā evaṃ gāme munī care, khantī paramaṃ tapo titikkhā, na maṅkū bhavissāmi, svākkhāto, yvāhaṃ, kāmato jāyatī soko, kāmato jāyatī bhayaṃ, sakko ujū ca suhujū ca, anūpaghāto, dūrakkhaṃ, dūramaṃ, sūrakkhaṃ, dūharatā.

**Kvacīti** kim? Tyajja, svassa, patiliyyati.

Yiṭṭhaṃ vā hutam vā loke, yadi vā sāvake, puggalā dhammasā te, bhovādī nāma so hoti, yathābhāvī guṇena so itīdha –

Pubbasmimye vādhi kāre –

### 38. Rassaṃ.

Sarā kho byañjane pare kvaci rassaṃ pappontīti chandānurakkhaṇe, āgame, saṃyoge ca rassattaṃ.

**Chandānurakkhaṇe** tāva yiṭṭhaṃva hutamva loke, yadiva sāvake, puggala dhammasā te, bhovādī nāma so hoti, yathābhāvī guṇena so.

**Āgame** yathayidaṃ, sammadakkhāto.

**Saṃyoge** parākamo parakkamo, āsādo assādo, evaṃ taṇhakkhayo, jhānassa lābhimhi, vasimhi, thullaccayo.

**Kvacīti** kim? Māyidaṃ, manasā daññā vimuttānaṃ, yathākkamaṃ, ākhyātikaṃ, dīyyati, sūyyati.

Eso kho byantiṃ kāhiti, so gacchaṃ na nivattati iccatra –

Tasmimye vādhi kāre –

### 39. Lopaṇca tatrākāro.

Sarā kho byañjane pare kvaci lopaṃ papponti, tatra lutte ṭhāne akārāgamo ca hoti.

**Etatasaddantokārassevāyaṃ lopo.**

Esa kho byantiṃ kāhīti, sa gacchaṃ na nivattati, evaṃ esa dhammo, esa pattosi, sa muni, sa sīlavā.

**Kvacīti** kiṃ? Eso dhammo, so muni, so sīlavā.

**Casaddena etasaddantassa sarepi kvaci lopo.** Yathā – esa attho, esa ābhogo, esa idāni.

Vipariṇāmena “saramhā, byañjanassā”ti ca vattate.

#### **40. Paradvebhāvo ṭhāne.**

Saramhā parassa byañjanassa dvebhāvo hoti ṭhāne. Dvinnaṃ bhāvo dvibhāvo, so eva dvebhāvo.

Ettha ca **ṭhānaṃ** nāma rassākārato paraṃ pa pati paṭīkamukusa kudha kī gaha juta ñāsi su sambhū sara sasādīnamādībyañjanānaṃ dvebhāvaṃ, tika taya tiṃsa vatādīnamādi ca, vatu vaṭudīsādīnamantañca, u du ni-upasagga ta catu cha santasaddādesādīparañca, apadantā nākārādīghato yakārādi ca,

Yavataṃ talanādīna-mādeso ca sayādīnaṃ;  
Saha dhātvantassādeso, sīsakāro tapādito.

**Chandānurakkhaṇe ca** – ghara jhe dhaṃsu bhamādīnamādi ca, rassākārato vaggānaṃ catutthadutiya ca iccevaṃmādi.

Tattha **pa pati paṭīsu** tāva – idha pamādo idhappamādo, evaṃ appamādo, vippayutto, suppasanno, sammā padhānaṃ sammappadhānaṃ, rassattaṃ, appativattiyo, adhipatippaccayo, suppatiṭṭhito, appaṭipuggalo, vippaṭīsāro, suppaṭipanno, suppaṭipatti.

**Kamādīdhātūsu** – pakkamo, paṭikkamo, hetukkamo, ākamati akkamati, evaṃ parakkamati, yathākkamaṃ.

Pakkosati, paṭikkosati, anukkosati, ākosati, akkosati.

Akkuddho, atikkodho.

Dhanakkīto, vikkayo, anukkayo.

Paggaho, viggaho, anuggaho, niggaho, candaggaho, diṭṭhiggāho.

Pajjoto, vijjotati, ujjoto.

Kataññū, viññū, paññānaṃ, viññānaṃ, anuññā, manuññā, samaññā.

Avassayo, nissayo, samussayo.

Appassuto, vissuto, bahussuto, āsavā assavā.

Passambhanto, vissambhati.

Aṭṭassaro, vissarati, anussarati.

Passasanto, vissasanto, mahussasanto, āsāso assāso.



Avissajjento, vissajjento, pariccajanto, upaddavo, upakkiliṭṭho, mittaddu, āyabbayo, udabbahi iccādi.

**Saramhāti** kim? Sampayutto, sampatijāto, sampaṭicchannaṃ, saṅkamanto, saṅgaho.

**Thāneti** kim? Mā ca pamādo, patigayhati, vacīpakopaṃ rakkheyya, ye pamattā yathā matā, manopakopaṃ rakkheyya, idha modati, pecca modati.

**Tikādīsu** – kusalattikaṃ, pītittikaṃ, hetuttikaṃ, vedanāttikaṃ, lokattayaṃ, bodhittayaṃ, vatthuttayaṃ. Ekattiṃsa, dvattiṃsa, catuttiṃsa. Sīlabbatam, subbato, sappīṭiko, samannāgato, punappunaṃ iccādi.

**Vatu vaṭu disādīnamante** yathā – vattati, vaṭṭati, dassanaṃ, phasso iccādi.

**U du ni upasaggādīparesu** – ukamaṃso ukamaṃso. Dukaraṃ dukkaraṃ, nikaṅkho nikkāṅkhe.

Evam uggaṭaṃ, duccharitaṃ, nijjaṭaṃ, uññātaṃ, unnati, uttaro, dukkaro, niddaro, unnato, dappañño, dubbalo, nimmalo, uyyutto, dullabho, nibbato, ussāho, dussaho, nissāro.

Tathā takkaro, tajjo, tanninno, tappabhavo, tammayo.

Catukkaṃ, catuddisaṃ, catuppādo, catubbidhaṃ, catussālaṃ.

Chakkaṃ, channavuti, chappadikā, chabbassāni.

Sakkāro, sakkato, saddiṭṭhi, sappuriso, mahabbalo.

**Thāneti** kim? Nikāyo, nidānaṃ, nivāso, nivāto, tato, catuvīsati, chasaṭṭhi.

**Yakārādīmhi** – nīyyati, sūyyati, abhibhūyya, viceyya, vineyya, dheyyaṃ, neyyaṃ, seyyo, jeyyo, veyyākaraṇo.

Ādisaddena etto, ettāvatā.

**Anākāraggaṇaṃ** kim? Mālāya, dolāya, samādāya.

**Thāneti** kim? Upanīyati, sūyati, toyam.

**Yavatamādesa** – jāti andho, vipali āso, ani āyo, yadi evaṃ, api ekacce, api ekadā iccatra, ikārassa ‘‘ivaṇṇo yaṃ navā’’ti yakāre kate –

‘‘Sabbassa so dāmhī vā’’ti ito maṇḍūkagatiyā vāti vattate.

**41. Yavataṃ talanadakārānaṃ byañjanāni calañajakārattaṃ.**

**Yakāravantānaṃ talanadakārānaṃ saṃyogabyañjanāni yathākkamaṃ calañajakārattamāpajjante vā.**

**Kāraggaṇaṃ yavataṃ sakāra ka ca ṭa pavaggānaṃ sakārakacaṭapavaggādesatthaṃ, tathā yavataṃ ta dha ṇakārānaṃ cha jhaṇakārādesatthaṃ, tato yavatamādesassa anena dvibhāvo.**

Jaccandho, vipallāso, aññāyo, yajjevaṃ, appekacce appekadā.

**Vāti** kim? Paṭisanthāravutyassa, bālyam, ālasyam.

**Saramhāti** kim? Añāyo, ākāsānañcāyatanam.

**Tapādito simhi** – tapassī, yasassī.

**Chandānurakkhaṇe** – nappajjahe vaṇṇabalaṃ purāṇam, ujjugatesu seyyo, gacchanti suggatinti.

Vaggacatutthadutiyesu pana tasmiṃyevādhikāre “paradvebhāvo ṭhāne”ti ca vattate.

Vaggacatutthadutiyaṇam sadisavasena dvibhāve sampatte niyamattamāha.

#### 42. Vagge ghosāghosānam tatiyapaṭhamā.

Saramhā parabhūtānam vagge ghosāghosānam byañjanānam yathākkamaṃ vaggatatiya paṭhamakkharā dvibhāvaṃ gacchanti ṭhāneti ṭhānāsannavasena tabbagge tatiyapaṭhamāva honti.

Ettha ca sampatte niyamattā **ghosāghosaggahaṇena** catutthadutiyaṃ adhippetā, itarathā aniṭṭhappasaṅgosiya. Tena “kataññū, tannayo, tammayo”tiādīsu vaggapañcamānam satipi ghosatte tatiyappasaṅgona hoti, ṭhānādhikārato vā.

**Gharādīsu pa u du niādi paracatutthesu** tāva – pagharati paggharati, evaṃ uggharati, ugghāṭeti, dugghoso, nigghoso, eseva cajjhānaphalo, paṭhamajjhānam, abhijjhāyati, ujjhāyati, viddhamseti, uddhamseto, uddhāro, niddhāro, niddhano, niddhuto, vibbhanto, ubbhato, dubbhikkham, nibbhayaṃ, tabbhāvo, catuddhā, cabhubbhi, chaddhā, saddhammo, sabbhūto, mahaddhano, mahabbhayaṃ.

**Yavata mādesādīsu** – bojjhaṅgā, āsabbham, bujjhitabham, bujjhati.

**Ṭhāneti** kim? Sīlavantassa jhāyino, ye jhānappasutā dhīrā, nidhānam, mahādhanam.

**Rassākāratoparam vaggadutiyesu** – pañca khandhā pañcakkhandhā, evaṃ rūpakkhando, akkhamo, abhikkhaṇam, avikkhepo, jātikkhettam, dhātukkhubho, āyukkhayo. Setachattam setacchattam, evaṃ sabbacchannam, vicchinnam, bodhicchāyā, jambucchāyā, samucchedo. Tatra ṭhito tatraṭṭhito, evaṃ thalaṭṭham, jalaṭṭham, adhiṭṭhitam, niṭṭhitam, cattāriṭṭhānāni, garuṭṭhāniyo, samuṭṭhito, suppaṭṭhāno. Yasatthero, yattha, tattha, pattharati, vitthāro, abhitthuto, vitthambhito, anutthunam, catuttho, kuttha. Papphoṭeti, mahapphalam, nipphalam, vipphāro, paripphuseyya, madhupphāṇitam.

**Ākārato** – ākhāto ākkhāto, evaṃ taṇhākkhāyo, āṇākkhettam, saññākkhandho, āchādayati, āchādayati, evaṃ āchindati, nāvāṭṭham, ātharati, āphoṭeti.

**Saramhāti** kim? Saṅkhāro, taṅkhaṇe, sañchannam, taṅṭhānam, santhuto, tamphalam.

**Ṭhāneti** kim? Pūvakhajjakam, tassa chaviyādīni chinditvā, yathā ṭhitam, katham, kammaphalam.

Nikamati, nipatti, nicayo, nicarati, nitarānam iccatra – “do dhassa cā”ti ettha caggahaṇassa bahulatthattā tena caggahaṇena yathāpayogaṃ bahudhā ādeso siyā.

Yathā – **ni upasaggato** kamu pada ci cara tarānam paṭhamassa vaggadutiyo iminā dvittam, nikkhamati, niphatti, nicchayo, niccharati, nittharaṇam.

Tathā **bo vassa** kuva diva siva vajādīnaṃ dvirūpassāti **vakāradvayassa bakāradvayaṃ**, yathā – kubbanto, evaṃ kubbāno, kubbanti, sadhātvantayādesassa dvittamaṃ. Divati dibbati, evaṃ dibbanto, sabbati, sabbanto, pavajati pabbajati, pabbajanto, nivānaṃ nibbānaṃ, nibbuto, nibbindati, udabbayaṃ iccādi.

**Lo rassa** pari taruṇādīnaṃ kvaci. Paripanno palipanno, evaṃ palibodho, pallānkaṃ, taruṇo taluno, mahāsālo, māluto, sukhumālo.

**To tassa** dukkatādīnaṃ kvaci. Yathā – dukkataṃ dukkaṭaṃ, evaṃ sukaṭaṃ, pahaṭo, patthaṭo, uddhaṭo, visaṭo iccādi.

**Ko tassa** niyatādīnaṃ kvaci. Niyato niyako.

**Yo jassa** nijādissa vā, nijaṃputtaṃ niyaṃputtaṃ.

**Ko gassa** kulūpagādīnaṃ, kulūpago kulūpako.

Tathā **ṇo nassa pa pariādito**. Panidhānaṃ paṇidhānaṃ, evaṃ paṇipāto, paṇāmo, paṇītaṃ, pariṇato, pariṇāmo, ninnayo niṇṇayo, evaṃ uṇṇato, oṇato iccādi.

Patiaggi, paṭihaññati itīdha –

#### 43. Kvaci paṭi patissa.

**Paṭiiccetassa** upasaggassa sare vā byañjane vā pare kvaci **paṭiādeso** hoti pubbassaralopo. Paṭaggi, paṭihaññati.

**Kvacīti** kiṃ? Paccattaṃ, patilīyati.

Puthajano puthabhūtaṃ itīdha “anto”ti vattate.

#### 44. Puthassu byañjane.

**Puthaiccetassa** anto saro **ukāro** hoti byañjane pare, dvittamaṃ. Puthujano, puthabhūtaṃ.

**Byañjaneti** kiṃ? Putha ayaṃ. “Puthassa a putha”iti samāseneva siddhe puna **anta**ggahaṇādhikārena kvaci aputhantassāpi uttamaṃ sare.

Mano aññaṃ manuññaṃ, evaṃ imaṃ evumaṃ, paralopo, iti evaṃ itvevaṃ, **ukārassa vakāro**.

Avakāso, avanaddho, avavadati, avasānamitīdha –

“Kvaci byañjane”ti ca vattate.

#### 45. O avassa.

**Avaiccetassa** upasaggassa **okāro** hoti kvaci byañjane pare. Okāso, onaddho, ovadati, osānaṃ.

**Kvacīti** kiṃ? Avasānaṃ, avasussatu.

**Byañjaneti** kiṃ? Avayāgamaṃ, avekkhati.

Avagate sūriye, avagacchati, avagahetvā itīdha –

“Avasse”ti vattate oggahaṇaṇca.

#### 46. Tabbiparītūpapade byañjane ca.

Avasaddassa upapade tiṭṭhamānassa tassokārassa viparīto ca hoti byañjane pare.

Tassa viparīto tabbiparīto, upocāritaṃ padaṃ upapadaṃ, **okāraviparīto**ti ukārassetaṃ adhivacanaṃ. Casaddo **katthaci** nivattanatto, dvittaṃ. Uggate sūriye, uggacchati, **uggahetvā**.

Atippakho tāva, parasataṃ, parasahassaṃ itīdha –

“Āgamo”ti vattate.

#### 47. Kvaci o byañjane.

Byañjane pare kvaci okārāgamo hotīti **atippa parasaddehi** okārāgamo “yavamada”iccādisutte **casaddena atippato gākārāgamo** ca.

Atippago kho tāva, parosataṃ, parosahassaṃ, ettha “sarā sare lopa”nti pubbassaralopo.

Manamayaṃ, ayamayaṃ itīdha “manogaṇādīna”nti vattate.

#### 48. Etesamo lope.

Etesaṃ manogaṇādīnamanto ottamāpajjate vibhattilope kate.

Manomayaṃ, ayomayaṃ, evaṃ manoseṭṭhā, ayopatto, tapodhano, tamonudo, siroruko, tejokasiṇaṃ, rajojallaṃ, ahorattaṃ, rahogato.

**Ādisaddena** āpodhātu, vāyodhātu.

Sīhagatiyā **vādhikārato** idha na bhavati, manamattena manacchaṭṭhānaṃ, ayakapallaṃ, tamavinodano, manaāyatanam.

Iti byañjanasandhividhānaṃ niṭṭhitaṃ.

### Niggahītasandhividhāna

Atha niggahītasandhi vuccate.

Taṇhaṃ karo, raṇaṃ jaho, saṃ ṭhito, jutiṃ dharo, saṃ mato itīdha “niggahīta”nti adhikāro, “byañjane”ti vattate.

#### 49. Vaggantaṃ vā vagge.

Vaggabhūte byañjane pare niggahītaṃ kho vaggantaṃ vā pappotīti nimittānusvarānaṃ ṭhānāsannavasena tabbaggapaṇcamaṃ hoti. Vavatthitavibhāsathoyaṃ **vāsaddo**. Tena “taṇhānkaro, raṇañjaho, saṅṭhito, jutindharo, sammato”tiādīsu niccaṃ.

Taṅkaroti taṃ karoti, taṅkhaṇaṃ taṃkhaṇaṃ, saṅgaho saṅgaho, taṅghataṃ taṃ ghataṃ. Dhammañcare dhammaṃ care, tañchannaṃ taṃ channaṃ, tañjātaṃ taṃ jātaṃ, taññānaṃ taṃ ñānaṃ. Taṅṭhānaṃ taṃ ṭhānaṃ, taṅḍahati **bhaṃ** ḍahati. Tantanoti taṃ tanoti, tanthiraṃ taṃ thiraṃ, tandānaṃ taṃ dānaṃ, tandhanaṃ taṃ dhanam, tanniccutaṃ taṃ niccutaṃ. Tampatto taṃ patto, tamphalaṃ taṃ phalaṃ, tesambodho tesam bodho, sambhūto sambhūto, tammittaṃ taṃ mittaṃ.

Kiṅkato kiṃ kato, dātuṅgato dātuṃ gatoti evamādīsu vikappena.

Idha na bhavati, na taṃ kammaṃ kataṃ sādhu, saraṇaṃ gacchāmi.

Sati copari **vā**ggahaṇe vijjhantare vā idha **vā**ggahaṇakaraṇamatthantaraviññāpanatthaṃ, tena niggahītassa **saṃ**upasaggapumantassa **le lakāro**. Yathā – paṭisaṃlīno paṭisallīno, evaṃ paṭisallāno, sallakkhaṇā, sallekho, sallāpo, puṃliṅgaṃ pulliṅgaṃ.

Paccattaṃ eva, taṃ eva, tañhi tassa, evañhi vo itīdha ‘‘vā’’ti adhikāro.

### 50. Ehe ñaṃ.

Ekārahakāre pare niggahītāṃ kho **ñakāraṃ** pappoti vā, **ekāre ñā**desassa dvibhāvo.

Paccattaññevapaccattaṃ eva, taññeva taṃ eva, tañhi tassa tañhi tassa, evañhi vo evañhi vo.

Vavatthitavibhāsattā **vās**addassa **evahinipātato** aññattha na hoti, yathā – evametaṃ, evaṃ hoti.

Saṃyogo, saṃyojanaṃ, saṃyato, saṃyācīkāya, yaṃ yadeva, ānantarikaṃ yamāhu itīdha ‘‘ña’’miti vattate.

### 51. Sa ye ca.

Niggahītāṃ kho **yakāre** pare saha **yakārena ñakāraṃ** pappoti vā, **ñā**desassa dvittāṃ.

Saññogo saṃyogo, saññojanaṃ saṃyojanaṃ, saññato saṃyato, saññācīkāya saṃyācīkāya, yaññadeva yaṃ yadeva, ānantarikaññamāhu ānantarikaṃ yamāhu.

**Vās**addassa vavatthitavibhāsattāva **saṃ**padantato ca sabbanāmayakāraparato ca niggahītā aññattha na hoti. Yathā – etaṃ yojanaṃ, taṃ yānaṃ, saraṇaṃ yanti.

Ettha ca ‘‘saha ye cā’’ti vattabbe ‘‘sa ye cā’’ti vacanato suttantesu sukhuccāraṇatthamakkharalopopīti daṭṭhabbaṃ, tena paṭisaṅkhāya yoniso paṭisaṅkhā yoniso, sayāṃ abhiññāya sacchikatvā sayāṃ abhiññā sacchikatvā, pariyesanāya pariyesanātiādi sījhati.

Taṃ ahaṃ brūmi, yaṃ āhu, dhaṇaṃ eva, kiṃ etaṃ, nindituṃ arahati, yaṃ aniccaṃ, taṃ anattā, etaṃ avoca, etaṃ eva iccatra –

### 52. Madā sare.

Niggahītassa kho sare pare **makāradakārādesā** honti vā. Ettha ca **vās**addādhikārassa vavatthitavibhāsattā **dakāro yatetasaddato** parasseva.

Tamaṃ brūmi, yamāhu, dhaṇameva, kimetaṃ, ninditumarahati, yadaniccaṃ, tadanattā, etadavoca, etadeva.

**Vā**ti kiṃ? Taṃ ahaṃ, etaṃ eva, akkocchi maṃ avadhi maṃ.

Ettha ca **madā**ti yogavibhāgena byañjanepi vā **makāro**. Tena ‘‘buddhama saraṇama gacchāmi’’tiādi sījhati.

Tāsaṃ ahaṃ santike, vidūnaṃ aggaṃ, tassa adāsīṃ ahaṃ itīdha ‘‘sare’’ti vattate.

### 53. Kvaci lopaṃ.

Niggahītaṃ kho sare pare lopaṃ pappoti kvaci chandānurakkhaṇe sukhuccāraṇaṭṭhāne. Pubbassaralopo, parassa asaṃyogantassa dīgho.

Tāsāhaṃ santike, vidūnaggaṃ, tassa adāsāhaṃ, tathāgatāhaṃ, evāhaṃ, kyāhaṃ.

**Kvacīti** kiṃ? Evamassa, kimahaṃ.

Ariyasaccānaṃ dassanaṃ, etaṃ buddhānaṃ sāsanaṃ, saṃratto, saṃrāgo, saṃrambho, avisamhāro, ciramaṃ pavāsimaṃ, gantuṃ kāmo, gantuṃ mano itīdha “kvaci lopa”nti vattate.

#### 54. **Byañjane ca.**

Niggahītaṃ kho byañjane ca pare lopaṃ pappoti kvaci chandānurakkhaṇādīmihi. **Rakārahakāresu** upasaggantassa dīgho.

Ariyasaccānaṃ dassanaṃ, etaṃ buddhānaṃ sāsanaṃ, sāratto, sārāgo, sārambho, avisāhāro, cirappavāsimaṃ, dvittaṃ, gantukāmo, gantumano.

**Kvacīti** kiṃ? Etaṃ maṅgalamuttamaṃ.

Kataṃ iti, kiṃ iti, abhinandumaṃ iti, uttattaṃ iva, cakkamaṃ iva, kaliṃ idāni, kiṃ idāni, tvaṃ asi, idaṃ api, uttariṃ api, dātumaṃ api, sadisaṃ eva itīdha “niggahītamhā, lopa”nti ca vattate.

#### 55. **Paro vā saro.**

Niggahītamhā paro saro lopaṃ pappoti vā. Niggahītassa vaggantattaṃ.

Katanti, kinti, abhinandunti, uttattaṃva, cakkamaṃva, kalindāni, kindāni, tvaṃsi, idampi, uttarimpi, dātumpi, sadisaṃva.

**Vāti** kiṃ? Kataṃ iti, kimiti, dātumapi, sāmaṃ eva.

Ayampi **vāsaddassa** vavatthitavibhāsattā itīvidānisīpevādito aññattha na hoti. Yathā – ahaṃ ettha, etaṃ ahosi.

Evamaṃ assa te āsavā, pupphaṃ assā uppajjati itīdha sare pare lutte vipariṇāmena “parasmiṃ, sare, lutte”ti ca vattate.

#### 56. **Byañjano ca visañño.**

Niggahītamhā parasmiṃ sare lutte byañjano sañño ce, visaññogova hotīti saṃyogekadesassa purimabyañjanassa lopo.

Dvinnaṃ byañjanānamekatra ṭhiti sañño, idha pana saṃyujjatīti sañño, purimo vaṇṇo, vigato sañño assāti **visañño**, paro.

Evamaṃ sa te āsavā, pupphaṃsā uppajjati.

**Lutteti** kiṃ? Evamassa.

**Casaddena** tiṇṇaṃ byañjanānaṃ sarūpasam̐yogopi visañño hoti. Yathā – agyāgāraṃ, vutyassa.

Cakkhu udapādi, ava siro, yāvacidha bhikkhave, aṇuṭhulāni, ta sampayuttā ibhīdha “sare,

āgamo, kvaci, byañjane’’ti ca vattate.

### 57. Niggahitañca.

Niggahitañca āgamo hoti sare vā byañjane vā kvaci sukhuccāraṇaṭṭhāne. Niggahītassa rassānugatattā rassatoyevāyaṃ.

Cakkhuṃ udapādi, avaṃsiro, yāvañcidha bhikkhave, aṇuṃthūlāni, taṃsampayuttā, evaṃ tañkhaṇe, taṃsabhāvo.

**Kvacīti** kiṃ? Na hi etehi, idha ceva.

Evaṃ vutte, taṃ sādhu, ekaṃ samayaṃ bhagavā, aggiṃva sanamaṃ itīdha lopādesakāriye sampatte yebhuyyena tadapavādatthamāha.

### 58. Aṃ byañjane niggahītaṃ.

Niggahītaṃ kho byañjane pare aṃti hoti.

Akāro uccāraṇattho, ‘‘saralopo’’tiādīnā pubbasaralopo vā.

Evaṃ vutte, taṃ sādhu, ekaṃ samayaṃ bhagavā, aggiṃva sandhamaṃ.

Idha avuttavisesānampi vuttanayātidēsathamatidēsamāha.

### 59. Anupadiṭṭhānaṃ vuttayogato.

Ye idha amhehi visesato na upadiṭṭhā upasagganipātādayo, tesāṃ vuttayogato vuttanayena sarasandhādīsu vuttanayānusārena rūpasiddhi veditabbā.

Tena ‘‘do dhasa cā’’ti sutte **casaddena** pariyādīnaṃ rahanādivaṇṇassa vipariyayo yavādīhi, yathā – pariyudāhāsi payirudāhāsi, ariyassa ayirassa, bahvābādho bāvābādho, na abhineyya anabhineyya.

‘‘Taṃ imināpi jānāthā’’ti ettha ‘‘paro vā saro’’ti sare lutte ‘‘tatrākāro’’ti yogavibhāgena **akāro** niggahītassa **akāro**, tadamināpi jānātha iccādi.

Iti niggahītasandhividhānaṃ niṭṭhitāṃ.

Saññāvidhānaṃ sarasandhi sandhi,  
Nisedhanaṃ byañjanasandhi sandhi;  
Yo niggahītassa ca sandhikappe,  
Sunicchayo sopi mayettha vutto.

Iti rūpasiddhiyaṃ sandhikaṇḍo

Paṭhamo.

## 2. Nāmakaṇḍa

Atha nāmikavibhatyāvatāro vuccate.

Atthābhimukhaṃ namanato, attani cattassa nāmanato **nāmaṃ**, dabbābhidhānaṃ.

Taṃ pana duvidhaṃ anvattharuḥhīvasena, tividhaṃ pumitthinapuṃsakaliṅgavasena. Yathā – rukkho, mālā, dhaṇaṃ.

Catubbidhaṃ sāmāññaḡaṇakriyāyadicchāvasena, yathā – rukkho, nīlo, pācako, sirivaḍḍhotiādi.

Aṭṭhavidhaṃ avaṇṇivaṇṇuvaṇṇokāraniggahītantaṇapakatibhedena.

### Pullīṅga

Tattha paṭhamaṃ akāraṇtamhā pullīṅgā jātinimittā **purisa**saddā **syā**divibhattiyo parā yojjyante.

#### 60. Jinavacanayuttañhi.

**Adhikāro**yaṃ. Tattha pañca māre jitaṇvāti jino, buddho. Jinassa vacanaṃ jinavacanaṃ, tassa jinavacanaṃ yuttaṃ **jinavacanayuttaṃ**, teṇṇakassa buddhavadanaṃ māgadhikāya sabhāvaniruttiyā yuttaṃ anurūpameṇvāti idaṃ adhikāratthaṃ veditaṇbaṃ.

Sā māgadhī mūlabhāsā, narā yāyādīkappikā;  
Brahmāno ca'ssutālāpā, sambuddhā cāpi bhāsare.

**Adhikāro** pana tividho sīhagatikamaṇḍūkagatikayathānupubbikavasena, ayaṃ pana sīhagatiko pubbāparavilokanato, yathānupubbikoyeva vā.

Sakkatavisadisamaṃ katvā jinavacanānurūpavasena pakatiṭṭhapanatthaṃ paribhāsamāha.

#### 61. Liṅgañca nipaccate.

**Liṅgaṃ**pāṭipadikaṃ, yathā yathā jinavacanayuttañhi liṅgaṃ, tathā tathā idha liṅgaṃ nipaccate ṭhapīyati. Casaddena dhātavo cāti jinavacanānurūpato “purisa”iti liṅge ṭhapite tato tassa dhātuppaccayavibhattivajjitassa atthavato saddassa “parasamañña payoge”ti paribhāsato liṅgasaññāyaṃ –

Ito paraṃ vibhattippaccayādividhāne sabbattha **liṅga**ggahaṇamanuvattate.

#### 62. Tato ca vibhattiyo.

Tato jinavacanayuttehi liṅgehi parā vibhattiyo honti. Casaddaggahaṇena tavetunādīpaccayantanipātatoṇi. Kammādivasena, ekattādivasena ca liṅgatthaṃ vibhajantīti vibhattiyo.

Kā ca pana tā vibhattiyo? “Vibhattiyo”ti adhikāro.

#### 63. Siyo, aṃyo, nāhi, sanam, smāhi, sanam, smiṃsu.

Syādayo dvisatta vibhattiyo nāma honti. Tattha si, yo iti paṭhamā, aṃ, yo iti dutiyā, nā, hi iti tatiyā, sa, naṃ iti catutthī, smā, hi iti pañcamī, sa, naṃ iti chaṭṭhī, smiṃ, su iti sattamī.

Idaṃ pana saññādhikāraparibhāsāvidhisuttesu **saññāsuttanti** daṭṭhabbaṃ, vuttañhi vuttiyaṃ “vibhattiiccanena kvattho, amhassa mamaṃ savibhattissa se”ti, itarathā purimasuttana ekayogo kattabboti. Ettha ca paṭhamādivohāro, ekavacanādivohāro ca anvatthavasena, parasamaññāvasena vā siddhoti veditaṇbo.

Ekassa vacanaṃ ekavacanaṃ, bahūnaṃ vacanaṃ bahuvacanaṃ, dvinnaṃ pūraṇī dutiyātiādi, itarathā purimasutte **casaddena** saññākaraṇe appakataniratthakavidhippasāṅgo siyā.



“Jinavacanayuttañhi, liṅgañca nipaccate”ti ca vattate. Idha pana padanipphādanampi jinavacanassāvirodhenāti ñāpetuṃ paribhāsantaramāha.

#### 64. Tadanuparodhena.

Yathā yathā tesuṃ jinavacanānaṃ uparodho na hoti, tathā tathā idha liṅgaṃ, casaddenākhyātañca nipaccate, nipphādīyatīti attho. Teneva idha ca ākhyāte ca dvivacanāggahaṇaṃ, sakkatavisadisato vibhattippaccayādividhānañca katanti daṭṭhabbaṃ.

Tattha avisesena sabbasyādivibhattippasaṅge “vatticchānupubbikā saddappavattī”ti vatticchāvasā –

#### 65. Liṅgatthe paṭhamā.

Liṅgatthābhidhānamatte paṭhamāvibhatti hotīti paṭhamā. Tatthāpi aniyamenekavacanabahuvacanappasaṅge “ekamhī vattabbe ekavacana”nti paribhāsato liṅgatthassekattavacanicchāyaṃ paṭhamekavacanaṃ si.

“Ato nenā”ti ito “ato”ti vattate, **liṅg**aggahaṇaṇca.

#### 66. So.

Si, oiti dvipadamidaṃ. Liṅgassa **ak**ārato parassa **si**vacanassa **ok**āro hoti.

Suttesu hi paṭhamānididdiṭṭhassa kāriyino chaṭṭhīvipariṇāmena vivaraṇaṃ ādesāpekkhanti daṭṭhabbaṃ.

Ettha ca **sī**ti vibhatti gayhate vibhattikāriyavidhippakaraṇato, “tato ca vibhattiyo”ti ito **vibhatti**ggahaṇānuvattanato vā, evaṃ sabbattha **sy**ādīnaṃ kāriyavidhāne vibhattiyevāti daṭṭhabbaṃ.

“Vā paro asarūpā”ti paralope sampatte tadapavādena pubbalopamāha.

#### 67. Saralopo’ mādesappaccayādimhi saralope tu pakati.

Pubbassarassa lopo hoti **am**vacane, ādesappaccayādibhūte ca sare pare, saralope kate tu parasarassa pakatibhāvo hoti. Ettha ca “saralope”ti punaggahaṇaṃ imināva katasaralopanimitteyeva parassa vikāre sampatte pakatibhāvattamaṃ. Parasarassa pakatibhāvavidhānasāmatthiyato amādesappaccayādibhūte sare paretipi siddhaṃ.

Tyādivibhattiyo cettha, paccayattena gayhare;  
Ādiggaṇaṃākhyāta-kitakesvāgamatthidaṃ.

Paccayasāhacariyā, cādeso pakatīparo;  
Padantassaralopo na, tena’bbhāhādike pare.

**T**uggahaṇaṃ **bhikkhunī**dāsu saralopanivattanattamaṃ, “naye paraṃ yutte”ti paraṃ netabbaṃ. Puriso tiṭṭhati.

Puriso ca puriso cāti purisa purisaiti vattabbe –

#### 68. Sarūpānamekasesvasakim.

Sarūpānaṃ samānarūpānaṃ padabyañjanānaṃ majjhe ekova sissate, aññe lopamāpajante asakinti ekaseso. Ettha ca “sarūpāna”nti vuttattāva siddhe asakimpayoge **punāsakim**gahaṇaṃ

ekavibhattivisayānamevāsakimpayoge evāyanti dassanattham, na ca vicchāpayoge'tippasaṅgo. “Vaggā pañcapañcaso mantā”ti ettha “pañcapañcaso”ti niddeseneva vicchāpayogasiddhiyā ñāpitattā, atha vā sahavacanicchāya'maya'mekaseso.

Yogavibhāgato cettha, ekasesvasakim itti;  
Virūpekaseso hoti, vā “pitūna”ntiādisu.

Tattheva liṅgathassa **bahuttavacanicchāyaṃ** “bahumhi vattabbe bahuvacana”nti paṭhamābahuvacanaṃ **yo**, purisa yo itīdha “ato, vā”ti ca vattate.

### 69. Sabbayonīnamāe.

Akārantato liṅgamhā paresaṃ sabbesaṃ paṭhamāyonīnaṃ, dutiyāyonīnañca yayākkamaṃ ākārēkārādesā honti vāti **ākāro**, **sabbaggahaṇaṃ** sabbādesattham, saralopādi purimasadisameva, purisā tiṭṭhanti.

Vā icceva rūpā rūpāni, aggayo, munayo.

**Vāsaddoyaṃ** vavatthitapibhāsatto, tena cettha –

Niccomeva ca pulliṅge, aniccañca napuṃsake;  
Asantaṃ **jhe** katatte tu, vidhiṃ dīpeti **vāsuti**.

Tatthevālapanavacanicchāyaṃ “liṅgatthe paṭhamā”ti vattate.

### 70. Ālapanē ca.

Abhimukhaṃ katvā lapanam **ālapanam**, sambodhanaṃ. Tasmim ālapanatthādhike liṅgathābhidhānamatte ca paṭhamāvibhatti hoti. Pure viya ekavacanādi.

Purisa si iccatra –

### 71. Ālapanē si gasañño.

Ālapanatthe vihito **si** gasañño hotīti **gasaññāyaṃ** “bho ge tū”ti ito “ge”ti vattate.

### 72. Akārapitādyantānamā.

Liṅgassa sambandhī **ākāro** ca **pitusatthu**iccevamādīnamanto ca **ākārattamāpajjate ge** pare.

“Ge, rassa”miti ca vattate.

### 73. Ākāro vā.

Liṅgassa sambandhī **ākāro** rassamāpajjate **ge pare** vikappena, adūraṭṭhassālapanēvāyaṃ.

### 74. Sesato lopaṃ gasipi.

“Sim, so, syā ca, sakhato gasse vā, ghate cā”ti evamādīhi niddiṭṭhehi añño seso nāma, tato sesato liṅgamhā **gasi**ccete lopaṃpajjante. **Apiggahaṇaṃ** dutiyatthasampiṇḍanattham, ettha ca satipi **siggahaṇe** **vaiti** vacanameva ñāpakamaññatthāpi **siggahaṇe** ālapanāggahaṇassa. Keci ālapanābhiyattiyā **bhavantasaddaṃ** vā **hesaddaṃ** vā payujjante. Bho purisa tiṭṭha, he purisā vā.

Bahuvacane **na** viseso, bhavanto purisā tiṭṭhatha.

Tattheva kammattavacanicchāyaṃ “va,”ti vattate.

### 75. Yaṃ karoti taṃ kammaṃ.

Yaṃ vā karoti, yaṃ vā vikaroti, yaṃ vā pāpuṇāti, taṃ kārakaṃ kriyānimittaṃ kammasaññaṃ hoti.

### 76. Kammatthe dutiyā.

Kammattthe dutiyāvibhatti hoti. Pure viya dutiyekavacanaṃ aṃ, “saralopo”tiādinā sare lutte “dīgha”nti dīghe sampatte pakatibhāvo ca, purisaṃ passa.

Bahuvacane “sabbayonīnamāe”ti yovacanassekāro, purise passa.

Tattheva kattuvacanicchāyaṃ –

### 77. Yo karoti sa kattā.

Yo attappadhāno kriyaṃ karoti, so kattusañño hoti.

“Tatiyā”ti vattate.

### 78. Kattari ca.

Kattari ca kārake tatiyāvibhatti hotīti tatiyekavacanaṃ **nā**.

### 79. Ato nena.

**Enā**ti avibhattikaniddeso. Akārantato līngamhā parassa **nā**vacanassa **enā**deso hoti, saralopādi, purisena kataṃ.

Bahuvacanamhi –

### 80. Suhisvakāro e.

**Su**, **hi**ccetesu vibhattirūpesu paresu līngassa sambandhī **akāro** ettamāpajjate.

### 81. Smāhismiṇṇaṃ mhābhimhi vā.

Sabbato līngamhā **smā hi smi**ṇṇicetesam yathākkamaṃ **mhā, bhi, mhi**ccete ādesā honti vā, purisehi, purisebhi kataṃ.

Tattheva karaṇavacanicchāyaṃ –

### 82. Yena vā kayirate taṃ karaṇaṃ.

Yena vā kayirate, yena vā passati, yena vā suṇāti, taṃ kārakaṃ karaṇasaññaṃ hoti.

### 83. Karaṇe tatiyā.

Karaṇakārake tatiyāvibhatti hoti, sesaṃ kattusamaṃ, āviṭṭhena purisena so puññaṃ karoti,

purisehi, purisebhi.

Tattheva sampadānavacanicchāyaṃ –

**84. Yassa dātukāmo rocate dhārayate vā taṃ sampadānaṃ.**

Yassa vā dātukāmo, yassa vā rocate, yassa vā dhārayate, taṃ kāraṃ sampadānasaññaṃ hoti.

**85. Sampadāne catutthī.**

Sampadānakāraṃ catutthīvibhatti hotīti catutthiyā ekavacanaṃ **sa**.

**86. Sāgamo se.**

Sabbato līṅgamhā sakārāgamo hoti **se** vibhattimhi pare. Purisassa dhaṇaṃ dadāti.

Bahuvacanaṃhi “dīgha”nti vattate.

**87. Sunaṃhisu ca.**

**Su naṃ** hiicetesu paresu līṅgassa antabhūtā sabbe rassasarā dīghamāpajante, caggahaṇamikārukārānaṃ kvaci nivattanatthaṃ. Purisānaṃ.

Tatthevāpādānavacanicchāyaṃ –

**88. Yasmā dapeti bhayaṃādatte vā tadapādānaṃ.**

Yasmā vā avadhibhūtā apeti, yasmā vā bhayaṃ, yasmā vā ādatte, taṃ kāraṃ apādānasaññaṃ hoti.

**89. Apādāne pañcamī.**

Apādānakāraṃ pañcamīvibhatti hotīti pañcamiyā ekavacanaṃ **smā**.

“Ato, sabbesaṃ, ā e”ti ca vattate.

**90. Smāsmiṃna vā.**

Akārantato līṅgamhā sabbesaṃ **smā smiṃ** iccetesu yathākkamaṃ akārekārādesā honti vā, aññattha **mhā**deso. Purisā apeti, purisamhā, purisasmā.

Bahuvacane sabbattha tatiyāsamaṃ, **hissa bhi**ādeso hoti. Purisehi, purisebhi apeti.

Tattheva sāmivacanicchāyaṃ –

**91. Yassa vā pariggaho taṃ sāmī.**

Yassa vā pariggaho, taṃ sāmisaññaṃ hoti.

**92. Sāmismiṃ chaṭṭhī.**

Sāmismiṃ chaṭṭhīvibhatti hoti. Ṭhapetvā **āyā**desaṃ sabbattha catutthīchaṭṭhīnaṃ samānaṃ rūpaṃ. Purisassa etaṃ dhaṇaṃ, purisānaṃ.

Tattheva okāsavacanicchāyaṃ –

### 93. Yodhāro tamokāsaṃ.

Yo kattukammānaṃ kriyāya ādhāro, taṃ kāraṃ okāsasaññaṃ hoti.

### 94. Okāse sattamī.

Okāsakāraṃ sattamīvibhatti hotīti sattamiyā ekavacanaṃ smiṃ, tassa “smāsmiṃnaṃ vā”ti ekāro, **mhi**ādeso ca, purise patiṭṭhitam, purisamhi, purisasmim.

Bahuvacane “suhisvakāro e”ti ekāro, purisesu.

Puriso, purisā, bho purisa bho purisā vā, bhavanto purisā, purisaṃ, purise, purisena, purisehi purisebhi, purisassa, purisānaṃ, purisā purisasmā purisamhā, purisehi purisebhi, purisassa, purisānaṃ, purise purisasmim purisamhi, purisesu.

Tathā sugato, sugatā, bho sugata bho sugatā vā, bhavanto sugatā, sugataṃ, sugate, sugatena, sugatehi sugatebhi, sugatassa, sugatānaṃ, sugatā sugatasmā sugatamhā, sugatehi sugatebhi, sugatassa, sugatānaṃ, sugate sugatasmim sugatamhi, sugatesu.

Evam surā’sura nara’raga nāga yakkhā,  
Gandhabba kinnara manussa pisāca petā;  
Mātaṅga jaṅgama turaṅga varāha sīhā,  
Byaggha’ccha kacchapa taraccha miga’ssa soṇā.

Āloka loka nilayā’nila cāga yogā, vāyāma gāma  
Nigamā’gama dhamma kāmā;  
Saṅgho’gha ghosa paṭighā’sava kodha lobhā,  
Sārambha thambha mada māna pamāda makkhā.

Punnāga pūga panasā’sana campaka’mbā,  
Hintāla tāla bakula’jjuna kiṃsukā ca;  
Mandāra kunda pucimanda karañja rukkhā,  
Ñeyyā mayūra sakunaṇḍaja koñca haṃsā –

Iccādayopi.

**Manogaṇādissa** tu nāsasmāsmiṃsu viseso. Aññattha purisasamaṃ.

Mano, manā, he mana he manā vā, bhavanto manā, manaṃ, mane.

“Vā”ti vattate.

### 95. Manogaṇādito smiṃnānamī.

Manopabhuti gaṇo manogaṇo, manogaṇādito **smiṃ**, **nā**icchetesaṃ yathākkamaṃ ikārākārādesā honti vā. **Ā**diggaṇaṇena **bilapadā**ditopi.

“Manogaṇādito”ti vattate.

### 96. Sa sare vāgamo.

Eteheva manogaṇādīhi sare pare **sā**gamo hoti vā. Manasā, manena.

Vavatthitavibhāsathoyaṃ vāsaddo, tena “mano manā manaṃ mane manaāyatana”ntiādīsu na hoti. “Mānasikaṃ, cetasika”ntiādīsu niccaṃ. Manehi, manebhi.

“Manogaṇādito, vā”ti ca vattate.

### 97. Sassa co.

Manogaṇādito parassa sassa vibhattissa okāro hoti vā. Sāgamo.

Manaso manassa, manānaṃ, manā manasmā manamhā, manehi manebhi, manaso manassa, manānaṃ, manasi mane manasmimṃ manamhi, manesu.

Evam vaco vayo tejo,  
Tapo ceto tamo yaso;  
Ayo payo siro chando,  
Saro uro raho aho –

Iccādi manogaṇo.

**Guṇavantu**saddassa bhedo. Guṇavantu si itīdha –

“Savibhattissa, ntussā”ti ca adhikāro.

### 98. Ā simhi.

Sabbasseva **ntupaccayassa** savibhattissa āādeso hoti simhi vibhattimhi. Guṇavā.

“Yomhi, paṭhame”sīhagatiyā “vā”ti ca vattate.

### 99. Ntussa nto.

Sabbasseva **ntupaccayassa** savibhattissa **ntoādeso** hoti vā **yomhi** paṭhame, guṇavanto tiṭṭhanti.

“Sunamhisu, atta”nti ca vattate.

### 100. Ntussanto yosu ca.

**Ntupaccayassa** anto **ukāro attamāpajjate sunamhi yoiccetesu, caggahaṇena aññesu aṃ nā smāsmimṃsu** ca. Guṇavantā, chaṭṭhiyā siddhepi **antādeso** puna **antaggahaṇakaraṇato yonaṃ ikāro** ca kvaci. Guṇavanti.

“A”miti vattate.

### 101. Avaṇṇā ca ge.

Sabbasseva **ntupaccayassa** savibhattissa **aṃ** avaṇṇaiccete ādesā honti **ge** pare.

Bho guṇavaṃ bho guṇava bho guṇavā, bhavanto guṇavanto guṇavantā, guṇavantam,  
guṇavante.

“Vā”ti vattate.

### 102. Totitā sasmimnāsu.

Sabbasseva **ntupaccayassa** savibhattissa **toti tādēsa** honti vā **sasmiṇṇā**iccesesu yathāsankhyam. Guṇavatā guṇavantena, guṇavantehi guṇavantebhi.

### 103. Ntassa se vā.

Sabbasseva **ntupaccayassa** savibhattissa **ntassa**iccamādeso hoti vā **se** vibhattimhi. Guṇavantassa guṇavato.

### 104. Naṃmhi taṃ vā.

Sabbasseva **ntupaccayassa** savibhattissa **taṃ**ādeso hoti vā **naṃmhi** vibhattimhi. Guṇavataṃ guṇavantānaṃ.

“Amha tumha ntu”iccādinā **smā**vacanassa nābyapadeso.

Guṇavatā guṇavantā guṇavantasmā guṇavantamhā, guṇavantehi guṇavantebhi, guṇavantassa guṇavato, guṇavataṃ guṇavantānaṃ, guṇavati guṇavante guṇavantasmim guṇavantamhī, guṇavantesu.

Evam gaṇavā kulavā balavā yasavā dhanavā sutavā bhagavā himavā phalavā sīlavā paññavā iccādayo.

**Himavantusaddato simhi** kate –

“Attam, ntussa’nto”ti ca vattamāne –

### 105. Simhī vā.

**Ntupaccayassa** anto **attam** hoti vā **simhi** vibhattimhi. Himavanto, himavā, sesam samaṃ.

Puna **vā**ggahaṇakaraṇaṃ **himavantusaddato** aññatra attanisedhanatthaṃ, vavatthitavibhāsattahoyaṃ **vāsaddo**. Tena guṇavantādīsu nātippasaṅgo.

Evam satimā dhitimā gatimā matimā mutimā muttimā jutimā sirimā hirimā thutimā ratimā yatimā sucimā kalimā balimā kasimā rucimā buddhimā cakkhumā bandhumā hetumā setumā ketumā rāhumā bhānumā khānumā vijjumā iccādayo.

Tattha **satimantu bandhumantusaddānaṃ aṃsesu** rūpabhedo. “Attam, ntussā”ti ca vattate.

### 106. Sabbassa vā aṃsesu.

Sabbasseva **ntupaccayassa** **attam** hoti vā **aṃsa**iccesesu. Idhāpi **vāsaddassa** vavatthitavibhāsattā nātippasaṅgo. Satimaṃ satimantaṃ, bandhumaṃ bandhumantaṃ, satimassa satimato satimantassa, bandhumassa bandhumato bandhumantassa, sesam samaṃ.

**Gacchantasaddassa** bhedo, gacchanta si,

“Vā”ti vattate.

### 107. Simhi gacchantādīnaṃ ntasaddo aṃ.

**Gacchanticceva**mādīnaṃ **antappaccayantānaṃ ntasaddo** aṃrūpaṃ āpajjate vā **simhi** vibhattimhi. Saralopasilopā, so gacchaṃ, gacchanta vā gaṇhāti.

“Gacchantādīnaṃ, ntaṣaddo”’ti ca vattamāne –

### 108. Sesesu ntuva.

**Gacchantādīnaṃ ntaṣaddo ntupaccayo**va daṭṭhabbo sesesu vibhattippaccayesu, **asmimhi** kāriyātidesoṃ. Sesam **guṇavantusamaṃ**.

Te gacchanto gacchantā, bho gacchaṃ bho gaccha bho gacchā, bhavanto gacchanto gacchantā, [gacchaṃ] gacchantam, gacchante, gacchatā gacchantena, gacchantehi gacchantebhi, gacchato gacchantassa, gacchataṃ gacchantānaṃ, gacchatā gacchantasmā gacchantamhā, gacchantehi gacchantebhi, gacchato gacchantassa, gacchataṃ gacchantānaṃ, gacchati gacchante gacchantasmim gacchantamhī, gacchantesu.

Evam maham caram tiṭṭham, dadam bhuñjam suṇam pacam;  
Jayam jīram cavam mīyam, saram kubbam japam vajam –

Iccādayo.

**Bhavantasaddassa ga yo nā savacanesu viseso.** So bhavam.

“Bhavato”’ti vattate.

### 109. Obhāvo kvaci yosu vakārassa.

**Bhavantaiccetassa vakārassa obhāvo** hoti kvaci yoiccetesu. Te bhonto bhavanto bhavantā.

“Bhavato”’ti vattate.

### 110. Bho ge tu.

Sabbasseva **bhavantasaddassa bho** hoti **ge** pare. **Tusaddena** bhante, bhontādi ca, **galopo**, bho bhante bhonta bhontā, bhonto bhavanto bhavantā, bhavantam, bhonte bhavante.

**Nāsesu** “obhāvo kvacī”’ti yogavibhāgena **obhāvo**.

Bhotā bhavatā bhavantena, bhoto bhavato bhavantassa iccādi.

### 111. Bhadantassa bhaddanta bhante.

Sabbasseva **bhadantasaddassa bhaddanta bhante**iccete ādesā honti kvaci **ge** pare yosu ca. Bho bhaddanta bhante, bhadanta bhadantā vā iccādi **purisasaddasamaṃ**.

### 112. Santasaddassa so bhe bo cante.

Sabbasseva **santasaddassa sasaddādeso** hoti **bhakāre** pare, ante ca **bakārāgamo** hoti.

**Casaddaggaṇaṇena abhakārepi samāse** kvaci **sakārādeso**. Sabbhi.

**Bheti** kiṃ? Santehi, sesam **gacchantasaddasamaṃ**.

Atthi **rāja brahma atta sakhasaddādīnaṃ** bhedo, tatheva **syādyuppatti**, “rāja si”’iti ṭhite –

“Brahmattasakharājādito”’ti adhikāro.



**113. Syā ca.**

**Brahma atta sakha rājaiccevamādito sivacanassa ākāro hoti. Ādisaddena ātumādisaddato ca.** Saralopādi. Rājā tiṭṭhati.

**114. Yonamāno.**

**Brahmattasakharājādito yonaṃ ānoādeso hoti.** Rājāno tiṭṭhanti, bho rāja bho rājā, bhavanto rājāno.

“Vā”ti vattate.

**115. Brahmattasakharājādito amānaṃ.**

**Brahmādīhi parassa aṃvacanassa ānaṃ hoti vā.** Rājānaṃ passa rājaṃ vā, rājāno.

“Savibhattissa, rājassā”ti ca vattate.

**116. Nāmhi raññā vā.**

Sabbasseva **rājasaddassa savibhattissa raññāādeso hoti vā nāmhi vibhattimhi.** Raññā katamaṃ rājena vā.

**117. Rājassa rāju sunaṃhisu ca.**

Sabbassa **rājasaddassa rājuādeso hoti su naṃ hiicetesu vacanesu.** Casaddo vikappanatto, “sunaṃhisu cā”ti dīgho, rājūhi rājūbhi, rājehi rājebhi vā.

“Savibhattissā”ti adhikāro.

**118. Rājassa raññorājino se.**

Sabbasseva **rājasaddassa savibhattissa rañño rājinoiccete ādesā honti se vibhattimhi.** Rañño, rājino deti.

“Rājassā”ti vattate.

**119. Raññaṃ naṃ mhī vā.**

Sabbasseva **rājasaddassa savibhattissa raññaṃādeso hoti vā naṃmhi vibhattimhi.** Raññaṃ rājūnaṃ rājānaṃ.

Pañcamiyaṃ –

**120. Amhatumhanturājabrahmattasakhasatthupitādīhi smā nāva.**

Amhatumhanturājabrahmattasakhasatthupitūiccevamādīhi **smāvacaṇaṃ nāva** daṭṭhabbanti **smāvacaṇassa nābhāvātideso.** **Atideso** pana chabbidho.

Vuttañca –

“Byapadeso nimittañca, taṃrūpaṃ taṃsabhāvataḥ;  
Suttañceva tathā kāri-yātidesoṭi chabbidho”ti.

Tatrāyaṃ **brahmattasakhādīsu** pāṭhasāmatthiyato **rūpātideso**. Sesam̐ tatiyāsamaṃ.

Rañña apeti, rājūhi rājūbhi, rājehi rājebhi, rañño, rājino santakaṃ, raññaṃ rājūnaṃ rājānaṃ.

“Rājassā”ti vattate.

### 121. Smiṃmhi raññe rājini.

Sabbasseva **rājasaddassa** savibhattissa **raññerājini**iccete ādesā honti **smiṃmhi** vibhattimhi. Raññe, rājini patiṭṭhitam̐, rājūsu rājesu.

**Brahmasaddassa** ca **ga nā sa smiṃsu** viseso. Brahmā, brahmāno.

Ālapane ca “e”ti vattate.

### 122. Brahmato gassa ca.

**Brahmasaddato gassa** ca **ekāro** hoti, **caggahaṇaṃ** **eggahaṇānukaḍḍhanatthaṃ**, bho brahme, bhavanto brahmāno, brahmānaṃ brahmaṃ, brahmāno.

Vipariṇāmena “brahmassa, anto”ti ca vattate.

### 123. Uttam̐ sanāsu.

**Brahmasaddassa** anto **uttamāpajjate sa nā**iccesu vacanesu. **Uttamiti** bhāvaniddeso katthaci abhāvadassanatto. Brahmunā, brahmehi brahmebhi.

Sasmim̐ utte kate “ivaṇṇuvaṇṇā jhalā”ti **lasaññāyaṃ** –

### 124. Jhalato sassa no vā.

**Jhalasaññehi** **ivaṇṇuvaṇṇehi** parassa **saiccetassa** vacanassa **noiccādeso** hoti vā. Brahmuno brahmassa, brahmānaṃ brahmūnaṃ vā, **uttamiti** yogavibhāgena aññatthāpi **uttam̐**.

Pañcamiyaṃ nābhāvātideso. Brahmunā, brahmehi brahmebhi, brahmuno brahmassa, brahmānaṃ brahmūnaṃ vā.

### 125. Brahmato tu smiṃ ni.

**Brahmasaddato smiṃ**vacanassa **ni** hoti. **Tusaddena kammacammamuddhādito** ca kvaci. Brahmani, brahmesu.

**Attasaddassa** tatiyādīsveva viseso.

Attā, attāno, bho atta bho attā, bhavanto attāno, attānaṃ attam̐, attāno.

Nāmhi “akammantassa cā”ti ettha **casaddena attantassa** attam̐ vā. Attanā attena vā.

### 126. Attanto hismimanattam̐.

**Attasaddassa** anto **anattamāpajjate hismim̐** pare. Attanehi attanebhi.

“Tato, attato”ti ca vattate.

**127. Sassa no.**

Tato **attasaddato sassa** vibhattissa **no** hoti. Attano, attānaṃ.

**128. Smā nā.**

Tato **attasaddato smā**vacanassa **nā** hoti. Attanā apeti.

**Nābhāvātideseveva** siddhepi uttarasuttana ekayogamakativā bhinnayogakaraṇaṃ atthantaraviññāpanatthaṃ, tena **attantatakā**rassa **rakāro jakāre** kvaci. Atrajo attajo vā. Attanehi attanebhi, attano, attānaṃ.

“Attato”ti vattate.

**129. Tato smiṃ ni.**

Tato **attasaddato smiṃ**vacanassa **ni** hoti. Attani, attesu.

**Sakhasaddassa** bhedo. Sakhā, sakhāno.

“Yona”miti vattate.

**130. Sakhato cāyono.**

**Sakhasaddato yonaṃ āyo no**ādesā ca honti. Sakhāyo.

**131. Sakhantassi nonānaṃsesu.**

**Sakhasaddantassa ikārā**deso hoti **nonānaṃsa**iccesu paresu. Sakhino tiṭṭhanti.

Ālapane gasaññāyaṃ –

**132. Sakhato gasse vā.**

**Sakhato gassa akāra ākāra ikāra ikāraekārā**desā honti. **Vāsaddena aññasmāpi** kvaci **ekāro**. Yathā – bhaddante ise iti.

A ca ā ca i ca ī ca e cātipi e, pubbassarānaṃ kamena lopo.

Bho sakha bho sakhā bho sakhi bho sakhī bho sakhe, bhavanto sakhāno sakhāyo sakhino.

“Sakhantassa, āro cā”ti ca vattate.

**133. Sunamaṃsu vā.**

**Sakhantassa āro** bhoti vā **sunam aṃ**iccesu paresu. Sakhāraṃ sakhānaṃ sakhaṃ, sakhāno sakhāyo sakhino, sakhinā.

“Sakhantassā”ti vattate.

**134. Āro himhi vā.**

**Sakhantassa āro** hoti vā **himhi** vibhattimhi. Sakhārehi sakhārebhi, sakhehi sakhebhi.

Ikārādeso “jhalato sassa no vā”ti **no**. Sakhino sakhissa, sakhārānaṃ sakhīnaṃ.

**Smā**vacanassa **nā**bhāvo. Sakhinā, sakhārehi sakhārebhi sakhehi sakhebbhi, sakhino sakhissa, sakhārānaṃ sakhīnaṃ.

“Sakhato”ti ca vattate.

### 135. Smime.

**Sakhato smiṃ**vacanassa ekāro hoti. Niccatthoyamārambho. Sakhe, sakhāresu sakhesu.

**Ātumas**saddassa paṭhamādutiyāsu **attas**saddasseva rūpanayo. Ātumā, ātumāno, bho ātuma bho ātumā, bhavanto ātumāno, ātumānaṃ ātumaṃ, ātumāno, ātumena iccādi **purisas**amaṃ.

**Pumas**saddassa bhedo. Puma si,

“Savibhattissā”ti adhikāro.

### 136. Pumantassā simhi.

**Pumas**saddassa savibhattissa **ākārā**deso hoti **simhi** vibhattimhi. **Antagga**haṇena **maghavayuvā**dīnamantassa ca. Pumā.

“Pumantassā”ti adhikāro.

### 137. Yosvāno.

**Pumantassa** savibhattissa **āno**ādeso hoti **yosu** vibhattīsu. Pumāno.

### 138. Amālapanekavacane.

**Pumantassa** savibhattissa **aṃ** hoti ālapanekavacane pare. He pumaṃ, he pumāno, pumaṃ, pumāno.

“Ā, vā”ti ca vattate.

### 139. U nāmhi ca.

**Pumantassa āu**ādesā honti vā **nāmhi** vibhattimhi. **Cas**addena pumakammathāmāntassa cu’kāro vā **sasmā**su. Pumānā pumunā pumena vā.

“Āne”ti vattate.

### 140. Hivibhattimhi ca.

**Pumantassa hivibhattimhī** ca **āne**ādeso hoti. **Vibhattigga**haṇaṃ savibhattiggaṇanivattanatthaṃ. Pumānehi pumānebbhi.

**Cas**addena **yuvamaghavā**dīnamantassa vā **ānā**deso hoti sabbavibhattīsu. “U nāmhi cā”ti ettha **cas**addena pumantassukāro vā **sasmā**su vibhattīsu. “Jhalato sassa no vā”ti **no**. Pumuno pumassa, pumānaṃ.

“Smā, nā”ti vattate.

**141. Jhalato ca.**

**Jhala**iccetehi **smā**vacanassa **nā** hoti. **Caggahaṇaṃ** kvaci nivattanatthaṃ. Pumānā pumunā pumā pumasmā pumamhā, pumānehi pumānebhi pumehi pumebhi, pumuno pumassa, pumānaṃ.

**142. Āne smiṃmhi vā.**

**Pumantassa** savibhattissa **āne**ādeso hoti vā smiṃmhi vibhattimhi. Pumāne pume pumasmim pumamhi.

**143. Susmimā vā.**

**Pumantassa** **suiccetasmim** pare **ā**ādeso hoti vā. Pumāsu pumesu.

Yuvādīsu “yuva si” itīdha –

“Pumantassā simhī” ti ettha **antaggahaṇena** ākāro, “hivibhattimhi cā” ti sutte **casaddena** **ānā**deso ca.

Yuvā yuvāno, yuvānā yuvā, he yuva he yuvā he yuvāna he yuvānā, bhavanto yuvānā, yuvānaṃ yuvaṃ, yuvāne yuve.

“Akammantassa cā” ti ettha **casaddena** **yuvamaghavādīnamantassa ā** hoti vā **nāsuiccetesūti** āttaṃ.

Yuvānā yuvena yuvānena vā, yuvānehi yuvānebhi yuvehi yuvebhi, yuvānassa yuvassa, yuvānānaṃ yuvānaṃ, yuvānā yuvānasmā yuvānamhā, yuvānehi yuvānebhi yuvehi yuvebhi, yuvānassa yuvassa, yuvānānaṃ yuvānaṃ, yuvāne yuvānasmim yuvānamhi yuve yuvamhi yuvasmim, yuvānesu yuvāsu yuvesu.

Evaṃ maghavā maghavāno, maghavānā iccādi **yuv**asaddasamaṃ.

**Ākāra**ntaṃ.

**Ākāra**nto pulliṅgo **sā**saddo.

**Sā si**, silopo, sā sunakho.

Bahuvacane –

**144. Agho rassamekavacanayosvapi ca.**

**Ghasaṅṅaka**ākāravajjito liṅgassanto saro rassamāpajjate ekavacanesu **yo**su ca paresūti rassattaṃ. **Api**ggahaṇaṃ **sim**hi nivattanatthaṃ. Sesam neyyaṃ.

Sā tiṭṭhanti, he sa he sā, he sā, saṃ, se, sena, sāhi sābhi, sassa sāya, sānaṃ, sā sasmā samhā, sāhi sābhi, sassa, sānaṃ, se sasmim samhi, sāsu.

Evaṃ paccakkhadhamā gāṇḍīvadhanvāpabhutayo.

**Ākāra**ntaṃ.

**Ikāra**nto pulliṅgo **aggi**saddo. **Syā**dyuppatti, aggi si,

“Anto, simhi, vā”ti ca vattate.

#### 145. Aggissini.

Aggissa anto **ini** hoti vā **simhi** vibhattimhi. “Sesato lopam gasipī”ti **silopo**. Aggini aggi.

Bahuvacane “ivaṇṇuvaṇṇā jhalā”ti **jhalasaññāyaṃ** –

“Jhalato, vā”ti ca vattate.

#### 146. Ghapato ca yonaṃ lopo.

**Ghapasaññehi** itthivācakehi ākārivaṇṇuvaṇṇehi, **jhalasaññehi** ca paresaṃ **yovacanānaṃ** lopo hoti vā. Vavatthitavibhāsāyaṃ.

#### 147. Yosu katanikāralopesu dīghaṃ.

Liṅgasantabhūtā sabbe rassasarā **yosu** katanikāralopesu dīghamāpajante. Katā **nikāralopā** yesaṃ te **katanikāralopā**. Aggī.

“Pañcādīnamatta”nti ito “atta”miti vattate.

#### 148. Yosvakatarasso jho.

**Yosu** paresu akatarasso **jho** attamāpajate. Aggayo.

**Jhoti** kim? Rattiyo.

Ālapanepemaṃ. He aggi, he aggī he aggayo.

Dutiyekavacane pubbassaralope sampatte –

#### 149. Aṃ mo niggahītaṃ jhalapehi.

**Jhalapaiccetehi** parassa **aṃ**vacanassa, **makārassa** ca niggahītaṃ ādeso hoti. Aggiṃ.

Aggī aggayo, agginā, aggīhi aggībhi, “sunamhisu cā”ti ettha **caggahaṇena** katthaci dīghābhāvo. Aggihi aggībhi.

“Jhalato sassa no vā”ti **no**. Aggino aggissa, aggināṃ.

“Smā nā”ti vattamāne “jhalato cā”ti vikappena **nā**. Agginā aggismā agginhā, aggīhi aggībhi aggihi aggībhi, aggino aggissa, aggināṃ aggināṃ, agginhā agginhā, agginhā agginhā, agginhā agginhā.

Evamaññepi –

Joti pāṇi gaṇṭhi muṭṭhi, kucchi vatthi sālī vīhi;  
Byādhi odhi bodhi sandhi, rāsi kesi sāti dīpi.

Isi muni maṇi dhani yati giri ravi kavi,  
Kapi asi masi nidhi vidhi ahi kimi pati;  
Hari ari timi kali bali jaladhi gahapati,  
Urudhiti varamati nirupadhi adhipati.

Añjali sārathi atithi samādhi udadhippabhutayo.

Ikārantam.

Īkārantō pulliṅgo **daṇḍīsaddo**.

“Daṇḍī si” itīdha –

“Agho rassamekavacanayosvapi cā”ti rassatte sampatte ethevāpiggahaṇena **sismim** tadabhāve siddhe niyamatthamāha.

“Rassa”nti vattamāne –

**150. Na sismimanapuṃsakāni.**

**Sismim** napuṃsakavajjitāni liṅgāni na rassamāpajjanteti rassattābhāvo, **silopo**. Daṇḍī tiṭṭhati.

**Anapuṃsakānī**ti kiṃ? Sukhakāri dānaṃ.

Ettha ca –

Visadāvisadākāra-vohārobhayamuttakā;  
Pumādijānane hetu-bhāvato liṅgamīritā.

**Yolope** daṇḍī tiṭṭhanti.

Itaratra “agho rassa”miccādinā rassatte kate –

“Jhato, katarassā”ti ca vattate.

**151. Yonaṃ no.**

Sabbesaṃ **yonaṃ** sālapanānaṃ **jhato** katarassā paresaṃ **noiccādeso** hoti. Daṇḍino tiṭṭhanti.

**Katarassā**ti kiṃ? Aggayo.

Adhikāraṃ vinā “yonaṃ,  
No”ti yogavibhāgato;  
Kvaci akatarassāpi,  
No sāramatino yathā.

Ālapane “ge”ti vattate.

**152. Jhalapā rassaṃ.**

**Jhalapa**iccete rassamāpajjante **ge** pare. Bho daṇḍi.

“Agho rassa”ntiādināva siddhepi rassatte punārambho niyamattho, tena “bho go”tiādīsu na bhavati. Daṇḍī daṇḍino.

Dutiyāyaṃ rassatte kate “a”miti vattate, “ghapato smim yaṃ vā”ti ito maṇḍūkagatiyā “vā”ti vattate.

### 153. Naṃ jhato katarassā.

**Jhato** katarassā parassa **aṃ**vacanassa **naṃ** hoti vā. Daṇḍinaṃ daṇḍiṃ, daṇḍī daṇḍino, daṇḍinā, daṇḍīhi daṇḍībhi, daṇḍino daṇḍissa, daṇḍīnaṃ.

“Jhalato cā”ti **nā**. Daṇḍinā daṇḍismā daṇḍimhā, daṇḍīhi daṇḍībhi, daṇḍino daṇḍissa, daṇḍīnaṃ.

“Jhato, katarassā”ti ca vattate, pure viya “vā”ti ca.

### 154. Smiṃ ni.

**Jhato** katarassā parassa **smiṃ**vacanassa **ni**ccādeso hoti vā. Daṇḍini daṇḍismim daṇḍimhi, daṇḍīsu.

Evamaññānīpi –

Dhammī saṅghī ñāṇī hatthī, cakkī pakkhī dāṭhī raṭṭhī;  
Chattī māli vammī yogī, bhāgī bhogī kāmī sāmī.

Dhajī gaṇī sasī kuṭṭhī, jaṭī yānī sukhī sikhī;  
Dantī mantī karī cāgī, kusalī musalī balī.

Pāpakārī sattughātī, mālyakārī dīghajīvī;  
Dhammacārī sīghayāyī, sīhanādī bhūmisāyī –

Iccādīni ikārantanāmāni.

**Gāmaṇī**saddassa tu sattamiyaṃ bhedo.

Gāmaṇī, gāmaṇī gāmaṇino, bho gāmaṇi, bhonto gāmaṇī bhonto gāmaṇino, gāmaṇinaṃ gāmaṇiṃ, gāmaṇī gāmaṇino.

Sesaṃ **daṇḍī**samaṃ. **Ni**ādesābhāvova viseso. Evaṃ **senānī sudhī**ppabhutayo.

**Īkā**rantam.

Ukāraṇto pulliṅgo **bhikkhu**saddo.

Tatheva **bhikkhu**saddato **si, silo**po. So bhikkhu.

Bahuvacane “ghapato ca yonaṃ lopo”ti **yolo**po, “yosu kata”iccādīnā dīgho. Te bhikkhū.

Lopābhāve “vā, yona”nti ca vattate.

### 155. Lato vokāro ca.

**Lasaññato** paresaṃ **yov**acanānaṃ **vokā**rādeso hoti vā. **Kā**raggaṇaṇena **yo**naṃ **no** ca hoti. **Cas**addaggaṇaṇaṃ katthaci nivattanatthaṃ. Atha vā **ca**ggahaṇaṃ noggaṇānuvattanatthaṃ, tena **jan**tusabbaññūādito **yo**naṃ **no** ca hoti. **Vā**saddo vavatthitavibhāsatto. Tena –

Bhikkhuppabhutito niccaṃ, vo yonaṃ hetuādito;  
Vibhāsā na ca vo no ca, amuppabhutito bhava.



“Attam, akatarasso”ti ca vattate.

### 156. Vevosu lo ca.

Ve voiccetesu ca paresu akatarasso lo attamāpajjate. Bhikkhavo, bho bhikkhu, bhavanto bhikkhū.

Lopābhāve –

### 157. Akatarassā lato yvālanassa vevo.

Akatarassā lato parassa ālapane vihitassa voiccetassa ve voādesā honti. Attam. Bhavanto bhikkhave bhikkhavo. “Am mo niggahītam jhalapehī”ti niggahītam.

Bhikkhum, bhikkhū bhikkhavo, bhikkhunā, bhikkhūhi bhikkhūbhi bhikkhuhi bhikkhubhi, bhikkhuno bhikkhussa, bhikkhūnam bhikkhunam, bhikkhunā bhikkhusmā bhikkhumhā, bhikkhūhi bhikkhūbhi bhikkhuhi bhikkhubhi, bhikkhuno bhikkhussa, bhikkhūnam bhikkhunam, bhikkhumhi bhikkhusmiṃ, bhikkhūsu bhikkhusu.

Evaṃ setu ketu rāhu bhānu paṅgu ucchu veḷu maccu sindhu bandhu neru meru sattu kāru hetu jantu ruru paṭu iccādayo.

**Hetujantusaddānaṃ paṭhamādutiyāsu viseso.**

Hetu, hetū hetavo hetuyo, bho hetu, bhonto hetū hetave hetavo, hetuṃ, hetū hetavo hetuyo. Sesaṃ **bhikkhusamaṃ**.

Jantu, jantū jantavo. **Kāraggaṇa**ṇena yonaṃ no ca hoti. Jantuno jantuyo, bho jantu, jantū jantave jantavo, jantuṃ, jantū jantavo jantuno jantuyo iccādi.

**Satthusaddassa** bhedo. “Satthu si”itīdha –

“Anto”ti vattate.

### 158. Satthupitādīnamā sismiṃ silopo ca.

**Satthu pitu mātu bhātu dhātu kattuiccevamādīnamanto āttamāpajjate sismiṃ, silopo ca hoti.** Satthā.

“Satthu pitādīna”nti adhikāro.

### 159. Aññesvārattaṃ.

**Satthu pitādīnamanto sīvacanato aññesu vacanesu ārattamāpajjate. Ārattamitibhāvaniddesena** kattacci aniyamaṃ dasseti.

**Āraggaṇa**manuvattate.

### 160. Tato yonamo tu.

Tato **ārā**desato sabbesaṃ yonaṃ okāraḍeso hoti.

**Tuggaṇa**ṇena aññehipi **catuubhanadīgavādīhi yonamokāro** hoti, saralopādi. Satthāro.

Ālapane “akārapitādyantānamā”ti **āttam**. “Ge rassa”nti adhikicca “ākāro vā”ti vikappena rassattam, **valopo**. Bho sattha bho satthā, bhavanto satthāro, satthāram, satthāre satthāro.

“Tato”ti ca vattate.

### 161. Nā ā.

Tato **ārā**desato **nā**vacanassa **ākārā**deso hoti. Satthārā, satthunāti **ārattam**itibhāvaniddesena siddham. Satthārehi satthārebhi.

“Vā naṃmhī”ti ito “vā”ti vattate.

### 162. U sasmim salopo ca.

**Satthu pitu**iccevamādīnamantassa **uttam** hoti vā **sasmim**, **salopo** ca hoti. **Ārā**desāpavādoyam. Satthu, aññattha bhāvaniddesenārābhāvo. Satthussa satthuno.

“Āratta”nti vattate.

### 163. Vā naṃmhi.

**Satthu pitu**ādīnamanto **ārattam**āpajjate vā **naṃmhi** vibhattimhi. Satthārānam.

Ārābhāve “vā naṃmhī”ti vattate.

### 164. Satthunattañca.

**Satthusaddantassa**, **pitā**dīnamantassa ca **attam** hoti vā **naṃmhi** vibhattimhi, puna **satthuggahaṇam** satthuno niccavidhānattham. Satthānam.

“Amhatumhanturājābrahmattasakhasatthupitādīhi smā nāvā”ti **smā**vacanassanābhāvo. Satthārā, satthārehi satthārebhi, satthu satthuno satthussa, satthārānam satthānam.

“Ārato”ti vattate.

### 165. Tato smimi.

Tato **ārā**desato **smim**vacanassa **ikārā**deso hoti. Puna **tatoggahaṇena** aññasmāpi **smim**vacanassa ikāro. Yathā – bhuvī, divī.

### 166. Āro rassamikāre.

Ārādeso rassamāpajjate ikāre pare, satthari, satthāresu.

Evam kattā, kattāro, bho katta bho kattā, bhavanto kattāro, kattāram, kattāre kattāro, kattārā, kattārehi kattārebhi. “U sasmim salopo cā”ti **uttam**, salopo ca. Kattu kattuno kattussa, kattārānam kattānam kattūnam kattunam, kattārā, kattārehi kattārebhi, kattu kattuno kattussa, kattārānam kattānam kattūnam kattunam, kattari, kattāresu, **ārā**bhāve kattūsu kattusu.

Evam –

Bhattu vattu netu sotu, ñātu jetu chettu bhetu. Dātu dhātu nattu boddhu, viññāpetu ādayopī.

“U sasmim salopo cā”ti vattate.

### 167. Sakamandhātādīnañca.

**Sakamandhātu**iccevamādīnamanto ca **uttamāpajjate sasmim, salopo** ca, **niccam** punabbidhānā. Sakamandhātu viya assa rājino vibhavo, sesam samam. Evaṃ mahāmandhātuppabhutayo.

**Pitusaddassa** bhedo. **Simhi āttam, silopo, pitā.**

**Yomhi** “āro, rassa”nti ca vattate.

### 168. Pitādīnamasimhi.

**Pitādīnamārā**deso rassamāpajjate **asimhi** vibhattimhi. **Sismim ārā**desābhāvepi **asimhīti** adhikavacanamatthantaraviññāpanattham, tena **toā**dimhi **pitādī**namikāro ca. Yathā – pitito, mātito, bhātito, dhītito, pitipakkho, mātīpakkhoti.

Pitaro, sesam **kattusamam**. Bho pita bho pitā, bhavanto pitaro, pitaram, pitare pitaro, pitarā pitunā, pitarehi pitarebhi. Bhāvaniddesena **ārā**desābhāve pitūhi pitūbhi pituhi pitubhi, pitu pituno pitussa, pitarānam pitānam pitūnam, dīghābhāve pitunam vā, pitarā, pitarehi pitarebhi pitūhi pitūbhi pituhi pitubhi, pitu pituno pitussa, pitarānam pitānam pitūnam pitunam, pitari, pitaresu pitūsu pitusu.

Evaṃ bhātā, bhātaro iccādi.

Ukārantaṃ.

Ūkāranto pulliṅgo **abhibhū**saddo.

Tatheva **syā**dyuppatti, **silopo**. So abhibhū, **yo**lope kate te abhibhū.

“Agho rassa”ntiādinā rassattaṃ, **vokāro**. Katarassattā **attā**bhāvo. Abhibhuvo, bho abhibhu, bhavanto abhibhū abhibhuvo.

Katarassattā **veā**deso na hoti. Sesam **bhikkhus**addasamaṃ, rassattameva viseso. Abhibhum, abhibhū abhibhuvo, abhibhunā, abhibhūhi abhibhūbhi, abhibhuno abhibhussa, abhibhūnam iccādi.

Evaṃ sayambhū, vessabhū, parābhibhū, sahabhūādayo. **Sahabhū**saddassa **yonam noā**desova viseso. Sahabhū, sahabhū sahabhuvo sahabhuno iccādi.

Tathā **sabbaññū**saddassa **yo**sveva viseso. So sabbaññū te sabbaññū, **yo**lopābhāve rassattaṃ, “lato vokāro cā”ti ettha **kā**raggahaṇena **yonam noā**deso. **Vā**dhikārassa vavatthitavibhāsattā na ca **vokāro**. Sabbaññuno, bho sabbaññū, bhonto sabbaññū sabbaññuno, sabbaññum, sabbaññū sabbaññuno iccādi.

Evaṃ maggaññū dhammaññū atthaññū kālaññū rattaññū mattaññū kataññū tathaññū viññū vidū vedagū pārāgū iccādayo.

Ūkārantaṃ.

Ekāranto appasiddho.

Okāranto pulliṅgo **go**saddo.

Tato **syādyuppatti, silopo, go gacchati.**

“Gāva se”’ti ito “go”’ti adhikāro, “āvā”’ti ca vattate.

#### 169. Yosu ca.

Goiccetassa okārassa **āvādeso** hoti **yosu**. Casaddena **nā smā smiṃsuiccesu** ca. “Tato yonamo tū”’ti ettha **tuggahaṇena** yonamokāro, saralopādi. Gāvo tiṭṭhanti.

#### 170. Avaṃmhi ca.

Goiccetassa okārassa **āva avaiccete** ādesā honti **aṃmhi** vibhattimhi. Seddena **yo nā sa smāsmiṃsuiccesu** ca **avādeso** hoti. Gavo gacchanti, he go, he gāvo he gavo.

Dutiyāyaṃ “**aṃmhī**”’ti vattate.

#### 171. Āvassu vā.

Āvaiccetassa **gāvādesassa** antasarassa **ukārādeso** hoti vā **aṃmhi** vibhattimhi. Āvassa a āva, tassa **āvasaddantassa**. “Aṃmo”’tiādinaṃ niggahītaṃ. Gāvum gāvaṃ gavaṃ, gāvo gavo.

“Goṇa, vā”’ti vattate.

#### 172. Suhināsu ca.

**Su hi nāiccesu** sabbassa **gosaddassa goṇādeso** hoti vā. Casaddena sesesu ca. Goṇo, goṇā, he goṇa he goṇā, goṇaṃ, goṇe, goṇena, goṇehi goṇebhi, goṇassa.

#### 173. Goṇa naṃmhi vā.

Sabbassa **gosaddassa goṇādeso** hoti vā **naṃmhi** vibhattimhi. Goṇānaṃ, goṇā goṇasmā goṇamhā, goṇehi goṇebhi, goṇassa, goṇānaṃ, goṇe goṇasmim goṇamhi, goṇesu.

**Goṇādesābhāve** gāvena gavena, gohi gobhi.

#### 174. Gāva se.

“Go āva se”’iti tipadamidaṃ. Gossa o go, **gosaddokārassa āvādeso** hoti **se** vibhattimhi. Gāvassa gavassa.

**Naṃmhi** “go, avā”’ti ca vattate.

#### 175. Tato namaṃ patimhālutte ca samāse.

Tato **gosaddato** parassa **naṃvacanassa aṃādeso** hoti, **gosaddokārassa avādeso** ca **patimhi** pare alutte ca samāse. Casaddena asamāsepi **aṃ avādesā**. Gavampatissa therassa, gavaṃ.

“Suhināsu cā”’ti ettha **casaddena naṃmhi guādeso**. “No ca dvādito naṃmhī”’ti sutte **casaddena nakārāgamo** ca. Gunnaṃgonam vā.

Gāvā gāvamhā gāvasmā gavā gavamhā gavasmā, gohi gobhi, gāvassa gavassa, gavaṃ gunnaṃ gonam, gāve gāvamhi gāvasmim gave gavamhi gavasmim, gāvesu gavesu gosu.

### Okārantam.

Puriso guṇavā rājā, sā'ggi daṇḍī ca bhikkhu ca;  
Satthā'bhībhū ca sabbaññū, goti pullīngasaṅgaho.

### Pullīngam niṭṭhitam.

Asmā nasmā tasmā namhā tamhā, nehi nebhi tehi tebhi, assa nassa tassa, nesam tesam  
nesānam tesānam, asmiṃ nasmiṃ tasmīṃ namhi tamhi, nesu tesu.

Itthiyam “tā si” itīdha sādēsaṣiḷopā. Sā kaññā, nattam. Nā tā nāyo tāyo, nam tam, nā tā nāyo  
tāyo, nāya tāya, nāhi tāhi nābhi tābhi.

“Etimāsami” ti ito **etimā**ggahaṇaṇca “tassā vā” ti ito **taggahaṇaṇca** pañcamiyantavasena  
vattate “vā” ti ca.

### 215. Tato sassa ssāya.

Tato **tā etā imā**to parassa **sassa** vibhattissa **ssāyā**deso hoti vā.

“Saṃsāsvevakavacanesu ca, i” ti ca vattate.

### 216. Tassā vā.

**Tā**iccetassa itthiyam vattamānassa antassa **ikāro** hoti vā **saṃ sās**vevakavacanesu vibhattādesesu.  
Tissāya tassāya assāya nassāya assā nassā tissā tassā nāya tāya, nāsam tāsam.

Pañcamīchaṭṭhīsu tatiyācatutthīsamam. Sattamiyam assam nassam tissam tassam nāyam tāyam,  
nāsu tāsu.

Napuṃsake **simhisā**desābhāvā nattam. Nam tam, nāni tāni, nam tam, nāni tāni, nena tena iccādi  
pullīngasamam.

**Eta si**, “etatesam to” ti **sakārā**deso. Eso puriso, ete, etam, ete iccādi **sabbasaddasamam**.

Itthiyam **etā si**, **sā**deso. Esā kaññā, etā etāyo, etam, etā etāyo, etāya, etāhi etābhi.

**Sa smiṃ**su pana “saṃsāsvevakavacanesu cā” ti vattate.

### 217. Etimāsami.

Antāpekkhāyam chaṭṭhī, **etā imā**icchetesamanto saro **ikāro** hoti **saṃsās**vevakavacanesu  
vibhattādesesu. **Sā**desagatikattā **ssāyā**desepi. **Casaddā**dhikārato **aññekā**saddādīnamantassa ca.

Etissāya etissā etāya, etāsam etāsānam, etāya, etāhi etābhi, etissāya etissā etāya, etāsam  
etāsānam, etissam etāyam, etāsu.

**Casaddato** aññissā aññāya, aññissam aññāyam. Ekissā ekāya, ekissam ekāyam. Itarissā itarāya,  
itarissam itarāyam iccādi.

Napuṃsake etam, etāni, etam, etāni, sesam ñeeyyam.

**Imasaddassa** bhedo. **Ima si** –

“Sabbassimassā”ti vattate.

### 218. Anapuṃsakassāyaṃ simhi.

**Imasaddassa** sabbasseva anapuṃsakassa **ayaṃ**ādeso hoti **simhi** vibhattimhi, **silopo**. Ayaṃ puriso, ime, imaṃ, ime.

### 219. Animi nāmhi ca.

**Imasaddassa** sabbasseva **ana imi**ādesā honti **nāmhi** vibhattimhi. Anitthilingassevetam gahaṇaṃ. Anena iminā.

“Sunamhisū”ti vattate.

### 220. Sabbassimasse vā.

Sabbassa **imasaddassa** ekāro hoti vā **su naṃ** hiicettesu vacanesu.

Āppaccayantāniddesā, sabbatthāti avuttato;  
Anitthilingassevettha, gahaṇañhi imassiti.

Ehi ebhi imehi imebhi.

“Sabbassa, vā, sabbattha, sasmāsmiṃsaṃsāvatta”nti ca vattate.

### 221. Imasaddassa ca.

**Imasaddassa** ca sabbasseva **attam** hoti vā **sa smā smiṃsaṃ** sāicettesu vacanesu sabbattha līngesu.

Assa imassa, esaṃ esānaṃ imesaṃ imesānaṃ, asmā imasmā imamhā, ehi ebhi imehi imebhi, assa imassa, esaṃ esānaṃ imesaṃ imesānaṃ, asmiṃ imasmimṃ imamhi, esu imesu.

Itthiyaṃ **imā si**, **ayaṃ**ādesasilopā.

Ayaṃ kaññā, imā imāyo, imaṃ, imā imāyo, imāya, imāhi imābhi. Catutthiyaṃ **attam**, **ikāra-ssāyā**desā ca, assāya imissāya assā imissā imāya, imāsaṃ imāsānaṃ. Sattamiyaṃ assaṃ imissaṃ imissā vā, “tesu vuddhilopā”dinā **smiṃ**vacanassa vā **sā**deso. Imāyaṃ, imāsu. Sesam ñeyyaṃ.

Napuṃsake **ima si**, “savibhattissa, vā”ti ca vattate.

### 222. Imassidamaṃsisu na puṃsake.

Napuṃsake vattamānassa sabbasseva **imasaddassa** savibhattissa **idaṃ** hoti vā **aṃ** sisu paresu.

Idaṃ cittaṃ virocāti, imaṃ, imāni, idaṃ pupphaṃ passasi, imaṃ, imāni, anena iminā, ehi ebhi imehi imebhi iccādi pullīnge viya ñeyyaṃ.

**Amusaddassa** bhedo. **Amu si** –

“Vā, anapuṃsakassa, simhī”ti ca vattate.

**223. Amussa mo saṃ.**

Anapuṃsakassa **amus**addassa **makāro sakāramāpajjate vā simhi** pare. Asu rājā.

“Sabbanāmato, vā”ti ca vattate.

**224. Sabbato ko.**

Sabbato sabbanāmato paro **kaic**cayamāgamo hoti vā. Puna **sabbatoggahaṇena hīnādītopi ko**.  
“Amussa mo sa”nti vinādhikārena yogena **kakārepi sādeso**.

Asuko, asukā, asukaṃ. **Sādesābhāve** amuko, amukā, amukaṃ iccādi.

Bahuvacane “lato vokāro cā”ti sutte anuvattamānavāggahaṇena **vokāro** na hoti, niccaṃ **yolopo**, dīgho ca.

Amū purisā, amuṃ, amū, amunā, amūhi amūbhi amuhi amubhi, amussa.  
“Amussādu”nti vinādhikārena yogena **adum**ādeso, adussa, amūsaṃ amūsānaṃ amusaṃ  
amusānaṃ, amusmā amumhā, amūhi amūbhi amuhi amubhi, amussa adussa, amūsaṃ  
amūsānaṃ amusaṃ amusānaṃ, amusmiṃ amumhi, amūsu amusu.

Itthiyaṃ **simhi sādesādi**.

Asu kaññā asukā amukā vā, amū amuyo, amuṃ, amū amuyo, amuyā, amūhi amūbhi,  
amussā amuyā, amūsaṃ amūsānaṃ, amuyā, amūhi amūbhi, amussā amuyā, amūsaṃ  
amūsānaṃ, amussaṃ amuyaṃ amuyā, amūsu.

Napuṃsake **amusi**. “Savibhattissa”, **imassidamiccādito** “aṃsisu napuṃsake”ti ca vattate.

**225. Amussādum.**

Napuṃsake vattamānassa sabbasseva **amus**addassa savibhattissa **adum** hoti **aṃsisu** paresu.  
Adum pupphaṃ, amū amūni, adum, amū amūni, amunā iccādi pulliṅgasamaṃ.

**Kim**saddassa bhedo. “Kiṃ si” itīdha –

“Kissa ka ve cā”ti ito “kissa, ka”iti ca vattate.

**226. Sesesu ca.**

**Kimic**cetassa **kasaddo** ādeso hoti **vappaccayato** sesesu vibhattibhededu. Ettha ca “kissa ka ve  
cā”ti sutte **casaddena vappaccayāvasiṭṭha thamādippaccayānaṃ gahitattā sesa**ggahaṇena  
vibhattiyova gayhante. **Caggahaṇaṃ** katthaci nivattanatthaṃ, tena “kissa, kismi”ntiādi ca sijjhati.  
“So”ti **sis**sa o, saralopādi.

Ko eso, ke, kaṃ, ke, kena, kehi kebhi, kassa kissa, niggahītalopādi, kesam kesānaṃ,  
kasmā kamhā, kehi kebhi, kassa kissa, kesam kesānaṃ, kasmim kismiṃ kamhi kimhi, kesu.

Itthiyaṃ “kiṃ si”itīdha “sesesu cā”ti vibhattiyaṃ parāyaṃ **kā**dese kate “itthiyamato  
āppaccayo”ti majjhe āppaccayo, **silopo**.

Kā esā kaññā, kā kāyo, kaṃ, kā kāyo iccādi **sabbā**saddasamaṃ.

Napuṃsake **kiṃ si**, lopavidhissa balavatarattā paṭhamaṃ **silope** kate puna vibhattiparattābhāvā,

“tadanuparodhenā”ti paribhāsato vā **kā**desābhāvo. Kiṃ etaṃ, kāni.

Dutiyekavacane “kvaci lopa”nti niggaḥitalope kate “aṃmo niggaḥitaṃ jhalapehī”ti niggaḥitaṃ. Kiṃ, kāni iccādi pulliṅgasamaṃ.

**Ekasaddo** saṅkhyātulyāsahāyaññavacano. Yadā saṅkhyāvachano, tadā sabbatthekavacanantova, aññattha bahuvacanantopi. Eko, ekā, ekaṃ iccādi sabbattha **sabbasaddasamaṃ**. **Saṃsā**sveva viseso.

**Ubhasaddo dvisaddapariyāyo**, sadā bahuvacanantova.

“Ubha yo” itīdha “tato yonamo tū”ti ettha **tuggahaṇena** kvaci **yonamokāro**. Ubho purisāubhe vā, ubho purise ubhe. **Su hisu** “tesu vuddhī”tiādinā kvaci ekārassokāro. Ubhohi ubhobhī ubhehi ubhebbhi.

### 227. Ubhādito naminnaṃ.

**Ubhaiccevamādito** naṃvacanassa **innaṃ** hoti.

Ubhinnaṃ, ubhohi ubhobhī ubhehi ubhebbhi, ubhinnaṃ, ubhosu ubhesu.

**Dviādayo** saṅkhyāsaṅkhyeyyavacanā, bahūnaṃ vācitattā sadā bahuvacanantāva.

“Dvi yo” itīdha “savibhattissa, itthipumanapūṃsakasaṅkhyā”nti ca adhiḥkāro.

### 228. Yosu dvinnaṃ dve ca.

**Dviicce**tassa saṅkhyāsaddassa itthipumanapūṃsake vattamānassa savibhattissa **dveiccādeso** hoti **yosu** paresu. **Casaddena** duve ca, kvaci duvi ca **naṃmhi**. **Bahuvacanuccāraṇaṃ dvisaddato** bahuvacanameva hotīti ñāpanatthaṃ. Dve dhammā, dve itthiyo, dve rūpāni, duve vā, evaṃ dutiyāyampi, dvīhi dvībhi.

Naṃmhi dīghe sampatte –

### 229. No ca dvādito naṃmhi.

**Dviicce**vamādito saṅkhyāto **nakārāgamo** hoti **naṃmhi** vibhattimhi. **Casaddaggaṇena** itthiyaṃ **ti ca tusaddato ssañcāgamo naṃmhi** vibhattimhi. Dvinnaṃ duvinnaṃ vā, dvīhi dvībhi, dvinnaṃ duvinnaṃ, dvīsu.

**Tisaddassa** bhedo. “Ti yo” itīdha

**Yolope** sampatte

“Yosū”ti vattate.

### 230. Ti catunnaṃ tisso catasso tayocattārotīṇi cattāri.

**Ti catunnaṃ** saṅkhyānaṃ itthipumanapūṃsake vattamānānaṃ savibhattīnaṃ yathākkamaṃ **tisso catasso tayo cattārotīṇi cattāri**iccete ādesā honti **yosu** paresu. Tayo purisā, tayo purise passa, tīhi tībhi.

“Na”miti vattate.



### 231. Inṇamiṇṇannaṃ tīhi saṅkhyāhi.

Tiiccetasmā saṅkhyāsaddā parassa **naṃ**vacanassa **iṇṇaṃ iṇṇannaṃ**iccete ādesā honti, saralopādi. Tiṇṇaṃ tiṇṇannaṃ, tīhi tībhi, tiṇṇaṃ tiṇṇannaṃ, tīsu.

Itthiyaṃ tisso itthiyo, tisso, tīhi tībhi, **naṃ**mhi **ssa**ñcāgamo, tissannaṃ, **ssaṃ**byavadhānato **iṇṇā**bhāvo, sesaṃ samaṃ.

Napuṃsake tīṇi, tīṇi. Sesaṃ pulliṅgasamaṃ.

Tathā **catu**saddassapi yosu “tīcatunna”ntiādinā yathāvuttādeso, “tato yonamo tū”ti ettha **tus**addena kvaci **okā**ro ca. Cattāro caturo vā, cattāro caturo, catūhi catūbhi catubbhi, catunnaṃ, **na**kārāgamo. Catūhi catūbhi catubbhi, catunnaṃ, catūsu.

Itthiyaṃ catasso, catasso, **naṃ**mhi **ssa**ñcāgamo, “tesu vuddhī”tiādinā caturukārassa **akā**ro. Catassannaṃ. Sesaṃ samaṃ.

Napuṃsake cattāri, cattāri. Sesaṃ pulliṅgasamaṃ.

Tathā –

Nīlādiguṇanāmañca, bahubbīhi ca taddhitāṃ;  
Sāmaññavutyatītādi-kitantaṃ vāccaliṅgikaṃ.

Etthedaṃ vuccate –

Ese’so etamiti ca,  
Pasiddhi atthesu yesu lokassa;  
Thīpunnapuṃsakāniti,  
Vuccante tāni nāmāni.

Tiliṅgaṃ niṭṭhitaṃ.

### Aliṅganāma

Athāliṅgesu nāmesu **tumham**hasaddā vuccante.

Tesaṃ panāliṅgattā tīsu liṅgesu samānarūpaṃ. “**Tumham**ha”iti ṭhite **syā**dyuppatti.

“Savibhattīnaṃ, tumhamhāka”nti adhikāro.

### 232. Tvamaḥaṃ simhi ca.

Sabbesaṃ **tumha**amhasaddānaṃ savibhattīnaṃ yathākkamaṃ **tvama**haṃiccete ādesā honti **sim**hi vibhattimhi. **Cas**addena **tum**hassa **tva**ñca hoti. Tvaṃ pumā, tvaṃ itthī, tvaṃ napuṃsakaṃ, tvaṃ sathā vā. Ahaṃ pumā, ahaṃ itthī, ahaṃ napuṃsakaṃ.

Bahuvacane “sabbanāmakārate paṭhamo”ti **ekā**ro. Tumhe tiṭṭhatha, bhiyyo amhe mahemase.

“Amhassā”ti vattate.

### 233. Mayaṃ yomhi paṭhame.

Sabbassa **am**hasaddassa savibhattissa **may**aṃādeso hoti **yom**hi paṭhame. Mayaṃ gacchāma.

Ettha ca ekasmimpi gāravabahumānena bahuttasamāropā bahuvacanaṃ hoti.

“Aṃmhi”ti vattate.

#### 234. Tavaṃ mamañca navā.

Sabbesaṃ **tumha amhasaddānaṃ** savibhattīnaṃ **tavaṃ mamañcete** ādesā honti navā yathākkamaṃ **aṃmhi** vibhattimhi. Tavaṃ, mamaṃ passa.

#### 235. Taṃ mamaṃmhi.

Sabbesaṃ **tumha amhasaddānaṃ** savibhattīnaṃ **taṃ mañcete** ādesā honti yathākkamaṃ **aṃmhi** vibhattimhi. Taṃ, maṃ.

#### 236. Tumhassa tuvaṃ tvamaṃmhi.

Sabbassa **tumhasaddassa** savibhattissa **tuvaṃtvamañcete** ādesā honti **aṃmhi** vibhattimhi. Tuvaṃ tvamaṃ.

Bahuvacane “tumhamhehi, āka”nti ca vattate.

#### 237. Vā yvappaṭhamo.

**Tumhamhehi** paro appaṭhamo **yo ākaṃ** hoti vā. Tumhākaṃ passāmi, tumhe passāmi, amhākaṃ passasi, amhe passasi.

#### 238. Nāmhi tayā mayā.

Sabbesaṃ **tumha amhasaddānaṃ** savibhattīnaṃ **tayā mayāiccete** ādesā honti yathākkamaṃ **nāmhi** vibhattimhi.

#### 239. Tayātayīnaṃ takāro tvattaṃ vā.

**Tayā tayiicetesam takāro tvattamāpajjate** vā. Tvayā tayā, mayā, tumhehi tumhebbhi, amhehi amhebbhi.

“Sasmiṃ, vā”ti vattate.

#### 240. Sassaṃ.

**Tumhamhehi sassa** vibhattissa **amādeso** hoti vā. Tumhaṃ, amhaṃ dīyate.

#### 241. Tava mama se.

Sabbesaṃ **tumha amhasaddānaṃ** savibhattīnaṃ yathākkamaṃ **tavamamaiccete** ādesā honti **se** vibhattimhi, vikappenāyaṃ vijjhantarassa vijjamānattā.

“Se”ti vattate.

#### 242. Tuyhaṃ mayhañca.

Sabbesaṃ **tumha amhasaddānaṃ** savibhattīnaṃ yathākkamaṃ **tuyhaṃmayhañcete** ādesā ca honti **se** vibhattimhi. Tava, mama tuyhaṃ, mayhaṃ vā dīyate.

### 243. Amhassa mamaṃ savibhattissa se.

Sabbasseva **amhasaddassa** savibhattissa **mamaṃ**ādeso hoti **se** vibhattimhi. Mamaṃ dīyate.

“Sassa”nti ito sīhagatiyā “a”miti vattate.

### 244. Tumhamhehi namākaṃ.

**Tumhamhehi** parassa **naṃ**vacanassa **ākamiccā**deso hoti, **añca**. “Tesu vuddhī”tiādinā **amhassa** kvaci **asmā**deso. Tumhaṃ tumhākaṃ, amhaṃ amhākaṃ asmākaṃ vā.

Pañcamiyaṃ “amhatumhanturāja”iccādinā **smā**vacanassa **nābhāvātideso**. Tayā, mayā apeti, tumhehi, amhehi tumhebhi amhebhi, tumhaṃ amhaṃ tava mama, tuyhaṃ, mayhaṃ mamaṃ pariggaho, tumhaṃ tumhākaṃ, amhaṃ amhākaṃ asmākaṃ dhammatā.

“Smimṃhī”ti vattate.

### 245. Tumhamhākaṃ tayi mayi.

Sabbesaṃ **tumha amhasaddānaṃ** savibhattīnaṃ **tayi mayi**iccete ādesā honti yathākkamaṃ **smimṃ**hi vibhattimhi. **Takārassa tvattaṃ**. Tvayi tayi mayi, tumhesu amhesu.

Tesaṃ eva **tumha amhasaddānaṃ** padato paresaṃ kvaci ādesantaravidhāne rūpabhedo.

“Navā”ti adhikāro.

### 246. Padato dutiyācatutthīchaṭṭhīsu vo no.

Sabbesaṃ **tumha amhasaddānaṃ** savibhattīnaṃ padasmā paresaṃ **vo no**ādesā honti yathākkamaṃ dutiyācatutthīchaṭṭhīsu bahuvacanesu navā. Ettha ca “ekavacanesū”ti vakkhamānattā “bahuvacanesū”ti laddhaṃ. Pahāya vo gamissāmi, mā no ajja vikantiṃsu, dhammaṃ vo bhikkhave desissāmi, saṃvibhajetha no rajjena, tuṭṭhosmi vo pakatiyā, satthā no bhagavā anuppatto.

**Navāti** kiṃ? Bhayaṃ tumhāka no siyā, eso amhākaṃ satthā.

“Padato, catutthīchaṭṭhīsū”ti vattate.

### 247. Temekavacanesu ca.

Sabbesaṃ **tumha amhasaddānaṃ** savibhattīnaṃ padasmā paresaṃ **te me**ādesā honti yathākkamaṃ catutthīchaṭṭhīsu ekavacanesu navā. Dadāmi te gāmarāni pañca, dadāhi me gāmarānaṃ, idaṃ te raṭṭhaṃ, ayaṃ me putto.

**Navāti** kiṃ? Idaṃ cīvaram tuyhaṃ vikappanattāya dammi, suñātha vacanaṃ mama.

**Navā**dhikāro cettha,  
Vo no te meti ye ime;  
Pādādo ca ca vā evā-  
Diyoge ca na honti te.

Yathā –

Na socāmi na rodāmi, tava sutvāna māṇava;  
Tuyhañcāpi mahārāja, mayhañca raṭṭhavaḍḍhana.

Evamidaṃ dīghamaddhānaṃ sandhāvitaṃ saṃsaritaṃ mamañceva tumhākañcāti.

**Padatoti** kiṃ? Tava ñāti, mama ñāti.

“Te me”ti vattate.

#### 248. Na aṃmhi.

Sabbesaṃ **tumha amhasaddānaṃ** savibhattīnaṃ padasmā paresaṃ **te me**ādesā na honti **aṃmhi** vibhattimhi. Passeyya taṃ vassasataṃ ārogyaṃ. So mamabravīti.

“Temekavacane”ti vattate.

#### 249. Vā tatiye ca.

Sabbesaṃ **tumha amhasaddānaṃ** savibhattīnaṃ padasmā paresaṃ **te me** ādesā honti vā yathākkamaṃ tatiyekavacane pare. Kataṃ te pāpaṃ, kataṃ tayā pāpaṃ, kataṃ me puññaṃ, kataṃ mayā puññaṃ.

“Vā, tatiye”ti ca vattate.

#### 250. Bahuvacanesu vo no.

Sabbesaṃ **tumha amhasaddānaṃ** savibhattīnaṃ padasmā paresaṃ **vo no**ādesā honti vā yathākkamaṃ tatiyābahuvacane pare. Kataṃ vo kammaṃ, kataṃ no kammaṃ.

**Bahuvacananiddesena** kvaci **yomhi** paṭhame ca **vo no** honti. Gāmaṃ vo gaccheyyātha, gāmaṃ no gaccheyyāma.

Tathā **pañcādīnamaṭṭhārasantānaṃ**, **katisaddassa** cālingattā tilīngepi samānarūpaṃ, alīngattā eva **pañcādito** itthippaccayābhāvo.

“Pañca yo”itīdha –

“Yosu dvinnaṃ dve cā”ti ito “yosū”ti vattate, “itthipumanapūṃsakasaṅkhyā”nti ca.

#### 251. Pañcādīnamakāro.

Antāpekkhāyaṃ chaṭṭhī, **pañcādīnaṃ aṭṭhārasantānaṃ** saṅkhyānaṃ itthipumanapūṃsake vattamānānamantassa savibhattissa **akāro** hoti **yosu** paresu. **Ā** eādesāpavādoyaṃ, pañcakkhandhā, pañca gatiyo, pañca indriyāni. Evaṃ dutiyāyañca.

“Sunamhisū”ti vattate.

#### 252. Pañcādīnamattaṃ.

**Pañcādīnamaṭṭhārasantānaṃ** saṅkhyānamanto **attamāpajjate su naṃ** hiicetesu paresu. Ettadīghāpavādoyaṃ. Pañcahi pañcabhi, pañcannaṃ, pañcahi pañcabhi, pañcannaṃ, pañcasu. Evaṃ **cha sa tta aṭṭhanava dasasaddā**.

“Ekañca dasa cā”ti atthe dvandasamāse, “ekena adhiḱā dasā”ti atthe tappurise vā kate

“Saṅkhyāne”ti vattate.

### 253. Dvekaṭṭhānamākāro vā.

**Dviekaṭṭha**icchetesamanto **ākāro** hoti vā saṅkhyāne uttarapade pare. Vavatthitavibhāsāyaṃ. Ekādasa, dvādasa, aṭṭhārasa.

**Saṅkhyā**neti kimatthaṃ? Ekadanto, dvidanto, aṭṭhatthambho.

“Vā”ti vattate.

### 254. Ekādito dassa ra saṅkhyāne.

**Ekādito** saṅkhyāto parassa dasassa ādissa **dassa rakāro** hoti vā saṅkhyāne. Sesam samaṃ. Ekārassa, ekādasa.

Dve ca dasa ca, dvīhi vā adhikā dasāti dvidasa itīdha –

“Vā”ti vattate.

### 255. Vīsaticcetesu bā dvissa tu.

**Vīsati** dasaiccetesu paresu **dvisaddassa bā** hoti vā. **Tusaddena tiṃsā**yampi. **Rakāro**, āttañca. Bārassa, dvādasa.

Tayo ca dasa ca, tīhi vā adhikā dasāti terasa. Ettha “tesu vuddhī”tiādinā **tisaddassa teādeso** ānavutiyā.

Cattāro ca dasa ca, catūhi vā adhikā dasāti catuddasa iccatra –

“Gaṇane, dasassā”ti ca vattate.

### 256 . Catūpapadassa lopo tuttarapadādi cassa cu copī navā.

Gaṇane **dasassā**dimhi ṭhitassa **catuiccetassa** upapadassa **tusaddo** lopo hoti, uttarapadādimhi ṭhitassa **catūpapadassa cakārassa cu coādesā** hontī navā. Cuddasa, coddasa, catuddasa.

**Api**ggaṇena anupapadassāpi gaṇane padādicakārassa lopo, **cu co** hontī navā. Yathā – tālīsaṃ, cuttālīsaṃ, cottālīsaṃ, cattālīsaṃ.

Pañca ca dasa ca, pañcahi vā adhikā dasāti atthe pañcadasa. “Tesu vuddhī”tiādinā **pañcasaddassa dasa vīsatisu** kvaci **pannapaṇṇaādesā**. Pannarassa, paṇṇarassa.

Cha ca dasa ca, chahi vā adhikā dasāti atthe chadassa itīdha –

“Chassā”ti vattate.

### 257. Dase so niccañca.

**Chaiccetassa** saṅkhyāsaddassa niccaṃ **so** hoti **dase** pare.

“Saṅkhyānaṃ, vā”ti ca vattate.

### 258. La darānaṃ.

Saṅkhyānaṃ **ḍakārarakārānaṃ lakārādeso** hoti vā.

**Laḷāna**naviseso. Vavatthitavibhāsattahoyam **vāsaddo**, tena “soḷasa” iti niccaṃ, “teḷasa, terasa, cattālīsaṃ, cattārīsa” miti vibhāsā, dasa pannarasādīsū na ca hoti.

Satta ca dasa ca, sattahi vā adhikā dasāti atthe sattarasa, sattadasa.

Aṭṭha ca dasa ca, aṭṭhahi vā adhikā dasāti atthe aṭṭhadasa itīdha **ātte** kate –

“Vā, dassa, ra, saṅkhyāne” ti ca vattate.

### 259. **Aṭṭhādito ca.**

**Aṭṭhādito** ca **dasasaddassa ḍakārassa rakāro** hoti vā saṅkhyāne. Aṭṭhārasa, aṭṭhādasa.

**Aṭṭhādito**ti kiṃ? Catuddasa.

**Katisaddo** bahuvacanantova, “kati yo” itīdha

Niccaṃ **yolopādi**, rassattaṃ, kati tiṭṭhanti, kati passasi, katihi katibhi, katiṃ, katihi katibhi, katiṃ, katisu.

Alīṅganāmaṃ niṭṭhitaṃ.

### **Vibhattippaccayavidhāna**

Atha vibhattippaccayantā vuccante.

Tesaṃ panāliṅgattā, nipātattā ca tilīṅge, vacanadvaye ca samānaṃ rūpaṃ.

Purismā, purisehi vāti atthe –

### 260. **Kvaci to pañcamyatthe.**

Sabbasmā suddhanāmato, sabbanāmato ca liṅgamhā kvaci **topaccayo** hoti pañcamyatthe.

### 261. **Tvādayo vibhattisaññā.**

**Toādi** yesaṃ **dān**ipariyantānaṃ paccayānaṃ te honti paccayā **tvādayo**, te paccayā vibhattisaññā honti. Tena tadantānampi vibhatyantapadattaṃ siddhaṃ hoti.

Purisato, evaṃ rājato vā, corato vā, aggito vā, gahapatito vā, hatthito, hetuto, sabbaññuto, kaññato, yuttito, itthito, bhikkhunito, ettha ca “kvacādimajjhuttarānaṃ dīgharassāpaccayesu cā” ti **topaccaye** rassattaṃ. Yāguto, jambuto, cittato, āyuto iccādi.

Sabbanāmato sabbasmā, sabbehīti vā atthe sabbato, evaṃ yato, tato, katarato, katamato, itarato, aññato, ekato, ubhayato, pubbato, parato, aparato, dakkhiṇato, uttarato, amuto.

“Kissa, ku” ti ca vattate.

### 262. **Tratthesu ca.**

**Kimiccetassa ku** hoti **trato thaicetesu** ca paresu. Kasmā, kehīti vā kuto.

“Tothesū”ti vattate.

### 263. Sabbassetassākāro vā.

Sabbassa **etas**saddassa **akāro** hoti vā **totha**iccetesu. Etasmā, etehīti vā ato.

“Sabbassetassā”ti ca vattate.

### 264. E tothesu ca.

Sabbassa **etas**saddassa **ekāro** hoti vā **totha**iccetesu. Dvittaṃ, etto.

“Sabbassā”ti vattate.

### 265. Imassi thaṃdānihatodhesu ca.

**Imas**saddassa sabbasseva **ikāro** hoti **thaṃdānihatodha**iccetesu ca. Imasmāti ito.

“Kvacī to”ti yogavibhāgena **ādippabhu**tīhi **to** sattamiyatthe. **Aniccādīhi** tatiyatthe ca. Yathā – ādimhībhi atthe ādito. Evaṃ majjhato, ekato, purato, pacchato, passato, piṭṭhito, pādato, sīsato, aggato, mūlato, parato iccādayo.

**Tatiyatthe** aniccenāti aniccato, aniccato sammāsati. Evaṃ dukkhato, rogato, gaṇḍato iccādayo.

“Atthe, kvacī”ti ca vattate.

### 266. Tratha sattamiyā sabbanāmehi.

Sabbanāmehi parā **tra tha**iccete paccayā honti kvaci sattamiyatthe. Sabbasmīṃ, sabbesu cāti sabbatra sabbattha. Evaṃ yatra yattha, tatra tattha, itaratra itarattha, aññatra aññattha, ubhayatra ubhayattha, paratra parattha, kutra kuttha, “tratothesu cā”ti **kuttaṃ**. “Kissa ka ve cā”ti sutte **cas**addena **kā**deso. Kattha, amutra amuttha.

“Sabbassetassākāro”ti vattate.

### 267. Tre niccaṃ.

Sabbasseva **etas**saddassa **akāro** hoti niccaṃ **tre** pare. Atra. “Sabbassetassākāro vā”ti **attaṃ**, “e tothesu cā”ti **ekāro**, attha, ettha.

“Kvacī, atthe, sattamiyā”ti ca adhikāro, sabbasminti atthe –

### 268. Sabbato dhi.

**Sabba**iccetasmā **dhi**ppaccayo hoti kvaci sattamiyatthe. Sabbadhi.

### 269. Kismā vo.

**Kimic**cetasmā **vapp**accayo hoti kvaci sattamiyatthe.

### 270. Kissa ka ve ca.

**Kimic**cetassa **kas**addo ādeso hoti **vapp**accayepare. **Cagga**haṇena **thaha**mādiavappaccayepi.

“Tesu vuddhī”tiādinā **ka**kāre akārassa lopo ca **va**mhi. Kva gatosi tvam.

“Kismā”ti vattate.

### 271. **Hiṃhaṃhiñcanaṃ.**

**Kimic**cetasmā **hiṃ haṃ hiñcanaṃ**iccete paccayā honti kvaci sattamyatthe.

“Kissā”ti vattate.

### 272. **Ku hiṃhaṃsu ca.**

**Kimic**cetassa **ku** hoti **hiṃ haṃ** iccetesu. **C**aggahaṇena **hiñcanaṃdācana**miccādīsupi. Kisminti kuhiṃ, kuhaṃ, kuhiñcanaṃ, kahaṃ **kā**deso.

“Hiṃ ha”nti vattate.

### 273. **Tamhā ca.**

**Ta**iccetasmā ca sabbanāmato **hiṃhaṃ**paccayā honti kvaci sattamyatthe. Tasminti tahiṃ, tahaṃ.

### 274. **Imasmā hadhā ca.**

**Ima**saddato **hadh**aṃpaccayā honti kvaci sattamyatthe. “Imassi tha”ntiādinā **i**kāro. Imasminti iha, idha.

### 275. **Yato hiṃ.**

**Ya**iccetasmā sabbanāmato **hiṃ**paccayo hoti kvaci sattamyatthe. Yasminti yahiṃ.

“Kāle”ti adhikāroyaṃ.

Kasmiṃ kāleti atthe

### 276. **Kiṃsabbāññekayakuhi dā dācanaṃ.**

**Kiṃ** sabbāññakayaiccetehi sabbanāmehi **dā**paccayo hoti. **Ku**iccetasmā **dācana**ñca kāle kvaci sattamyatthe.

“Kissa ka ve cā”ti sutte **ca**saddena kādeso, kadā.

### 277. **Sabbassa so dāmhi vā.**

**Sab**baiccetassa saddassa **sa**saddādeso hoti vā **dā**paccaye pare. Sabbasmiṃ kāleti sadā, sabbadā.

Evam aññadā, ekadā, yadā, kasmiṃ kāleti kudācanaṃ, “ku hiṃhaṃsu cā”ti sutte **ca**saddena **kutta**ṃ, “**ku**”iti nipātanena vā.

“Dā”ti vattate.

### 278. **Tamhā dāni ca.**

**Ta**iccetasmā sabbanāmato **dānidā**paccayā honti kāle kvaci sattamyatthe. Tasmim kāleti tadāni,



tadā.

### 279. Imasmā rahidhunādāni ca.

**Imasaddato rahi dhunā dāni**iccete paccayā honti kāle kvaci sattamyatthe.

“Sabbassa, imassā”ti ca vattate.

### 280. Eta rahimhi.

Sabbassa **imasaddassa etā**deso hoti **rahimhi** paccaye pare. Imasmiṃ kāleti etarahi.

### 281. A dhunāmhi ca.

Sabbasseva **imasaddassa akāro** hoti **dhunā**paccaye pare. Adhunā, **imasaddassa ikāro**. Imasmiṃ kāleti idāni.

Vibhattippaccayavidhānaṃ niṭṭhitam.

## Opasaggikapada

Athāliṅgasaṅkhyāvibhattibhedā upasagganipātā vuccante.

Pa parā ni nī u du saṃ vi ava anu pari adhi abhi pati su ā ati api apa upa iti **pīsati upasaggā**.

Tattha **pasaddo** pakārā’dikamma padhāni’ssariya’ntobhāvaviyoga tappara bhusattha sambhavatitti anāvila patthanādīsu. **Paiti** ayamupasaggo etesu pakārādīsu atthesu vattati, yathā – **pakāre** paññā, **ādikamme** vippakataṃ, **padhāne** pañītaṃ, padhānaṃ padhānattaṃ, **issariye** pabhū ayaṃ desassa, **antobhāve** pakkhittaṃ, **viyoge** pavāsī, **tappare** pācariyo, **bhusatthe** pavuddhakāyo, **sambhave** himavatā gaṅgā pabhavati, **tittiyam** pahūtamannaṃ, **anāvile** pasannamudakaṃ, **patthane** pañihitaṃ.

**Parāiti** parihāni parājaya gativikkamā’masanādīsu. Yathā – **parihāniyam** parābhavo, **parājaye** parājīto, **gatiyam** parāyanaṃ. **Vikkame** parakkamati, **āmasane** aṅgassa parāmasanaṃ.

**Nīti** nissesa niggata nīharaṇa’ntopavesanā’bhāvanisedha nikkhanta pātubhāvā’vadhāraṇa vibhajana upamū’padhāraṇā’vasānachekādīsu. **Nissese** nirutti, niravasesaṃ deti, **niggate** nikkīleso, niyyāti, **nīharaṇe** niddhāraṇaṃ, **antopavesane** nikhāto, **abhāve** nimmakkhikaṃ, **nisedhe** nivāreti, **nikkhante** nibbāno, nibbānaṃ, **pātubhāve** nimmitaṃ, **avadhāraṇe** nicchayo, **vibhajane** niddeso, **upamāyam** nidassanaṃ, **upadhāraṇe** nisāmanaṃ, **avasāne** niṭṭhitaṃ, **cheke** nipuṇo.

**Nīti** nīharaṇā’varaṇādīsu. **Nīharaṇe** nīharati, **āvaraṇe** nīvaraṇaṃ.

**Uti** uggatu’ddhakamma padhāna viyoga sambhava atthalābhasatti sarūpakathanādīsu. **Uggate** uggacchati, **uddhakamme** āsanā uṭṭhito, ukkhepo, **padhāne** uttamo, lokuttaro, **viyoge** ubbāsīto, **sambhave** ubbhūto, **atthalābhe** uppannaṃ ñāṇaṃ, **sattiyam** ussahati gantaṃ, **sarūpakathane** uddisati suttaṃ.

**Duiti** asobhanā’bhāvakucchitā’samiddhi kiccha virūpatādīsu. **Asobhane** duggandho, **abhāve** dubbhikkhaṃ, **kucchite** dukkaṭaṃ, **asamiddhiyam** dussassaṃ, **kicche** dukkaraṃ, **virūpatāyam** dubbaṇṇo, dummukho.

**Samīti** samodhāna sammāsama samantabhāvasaṅgata saṅkhepabhusattha sahattha appattha pabhavā’bhimukhabhāva saṅgaha pidhāna punappunakaraṇa samiddhādīsu. **Samodhāne** sandhi,

**sammāsamesu** samādhi, sampayutto, **samantabhāve** saṃkiṇṇā samullapanā, **saṅgate** saṅgamo, **saṅkhepe** samāso, **bhusatthe** sāratto, **sahatthe** saṃvāso, **appatthe** samaggho. **Pabhavo** sambhavo, **abhimukhabhāve** sammukhaṃ, **saṅgahe** saṅgaṇhāti, **pidhāne** saṃvutaṃ, **punappunakaraṇe** sandhāvati, **samiddhiyaṃ** sampanno.

**Viiti** visesa vividha viruddha vigata viyoga virūpatādīsu. **Visese** vimutti visiṭṭho, **vividhe** vimati vicitraṃ, **viruddhe** vivādo, **vigate** vimalaṃ, **viyoge** vippayutto, **virūpatāyaṃ** virūpo.

**Avaiti** adhobhāga viyoga paribhava jānana suddhi nicchayadesa theyyādīsu. **Adhobhāge** avakkhittacakkhu, **viyoge** omukkaupāhano avakokilaṃ vanaṃ, **paribhave** avajānanaṃ avamaññati, **jānane** avagacchati, **suddhiyaṃ** vodānaṃ, **nicchaye** avadhāraṇaṃ, **dese** avakāso, **theyye** avahāro.

**Anuiti** anugatā'nupacchinna pacchattha bhusattha sādissa hīnatatīyattha lakkhaṇi'tthambhūtakkhāna bhāga vicchādīsu. **Anugate** anveti, **anupacchinne** anusayo, **pacchāsaddatthe** anurathaṃ, **bhusatthe** anuratto, **sādisse** anurūpaṃ. **Hīne** anusāriputtaṃ paññavanto, **tatīyatthe** nadīmanvavasitā senā, **lakkhaṇe** rukkhaṃ anu vijjotate vijju, **itthambhūtakkhāne** sādhu devadatto mātaraṃ anu, **bhāge** yadettha maṃ anusiyā taṃ dīyatu, **vicchāyaṃ** rukkhaṃ rukkhaṃ anu vijjotate cando.

**Pariiti** samantatobhāva pariccheda vajjanā'lingana nivāsanapūjābhōjanā'vajānana dosakkhāna lakkhaṇādīsu. **Samantatobhāve** parivuto, **paricchede** pariññeyyaṃ, **vajjane** pariharati, **āliṅgane** parissajati, **nivāsane** vatthaṃ paridhassati, **pūjāyaṃ** pāricariyā, **bhōjane** bhikkhuṃ parivisati. **Avajānane** paribhavati, **dosakkhāne** paribhāsati, **lakkhaṇādīsu** rukkhaṃ pari vijjotate vijjuiccādi.

**Adhiiti** adhiki'ssa'rūparibhāvā'dhibhavanajjhāyanā'dhiṭṭhānicchayapāpuṇanādīsu. **Adhike** adhisīlaṃ, **issare** adhipati, adhi brahmadatte pañcālā, **uparibhāve** adhirohāti, pathaviṃ adhisessati, **adhibhavane** adhibhavati, **ajjhāyane** byākaraṇamadhīte, **adhiṭṭhāne** bhūmikampādiṃ adhiṭṭhāti, **nicchaye** adhimokkho, **pāpuṇane** bhogakkhandhaṃ adhigacchati.

**Abhiiti** abhimukhabhāva visiṭṭhā'dhi ku'ddhakamma kula sārūppavandana lakkhaṇi'tthambhūtakkhāna vicchādīsu. **Abhimukhabhāve** abhimukho abhikkamati, **visiṭṭhe** abhidhammo, **adhike** abhivassati, **uddhakamme** abhiruhāti, **kule** abhijāto, **sārūppe** abhirūpo, **vandane** abhivādeti, **lakkhaṇādīsu** purimasamaṃ.

**Patiiti** patigata paṭilomapatīnidhi patidāna nisedhanivattana sādissa patikaraṇā'dāna patibodha paṭicca lakkhaṇi'tthambhūtakkhāna bhāgavicchādīsu. **Patigate** paccakkhaṃ, **paṭilome** patisoṭaṃ, **patīnidhimhi** ācariyato pati sisso, **patidāne** telatthikassa ghatam pati dadāti, **nisedhe** paṭisedhanaṃ, **nivattane** paṭikkamati, **sādisse** patirūpakaṃ, **patikaraṇe** patikāro, **ādāne** patiggaṇhāti, **patibodhe** paṭivedho, **paṭicce** paccayo, **lakkhaṇādīsu** purimasamaṃ.

**Suiti** sobhana suṭṭhusammā samiddhi sukhatthādīsu. **Sobhane** sugandho, **suṭṭhusammādatthesu** suṭṭhu gato sugato, sammā gatotipi sugato, **samiddhiyaṃ** subhikkhaṃ, **sukhatthe** sukaro.

**Āiti** abhimukhabhāvu'ddhakamma mariyādā'bhidhi patti'cchāparissajana ādikammaggaṇa nivāsa samīpa'vhānādīsu. **Abhimukhabhāve** āgacchati, **uddhakamme** ārohāti, **mariyādāyaṃ** āpabbatā khettaṃ, **abhidhimhi** ākumāraṃ yaso kaccāyanassa, **pattiyaṃ** āpattimāpanno, **icchāyaṃ** ākaṅkhā, **parissajane** āliṅganaṃ, **ādikamme** ārambho, **gahaṇe** ādīyati ālambati, **nivāse** āvasatho, **samīpe** āsannaṃ, **avhāne** āmantesi.

**Atiiti** abhikkamaṇā'tikkantā'tisaya bhusatthādīsu. **Atikkamane** atirocati amhehi, atīto, **atikkante** accantaṃ, **atisaye** atikusalo, **bhusatthe** atikkodho ativuddhi.

**Apiiti** sambhāvanā'pekkhā samuccaya garaha pañhādīsu. **Sambhāvanāyaṃ** api dibbesu

kāmesu, merumpi vinivijhitvā gaccheyya, **apekkhāyaṃ** ayampi dhammo aniyato, **samuccaye** itipi araham, antampi antaguṇampi ādāya, **garahe** api amhākaṃ paṇḍitaka, **pañhe** api bhante bhikkhaṃ labhittha.

**Apaiti** apagata garaha vajjana pūjā padussanādīsu. **Apagate** apamāno apeto, **garahe** apagabbho, **vajjane** apasālāya āyanti vāñijā, **pūjāyaṃ** vuddhāpacāyī, **padussane** aparajjhati.

**Upaiti** upagamana samīpū'papatti sādissā'dhikū'paribhāvā'nasana dosakkhāna saññā pubbakamma pūjā gayhākāra bhusatthādīsu. **Upagamane** nisinnaṃ vā upanisīdeyya, **samīpe** upanagaraṃ, **upapattiyam** saggam lokam upapajjati, atha vā **upapatti** yutti, yathā – upapattito ikkhatīti upekkhā, **sādisse** upamānaṃ upamā, **adhike** upa khāriyaṃ doṇo, **uparibhāve** upasampanno, **anasane** upavāso, **dosakkhāne** paraṃ upapadati, **saññāyaṃ** upadhā upasaggo, **pubbakamme** upakkamo upakāro, **pūjāyaṃ** buddhupaṭṭhāko, mātupaṭṭhānaṃ, **gayhākāre** soceyyapaccupaṭṭhānaṃ, **bhusatthe** upādānaṃ, upāyāso, upanissayoti. Iti anekatthā hi upasaggā.

Vuttañca –

“Upasagga nipātā ca, paccayā ca ime tayo;  
Nekenekatthavisayā, iti neruttikābravu”nti.

Tattha upasaggānaṃ nāmākhyātavisesakattā liṅgasaññāyaṃ aniyamena syādimhi sampatte tesam saṅkhyākammādibhedābhāvā tehi paṭhamekavacanameva bhavati.

“Lopa”nti vattamāne

## 282. Sabbāsamāvusopasagganipātādīhi ca.

**Āvusosaddato**, upasagganipātehi ca sabbāsaṃ parāsaṃ vibhattīnaṃ lopo hoti. **Ādisaddena** kvaci **suttapadādīhi** ca. Ettha ca **āvusotimassa** visuṃ gahaṇaṃ sasaṅkhyattadīpanatthanti daṭṭhabbaṃ.

Upeccatthaṃ sajjantīti, upasaggā hi pādayo;  
Cādī padādimajjhante, nipātā nipatantīti.

Paharaṇaṃ pahāro, evaṃ parābhavo, nivāso, nīhāro, uhāro, duhāro, saṃhāro, vihāro, avahāro, anuhāro, parihāro, adhihāro, abhihāro, patihāro, suhāro, āhāro, atihāro, apihāro, apahāro, upahāro. Paharati, parābhavati, nivasati, nīharati, uddharati iccādi yojetabbaṃ.

Dhātvatthaṃ bādhathe koci, koci tamanuvattate;  
Tamevañño viseseti, upasaggagatī tidhā.

Opasaggikapadaṃ niṭṭhitam.

## Nepātikapada

Samuccayavikappanapaṭisedhapūraṇādītatthaṃ asatvavācakaṃ **nepātikaṃ** padaṃ.

Tatra **cāiti** samuccayā'nvācaye'tarītarayogasamāhārā'vadhāraṇādīsu.

**Vāiti** vikappanū'pamāna samuccaya vavattitavibhāsāsu.

**Na no mā a alaṃ halaṃ** iccete paṭisedhanatthe.

**Alaṃ** pariyatti bhūsanesu ca.

**Pūraṇattham** duvidham atthapūraṇam padapūraṇaṇca.

Tattha atha khalu vata vatha atho assu yagghe hi carahi naṃ taṃ vā ca tuva vo pana have kīva ha tato yathā sudaṃ kho ve haṃ enaṃ seyyathidaṃ iccevamādīni padapūraṇāni.

Tattha – **athaiti** pañhā’nantariyā’dhikārādīsu ca.

**Khaluiti** paṭisedhā’vadhāraṇa pasiddhīsu ca.

**Vataiti** ekaṃsa khedā’nukampasaṅkappesu ca.

**Athoiti** anvādesa ca.

**Hiiti** hetu avadhāraṇesu ca.

**Tuiti** visesa hetu nivattanādīsu ca.

**Panaiti** visesepi.

**Have, veiccete** ekaṃsatthepe.

**Haṃiti** visāda sambhamesupi.

**Seyyathidanti** taṃ katamanti atthepe.

**Atthapūraṇam** duvidham vibhattiyuttaṃ, avibhattiyuttaṇca.

**Atthi sakkā labbhā** iccete paṭhamāyaṃ.

**Āvuso ambho hambho re are hare** jeiccete āmantane.

**Divā bhiyyo namo** iccete paṭhamāyaṃ, dutiyāyaṇca.

**Sayaṃ sāmaṃ saṃ sammā kinti** iccete tatiyatthe, **soto dhāpaccayantā** ca. Suttaso padaso aniccato dukkhato ekadhā dvidhā iccādi.

**Tave tuṃpaccayantā** catutthiyā, kātave dātave kātuṃ kāretuṃ dātuṃ dāpetuṃ iccādi.

**So topaccayantā** pañcamiyatthe, dīghaso oraso rājato vā corato vā iccādi.

**To** sattamyatthepe, **trathā**dipaccayantā ca. Ekato purato pacchato passato piṭṭhito pādato sīsato aggato mūlato yatra yattha yahim tatra tattha tahim taḥam iccādi.

**Samantā sāmantā parito abhito samantato ekajjhaṃ ekamantaṃ heṭṭhā upari uddhaṃ adho tiriyaṃ sammukhā parammukhā āvi raho tiro uccaṃ nīcaṃ anto antarā ajjhattaṃ bahiddhā bāhirā bāhiraṃ bahi oraṃ pāraṃ ārā ārakā pacchā pure hurāṃ pecca** iccete sattamiyā.

**Sampati āyati ajja aparajju parajja suve sve parasuve hiyyo pare sajju sāyaṃ pāto kālaṃ kallaṃ divā nattaṃ niccaṃ satataṃ abhiṇhaṃ abhikkhaṇaṃ muhuṃ muhuttaṃ bhūtapubbaṃ purā yadā tadā kadā** iccādayo kālasattamiyā. Iti vibhattiyuttāni.

Avibhattiyuttesu ca **appeva appevanāma nu** iccete saṃsayatthe.

**Addhā aññadatthu taggha jātu kāmaṃ sasakkaṃ**iccete ekaṃsatthe.

**Eva**iti avadhāraṇe.

**Kaccinu’kinnunanukathaṃ kiṃsu kiṃ**iccete pucchanatthe.

**Evaṃ iti itthaṃ** iccete nidassane.

**Iti** hetu vākyaparisamattīsu ca.

**Yāva tāva yāvatā tāvatā kittāvatā ettāvatā kīva** iccete paricchedanatthe.

**Evaṃ sāhu lahu opāyikaṃ patirūpaṃ āma sādhu** iti sampañicchanatthe.

**Yathā tathā yatheva tatheva evaṃ evameva evamevaṃ evampi yathāpi seyyathāpi seyyathāpināma viya iva yathariva tathariva yathānāma tathānāma yathāhi tathāhi yathācatathāca** iccete paṭibhāgatthe.

**Yathā**iti yoggatā vicchā padatthānativattanidassanesu ca.

**Evaṃ**iti upadesa pañhādīsu ca.

**Kiñcāpi**iti anuggahatthe.

**Aho**iti garaha paṣaṃsana patthanesu ca.

**Nāma**iti garaha paṣaṃsana saññā pañhesu ca.

**Sādhu**iti paṣaṃsana yācanesu ca.

**Īṅha handa** iccete codanatthe.

**Sādhu suṭṭhu evametanti** anumodane.

**Kira**iti anussavaṇa assaddheyyesu.

**Nūna**iti anumānā’nussaraṇa parivittakanesu.

**Kasmā**iti kāraṇapucchane.

**Yasmā tasmā tathāhi tena** iccete kāraṇacchedanatthe.

**Saha saddhiṃ samaṃ amā**iti samakriyāyaṃ.

**Vinā rite**iti vippayoge.

**Nānā puthu** bahuppakāre.

**Puthu visuṃ** asaṅghāte ca.

**Duṭṭhu ku** jigucchāyaṃ.

**Puna** appaṭhame.

**Kathañci** kicchathe ca.

**Dhā kkhattum sakiñca** sañkhyāvibhāge.

**Īsakaṃ** appatthe.

**Sañikaṃ** mandatthe.

**Khippaṃ araṃ lahu āsum tuṇṇaṃ aciraṃ** sīghatthe.

**Ciraṃ cirassaṃ** dīghakāle.

**Ce yadi** sañkāvaṭṭhāne.

**Dhuvaṃ** thirāvadhāraṇesu.

**Hā** visāde.

**Tuṇhī** abhāsane.

**Sacchi** paccakkhe.

**Musā micchā alikaṃ** asacce.

**Suvatthi** āsīsatthe iccādi.

**Tuna tvāna tvā**paccayantā ussukkanatthe bhavanti.

Yathā – passituna passiya passitvāna passitvā disvā disvānadassetvā dātuna datvāna datvā upādāya dāpetvā viññāpetvā viceyya vineyya nihacca samecca apecca upecca ārabba āgamma iccādi.

Evam nāmākhyātopasaggavinimuttaṃ yadabyayalakkhaṇaṃ, taṃ sabbam nipātapadanti veditabbaṃ.

Vuttañca –

“Muttaṃ padattayā yasmā, tasmā nipatatyantarā;  
Nepātikanti taṃ vuttaṃ, yaṃ abyaya salakkhaṇa”nti.

Nepātikapadaṃ niṭṭhitam.

Pullīgaṃ itthilīgañca, napaṃsakamathāparaṃ;  
Tilīgañca aliñgañca, nāmikaṃ pañcadhā ṭhitam.

Iti padarūpasiddhiyaṃ nāmakaṇḍo dutiyo.

### 3. Kārakakaṇḍa

Atha vibhattīnamatthabhedā vuccante.

Tattha ekampi atthaṃ kammādivasena, ekattādivasena ca vibhajantīti **vibhattiyo**, syādayo. Tā pana paṭhamādibhedena sattavidhā.

Tattha kasmim atthe paṭhamā?

### 283. Liṅgatthe paṭhamā.

Liṅgatthābhīdhānamatte paṭhamāvibhatti hoti.

Liṅgassa attho **liṅgattho**. Ettha ca līnaṃ aṅganti liṅgaṃ, apākaṭo avayavo, purisotiādīnañhi pakatippaccayādivibhāgakappanāya nipphāditānaṃ saddappatirūpakānaṃ nāmikapadānaṃ paṭhamaṃ ṭhapetabbaṃ pakatirūpaṃ apākaṭattā, avayavattā ca liṅganti vuccati. Atha vā visadāvisadobhayaarahitākāravohārasaṅkhātena tividhalingena sahitatthassa, tabbinimuttassupasaggādīnamatthassa ca līnassa gamanato, liṅganato vā liṅganti anvatthanāmasena vā “dhātuppaccayavibhattivajjitamatthavaṃ liṅga”nti vacanato parasamaññavasena vā liṅganti idha pāṭipadikāparanāmadheyyaṃ **syā**divibhatyantapadapakatirūpameva vuccatīti daṭṭhabbaṃ.

Liṅgassattho nāma pabandhavisēsākārena pavattamāne rūpādayo upādāya paññāpīyamāno tādāññānaññabhāvena anibbacanīyo samūhasantānādibhedo upādāpaññattisaṅkhāto ghaṭapaṭādivohārattho ca pathavīdhātuphassādīnaṃ sabhāvadhammānaṃ kāladesādibhedabhinnānaṃ vijātiyavinivatto sajātiyasādhāraṇo yathāsaṅketamāropasiddho tajjāpaññattisaṅkhāto kakkhaḷattaphusanādisāmaññākāro ca.

So pana kammādisaṃsaṭṭho, suddho cāti duvidho. Tattha kammādīsu dutiyādīnaṃ vidhīyamānattā kammādisaṃsaggarahito liṅgasaṅkhyāparimāṇayutto, tabbinimuttupasaggādīpadatthabhūto ca suddho saddattho idha **liṅgattho** nāma.

Yo pana ākhyātakitakataddhitasamāsehi vutto kammādisaṃsaṭṭho attho, sopi dutiyādīnaṃ puna attanā vattabbassa atthavisēsābhāvena avisayattā, liṅgatthamattassa sambhavato ca paṭhamāyeva visayo.

Hoti cettha –

Paṭhamāvupasaggatthe, kesañcatthe nipātasaddānaṃ;  
Liṅgādike ca suddhe-bhīhite kammādiatthepi.

Saliṅge tāva – eso puriso, ete purisā, esā kaññā, etā kaññāyo, etaṃ cittaṃ, etāni cittāni.

Sasaṅkhye – eko dve.

Saparimāṇe – doṇo khārī ālhakaṃ.

Liṅgādivinimutte sattāmatte – ca vā ha ahaṃ atthi sakkālabbhā iccādi.

“Liṅgatthe paṭhamā”ti adhikicca “ālapane cā”ti ālapanatthe ca paṭhamā, abhimukhaṃ katvā lapanam ālapanam, āmantanam avhānanti attho.

Ettha ca āmantanam nāma pageva laddhasarūpassa saddena abhimukhīkaraṇam, katābhimukho pana “gacchā”tiādīnā nayena kriyāya yojīyati, tasmā āmantanasamaye kriyāyogābhāvato idaṃ kārakavohāraṃ na labhati.

Vuttañca

“Saddenābhimukhīkāro, vijjamānassa vatthuno;  
Āmantanam vidhātābbe, natthi ‘rājā bhavē’tida”nti.

Bho purisa ehi, bho purisā vā, bhavanto purisā etha.

Kasmiṃ atthe dutiyā?

#### 284. Kammatthe dutiyā.

Kammatthe līngamhā dutiyāvibhatti hoti.

Anabhihite evāyaṃ, “kammani dutiyāyaṃ tto”ti vacanañcettha ñāpakam.

Kiṃ kammaṃ?

“Yena vā kayirate taṃ karaṇa”nti ito “vā”ti vattate.

#### 285. Yaṃ karoti taṃ kammaṃ.

Yaṃ vā karoti, yaṃ vā vikaroti, yaṃ vā pāpuṇāti, taṃ kārakaṃ kammasaññaṃ hoti.

Idha līngakālavacanamatantaṃ. Karīyatīti **kammaṃ**. Tattha kārakaṃ, sādhaṃ kriyānipphattiyā kāraṇamuccate, taṃ pana **kārakaṃ** chabbidhaṃ kammaṃ kattā karaṇaṃ sampadānamapādānamokāso cāti. Tattha sabhāvato, parikappato vā kammādimhi satiyeva kriyābhāvato kammādīnaṃ channampi kārakavohāro siddhova hoti.

Taṃ pana **kammaṃ** tividhaṃ nibbattanīyaṃ vikaraṇīyaṃ pāpaṇīyañcāti. Yathā – mātā puttaṃ vijāyati, āhāro sukhaṃ janayati. Ghaṭaṃ karoti devadatto, kaṭṭhamaṅgāraṃ karoti, suvaṇṇaṃ keyūraṃ, kaṭakaṃ vā karoti, vīhaya lunāti. Devadatto nivesanaṃ pavisati, ādiccaṃ passati, dhammaṃ suṇāti, paṇḍite payirupāsati.

Vuttañca

“Nibbattivikatippatti-bhedena tividhaṃ mataṃ;  
Kattu kriyābhigammaṃ taṃ, sukhaṅgāraṃ nivesana”nti.

Ettha ca icchitānicchitakathitākathitādibhedamanapekkhitvā sabbasaṅgāhakavasena “yaṃ karoti taṃ kamma”nti vuttattā, atthantaravikkappanavādhikārato ca sabbattha imināva kammasaññaṃ hoti.

Tattha **anicchitakammaṃ** yathā – kaṭakaṃ maddati, viṣaṃ gilati, gāmaṃ gacchanto rukkhamaṃ upagacchati.

**Akathitakammaṃ** yathā – yaññadattaṃ kambalaṃ yācate brāhmaṇo. Ettha hi “kambala”miti kathitakammaṃ dvikammikāya yācanakriyāya pattumicchitatarattā. “Yaññadatta”miti appadhānattā akathitakammaṃ. Tathā samiddhaṃ dhaṇaṃ bhikkhate, ajaṃ gāmaṃ nayati, parābhavantaṃ purisaṃ, mayaṃ pucchāma gotamaṃ, bhagavā bhikkhū etadavoca iccādi.

**Abhihitakamme** pana na hoti, yathā – kaṭo karīyate devadattena, sugatena desito dhammo, yaññadatto kambalaṃ yācīyate brāhmaṇena iccādi.

“Dutiyā”ti adhikāro.

#### 286. Gati buddhi bhuja paṭha hara kara sayādīnaṃ kārite vā.

**Gamu sappa** gatimhi, **budha** bodhane, **budha** avagamane vā, **bhuja** pālanabyavaharaṇesu, **paṭha** byattiyāṃ vācāyaṃ, **hara** haraṇe, **kara** karaṇe, **si** saye iccevamādīnaṃ dhātūnaṃ payoge



kārite sati payojjakakattubhūte kammani liṅgamhā dutiyāvibhatti hoti vā. Niccasampatte vikappatthoṃ, tena tassa pakkhe tatiyā hoti.

Yo koci puriso gāmaṃ gacchati, tamañño payojjayati. Puriso purisaṃ gāmaṃ gamayati, purisena vā gāmaṃ gamayati. Evaṃ sissaṃ dhammaṃ bodheti ācariyo, mātā puttaṃ bhojanaṃ bhojayati, sissaṃ dhammaṃ pāṭheti ācariyo, puriso purisaṃ bhāraṃ hāreti, tathā puriso purisaṃ kammaṃ kārayati, purisena vā kammaṃ kārapayati, puriso purisaṃ sayāpayati. Evaṃ sabbattha kārite kattukammani dutiyā.

**Kāriteti** kiṃ? Puriso gāmaṃ gacchati.

Abhihite na bhavati, purisena puriso gāmaṃ gamīyate, sisso dhammaṃ bodhīyate iccādi.

### 287. Kāladdhānamaccantaṣaṃyoge.

Accantaṃ nirantaraṃ saṃyogo**accantaṣaṃyogo**. Kāladdhānaṃ dabbaguṇakriyāhi accantaṣaṃyoge tehi kāladdhānavācīhi liṅgehi dutiyāvibhatti hoti.

**Kāle** tāva – sattāhaṃ gavapānaṃ, māsaṃ maṃsodanaṃ, saradaṃ ramaṇīyā nadī, sabbakālaṃ ramaṇīyaṃ nandaṃ, māsaṃ sajjhāyati, tayo māse abhidhammaṃ desesi.

**Addhāne** – yojanaṃ vanarāji, yojanaṃ dīgho pabbato, kosaṃ sajjhāyati.

**Accantaṣaṃyogeti** kiṃ? Māse māse bhuñjati, yojane yojane vihāraṃ patiṭṭhāpesi.

### 288. Kammappavacanīyayutte.

Kammappavacanīyehi nipātopasaggehi yutte yoge sati liṅgamhā dutiyāvibhatti hoti.

Kammaṃ pavacanīyaṃ yesaṃ te **kammappavacanīyā**, parasamaññāvasena vā anvādayo kammappavacanīyā.

Tattha **anusaddassa** lakkhaṇe, sahatthe, hīne ca kammappavacanīyasaññā vuttā. Yathā – pabbajitamanu pabbajimsu, nadimanvavasitā bārāṇasī, nadiyā saha avabaddhāti attho, anu sārīputtaṃ paññavā.

Lakkhaṇādīsu ‘‘lakkhaṇi’’tthambhūtakkhānabhāga vicchāsu pati pari anavo’’ti pati pari anūnaṃ kammappavacanīyasaññā vuttā.

**Lakkhaṇe** sūriyuggamanaṃ pati dibbā bhakkhā pātubhaveyyuṃ, rukkhaṃ pati vijjotate cando, rukkhaṃ pari, rukkhaṃ anu.

**Itthambhūtakkhāne** sādhu devadatto mātaraṃ pati, mātaraṃ pari, mātaraṃ anu.

**Bhāge** yadettha maṃ pati siyā, maṃ pari, maṃ anu, taṃ dīyatu.

**Vicchāyoge** atthamatthaṃ pati saddo nivisati, rukkhaṃ rukkhaṃ pati vijjotate cando, rukkhaṃ rukkhaṃ pari, rukkhaṃ rukkhaṃ anu.

‘‘Abhirabhāge’’ti abhissa bhāgavajjitesu lakkhaṇādīsu kammappavacanīyasaññā vuttā. Taṃ kho pana bhavantaṃ gotamaṃ evaṃ kalyāṇo kittisaddo abbhuggato, sādhu devadatto mātaraṃ abhi.

**Nipāte** dhi brāhmaṇassa hantāra miccevamādi.

### 289. Kvacī dutiyā chaṭṭhīnamatthe.

Chaṭṭhīnaṃ atthe kvacī dutiyāvibhatti hoti. Antarāabhito parito pati paṭibhātiyoge ayam. Antarā ca rājagahaṃ antarā ca nālandaṃ addhānamaggappaṭipanno, rājagahassa ca nālandāya ca majjheti attho. Abhito gāmaṃ vasati, parito gāmaṃ vasati, nadiṃ nerañjaraṃ pati, nerañjarāya nadiyā samīpeti attho. Paṭibhantu taṃ cunda bojjaṅgā, upamā maṃ paṭibhāti, upamā mayhaṃ upaṭṭhahatīti attho.

“Kvacī dutiyā, atthe”ti ca vattate.

### 290. Tatiyāsattamīnaṃca.

Tatiyāsattamīnamatthe ca kvacī liṅgamhā dutiyāvibhatti hoti.

**Tatiyatthe** sace maṃ nālapissati, tvaṅca maṃ nābhibhāsasi, vinā saddhammaṃ kuto sukhaṃ, upāyamantarena na atthasiddhi.

**Sattamiyatthe** – kāle, upānvajjhāvasassa payoge, adhisiṭṭhāvasānaṃ payoge, tappānacāre ca dutiyā.

**Kāle** tāva – pubbaṅhasamayaṃ nivāsetvā, ekaṃ samayaṃ bhagavā. Imaṃ rattiṃ cattāro mahārājāno.

**Upādipubbassa vasadhātussa** payoge – gāmaṃ upavasati, gāmaṃ anuvasati, vihāraṃ adhivasati, gāmaṃ āvasati, agāraṃ ajjhāvasati. Tathā pathaviṃ adhisessati, gāmaṃ adhiṭṭhāti, gāmaṃ ajjhāvasati.

**Tappānacāresu** – nadiṃ pivati, gāmaṃ carati iccādi.

Kasmiṃ atthe tatiyā?

### 291. Karaṇe tatiyā.

Karaṇakāraṇe tatiyāvibhatti hoti.

Kiṃ karaṇaṃ?

### 292. Yena vā kayirate taṃ karaṇaṃ.

Yena vā kattā upakaraṇabhūtena vatthunā kriyaṃ abyavadhānena karoti, yena vā vikaroti, yena vā pāpuṇāti, taṃ kāraṇaṃ karaṇasaññaṃ hoti.

Karīyate anenāti **karaṇaṃ**, ettha ca satipi sabbakāraṇaṃ kriyāsādhakatte “yena vā kayirate”ti visesetvā vacanaṃ kattūpakaraṇabhūtesu kāraṇesu sādhatamasseva gahaṇatthaṃ.

Vuttaṅca

“Yassa sabbavisesena, kriyāsamsiddhihetutā;  
Sambhāvīyati taṃ vuttaṃ, karaṇaṃ nāma kāraṇa”nti.

Taṃ pana duvidhaṃ ajjhattika bāhiravasena.

Yathā – hatthena kammaṃ karoti, cakkhunā rūpaṃ passati, manasā dhammaṃ viññāya. Dattena vīhayaṃ lunāti, agginā kuṭiṃ jhāpeti.

“Tatiyā”ti adhikāro.

### 293. Kattari ca.

Kattari ca kārake liṅgamhā tatiyāvibhatti hoti. Caggahaṇena itthambhūtalakkhaṇe, kriyāpavagge, pubbasadisamūnattha kalaha nipuṇa missaka sakhilattḥādiyoge, kāladdhānesu, paccattakammattapañcamiyatthādīsu ca tatiyā.

Ko ca kattā?

### 294. Yo karoti sa kattā.

Yo kriyaṃ attappadhāno hutvā karoti, so kattusañño hoti.

So tividho suddhakattā hetukattā kammakattāti. Tattha yo sayameva kriyaṃ karoti, so **suddhakattā**. Yo aññaṃ kātuṃ samatthaṃ akarontaṃ kammaṃ niyojeti, so **hetukattā**, yathā – gantuṃ samattho devadatto, tamañño payojeti “gamayati devadatta”nti.

Yaṃ pana tattha tattha gacchati devadatto, tamañño payojayati “gamayati devadatta”nti hetvatthanidassanaṃ, tampi sāmattihiyadassanavasena vuttanti gahetabbaṃ. Aññathā yadi sayameva gacchati, kiṃ tattha payojakabyāpārena akarontaṃ balena kārayati, pāsāṇaṃ uṭṭhāpayatītiādikañca na sijaḥeyya.

Ettha pana

“Kattā”ti vattate.

### 293. Yo kāreti sa hetu.

Yo kattāraṃ kāreti, so hetusañño hoti, kattā cāti hetukattusañña.

Yo pana parassa kriyaṃ paṭicca kammabhūtopi sukarattā sayameva sijaḥanto viya hoti, so **kammakattā** nāma, yathā – sayāṃ karīyate kaṭo, sayameva paccate odanoti.

Vuttañca

“Attappadhāno kiriyāṃ, yo nibbatteti kārako;  
Appayutto payutto vā, sa kattāti pavuccati.

Hetukattāti kathito,  
Kattuno yo payojako;  
Kammakattāti sukaro,  
Kammabhūto kathīyate”ti.

Nanu ca “saṃyogo jāyate”tiādīsu kathaṃ pure asato jananakriyāya kattubhāvosiyaṭi? Vuccate – lokasaṅketasiddho hi saddappayogo, avijjamānampi hi loko saddābhidheyatāya vijjamānaṃ viya gahetvā voharati, vikappabuddhigahitākāroyeva hi saddenābhidhīyate, na tu vatthusabhāvo, aññathā sutamayaññaṇenapi paccakkhena viya vatthusabhāvasacchikaraṇappasaṅgo ca musāvāda kudiṭṭhivādādīnamabhāvappasaṅgo ca siyā, tasmā buddhiparikappitapaññattivāsenapi saddappavatti hotīti asato saṃyogādissapi hoteva jananakriyāya kattukāratāti.

Yathāha

“Vohāraṇisayo saddo, nekantaparamatthiko;

Buddhisāṅkappito attho, tassatthoti pavuccati.

Buddhiyā gahitattā hi, saṃyogo jāyate iti;  
Saṃyogo vijjamānova, kattā bhavati jātiyā'’ti.

Tatra **tatiyā** jinena desito dhammo, buddhena jito māro, ahinā daṭṭho naro, buddhena bodhito loko, saddhehi kārīto vihāro.

Abhihite na bhavati. Kaṭaṃ karoti devadatto, kāreti vā.

**Itthambhūtassa lakkhāṇe** – sā bhinnena sīsena paggharantena lohitena paṭivissakānaṃ ujjhāpesi, ūnapañcabandhanena pattena aññaṃ navamaṃ pattamaṃ cetāpeyya, tidaṇḍakena paribbājakamaddakkhi.

**Apavagge** – ekāheneva bārāṇasiṃ pāyāsi, navahi māsehi vihāraṃ niṭṭhāpesi, yojanena adhītaṃ byākaraṇaṃ, **kriyāpavaggoti** kriyāya āsumaṃ pariniṭṭhāpanaṃ.

**Pubbādiyoge** – māsenā pubbo, pitarā sadiso, mātārā samo, kahāpaṇena ūno, dhanena vikalo, asinā kalaho, ācārena nipuṇo, vācāya nipuṇo, guḷena missakaṃ, tilena missakaṃ, vācāya sakhilo, maṇinā attho, dhanena attho, pitarā tulyo.

**Kāladdhānesu** – māsenā bhūñjati, yojanena gacchati.

**Paccatte** – attanāva attānaṃ sammannati.

**Kammatthe** – tilehi khetto vapati.

**Pañcamiyatthe** – sumuttā mayaṃ tena mahāsamaṇena.

## 296. Sahādiyoge ca.

**Saha saddhiṃ samaṃ nānā vinā alaṃ** kimiccevamādīhi yoge līṅgamhā tatiyāvibhatti hoti, **casaddena** sahatthepi.

Tattha **sahasaddena** yogo kriyā guṇa dabbā samavāye sambhavati. Yathā – vitakkena saha vattati, puttana saha thūlo, antevāsikasaddhivihārikehi saha ācariyupajjhāyānaṃ lābho, nisīdī bhagavā saddhiṃ bhikkhusaṅghena, sahasena samaṃ mitā, sabbehi me piyehi manāpehi nānābhāvo vinābhāvo, saṅgho vināpi gaggena uposathaṃ kareyya, alaṃ te idha vāsenā, kiṃ me ekena tiṇṇena, purisena thāmadassinā, kiṃ te jaṭāhi dummedha, kiṃ te ajinasāṭiyā.

**Sahatthe** – devadatto rājagahaṃ pāvīsi kokālikena pacchāsamaṇena, dukkho bālehi saṃvāso.

## 297. Hetvatthe ca.

**Yogaggahaṇamihānuvattate**, hetvatthe, hetvatthappayoge ca līṅgamhā tatiyāvibhatti hoti.

Kismiñci phale diṭṭhasāmatthiyaṃ kāraṇaṃ hetu, soyeva attho, tasmīṃ hetvatthe, annena vasati, dhammena vasati, vijjāya vasati.

Na jaccāvasalo hoti,  
Na jaccā hoti brāhmaṇo;  
Kammunā vasalo hoti,  
Kammunā hoti brāhmaṇo.

Dānena bhogavā, ācārena kulī.

Kena pāṇi kāmado, kena pāṇi madhussavo;  
Kena te brahmacariyena, puññaṃ pāṇimhi ijjhati.

**Hetvatthappayoge** – kena nimittena, kena payojanena, kenaṭṭhena, kena hetunā vasati.

### 298. Sattamyatthe ca.

Sattamyatthe ca liṅgamhā tatiyāvibhatti hoti.

Kāladdhānadisādesādīsu cāyaṃ. Tena samayena, tena kālena, kālena dhammassavaṇaṃ, so vo mamaccayena satthā, māsenā bhuñjati, yojanena dhāvati. Puratthimena dhatarattho, dakkhiṇena virūḷhako, pacchimena virūpakkho, uttarena kasivanto janoghamaparena ca, yena bhagavā tenupasāṅkami iccādi.

### 299. Yenaṅgavikāro.

Yena byādhitatā aṅgena aṅgino vikāro lakkhīyate, tattha tatiyāvibhatti hoti. Ettha ca aṅgamaṃ atthīti **aṅgaṃ**, sarīraṃ. Akkhinā kāṇo, hatthena kuṇṭī, pādena khañjo, piṭṭhiyā khujjo.

### 300. Visesane ca.

Visesīyati visesitabbaṃ anenāti **visesanaṃ**, gottādi. Tasmim gottanāmajātisippavayogūpasāṅkhāte visesanatthe tatiyāvibhatti hoti, **casaddena pakatiādīhi** ca. Gottena gotamo nātho.

Sāriputtoti nāmena, vissuto paññavā ca so;  
Jātiyā khattiyō buddho, loke appaṭipuggalo.

Tadahu pabbajito santo, jātiyā sattavassiko;  
Sopi maṃ anusāseyya, sampaṭicchāmi matthake.

Sippena naḷakāro so, ekūnatimso vayasā, vijjāya sādhu, paññāya sādhu, tapasā uttamo, suvaṇṇena abhirūpo.

**Pakatiādīsu** – pakatiyā abhirūpo, yebhuyyena mattikā, samena dhāvati, visamena dhāvati, dvidoṇena dhaññaṃ kiṇāti, sahasena assake kiṇāti iccādi.

Kasmim atthe catutthī?

### 301. Sampadāne catutthī.

Sampadānakāraṃ liṅgamhā catutthīvibhatti hoti.

Kiṅca sampadānaṃ?

### 302. Yassa dātukāmo rocate dhārayate vā taṃ sampadānaṃ.

Yassa vā dātukāmo, yassa vā rocate, yassa vā dhārayate, taṃ kāraṃ sampadānasaññaṃ hoti. Sammā padīyate assāti **sampadānaṃ**, paṭiggāhako.

Taṃ pana tividdhaṃ diyyamānassānīvaraṇajjhesaṇānumativasena. Yathā – buddhassa pupphaṃ yajati, bodhirukkhassa jalaṃ dadāti. **Ajjhesane** – yācakānaṃ dhaṇaṃ dadāti. **Anumatiyaṃ** –

bhikkhūnaṃ dānaṃ deti.

Yathāha

“Anirākaraṇārādha-nābbhanuññavasena hi;  
Sampadānaṃ tidhā vuttaṃ, rukkha yācaka bhikkhavo”ti.

**Dātukāmoti** kiṃ? Rañño daṇḍaṃ dadāti.

**Rocanādīsu** pana – samaṇassa rocate saccam, māyasmantānampi saṅghabhedo ruccittha, yassāyasmato khamatī, devadattassa suvaṇṇacchattaṃ dhārayate yaññadatto.

“Sampadānaṃ, vā”ti ca vattate.

**303. Silāgha hanu ṭhā sapa dhāra piha kudha duhi ssāsūya rādhikkha paccāsuṇa anupatiṇṇapubbakattārocanatthatadattha tumatthālamattha maññānādarappāṇini gatyatthakammani āsisattha sammuti bhiyyasattamyatthesu ca.**

Catuppadamidaṃ. **Silāgha** katthane, **hanu** apanayane, **ṭhā** gatinivattimhi, **sapa** akkose, **dhara** dhāraṇe, **piha** icchāyaṃ iccetesam dhātūnaṃ payoge, **kudha** kope, **duha** jighamsāyaṃ, **issa** issāyaṃ, **usūya** dosāvikaṇe iccetesam tadatthavācīnañca dhātūnaṃ payoge ca **rādha** himsāsamrādhesu, **ikkha** dassanañkesūti imesaṃ payoge ca **pati** āpubbassa **su** savaṇeti imassa ca **anupati**pubbassa **gesaddeti** imassa ca pubbakattā ca ārocanatthappayoge, tadatthe, tumatthe, alamathappayoge ca maññatippayoge anādare appāṇini ca gatyatthānaṃ kammani ca āsisatthappayoge ca sammuti bhiyyappayogesū ca sattamyatthe cāti taṃ kammādikāraṇaṃ sampadānasaññaṃ hoti, **casaddaggahaṇena** paṇṇatikappati pahoti upamaññalikaṇa phāsu atthaseyyappabhutiyoge ca pure viya catutthī.

**Silāghāḍippayoge** tāva – buddhassa silāghate. Upajjhāyassa silāghate, thometīti attho.

Hanute mayhameva, hanute tuyhameva, apalapaṭīti attho.

Upatiṭṭheyya sakyaputtānaṃ vaḍḍhakī, ettha ca upaṭṭhānaṃ nāma upagamaṇaṃ. Bhikkhussa bhūñjamānassa pāṇiyena vā vidhūpanena vā upatiṭṭheyya.

Tuyhaṃ sapate, mayhaṃ sapate, ettha ca **sapanam** nāma saccakaraṇaṃ.

**Dhārayatippayoge** dhanikoyeva sampadānaṃ, suvaṇṇaṃ te dhārayate, iṇaṃ dhārayatīti attho. Tassa rañño mayam nāgaṃ dhārayāma.

**Pihappayoge** icchitoyeva, devāpi tassa pihayanti tādino, devāpi tesam pihayanti, sambuddhānaṃ satīmataṃ, patthentīti attho.

**Kodhādiatthānaṃ payoge** yaṃ pati kopo, tassa kujjha mahāvīra, yadihaṃ tassa kuppeyyaṃ.

Duhayati disānaṃ megho, yo mittānaṃ na dubbhati.

Titthiyā issanti samaṇānaṃ.

Dujjanā guṇavantānaṃ usūyanti, kā usūyā vijānataṃ.

**Rādhikkhappayoge** yassa vipucchanam kammavikhyāpanattham, **vādhikārato** dutiyā ca. Ārādho me rañño, rañño aparajjhati, rājānaṃ vā aparajjhati, kyāhaṃ ayyānaṃ aparajjhāmi, kyāhaṃ ayye aparajjhāmi vā.

Āyasmato upālitttherassa upasampadāpekkho upatisso, āyasmantaṃ vā.

**Paccāsuṇa anupatiḅiṇānaṃ pubbakattā ca** suṇotissa dhātussa paccāyoge, ḅiṇassa ca anupatiyoge pubbassa kammuno yo kattā, so sampadānasaṅṅho hoti. Yathā – bhagavā bhikkhū etadavoca, ettha “bhikkhū”ti akathitakammaṃ, “eta”nti kathitakammaṃ, pubbassa vacanakammaṃ kattā bhagavā. Bhikkhū bhagavato paccassosum, āsuṇanti buddhassa bhikkhū, tathā bhikkhu janaṃ dhammaṃ sāveti, tassa bhikkhuno jano anuḅiṇāti, tassa bhikkhuno jano patiḅiṇāti, sādhuḅaradānādinaṃ taṃ ussāhayatīti attho.

Yo vadeti sa kattāti, vuttaṃ kammanti vuccati;  
Yo paḅiḅḅāhako tassa, sampadānaṃ vijāniyāti.

**Ārocanaṭṭhappayoge** yassa āroceti, taṃ sampadānaṃ. Ārocayāmi vo bhikkhave, paḅivedayāmi vo bhikkhave, āmantayāmi te mahārāja, āmanta kho taṃ gacchāmāti vā. Ettha ca **ārocana**saddassa kathanappaḅarathattā desanaṭṭhāḅippayogepi catutthī. Dhammaṃ vo desessāmi, desetu bhante bhagavā dhammaṃ bhikkhūnaṃ, yathā no bhagavā byāḅareyya, niruttiṃ te pavakkhāmi iccādi.

**Tadatthe** sampadānasaṅṅhā, catutthī ca.

“Ato, vā”ti ca vattate.

### 304. Āya catutthekavacanassa tu.

Aḅārantato liṅgamhā parassa catutthekavacanassa **āyā**deso hoti vā, saralopādi.

Buddhasatthāya dhammassatthāya saṅghasatthāya jīvitam paḅicajāmi, piṇḅapātaṃ paḅisevāmi neva davāya na madāya na maṇḅanaāya na vibhūsanāya, ūnassa pāripūriyā, atthāya hitāya sukhāya saṃvattati.

**Tumatthe** – lokānukampāya, lokamanukampitunti attho. Tathā phāsuvihārāya.

**Alaṃ**saddassa atthā arahapaḅiḅḅepā. **Arahatthe** – alaṃ me rajjaṃ, alaṃ bhikkhu pattassa, akkhadhutto purisapuggalo nālaṃ dārabharaṇāya, alaṃ mallo mallassa, arahati mallo mallassa.

**Paḅiḅḅhepe** – alaṃ te idha vāsenā, alaṃ me hiraṅṅasuvaṇṅena, kiṃ me ekena tiṅṅena, kiṃ te jaḅāhi dummedha, kiṃ tettha catumaḅḅhassa.

**Maṅṅatippayoge anādare appāṅini** kammaniyeva – kaḅḅhassa tuvaṃ maṅṅe, kaḅḅingarassa tuvaṃ maṅṅe, jīvitam tiṅṅayapi na maṅṅamāno.

**Anādareti** kiṃ? Suvaṇṅam taṃ maṅṅe. **Appāṅinīti** kiṃ? Gadrabhaṃ tuvaṃ maṅṅe.

**Gatyatthakammani vādhiḅārato** dutiyā ca. Appo saggāya gacchati, appo saggam gacchati, nibbānāya vajantiyā, mūlāya paḅikasseyya, mūlam paḅikasseyya.

**Āsīsanatthe āyubhaddakusalā**diyogeyeva, āyasmato dīghāyu hotu, “totitā sasmimṅnāsū”ti ntussa savibhattissa **to** ādeso. Bhaddam bhavato hotu, kusalam bhavato hotu, anāmayam bhavato hotu, sukham bhavato hotu, attham bhavato hotu, hitam bhavato hotu, svāgataṃ bhavato hotu, sotthi hotu sabbasattānaṃ.

**Sammutippayoge** – sādhu sammuti me tassa bhagavato dassanāya.

**Bhiyyappayoge** bhiyyoso mattāya.

**Sattamiyatthe āvikaraṇa pātubhavanā**diyoge – tuyhañcassa āvikaromi, tassa me sakko pāturahosi.

Casaddaggaṇaṇena paṇḍādikriyāyoge, phāsuādināmapayoge ca – tassa paṇḍeyya, bhikkhūnaṃ dūtaṃ pāhesi, kappati samaṇānaṃ āyogo, ekassa dinnānaṃ dvinnānaṃ tiṇṇānaṃ pahoti, upamaṃ te karissāmi, añjaliṃ te paggaṇhāmi. Tathā tassa phāsu hoti, lokassattho, maṇinā me attho, seyyo me attho iccādi.

“Catutthī” ti vattate.

### 305. Namoyogādīsvapi ca.

Namosaddayoge, **sotthisvāgatādīhi** ca yoge liṅgamhā catutthīvibhatti hoti. Namo te buddha vīratthu, namo karohi nāgassa, namatthu buddhānaṃ, namatthu bodhiyā, sotthi pajānaṃ, svāgataṃ te mahārāja, atho te adurāgataṃ.

“Kāle, bhavissatī” ti ca vattate.

### 306. Bhāvavācimhi catutthī.

Bhāvavācimhi catutthīvibhatti hoti bhavissatikāle. Bhavanaṃ **bhāvo**. Paccissate, pacanaṃ vā pāko, pākāya vajati, pacituṃ gacchatīti attho. Evaṃ bhogāya vajati iccādi.

Kasmiṃ atthe pañcamī?

### 307. Apādāne pañcamī.

Kimapādānaṃ?

### 308. Yasmādupeti bhayamādatte vā tadapādānaṃ.

Yasmā vā avadhito apeti, yasmā vā bhayahetuto bhayaṃ bhavati, yasmā vā akkhātārā vijjānaṃ ādadāti, taṃ kārakaṃ apādānasaññaṃ hoti. Apanetvā ito ādadātīti **apādānaṃ**.

Taṃ pana tividhaṃ visayabhedena niddiṭṭhavisayaṃ, upāttavisayaṃ, anumeyyavisayañcāti.

Apādānasaññāvisayassa kriyāvisesassa niddiṭṭhattā **niddiṭṭhavisayaṃ**. Yathā – gāmā apenti munayo, nagarā niggato rājā.

Ettha ca “pāpā cittaṃ nivāraye, pāpā nivārentī” tiādīsu yadipi kāyasaṃyogapubbakāpagamaṇaṃ natthi, tathāpi cittaṃsaṃyogapubbakassa apagamaṇassa sambhavato iminā ca apādānasaññā.

Yattha pana apagamaṇakriyaṃ upāttānaṃ ajjhāhaṭaṃ visayaṃ katvā pavattati, taṃ **upāttavisayaṃ**. Yathā – valāhakaṃ vijjotate vijju, kusūlato pacatīti. Ettha ca “valāhakaṃ nikkhamma, kusūlato apanetvā” ti ca pubbakriyā ajjhāharīyati.

**Anumeyyavisayaṃ** yathā – māthurā pāṭaliputtakehi abhirūpā. Ettha hi kenaci guṇena ukkaṃsīyantīti anumeyyova kriyāviseso. Idha pana **dūrantikādisutte vibhatta**ggaṇaṇa apādānasaññā.

Vuttañca

“Niddiṭṭhavisayaṃ kiñci, upāttavisayaṃ tathā;



Anumeyyavisayañcāti, apādānaṃ tidhā mata’’nti.

Tadeva calācalavasena duvidhampi hoti.

**Calam** yathā – dhāvātā hatthimhā patito añkusadhārī.

**Acalam** yathā – pabbatā otaranti vanacarā.

**Bhayahetumhi** – corā bhayaṃ jāyati, tañhāya jāyatī bhayaṃ, pāpato uttasati, **akkhātari** – upajjhāyā sikkhaṃ gaṇhāti, ācariyamhā adhīte, ācariyato suṇāti.

‘‘Apādāna’’nti adhikāro.

### 309. Dhātunāmānamupasaggayogādīsvapi ca.

Dhātavo ca nāmāni ca **dhātunāmāni**, tesam avihitalakkhaṇānaṃ dhātunāmānaṃ payoge, upasaggayoge ca **ādisaddena** nipātayoge ca taṃyuttaṃ kārakaṃ apādānasaññaṃ hoti.

**Dhātuppayoge** tāva – **parājjiyoge** yo asayho, pabhūyoge pabhavo, janiyoge jāyamānassa pakati ca. Yathā – buddhasmā parājenti aññatitthiyā. Himavatā pabhavanti pañca mahānadiyo, anavatattamhā mahāsarā pabhavanti, aciravatiyā pabhavanti kunnadiyo. Kāmato jāyatī soko, yasmā so jāyate gini, urasmā jāto putto, kammato jātaṃ indriyaṃ.

**Nāmappayoge aññatthitarādīhi** yutte – nāññatra dukkhā sambhoti, nāññaṃ dukkhā nirujjhati, tato aññaena kammena, tato itaraṃ, ubhato sujāto putto iccādi.

**Upasaggayuttesu apaparīhi** vajjanatthehi yoge, mariyādābhividhiatthe āyoge **patinā** patinidhipatidānatthena yoge ca. Yathā – apasālāya āyanti vāñijā, sālaṃ vajjetvāti attho. Tathā paripabbatā devo vassati, pabbataṃ vajjetvāti attho. **Mariyādāyaṃ** – āpabbatā khettaṃ. **Abhividhimhi** – ābrahmalokā saddo abbhuggacchati, brahmalokaṃ abhibyāpetvāti attho. **Patinidhimhi** – buddhasmā pati sārīputto dhammadesanāya ālapati temāsaṃ. **Patidāne** – ghatamassa telasmā pati dadāti, kanakamassa hiraññaasmā pati dadāti.

**Nipātayuttesu rite nānā vinādīhi** yoge – rite saddhammā kuto sukhaṃ labhati. Te bhikkhū nānākulā pabbajitā. Vinā saddhammā natthañño koci nātho loke vijjati. Ariyehi puthagevāyaṃ jano, yāva brahmalokā saddo abbhuggacchati.

**Apiggahaṇena** kammāpādānakārakamajjhepi pañcamī kāladdhānehi, pakkhasmā vijjhati migaṃ luddako, ito pakkhasmā migaṃ vijjhatīti vuttaṃ hoti. Evaṃ māsasmā bhujjati bhojanaṃ, kosā vijjhati kuñjaraṃ.

**Casaddaggahaṇena pabhutyādiatthe**, tadatthappayoge ca – yatohaṃ bhagini ariyāya jātiyā jāto, yato sarāmi attānaṃ, yato pattosmi viññutaṃ, yatvādhikaraṇaṃ, yato pabhuti, yato paṭṭhāya, tato paṭṭhāya iccādi.

### 310. Rakkhaṇatthānamicchitaṃ.

Rakkhaṇatthānaṃ dhātūnaṃ payoge yaṃ icchitaṃ, taṃ kārakaṃ apādānasaññaṃ hoti, **cakārādhikāro** anicchitaṃ. Rakkhaṇāñcetta nivāraṇaṃ, tāyanañca. Kāke rakkhanti taṇḍulā, yavā paṭisedhenti gāvo.

**Anicchitaṃ** yathā – pāpā cittaṃ **nivāraye**, pāpānivārenti, rājato vā corato vā aggito vā udakato vā nānābhayato vā nānārogato vā nānāupaddavato vā ārakkhaṃ gaṇhantu.

“Icchita” miti vattate.

### 311. Yena vā’dassanaṃ.

Yena adassanamicchitaṃ antaradhāyanta, taṃ kārakaṃ apādānasaññaṃ hoti vā, antaradhānevāyaṃ. Upajjhāyā antaradhāyati sisso, nilīyatīti attho. Mātāpitūhi antaradhāyati putto.

Vāti kiṃ? Jetavane antarahito. **Yenāti** kiṃ? Yakkho tattheva antaradhāyati.

### 312. Dūrantikaddhakālanimmānatvālopadisāyogavibhattārappayoga suddhappamocana hetu vivittappamaṇa pubbayoga bandhana guṇavacana pañha kathanathokākattūsu ca.

Dūratthe, antikatthe, addhanimmāne, kālanimmāne, tvālope, disāyoge, vibhatte, āratippayoge, suddhatthappayoge, pamocanathappayoge, hetvatthe, vivittathappayoge, pamānatthe, pubbayoge, bandhanathappayoge, guṇavacane, pañhe, kathane, thokatthe, akattari ca yadavadhibhūtaṃ, hetukammādibhūtañca, taṃ kārakaṃ apādānasaññaṃ hoti, **casaddena** yathāyogaṃ dutiyā, tatiyā, chaṭṭhī ca.

Ettha ca dūrantikañca dūrantikatthañcāti **dūrantikanti** sarūpekasesaṃ katvā vuttanti daṭṭhabbaṃ, tena dūrantikatthappayoge, tadatthe ca apādānasaññaṃ hoti.

**Dūratthappayoge** tāva – kīvadūro ito naḷakāragāmo, tato have dūratarāṃ vadanti, gāmato nātidūre. Ārakā te moghapurisā imasmā dhammavinayā, ārakā tehi bhagavā. **Dūratthe** – dūrato va namassanti, addasa dūrato va āgacchantāṃ.

**Antikatthappayoge** – antikaṃ gāmā, āsannaṃ gāmā, samīpaṃ gāmā, gāmassa samīpanti attho.

Dutiyā, tatiyā ca, dūraṃ gāmaṃ āgato, dūrena gāmena āgato, dūrato gāmā āgatoti attho. Dūraṃ gāmena vā. Antikaṃ gāmaṃ āgato, antikaṃ gāmena vā, āsannaṃ gāmaṃ, āsannaṃ gāmena vā iccādi.

**Addhakālanimmāne** nimmānaṃ nāma parimānaṃ, tasmim̐ gamyamāne – ito mathurāya catūsu yojanesu saṅkassaṃ, rājagahato pañcacattālīsajojanamattake sāvattī.

**Kālanimmāne** – ito ekanavutikappamatthake vipassī bhagavā loke udapādi, ito vassasahassaccayena buddho loke uppajjissati.

**Tvāpaccayantassa lopo** nāma tadatthasambhavepi avijjamānatā, tasmim̐ tvālope kammādhikaraṇesu – pāsādā saṅkameyya, pāsādaṃ abhiruhitvā saṅkameyyāti attho. Tathā hatthikkhandhā saṅkameyya, abhidhammā pucchanti, abhidhammaṃ sutvā vā, abhidhammā kathayanti, abhidhammaṃ paṭhitvā vā, āsanā vuṭṭhaheyya, āsane nisīditvā vā.

**Disatthavācīhi yoge, disatthe** ca – ito sā purimā disā, ito sā dakkhiṇā disā, ito sā pacchimā disā, ito sā uttarā disā, avīcīto uparibhavaggā, uddhaṃ pādatalā, adho kesamatthakā iccādi. **Disatthe** – puratthimato dakkhiṇatotiādi. Ettha pana sattamiyatthe **topaccayopi** bhavissati.

**Vibhattaṃ** nāma sayāṃ vibhattasseva tadaññato guṇena vibhajaṇaṃ, tasmim̐ vibhatte – yato paṇītataro vā viṣiṭṭhataro vā natthi, attadanto tato varaṃ. Kiñcāpi dānato sīlameva varaṃ, tato mayā sutā assutameva bahutaraṃ, sīlameva sutā seyyo. Chaṭṭhī ca, channavutīnaṃ pāsaṇḍānaṃ pavaraṃ yadidaṃ sugatavinayo.

**Āratippayogo** nāma viramaṇatthasaddappayogo. Tattha – asaddhammā ārati, virati pāpā, pāṇātipātā veramaṇī, adinnādānā paṭivirato, appaṭivirato musāvādā.

**Suddhatthappayoge** – lobhanīyehi dhammehi suddho asaṃsaṭṭho, mātito ca pitito ca suddho anupakkuṭṭho agarahito.

**Pamocanathappayoge** – parimutto dukkhasmāti vadāmi, mutto mārabandhanā, na te muccanti maccunā, muttohaṃ sabbapāsehi.

**Hetvatthe**, sarūpekasesassa gahitattā hetvatthappayoge ca sabbanāmato – kasmā nu tumhaṃ daharā na mīyare, kasmā idheva maraṇaṃ bhavissati, kasmā hetunā, yasmā ca kammāni karonti, yasmā tiha bhikkhave, tasmā tiha bhikkhave evaṃ sikkhitabbaṃ, tasmā buddhosmi brāhmaṇa, yasmā kāraṇā, tasmā kāraṇā, kiṃ kāraṇā. Dutiyā, chaṭṭhī ca, kiṃ kāraṇaṃ, taṃ kissa hetu, kissa tumhe kilamatha.

Kena hetunā, kena kāraṇena, yena midhekacce sattā, tena nimittena, tena vuttamiccādīsu ‘‘hetvatthe cā’’ti tatiyā.

**Vivittaṃ** nāma vivecanaṃ, tadatthappayoge – vivitto pāpakā dhammā, vivicceva kāmehi, vivicca akusalehi dhammehi.

**Pamāṇatthe** tatiyā ca, āyāmato ca vitthārato ca yojanaṃ, gambhīrato ca puthulato ca yojanaṃ candabhāgāya parimāṇaṃ, parikkhepato navayojanasataparimāṇo majjhimapadeso.

Dīghaso nava vidatthiyo sugatavidatthiyā pamāṇikā kāretabbā.

Ettha ca ‘‘smāhismiṃna’’miccādito ‘‘smā’’ti ca ‘‘so, vā’’ti ca vattamāne

### 313. Dīghorehi.

**Dīgha oraicceteti smāvaca**nassa soādeso hoti vā.

Dīghaso, dīghamhā vā, [oraso, oramhā vā] tatiyā ca, yojanaṃ āyāmena, yojanaṃ vitthārena, yojanaṃ ubbedhena sāsaparāsi.

Paṭhamatthavācakena **pubbasaddena** yogo **pubbayogo**, ettha ca **pubbaggahaṇaṃ** adisatthavuttino **pubbādiggaḥaṇaṃ** assupalakkhaṇanti daṭṭhabbaṃ, tena **parā**diyogepi. Yathā – pubbeva me bhikkhave sambodhā, ito pubbenāhosi, tato paraṃ paccantimā janapadā, dhātulingehi parā paccayā, tato aparena samayena, tato uttarimpī iccādi.

**Bandhanatthappayoge** bandhanahetumhi iṇe pañcamī, tatiyā ca hoti, satasmā baddho naro raññā, satena vā baddho naro.

Phalaśādhanahetubhūtassa guṇassa vacanaṃ **guṇavacanaṃ**, tasmīṃ guṇavacane pañcamī, tatiyā ca, issariyā janaṃ rakkhati rājā, issariyena vā, sīlato naṃ pasamsanti, sīlena vā, paññāya vimuttimano iccādi.

**Pañhakathanesu** – kutosi tvaṃ, kuto bhavaṃ, pāṭaliputtato. Ettha ca **kathanaṃ** nāma vissajjanaṃ.

**Thokatthe asatvavacane** karaṇe tatiyā ca, thokā muccati, thokena muccati vā, appamattakā muccati, appamattakena vā, kicchā muccati, kicchena vā.

**Akattari akārake ṇāpakahetumhi** – kammaṃ katattā upacitattā ussannattā vipulattā uppannaṃ hoti cakkhuvīññāṇa, **na** tāvidaṃ nāmarūpaṃ ahetukaṃ sabbattha sabbadā sabbesañca ekasadisabhāvāpattito.

Hutvā abhāvato niccā, udayabbayapīlanā;  
Dukkhā avasavattittā, anattāti tilakkhaṇaṃ.

“Pañcamī”’ti vattate.

### 314. Kāraṇatthe ca.

Karoti attano phalanti **kāraṇaṃ**, kārakahetu [janakahetu], tasmim kāraṇatthe ca pañcamīvibhatti hoti, vikappenāyaṃ, hetvatthe tatiyāya ca vihitattā, ananubodhā appaṭivedhā catunnaṃ ariyasaccānaṃ yathābhūtaṃ adassanā evamidam dīghamaddhānaṃ sandhāvitam saṃsaritam, avijjāpaccayā saṅkhārā, saṅkhārapaccayā viññānaṃ, avijjāya tveva asesavirāganirodhā saṅkhāranirodho, saṅkhāranirodhā viññānanirodho, viññānanirodhā iccādi.

Kasmim atthe chaṭṭhī?

### 315. Sāmismim chaṭṭhī.

Ko ca sāmī?

### 316. Yassa vā pariggaho taṃ sāmī.

Pariggayhatīti **pariggaho**, yo yassa pariggaho āyatto sambandhī, taṃ pati so attho sāmisañño hoti. **Vāggahaṇena** sāmītabba rujādiyogepi.

Ettha ca kriyābhisambandhābhāvā na kārakatā sambhavati. Sāmibhāvo hi kriyākārabhāvassa phalabhāvena gahito, tathā hi “rañño puriso”’ti vutte yasmā rājā dadāti, puriso ca patiggaṇhāti, tasmā “rājapuriso”’ti viññāyati. Evaṃ yo yassa āyatto sevakādibhāvena vā bhaṇḍabhāvena vā samīpa samūhāvayavavikāra kāriyaavathā jāti guṇa kriyādivasena vā, tassa sabbassāpi so sambandhādihārābhūto visesanaṭṭhānī āgamīvasena tividhopi attho **sāmī** nāmāti gahetabbo.

Vuttañca

“Kriyākārakasañjāto,  
Assedaṃ bhāvahetuko;  
Sambandho nāma so attho,  
Tattha chaṭṭhī vidhīyate.

Pāratantyañhi sambandho,  
Tattha chaṭṭhī bhavetito;  
Upādhiṭṭhānā gamito,  
Na visesyādito tito”’ti.

**Visesanato** tāva – rañño purisoti, ettha ca rājā purisaṃ aññasāmito viseseti nivatteti **visesanaṃ**, puriso tena visesīyatīti **visesitabbo**, evaṃ sabbattha visesitabbayoge visesanatova chaṭṭhī.

**Bhaṇḍena sambandhe** – pahūtaṃ me dhanam sakka, etassa paṭivīso, bhikkhussa pattacīvaram.

**Samīpasambandhe** – ambavanassa avidūre, nibbānasseva santike.

**Samūhasambandhe** – suvaṇṇassa rāsi, bhikkhūnaṃ samūho.

**Avayavasambandhe** – manussasseva te sīsam, rukkhassa sākhā.

**Vikārasambandhe** – suvaṇṇassa vikati, bhaṭṭhadhaññānaṃ sattu.

**Kāriyasambandhe** – yavassa ankuro, meghassa saddo, puttāpi tassa bahavo, kammānaṃ phalaṃ vipāko.

**Avatthāsambandhe** – khandhānaṃ pātubhāvo, khandhānaṃ jarā, khandhānaṃ bhedo.

**Jātisambandhe** – manussassa bhāvo, manussānaṃ jāti.

**Guṇasambandhe** – suvaṇṇassa vaṇṇo, vaṇṇo na khīyetha tathāgatassa, buddhassa guṇaghoso, pupphānaṃ gandho, phalānaṃ raso, cittassa phusanā, sippikānaṃ sataṃ natthi, tilānaṃ muṭṭhi, tesāṃ samāyogo, sandhino vimokkho, tathāgatassa paññāpāramiṃ ārabba, pubbacariyaṃ vā, sukhaṃ te, dukkhaṃ te, cetaso parivittakko udapādi, paññāya paṭubhāvo, rūpassa lahutā, rūpassa mudutā, rūpassa upacayo.

**Kriyāsambandhe** – pādassa ukkhipanaṃ, pādassa avakkhepanaṃ vā, hatthassa samiñjanaṃ, pādānaṃ pasāraṇaṃ, dhātūnaṃ gamanaṃ, dhātūnaṃyeva ṭhānaṃ, nisajjā, sayanaṃ vā. Tathā tassa nāmagottādi, tassa kāraṇaṃ, tassa mātāpitaro, tassa purato pāturahosi, tassa pacchato, nagarassa dakkhiṇato, vassānaṃ tatiye māse, na tassa upamā, kuverassa bali iccādi.

**Ṭhānito** – yamedantassādeso, o avassa.

**Āgamito** – puthassāgamo iccādi.

**Sāmiyoge** – devānamindo, migānaṃ rājā.

**Tabba rujādiyoge** – mahāsenāpatīnaṃ ujjhāpetabbaṃ vikanditabbaṃ viravitabbaṃ, devadattassa rujati, tassa rogo uppajjati, rajakassa vatthaṃ dadāti, musāvādassa ottappaṃ iccādi.

“Kvaci, tatiyāsattamīna”nti ca vattate.

### 317. Chaṭṭhī ca.

Tatiyāsattamīnamatthe kvaci chaṭṭhīvibhatti hoti.

**Yajassa karaṇe** – pupphassa buddhaṃ yajati, pupphena vā, ghatassa aggim juhoti.

**Suhitathayoge** – pattaṃ odanassa pūretvā, odanenāti attho. Imaeva kāyaṃ pūraṃ nānappakārassa asucīno paccavekkhati, pūraṃ hiraññasuvaṇṇassa, pūratī bālo pāpassa.

**Tulyatthakimalamādiyoge** – pītussa tulyo, pitarā vā tulyo, mātu sadiso, mātārā sadiso vā, kiṃ tassa ca tuṭṭhassa, kiṃ tena tuṭṭhenāti attho. Alaṃ tassa ca tuṭṭhassa.

**Kattari kitappaccayayoge** – sobhanā kaccāyanassa kati, kaccāyanena vā, rañño sammato, raññā vā, evaṃ rañño pūjito, rañño sakkato, rañño apacito, rañño mānito, amataṃ tesāṃ bhikkhave aparibhuttaṃ, yesāṃ kāyagatāsati aparibhuttā iccādi.

**Sattamiyatthe kusalādiyoge** – kusalā naccagītassa sikkhitā cāturitthiyo, kusalo tvaṃ rathassa aṅgapaccaṅgānaṃ, kusalo maggassa, kusalo amaggassa, santi hi bhante uḷārā yakkhā bhagavato pasannā, divasassa tikkhattuṃ, divase tikkhattuṃ vā, māsassa dvikkhattuṃ iccādi.

“Kvaci, chaṭṭhī”ti ca vattate.

### 318. Dutiyāpañcamīnaṃ ca.

Dutiyāpañcamīnamatthe ca kvaci chaṭṭhīvibhatti hoti.

**Dutiyatthe kammani kitakayoge** – tassa bhavanti vattāro, sahasā kammassa kattāro, amatassa dātā, bhinnānaṃ sandhātā, sahitānaṃ anuppadātā, bodhetā pajāya, kammassa kāraṅko natthi, vipākassa ca vedako, avisaṃvādako lokassa, pāpānaṃ akaraṇaṃ sukhaṃ, catunnaṃ mahābhūtaṃ upādāya pasādo, acchāriyo arajakena vatthānaṃ rāgo, acchāriyo agopālakena gāvīnaṃ doho.

**Tathā saricchādīnaṃ kammani** – mātu sarati, mātaraṃ sarati, na tesāṃ koci sarati, sattānaṃ kammappaccayā, puttassa icchati, puttamicchati.

**Karotissa patiyatane ca** – patiyatanaṃ abhisankhāro, udakassa patikurute, udakaṃ patikurute, kaṇḍassa patikurute, kaṇḍaṃ patikurute.

**Pañcamiyatthe parihānibhayatthayoge** – assavanatā dhammassa parihāyanti, kiṃ nu kho ahaṃ tassa sukhasa bhāyāmi, sabbe tasanti daṇḍassa, sabbe bhāyanti maccuno, bhīto catunnaṃ āsivisānaṃ iccādi.

**Kvacīti kiṃ?** Gambhīrañca kathaṃ kattā, kālena dhammiṃ kathaṃ bhāsītā hoti, paresaṃ puññāni anumodītā, bujjhitā saccāni, kaṭaṃ kāraṅko, pasavo ghātako.

Tathā **na niṭṭhādīsu ca** – sukhakāmī vihāraṃ kato, rathaṃ katavanto, rathaṃ katāvī, kaṭaṃ katvā, kaṭaṃ karonto, kaṭaṃ karāno, kaṭaṃ kurumāno iccādi.

Kasmiṃ atthe sattamī?

### 319. Okāse sattamī.

Okāsakāraṅke sattamīvibhatti hoti.

Ko ca okāso?

### 320. Yodhāro tamokāsaṃ.

Ādhārīyati asminti **ādhāro**, adhikaraṇaṃ. Kattukammasamavetānaṃ nisajjapacanaṅdikriyānaṃ patiṭṭhānaṭṭhena yo ādhāro, taṃ kāraṅkaṃ okāsasaññaṃ hoti.

Kaṭe nisīdati devadatto, thāliyaṃ odanaṃ pacati. Ettha hi devadattataṇḍulānaṃ kattukammānaṃ dhāraṇato taṃsamavetaṃ āsanapacanasankhātāṃ kriyaṃ dhāreti nāma.

So panāyamokāso catubbidho byāpiko opasilesiko sāmīpiko vesayikoti.

Tattha **byāpiko** nāma yattha sakalopi ādhārabhūto attho ādheyyena patthaṇo hoti, yasmiñca ādheyyabhūtaṃ kiñci byāpetvā tiṭṭhati, taṃ yathā – tīlesu telaṃ atthi, khīlesu jalaṃ, dadhimhi sappīti.

**Opasilesiko** nāma paccekasiddhānaṃ bhāvānaṃ yattha upasilesena upagamo hoti, yasmiñca ādheyyo upasilissati allīyitvā tiṭṭhati, taṃ yathā – āsane nisinna saṅgho, thāliyaṃ odanaṃ pacati, ghaṭesu udakaṃ atthi, dūre ṭhito, samīpe ṭhitoti.

**Sāmīpiko** nāma yattha samīpe samīpivohāraṃ katvā tadāyattavuttitādīpanatthaṃ ādhārabhāvo vikappiyati, taṃ yathā – gaṅgāyaṃ ghoso vasati, gaṅgāya samīpe vajo vasatīti attho. Bhagavā sāvatthiyaṃ viharati jetavane, sāvatthiyā samīpeti attho.

**Vesayiko** nāma yattha aññatthābhāvavasena, desantarāvacchedavasena vā ādhārabhāvo

parikappo, taṃ yathā – ākāse sakuṇā pakkhanti, bhūmīsu manussā caranti, jalesu macchā, pādesu patito, pāpasmim̃ ramatī mano, pasanno buddhasāsane, paññāya sādhu, vinaye nipuṇo, mātari sādhu, pitari nipuṇo iccādi.

Sabbopi cāyamādhāro padhānavasena vā parikappitavasena vā kriyāya patiṭṭhā bhavatīti **okāso**veva vuttoti veditabbo.

Vuttañcetam̃

‘‘Kiriyaṃ kattukammānaṃ,  
Yattha hoti patiṭṭhitā;  
‘Okāso’ ti pavutto so,  
Catudhā byāpikādito.

Byāpiko tilakhīrādi,  
Kaṭṭo opasilesiko;  
Sāmiṃpiko tu gaṅgādi,  
Ākāso visayo mato’’ti.

‘‘Chaṭṭhī, sattamī’’ ti ca adhikāro.

### 321. Sāmissarādhipatidāyādasakkhīpatibhūpasūtakusalehi ca.

Sāmī issara adhipati dāyāda sakkhīpatibhū pasūta kusalaiccetehi yoge chaṭṭhīvibhatti hoti, sattamī ca. Ubhayattham̃ vacanaṃ.

Gavaṃ sāmī, gosu sāmī, gavaṃ issaro, gosu issaro, gavaṃ adhipati, gosu adhipati, gavaṃ dāyādo, gosu dāyādo, gavaṃ sakkhi, gosu sakkhi, gavaṃ patibhū, gosu patibhū, gavaṃ pasūto, gosu pasūto, gavaṃ kusalo, gosu kusalo.

### 322. Niddhāraṇe ca.

Nīharitvā dhāraṇaṃ **niddhāraṇaṃ**, jāti guṇa kriyā nāmehi samudāyato ekadesassa puthakkaṇaṃ, tasmim̃ niddhāraṇatthe gamyamāne tato samudāyavāciliṅgamhā chaṭṭhīvibhatti hoti, sattamī ca.

Manussānaṃ khattiyō sūratamo, manussesu khattiyō sūratamo, kaṇhā gāvīnaṃ sampannakhīratamā, kaṇhā gāvīsu sampannakhīratamā, addhikānaṃ dhāvanto sīghatamo, addhikesu dhāvanto sīghatamo, āyasmā ānando arahataṃ aññataro ahosi, arahantesu vā iccādi.

### 323. Anādare ca.

Anādare gamyamāne bhāvavatā liṅgamhā chaṭṭhīvibhatti hoti, sattamī ca. Akāmakānaṃ mātāpitūnaṃ rudantānaṃ pabbajī, mātāpitūsu rudantesu pabbajī.

Ākoṭayanto so neti,  
Sivirājassa pekkhato;  
Maccu gacchati ādāya,  
Pekkhamāne mahājane.

### 324. Kammakaraṇanimittatthesu sattamī.

Kammakaraṇanimittaiccesvatthesu liṅgamhā sattamīvibhatti hoti.

**Kammattthe** – bhikkhūsu abhivādentī, muddhani cumbitvā, purisassa bāhāsu gahetvā.

**Karaṇattthe** – hatthesu piṇḍāya caranti, pattesu piṇḍāya caranti, pathesu gacchanti, sopi maṃ anusāseyya, sampañicchāmi matthake.

**Nimittattthe** – dīpi cammesu haññate, kuñjaro dantesu haññate, aṇumattesu vajjesu bhayadassāvī, sampajānamusāvāde pācittiyaṃ, musāvādanimittaṃ musāvādappaccayāti attho.

“Sattamī”ti adhikāro.

### 325. Sampadāne ca.

Sampadānatthe ca liṅgamhā sattamīvibhatti hoti. Saṅghe dinnamaṃ mahapphalaṃ, saṅghe gotami dehi, saṅghe te dinne ahañceva pūjito bhavissāmi.

Yā palālamayaṃ mālāṃ, nārī datvāna cetiye;  
Alattha kañcanamayaṃ, mālāṃ bojjhaṅgikañca sā.

### 326. Pañcamyatthe ca.

Pañcamyatthe ca liṅgamhā sattamīvibhatti hoti. Kadalīsu gaje rakkhanti.

### 327. Kālabhāvesu ca.

**Kālo** nāma nimesa khaṇa laya muhutta pubbaṅhādiko, **bhāvo** nāma kriyā, sā cettha kriyantarūpalakkhaṇāva adhippetā, tasmīṃ kālatthe ca bhāvalakkhaṇe bhāvatthe ca liṅgamhā sattamīvibhatti hoti.

**Kāle** – pubbaṅhasamaye gato, sāyanhasamaye āgato, akāle vassati tassa, kāle tassa na vassati, phussamāsamhā tīsu māsesu vesākhamāso, ito satahassamhi, kappe uppajji cakkhumā.

**Bhāvenabhāvalakkhaṇe** – bhikkhusaṅghesu bhojīyamānesu gato, bhuttesu āgato, gosu duyhamānāsu gato, duddhāsu āgato, jāyamāne kho sārīputta bodhisatte ayaṃ dasahassilokadhātu saṃkampi sampakampi sampavedhi.

Pāsāṇā sakkharā ceva, kaṭhalā khāṇukaṇṭakā;  
Sabbe maggā vivajjenti, gacchante lokanāyake.

Imasmīṃ sati idaṃ hoti iccādi.

### 328. Upājhādhikissaravacane.

Dvipadamidaṃ. Adhikatthe, issaratthe ca vattamānehi **upaadhi**ccetehi yoge adhikissaravacane gamyamāne liṅgamhā sattamīvibhatti hoti.

**Adhikavacane** – upa khāriyaṃ doṇo, khāriyā doṇo adhikoti attho. Tathā upa nikkhe kahāpaṇaṃ, adhi devesu buddho, sammutiupapattivissuddhidevasaṅkhātehi tividhehipi devehi sabbaññū buddhova adhikoti attho.

**Issaravacane** – adhi brahmadatte pañcālā, brahmadattissarā pañcālāti attho.

### 329. Maṇḍitussukkesu tatiyā ca.

Maṇḍitaussukkaiccetevatthesu gamyamānesu liṅgamhā tatiyāvibhatti hoti, sattamī ca.



**Maṇḍita**saddo panettha pasannatthavācako, **ussukka**saddo saīhattho. Ñāṇena pasanno, ñāṇasmim̐ pasanno, ñāṇena ussukko, ñāṇasmim̐ ussukko sappuriso.

Kāraṇaṃ chabbidhaṃ saññā-vasā chabbīsatiṭṭidhaṃ;  
Pabhedā sattadhā kammaṃ, kattā pañcavidho bhava.

Karaṇaṃ duvidhaṃ hoti, sampadānaṃ tidhā matamaṃ;  
Apādānaṃ pañcavidhaṃ, ādhāro tu catubbidho.

Vibhattiyo pana paccattavacanādivasena aṭṭhavidhā bhavanti. Yathāha

“Paccattamupayogañca, karaṇaṃ sampadāniyaṃ;  
Nissakkaṃ sāmivacanaṃ, bhummālapanamaṭṭhama”nti.

Iti padarūpasiddhiyaṃ kārakakaṇḍo

Tatiyo.

## 4. Samāsakaṇḍa

**Atha nāmameva** aññamaññasambandhīnaṃ samāsoti nāmanissitattā, sayañca nāmikattā nāmānantaraṃ **samāso** vuccate.

So ca saññāvasena chabbidho abyayībhāvo kammadhārayo digu tappuriso bahubbīhi dvando cāti.

### Abyayībhāvasamāsa

Tatra paṭhamaṃ abyayībhāvasamāso vuccate;  
So ca nicasamāsoti assapadaviggaho.

“Upanagaraṃ”ītīdha – **upasaddato** paṭhamekavacanaṃ **si**, tassa upasaggaparattā “sabbāsamāvusopasagganipātādīhi cā”ti lopo, **nagarasaddato** chaṭṭhekavacanaṃ **sa**, nagarassa samīpanti aññapadena viggāhe –

“Nāmānaṃ samāso yuttattho”ti samāsavidhāne sabbattha vattate.

### 330. Upasagganipātapubbako abyayībhāvo.

**Upasaggapubbako**, **nipātapubbako** ca nāmiko yuttattho teheva attapubbakehi upasagganipātehi saha niccaṃ samasīyate, so ca samāso **abyayībhāvasa**ñño hoti. Idha abyayībhāvādisaññāvidhāyakaṃsuttāneva vā saññāvidhānamukhena samāsavidhāyakānīti daṭṭhabbāni.

Tattha **abyayamiti** upasagganipātānaṃ saññā, liṅgavacanabhedepi byayarahitattā, abyayānaṃ atthaṃ vibhāvayatīti **abyayībhāvo** abyayatthapubbaṅgamattā, anabyayaṃ abyayaṃ bhavatīti vā abyayībhāvo. Pubbapadatthappadhāno hi abyayībhāvo, ettha ca “upasagganipātapubbako”ti vuttattā upasagganipātānameva pubbanipāto.

### 331. Nāmānaṃ samāso yuttattho.

Tesaṃ nāmānaṃ payujjamānapadatthānaṃ yo yuttattho, so samāsasañño hoti, tadaññaṃ vākyamiti ruḷhaṃ.

Nāmāni syādivibhatyantāni, samassateti **samāso**, saṅkhiyatīti attho.

Vuttañhi

“Samāso padasaṅkhepo, padappaccayasamhitam;  
Taddhitam nāma hotevaṃ, viññeyyam tesamantara”nti.

Duvidhañcassa samasanaṃ saddasamasanamatthasamasanañca, tadubhayampi luttasamāse paripuṇṇameva labbhati. Aluttasamāse pana atthasamasanameva vibhattilopābhāvato, tathāpi vā ekapadattūpagamanato duvidhampi labbhateva. Dve hi samāsassa payojanāni ekapadattamekavibhattittañcāti.

Yutto attho **yuttatto**, atha vā yutto saṅgato, sambandho vā attho yassa soyaṃ yuttattho, etena saṅgatatthena **yuttattha**vacanena bhinnatthānaṃ ekatthībhāvo samāsalakkhaṇanti vuttam hoti. Ettha ca “nāmāna”nti vacanena “devadatto pacatī”tiādīsu ākhyātena samāso na hotīti dasseti. Sambandhatthena pana **yuttatthaggahaṇa**ena “bhaṭo rañño putto devadattassā”tiādīsu aññamaññānapekkhesu, “devadattassa kaṇhā dantā”tiādīsu ca aññasāpekkhesu ayuttatthatāya samāso na hotīti dīpeti.

“Atthavasā vibhattivipariṇāmo”ti vipariṇāmena “yuttatthāna”nti vattate.

### 332. Tesam vibhattiyo lopā ca.

Idha padantarena vā taddhitappaccayehi vā **āyā**dippaccayehi vā ekatthībhūtā yuttatthā nāma, tena “tesam yuttatthānaṃ samāsānaṃ, taddhitāyā dippaccayantānañca vibhattiyo lopaṇīyā hontī”ti attho. **Samā**saggahaṇādhiḱāre pana sati **tesam**gahaṇaena vā taddhitāyā dippaccayanta vibhattilopo. **Cag**gahaṇaṃ “pabhaṅkaro”tiādīsu lopaṇivattanattham.

Vipariṇāmena “luttāsu, vibhattīsū”ti vattate, **yuttatthaggahaṇa**ñca.

### 333. Pakati cassa sarantassa.

Luttāsu vibhattīsū sarantassa assa yuttatthabhūtassa tividhassapi liṅgassa pakatībhāvo hoti. **Cas**addena **kiṃsamudaya idappaccayatā**dīsu niggahītantassapi. Nimittābhāve nemittakābhāvassa idha anicchitattā ayamatideso.

Sakatthavirahenidha samāsassa ca liṅgabhāvābhāvā vibhattuppattiyamasampattāyaṃ nāmabyapadesātidesamāha.

### 334. Taddhitasamāsakitakā nāmaṃvā’tavetunādīsu ca.

Taddhitantā, kitantā, samāsā ca nāmamiva daṭṭhabbā **tavetuna tvāna tvā**dippaccayante vajjetvā. **Cag**gahaṇaṃ kiccappaccaya**ā**ññītihippaccayantādīssapi nāmabyapadesattham. Idha **samā**saggahaṇaṃ atthavatam samudāyānaṃ nāmabyapadeso samāsassevāti niyamatthanti apare.

“Abyayībhāvo”ti vattate.

### 335. So napuṃsakaliṅgo.

So abyayībhāvasamāso napuṃsakaliṅgova daṭṭhabboti napuṃsakaliṅgattam. Ettha hi satipi liṅgātideso “adhipaṇṇa”ntiādīsu “adhiṇṇaṃ”ntiādi rūpappasaṅgo na hoti saddantarattā, “tīpaṇṇa”ntiādīsu viyāti daṭṭhabbam, na cāyaṃ atideso, sutte atidesaliṅgassa **iva**saddassa adassanato. Pure viya syādyuppatti.

“Kvacī”’ti vattate.

### 336. Aṃ vibhattīnamakārantā abyayībhāvā.

Tasmā akārantā abyayībhāvā parāsaṃ vibhattīnaṃ kvaci **aṃ** hoti, sesaṃ neyyaṃ.

Taṃ upanagaraṃ, nagarassa samīpaṃ tiṭṭhatīti attho. Tāni upanagaraṃ, ālapanepevaṃ, taṃ upanagaraṃ passa, tāni upanagaraṃ.

**Na** pañcamaṃyāyamambhāvo, **kvacīti** adhikārato;  
Tatiyāsattamīchaṭṭhī-nantu hoti vikappato.

Tena upanagaraṃ kataṃ, upanagarena vā, tehi upanagaraṃ, upanagarehi vā, tassa upanagaraṃ dehi, tesāṃ upanagaraṃ, upanagarā ānaya, upanagaramhā upanagarasmā, upanagarehi, upanagaraṃ santakaṃ, upanagarassa vā, tesāṃ upanagaraṃ, upanagarānaṃ vā, upanagaraṃ nidhehi, upanagaramhi upanagarasmim, upanagaraṃ upanagaresu vā. Evaṃ upakumbhaṃ.

**Abhāve** – darathānaṃ abhāvo niddarathaṃ, nimmasakaṃ.

**Pacchāatthe** – rathassa pacchā anurathaṃ, anuvātaṃ.

**Yoggaṭāyaṃ** – yathāsarūpaṃ, anurūpaṃ, rūpayogganti attho.

**Vicchāyaṃ** – attānamattānaṃ pati paccattaṃ, addhamāsaṃ addhamāsaṃ anu anvaddhamāsaṃ.

**Anupubbiyaṃ** – jeṭṭhānaṃ anupubbo anujeṭṭhaṃ.

**Paṭilome** – sotassa paṭilomaṃ paṭisotaṃ, paṭipathaṃ, pativātaṃ, attānaṃ adhikicca pavattā ajjhattaṃ.

**Pariyādābhividdhīsu** āpāṇakoṭiyā āpāṇakoṭikaṃ, “kvaci samāsantagatānamakāranto”’ti kappaccayo, ākumārehi yaso kaccāyanassa ākumāraṃ.

**Samiddhiyaṃ** – bhikkhāya samiddhīti atthe samāseva napuṃsakalingatte ca kate –

“Samāsassa, anto”’ti ca vattate.

### 337. Saro rasso napuṃsake.

Napuṃsake vattamānassa samāsassa anto saro rasso hoti. Ettha ca **abyayībhāvaggahaṇaṃ** nānūvattetaḥḥaṃ, tena digudvandabahubbīhīsupi napuṃsake vattamānassa samāsantassarassa rassattaṃ siddhaṃ hoti. “Aṃ vibhattīna”’miccādinā **amādeso**, subhikkhaṃ. Gaṅgāya samīpe vattatīti upagaṅgaṃ, maṇikāya samīpaṃ upamaṇikaṃ.

Itthīsu amikiccāti atthe samāsanapuṃsakarassattādīsu katesu –

“Abyayībhāvā, vibhattīna”’nti ca vattate.

### 338. Aññasmā lopo ca.

Akārantato aññasmā abyayībhāvasamāsā parāsaṃ vibhattīnaṃ lopo ca hoti. Adhitti, itthīsu adhikicca kathā pavattatīti attho. Adhitthi passa, adhitthi kataṃ iccādi, evaṃ adhikumāri, vadhuṃyā samīpaṃ upavadhu, gunnaṃ samīpaṃ upagu, **okārassa** rassattaṃ **ukāro**. Evaṃ **upasaggapubbako**.

**Nipātapubbako** yathā – vuḍḍhānaṃ paṭipāṭi, ye ye vuḍḍhā vā yathāvuḍḍhaṃ, **padatthānatikkame** – yathākkamaṃ, yathāsatti, yathābalaṃ karoti, balamanatikkamitvā karotīti attho. Jīvaṃsa yattako paricchedo yāvajīvaṃ, yāvātāyukaṃ, **kappaccayo**. Yattakena attho yāvadatthaṃ, pabbatassa parabhāgo tiropabbataṃ, tiropākāraṃ, tirokuṭṭaṃ, pāsādassa anto antopāsādaṃ, antonagaraṃ, antovassaṃ, nagarassa bahi bahinagaraṃ, pāsādassa upari uparipāsādaṃ, uparimañcaṃ, mañcassa heṭṭhā heṭṭhāmañcaṃ, heṭṭhāpāsādaṃ, bhattassa pure purebhattaṃ, evaṃ pacchābhattaṃ.

**Sākallatthe** – saha makkhikāya samakkhikaṃ bhuñjati, na kiñci parivajjetīti attho. “Tesu vuddhī”tiādinā **sahasaddassa sādeso**. Gaṅgāya oraṃ oragaṅgamiccādi.

Abyayībhāvasamāso niṭṭhito.

### **Kammadhārayasamāsa**

Atha kammadhārayasamāso vuccate.

So ca navavidho visesanapubbapado visesanuttarapado visesanobhayapado upamānuttarapado sambhāvanāpubbapado avadhāraṇapubbapado **nanipātapubbapado kupaubbapado pādipubbapado** cāti.

Tattha **visesanapubbapado** tāva – “mahanta purisa”itīdha ubhayattha paṭhamekavacanaṃ **si**, tulyādhikaraṇabhāvappasiddhatthaṃ **casadda tasaddappayogo**, mahanto ca so puriso cāti viggāhe –

Ito paraṃ “vibhāsā rukkhatīṇa”iccādito “vibhāsā”ti samāsaviddhāne sabbattha vattate.

### **339. Dvipade tulyādhikaraṇe kammadhārayo.**

Dve padāni nāmikāni tulyādhikaraṇāni aññamaññena saha vibhāsā samasyante, tasmim dvipade tulyādhikaraṇe sati so samāso kammadhārayasañño ca hoti.

Dve padāni **dvipadaṃ**, tulyaṃ samānaṃ adhikaraṇaṃ attho yassa padadvayassa taṃ **tulyādhikaraṇaṃ**, tasmim dvipade tulyādhikaraṇe. Bhinnappavattinimittānaṃ dvinnaṃ padānaṃ visesanavisesitabbabhāvena ekasmim atthe pavatti **tulyādhikaraṇatā**. Kammamiva dvayaṃ dhārayatīti **kammadhārayo**. Yathā hi kammaṃ kriyāñca payojanañca dvayaṃ dhārayati, kamme sati kriyāya, payoanassa ca sambhavato, tathā ayaṃ samāso ekassa atthassa dve nāmāni dhārayati, tasmim samāse sati **ekatthajotakassa nāmadvayassa sambhavato**.

Pure viya samāsasaññāvibhattilopapakatibhāvā, samāseneva tulyādhikaraṇabhāvassa vuttattā “vuttatthānamappayogo”ti **casadda tasaddānamappayogo**.

### **340. Mahataṃ mahā tulyādhikaraṇe pade.**

**Mahanta** saddassa **mahā** hoti tulyādhikaraṇe uttarapade pare. **Mahatanti** bahuvacanaggahaṇena kvaci **mahā**deso ca, ettha ca visesanassa pubbanipāto visesanabhūtassa pubbapadassa **mahā**desavidhānatova viññāyati.

“Kammadhārayo, digū”ti ca vattate.

### **341. Ubhe tappurisā.**

Ubhe kammadhārayadigusamāsā tappurisasaññā honti.

Tassa puriso tappuriso, tappurisasadisattā ayampi samāso anvatthasaññāya **tappuriso**ti vutto.

Yathā hi **tappurisasaddo** guṇamativatto, tathā ayaṃ samāsopi. Uttarapadatthappadhāno hi tappuriso. Tato nāmabyapadeso syādyuppatti. Ayaṃ pana tappuriso abhidheyyavacano, paralingo ca.

Mahāpuriso, mahāpurisā iccādi **purisasaddasamaṃ**, evaṃ mahāvīro, mahāmuni, mahantañca taṃ balañcāti mahābalaṃ, mahabbhayaṃ, **maha**ādeso. Santo ca so puriso cāti sappuriso, “santasaddassa so bhe bo cante”ti ettha **casaddena santasaddassa samāse abhakārepi sādeso**, tathā pubbapuriso, parapuriso, paṭhamapuriso, majjhimapuriso, uttamapuriso, dantapuriso, paramapuriso, vīrapuriso, setahathī, kaṇhasappo, nīluppalaṃ, lohita candanaṃ.

Kvacī vibhāsādhikārato na bhavati, yathā – puṇṇo mantāniputto, citto gahapati, sakko devarājāti.

Pumā ca so kokilo cāti atthe samāse kate –

“Lopa”nti vattate.

### 342. Pumassa liṅgādīsu samāsesu.

**Pumaiccetassa** anto **akāro** lopamāpajjate **liṅgādīsu** parapadesu samāsesu, “aṃmo niggahītaṃ jhalapehī”ti **makārassa** niggahītaṃ. Puṅkokilo. Evaṃ punnāgo.

Khattiyā ca sā kaññā cāti viggayha samāse kate –

“Tulyādhikaraṇe, pade, itthiyaṃ bhāsita pumitthī pumāva ce”ti ca vattate.

### 343. Kammadhārayasaññe ca.

Kammadhārayasaññe ca samāse itthiyaṃ vattamāne tulyādhikaraṇe uttarapade pare pubbhūto itthivācako saddo pubbe bhāsita pumā ce, so pumā iva daṭṭhabboti pubbapade itthippaccayassa nivatti hoti.

Khattiyakaññā, khattiyakaññāyo iccādi. Evaṃ rattalatā, dutiyabhikkhā, brāhmaṇī ca sā dārikā cāti brāhmaṇadārikā, nāgamāṇavikā.

Pubbapadassevāyaṃ pumbhāvātideso, tena “khattiyakumārī kumārasamaṇī taruṇabrāhmaṇī”tiādīsu uttarapadesu itthippaccayassa na nivatti hoti.

**Itthiyamicceva** kiṃ? Kumārīratanaṃ, samaṇīpadumaṃ.

**Bhāsita pumāti** kiṃ? Gaṅgānadī, taṇhānadī, pathavīdhātu. “Nandāpokkharāṇī, nandādevī”tiādīsu pana saññāsaddattā na hoti.

Tathā puratthimo ca so kāyo cāti puratthimakāyo, ettha ca kāyekadeso **kāyasaddo**. Evaṃ pacchimakāyo, heṭṭhimakāyo, uparimakāyo, sabbakāyo, purāṇavihāro, navāvāso, kataranikāyo, katamanikāyo, hetuppaccayo, abahulaṃ bahulaṃ katanti bahulīkataṃ, jīvitappadhānaṃ navakaṃ jīvitanaṃ iccādi.

**Visesanuttarapade** jinavacanānuparodhato therācariyapaṇḍitādi visesanaṃ parañca bhavati. Yathā – sārīputto ca so thero cāti sārīputtatthero. Evaṃ mahāmoggallānatthero, mahākassapatthero, buddhaghosācariyo, dhammapālācariyo, ācariyaguttiloti vā, mahosadho ca so paṇḍito cāti mahosadhapaṇḍito. Evaṃ vidhurapaṇḍito, vatthuviseso.

**Visesanobhayapado** yathā – sītañca taṃ uṇhañcāti sītuṇhaṃ, siniddho ca so uṇho cāti

siniddhuṅho, māso. Khañjo ca so khujjo cāti khañjakhujjo. Evaṃ andhabadhiro, katākataṃ, chiddāvachiddaṃ, uccāvacaṃ, chinnabhinnaṃ, sittasammaṭṭhaṃ, gatapaccāgataṃ.

**Upamānuttarapade** abhidhānānurodhato upamānabhūtaṃ visesaṃ paraṃ bhavati. Yathā – sīho viya sīho, muni ca so sīho cāti munisīho. Evaṃ munivasabho, munipuṅgavo, buddhanāgo, buddhādico, raṃsi viya raṃsi, saddhammo ca so raṃsi cāti saddhammaraṃsi. Evaṃ vinayasāgāro, puṇḍarīkamiva puṇḍarīko, samaṇo ca so puṇḍarīko cāti samaṇapuṇḍarīko, samaṇapadumo. Cando viya cando, mukhañca taṃ cando cāti mukhacando. Evaṃ mukhapadumaṃ iccādi.

**Sambhāvanāpubbapado** yathā – dhammo iti buddhi dhammabuddhi. Evaṃ dhammasaññā, dhammasaṅkhāto, dhammasammato, pāṇasaññitā, asubhasaññā, aniccasaññā, anattasaññā, dhātusaññā, dhītusaññā, attasaññā, atthisaññā, attadiṭṭhi iccādi.

**Avadhāraṇapubbapado** yathā – guṇo eva dhaṇaṃ guṇadhaṇaṃ. Evaṃ saddhādhaṇaṃ, sīladhaṇaṃ, paññādhaṇaṃ, cakkhu eva indriyaṃ cakkhundriyaṃ. Evaṃ cakkhāyatanāṃ, cakkhudhātu, cakkhudvāraṃ, rūpāraṃṇāmiccādi.

**Nanipātapubbapado** yathā – na brāhmaṇoti atthe kammadhārayasamāse, vibhattilopādīmhi ca kate –

“Ubhe tappurisā”ti tappurisasaññā.

### 344. Attam nassa tappurise.

Nassa nipātapadassa tappurise uttarapade pare sabbasseva attam hoti. Tappurisekadesattā tappuriso, abrāhmaṇo.

Na nisedho sato yutto,  
Desādiniyamaṃ vinā;  
Asato cāphalo tasmā,  
Kathamabrāhmaṇoti ce?

Nisedhatthānuvādena, paṭisedhavidhi kvaci;  
Parassa micchāññattā-khyāpanāyopapajate.

Duvidho cassattho pasajjappaṭisedhapariyudāsavasena.

Tattha yo “asūriyapassā rājadārā”tiādīsu viya uttarapatatthassa sabbathā abhāvaṃ dīpeti, so **pasajjappaṭisedhavācī** nāma. Yo pana “abrāhmaṇa amanussā”tiādīsu viya uttarapatattham pariyaḍāsivā taṃsadise vatthumhi kāriyaṃ paṭipādayati, so **pariyudāsavācī** nāma.

Vuttañca

“Pasajjappaṭisedhassa, lakkhaṇaṃ vatthunatthitā;  
Vatthuto aññatra vutti, pariyaḍāsakkaṇa”nti.

Nanvevaṃ santepi “abrāhmaṇo”tiādīsu kathamuttarapatatthappadhānatā siyāti?

Vuccate – **brāhmaṇā**disaddānaṃ brāhmaṇādiatthasseva taṃsadisādiatthassāpi vācakattā, **brāhmaṇā**disaddā hi kevalābrāhmaṇādiatthesveva pākāṭā, **bhū**saddo viyasattāyaṃ, yadā te pana aññena sadisādivācakena **naiti** nipātena yujjanti, tadā taṃsadiatadaññatabbiruddhatadabhāvesupi vattanti, **bhū**saddo viya **anvabhiyā**diyoge anubhavanaabhibhavanādīsu, tasmā uttarapatatthajotakoyevettha **naiti** nipātoti na doso, tena abrāhmaṇoti brāhmaṇasadioti vuttaṃ hoti. Evaṃ amanusso, assamaṇo.

**Aññatthe** – na byākatā abyākatā, asaṃkiliṭṭhā, apariyāpannā.

**Viruddhatthe** – na kusalā akusalā, kusalapaṭipakkhāti attho. Evaṃ alobho, amitto.

**Pasajjappaṭisedhe** – na katvā akatvā, akātuna puññaṃ akaronto.

“Nassa, tappurise”ti ca vattate.

### 345. Sare ana.

Naiccetassa padassa tappurise uttarapade **ana** hoti sare pare.

Na asso anasso, na ariyo anariyo. Evaṃ anissaro, aniṭṭho, anupavādo, na ādāya anādāya, anoloketvā iccādi.

**Kupubbapado** yathā – kucchitamannanti niccāsamāsattā aññapadena viggaho, kammadhārayasamāse kate –

“Tappurise, sare”ti ca vattate.

### 346. Kadada kussa.

Kuiccetassa nipātassa tappurise uttarapade **kada** hoti sare pare. Kadannaṃ. Evaṃ kadasannaṃ.

Sareti kiṃ? Kudārā, kuputtā, kudāsā, kudiṭṭhi.

“Kussā”ti vattate.

### 347. Kāppatthesu ca.

Kuiccetassa appatthe vattamānassa **kā** hoti tappurise uttarapade pare. Bahuvacanuccāraṇato kucchitatthe ca kvaci tappurise. Appakaṃ lavaṇaṃ kālavaṇaṃ. Evaṃ kāpupphaṃ, kucchito puriso kāpuriso, kupuriso vā.

**Pādipubbapado** ca niccāsamāsova, padhānaṃ vacanaṃ pāvacaṇaṃ, bhusaṃ vaddhaṃ pavaddhaṃ, sarīraṃ, samaṃ, sammā vā ādhānaṃ samādhānaṃ, vividhā mati vimati, vividho kappo vikappo, viṣiṭṭho vā kappo vikappo, adhiko devo atidevo. Evaṃ adhidevo, adhisīlaṃ, sundaro gandho sugandho, kucchito gandho duggandho, sobhanaṃ kataṃ sukataṃ, asobhanaṃ kataṃ dukkaṭaṃ iccādi.

Ye idha avihitalakkhaṇā nāmanipātopasaggā, tesam “nāmānaṃ samāso”ti yogavibhāgena samāso daṭṭhabbo. Yathā – apunageyyā gāthā, acandamullokkikāni mukhāni, assaddhabhojī, alavaṇabhojītiādīsu ayuttatthattā nāññena samāso.

Tathā diṭṭho pubbanti diṭṭhapubbo tathāgataṃ. Evaṃ sutapubbo dhammaṃ, gatapubbo maggaṃ, **kammani** diṭṭhā pubbanti diṭṭhapubbā devā tena. Evaṃ sutapubbā dhammā, gatapubbā disā, pahāro, parābhavo, vihāro, āhāro, upahāro iccādi.

Kammadhārayasamāso.

## Digusamāsa

Atha digusamāso vuccate.

Tayo lokā samāhaṭā cittena sampiṇḍitā, tiṇṇaṃ lokānaṃ samāhāroti vā atthe –

“Nāmānaṃ samāso yuttattho”ti vattamāne “dvipade”tiādinā kammadhārayasamāso, tato samāsasaññāyaṃ, vibhattilope, pakatibhāve ca kate –

“Kammadhārayo”ti vattate.

### 348. Saṅkhyāpubbo digu.

Saṅkhyāpubbo kammadhārayasamāso digusañño hoti.

Dve gāvo digu, digusadisattā ayampi samāso **digūti** vutto. Atha vā saṅkhyāpubbattanapuṃsakekattasaṅkhātehi dvīhi lakkhaṇehi gato avagatoti digūti vuccati, dvīhi vā lakkhaṇehi gacchati pavattatīti digu. Ettha ca “saṅkhyāpubbo”ti vuttattā saṅkhyāsaddasseva pubbanipāto, “ubhe tappurisā”ti tappurisasaññā.

“Napuṃsakaliṅgo”ti vattate.

### 349. Digussekatam.

Digussa samāsassa ekattam hoti, napuṃsakaliṅgattañca.

Samāhāradigussetam gahaṇam, tattha sabbatthekavacanameva hoti, aññatra pana bahuvacanampi, nāmabyapadesasyādyuppatti amādesādi.

Tilokaṃ, he tiloka, tilokaṃ, tilokena, tilokassa, tilokā tilokasmā tilokamhā, tilokassa, tiloke tilokamhi tilokasmim.

Evam tayo daṇḍā tidaṇḍam, tīṇi malāni samāhaṭāni, tiṇṇaṃ malānaṃ samāhāroti vā timalaṃ, tilakkhaṇaṃ, catussaccaṃ, catasso disā catuddisaṃ, “saro rasso napuṃsake”ti rassattam, pañcasikkhāpadaṃ, saḷāyātanaṃ, sattāhaṃ, aṭṭhasīlaṃ, navalokuttaraṃ, dasasīlaṃ, satayojanaṃ.

Tathā – dve rattiyo dvirattam, tisso rattiyo tirattam, dve aṅguliyo dvaṅgulaṃ, satta godāvāriyo, tāsaṃ samāhāroti vā satta godāvāraṃ.

Ettha ca ratti aṅguli godāvarīnamantassa –

### 350. Kvaci samāsantagatānamakāranto.

Rājādigaṇassetam gahaṇam, tena samāsantagatānaṃ **rājādīnaṃ** nāmānaṃ anto kvaci akāro hotīti attho. **Kāraggaṇa**ena bahubbīhādīmhi samāsante kvaci **kappaccayo** hoti, **surabhi su du pūṭīhi gandhantassikāro** ca.

Atha vā **a** ca **ko** ca akā, **ra**kāro padasandhikaro, tena kvaci samāsantagatānamanto hutvā **a ka** iccete paccayā hontīti attho. Tena pañca gāvo samāhaṭāti atthe samāsādīm katvā samāsante **appaccaye**, “o sare cā”ti **avā**dese ca kate “pañcagava”ntiādi ca sijjhati. “Dviratta”ntiādīsu pana **appaccaye** kate pubbasarassa “saralopo”tiādinā lopo.

**Asamāhāradigu** yathā – eko ca so puggalo cāti ekapuggalo. Evam ekadhammo, ekaputto, tayo bhavā tibhavā, catasso disā catuddisā, dasasahassacakkavāḷāni iccādi.

Digusamāso.

**Tappurisasamāsa**



Atha tappurisasamāso vuccate.

So pana dutiyādīsu chasu vibhattīsu bhāvato chabbidho. Tattha dutiyā tappuriso gatanissitātītikkantappattāpannādīhi bhavati.

Saraṇaṃ gatoti viggāhe –

“Tappuriso”ti vattate.

### 351. Amādayo parapadebhi.

Amādivibhatyantāni yuttatthāni pubbapadāni nāmehi parapadebhi saha vibhāsā samasyante, so samāso tappurisasāñño hoti. Ayañca tappuriso abhidheyavacanalingo.

**Gatādisaddā** kitantattā tilingā, vibhattilopādi sabbam pubbasamaṃ. So saraṇagato, te saraṇagatā. Sā saraṇagatā, tā saraṇagatāyo. Taṃ kulaṃ saraṇagataṃ, tāni kulāni saraṇagatāni iccādi.

Evaṃ araññagato, bhūmigato, dhammaṃ nissito dhammanissito, atthanissito, bhavaṃ atīto bhavātīto, kālātīto, pamāṇaṃ atikkantaṃ pamāṇātikkantaṃ. Lokātikkantaṃ, sukhaṃ patto sukhappatto, dukkhappatto, sotam āpanno sotāpanno, nirodhasamāpanno, rathaṃ āruḷho rathāruḷho, sabbarattim sobhano sabbarattisobhano, muhuttasukhaṃ.

**Upapadasamāse** pana vuttiveva tassa niccattā. Yathā – kammaṃ karotīti kammakāro, kumbhakāro, atthaṃ kāmetīti atthakāmo, dhammakāmo, dhammaṃ dhāretīti dhammadharo, vinayadharo, saccaṃ vaditum sīlamassāti saccavādī iccādi.

**Tavantumānantā**dikitantehi vākyameva vavattitavibhāsādhikārato. Yathā – odanaṃ bhuttavā, dhammaṃ suṇamāno, dhammaṃ suṇanto, kaṭaṃ karāno, anabhidhānato vā, abhidhānalakkhaṇā hi taddhitasamāsakitakāti.

Dutiyā tappuriso.

Tatiyā kitaka pubba sadisa samūnattha kalaha nipuṇa missasakhilādīhi.

Buddhena bhāsito buddhabhāsito, dhammo. Evaṃ jinadesito, sathhārā vaṇṇito satthuvaṇṇito, viññūhi garahito viññugarahito, viññuppasattho, issarakataṃ, sayamkataṃ, sukehi āhaṭaṃ sukāhataṃ, raññā hato rājahato, rogapiḷito, aggidaḍḍho, sappadaṭṭho, sallena viddho sallavidḍho, icchāya apakato icchāpakato, sīlena sampanno sīlasampanno. Evaṃ sukhasahagataṃ, ñāṇasampayuttaṃ, mittasamsaggo, piyavippayogo, jātitthaddho, guṇahīno, guṇavuḍḍho, catuvaggakaraṇīyaṃ, catuvaggādikattabbaṃ, kākehi peyyā kākapeyyā, nadī.

Kvacī vuttiveva, urena gacchatīti urago, pādena pivatīti pādapo. Kvaci vākyameva, parasunā chinnavā, kākehi pātābbā, dassanena pahātābbā.

**Pubbādiyoge** – māsenā pubbo māsapubbo. Evaṃ mātusadiso, pitusamo, ekūnavīsati, sīlavikalo, asikalaho, vācānipuṇo, yāvakālikasammissaṃ, vācāsakhilo, sathhārā sadiso satthukappo, puññaena atthiko puññatthiko, guṇādhiko, guḷena saṃsaṭṭho odano guḷodano, khīrodano, assena yutto ratho assaratho, maggacittaṃ, jambuyā paññāto lakkhito dīpo jambudīpo, ekena adhikā dasa ekādasa, jātiyā andho jaccandho, pakatiyā medhāvī pakatimedhāvī iccādi.

Tatiyā tappuriso.

Catutthī tadatthaatthahitadeyyādīhi.

**Tadatthe** – kathinassa dussam katinadussam, katinacivaratthāyāti attho. Evaṃ cīvaradussam, cīvaramūlyam, yāguyā atthāya taṇḍulā yāgutaṇḍulā, bhattataṇḍulā, saṅghassatthāya bhattam saṅghabhattam, āgantukānamatthāya bhattam āgantukabhattam. Evaṃ gamikabhattam, pāsādāya dabbam pāsādadabbam.

**Atthe** bhikkhusaṅghassatthāya vihāro bhikkhusaṅghattho vihāro, bhikkhusaṅghatthā yāgu, bhikkhusaṅghattham cīvaram. Yassatthāya yadattho, yadatthā, yadattham. Evaṃ tadattho, tadatthā. Tadattham. Etadattho vāyāmo, etadatthā kathā, etadattham sotāvadhānam. Kimattham, attattham, parattham, vinayo samvaratthāya, sukham samādhattāya, nibbidā virāgatthāya, virāgo vimuttatthāya. Tathā lokassa hito lokahito, buddhassa deyyam buddhadeyyam, puppham. Saṅghadeyyam, cīvaram. Idha na bhavati, saṅghassa dātabbam, saṅghassa dātuṃ iccādi.

Catutthīappuriso.

Pañcamī apagamana bhaya virati mocanattādīhi.

Methunasmā apeto methunāpeto. Evaṃ palāpāpagato, nagaraniggato, piṇḍapātapāṭikkanto. Gāmato nikkhantam gāmanikkhantam, rukkhaggā patito rukkhaggapatito, sāsana cutto, āpattivuṭṭhānam, dharanītaluggato, sabbabhavēhi nissaṭṭo sabbabhavanissaṭṭo.

**Bhayatthādiyoge** yathā – rājato bhayam rājabhayam, corehi bhayam corabhayam, amanussehi bhayam amanussabhayam, aggito bhayam aggibhayam. Pāpato bhīto pāpabhīto, pāpabhīruko, akattabbato virati akattabbavirati. Evaṃ kāyaduccaritavirati, vacīduccaritavirati, bandhanā mutto bandhanamutto, vanamutto, bandhanamokkho, kammato samuṭṭhitam kammamutuṭṭhitam, ukkaṭṭhukkaṭṭham, omakomakam.

Kvaci vuttīyeva, kammato jātam kammajam. Evaṃ cittajam, utujam, āhārajam. Idha na bhavati, pāsādā patito.

Pañcamīappuriso.

Chaṭṭhī rañño putto rājaputto. Evaṃ rājapuriso, ācariyapūjako, buddhasāvako, buddharūpam, jinavacanam, samuddaghosso, dhaññānam rāsi dhaññārāsi, pupphagandho, phalaraso, kāyassa lahutā kāyalahutā, maraṇassati, rukkhāmūlam, ayassa patto ayopatto, evam suvaṇṇakaṭṭham, pānīyathālakam, sappikumbho.

“Devānam rājā”ti atthe samāsādimhi kate “kvaci samāsantagātānamakāranto”ti akāro, tato “syā cā”ti āttam na bhavati. Devarājo, devarājā, devarājam, devarāje iccādi purisasaddasamam. Attābhāve so devarājā, te devarājāno iccādi rājasaddasamam. Tathā devānam sakhā devasakho, devasakhā, so devasakhā, te devasakhāno iccādi.

Pumassa liṅgam pulliṅgam. Evaṃ pumbhāvo, pumantalopādi.

Hatthipadam, itthirūpam, bhikkhunisaṅgho, jambusākhā, ettha ca “kvacādimajjhuttarāna”ntiadinā majjhe ikārūkārānam rassattam.

Vibhāsādhikārato kvaci vākyameva, sahasā kammassa kattāro, bhinnānam sandhātā, kappassa tatiyo bhāgo, yā ca pakkhassa aṭṭhamī, manussānam khattīyo sūratamo.

**Yuttattho** icceva? “Bhaṭṭo rañño puriso devadattassā”ti ettha “bhaṭṭasambandhe chaṭṭhī”ti aññamaññānapekkhatāya ayuttatthabhāvato samāso na bhavati, “kosalassa rañño putto”tiādīsu pana sāpekkhatāya asamattattā na bhavati, sambandhīsaddānam pana niccam sāpekkhattepi gamakattā samāso, yathā – devadattassa gurukulam, bhagavato sāvakasāṅghotiādi.

### Chaṭṭhītappuriso.

Sattamī rūpe saññā rūpasaññā, evaṃ rūpasañcetanā, saṃsāradukkhaṃ, cakkhumhi sannissitaṃ viññāṇaṃ cakkhuviññāṇaṃ, dhamme rato dhammarato, dhammābhirati, dhammaruci, dhammagāraṇo, dhammesu nirutti dhammanirutti, dānādhimutti, bhavantarakaṭṭhaṃ, dassane assādo dassanassādo, araññe vāso araññāvāso, vikāle bhojanaṃ vikālabhojanaṃ, kāle vassaṃ kālavassaṃ, vane pupphaṃ vanapupphaṃ. Evaṃ vanamahiso, gāmasūkaro, samuddamaccho, āvāṭakacchapo, āvāṭamaṇḍūko, kūpamaṇḍūko, titthanāvā, itthīsu dhutto itthidhutto chāyāya sukkho chāyāsukkho, aṅgārapakkaṃ, cāraḥabaddho.

Idha vuttīyeva, yathā – vane caratīti vanacaro, kucchimhi sayatīti kucchisayo, thale tiṭṭhatīti thalaṭṭho. Evaṃ jalaṭṭho, pabbataṭṭho, maggaṭṭho, paṅke jātaṃ paṅkajaṃ, sire ruhatīti siroruhaṃ iccādi.

Idha na bhavati, bhojane mattaññutā, indriyesu guttadvāratā, āsane nisinno, āsane nisīditabbaṃ.

### Sattamītappuriso.

“Tadanuparodhenā”ti vuttattā yathābhiddhānaṃ tappurise kvaci **accantā**dīsu amādivibhatyantaṃ pubbapadaṃ paraṃ sambhavati.

Yathā – antaṃ atikkantaṃ accantaṃ, accantāni, velaṃ atikkanto ativelo, rassattaṃ. Evaṃ mālaṃ atīto atimālo, pattajīviko, āpannajīviko, akkhaṃ patigataṃ nissitanti paccakkaṃ dassanaṃ, paccakko attabhāvo, paccakkhā buddhi, atthaṃ anugataṃ anvattaṃ, kokilāya avakuṭṭhaṃ avakokilaṃ vanaṃ, pariccattanti attho. Avamayūraṃ, ajjhayanāya parigilāno pariyajjhayano, kammaṃsālaṃ samatthoti alaṃkamma, vacanāya alantī alaṃvacano, vānato nikkhantaṃ nibbānaṃ, kilēsehi nikkhanto nikkilesa, niraṅgaṇo, kosambiyā nikkhanto nikkosambī, vanato niyyāto nibbano, ācariyato paro pācariyo. Evaṃ payyako, parahiyyo, gaṅgāya upari uparigaṅgaṃ. Evaṃ heṭṭhānadī, antosamāpatti, haṃsānaṃ rājā rājahaṃso, haṃsarājā vā, māssaṃ addhaṃ addhamāsaṃ, māssaddhaṃ vā, āmalakassa addhaṃ addhāmalakaṃ, āmalakaddhaṃ vā, kahāpaṇassa aḍḍhaṃ aḍḍhakahāpaṇaṃ, aḍḍhamāsaṃ, rattiyaṃ aḍḍhaṃ aḍḍharattaṃ, rattiyaṃ pubbaṃ pubbarattaṃ, rattiyaṃ pacchā pacchārattaṃ. Ettha ca “kvaci samāsantagātānamakāranto”ti **rattisaddantassa attā**, ahaṃsa pubbaṃ pubbanhaṃ. Evaṃ sāyanaṃ, “tesu vuddhī”tiādinā **ahassa anhā**deso.

### Amādiviparatappuriso.

Kvaci tappurise “pabhaṅkarā”dīsu vibhattilopo na bhavati.

Yathā – pabhaṃ karotīti atthe “amādayo parapadebhī”ti samāso, “nāmānaṃ samāso yuttattho”ti samāsasaññā, tato “tesaṃ vibhattiyo lopā cā”ti vibhattilope sampatte tattheva **caggahaṇena** pubbapade vibhattilopābhāvo. Sesaṃ samaṃ. Pabhaṅkaro, amataṃ dadātīti amatandado, raṇaṃ jahātīti raṇañjaho, jutiṃ dhāretīti jutindharo, tathā sahasākatāṃ, parassapadaṃ. Attanopadaṃ, bhayato upaṭṭhānaṃ bhayatūpaṭṭhānaṃ, paratoghoso, gavampatitthero, manasikāro, pubbenivāso, pubbenivāsānussati, majjhekalyāṇaṃ, antevāsī, antevāsiko, janesuto, urasilomo, kaṅṭhekāḷo, sarasijamiccādi.

### Alopatappuriso.

Tappurisasamāso niṭṭhito.

### Bahubbīhisamāsa

Atha bahubbīhisamāso vuccate.

So ca navavidho dvipado tulyādhikaraṇo, dvipado bhinnādhikaraṇo, tipado **nanipāta**pubbapado, **sahap**pubbapado upamānapubbapado saṅkhyobhayapado disantarāḷattho byatihāralakkhaṇo cāti.

Tattha **dvipado tulyādhikaraṇo** bahubbīhi kammādīsu chasu vibhatyatthesu bhavati.

Tattha **dutiyatthe** tāva – “āgatā samaṇā imaṃ saṅghārāma”nti viggāhe –

### 352. Aññapadatthesu bahubbīhi.

Samasyamānapadato aññesaṃ paṭhamadutiyādivibhatyantānaṃ padānamatthesu yuttatthāni nāmāni vibhāsā samasyante, so samāso bahubbīhisañño ca hoti.

Bahavo vīhayo yassa so bahubbīhi, bahubbīhisadisattā ayampisamāso anvatthasaññāvasena **bahubbīhī**ti vutto, aññapadatthappadhāno hi bahubbīhi.

Duvidho cāyaṃ bahubbīhi tagguṇasaṃviññāṇātagguṇasaṃviññāṇavasena, tesu yattha visesanabhūto attho **aññapadatthaggahaṇena** gayhati, so **tagguṇasaṃviññāṇo**, yathā – lambakaṇṇamānayāti.

Yattha pana na gayhati, so **atagguṇasaṃviññāṇo**, yathā – bahudhanamānayāti.

Idha **bahubbīhisadde** viya visesanassa pubbanipāto, sesaṃ pubbasamaṃ.

Āgatasamaṇo saṅghārāmo. Ettha ca **āgatasaddo**, **samaṇasaddo** ca attano atthe aṭṭhatvā dutiyāvibhatyatthabhūte saṅghārāmasaṅkhāte aññapadatthe vattanti, tadatthajotanatthameva tadanantaraṃ “saṅghārāmo”ti padantaraṃ payujjati, tato samāseneva kammattassa abhihitattā puna dutiyā na hoti. **Idaṃ**saddassa ca appayogo, evaṃ sabbattha. Bahubbīhi cāyaṃ abhidheyaliṅgavacano.

Tathā āgatasamaṇā sāvatthi, āgatasamaṇaṃ jetavanaṃ, paṭipannā addhikā yaṃ pathaṃ soyaṃ paṭipannaddhiko patho, abhiruḷhā vāṇijā yaṃ nāvaṃ sā abhiruḷhavāṇijā nāvā. Evaṃ kammatthe bahubbīhi.

**Tatīyatthe** bahubbīhi yathā – jītāni indriyāni yena samaṇena soyaṃ jitindriyo samaṇo. Evaṃ diṭṭhadhammo, pattadhammo, katakicco, jītā mārā anenāti jitamāro bhagavā, paṭividdhasabbadhammo.

**Catutthiyatthe** bahubbīhi yathā – dinno suṅko yassa rañño soyaṃ dinnasuṅko rājā, upanītaṃ bhojanaṃ assa samaṇassāti upanītabhojano samaṇo, upahaṭo bali assāti upahaṭabali yakkho.

**Pañcamīyatthe** bahubbīhi yathā – niggatā janā asmā gāmā soyaṃ niggatajano gāmo, niggato ayo asmāti nirayo, niggatā kilesā etasmāti nikkilesa, apetaṃ viññāṇaṃ asmāti apetaṃviññāṇo matakāyo, apagataṃ bhayabheravaṃ asmāti apagatabhayabheravo arahā.

**Chaṭṭhiyatthe** bahubbīhi yathā – chinnā hatthā yassa purisassa soyaṃ chinnahattho puriso. Evaṃ pariṇāsaṅkappo, khīṇāsavo, vīto rāgo assāti vītarāgo, dve padāni assāti dvipado, dvihattho paṭo, tevijjo, catuppado, pañca cakkhūni assāti pañcacakkhu bhagavā, chaḷabhiñño, rassattaṃ, navaṅgaṃ satthusaṇaṃ, dasabalo, anantañāṇo, tīṇi dasa parimāṇametesanti tidasā devā, samāsantassa attā, idha **parimāṇasaddassa** sannidhānato **dasasaddo** saṅkhyāne vattate, ayaṃ paccayo etesanti idappaccayā, ko pabhavo assāti kiṃpabhavo ayaṃ kāyo, vigataṃ malamassāti vimalo, sundaro gandho assāti sugandhaṃ candanaṃ. Evaṃ susīlo, sumukho, kucchito gandho assāti duggandhaṃ kuṇapaṃ, duṭṭhu mano assāti dummano. Evaṃ dussīlo, dummukho, tapo eva dhanāṃ assāti tapodhano, khantisāṅkhātaṃ balaṃ assāti khantibalo, indoti nāmaṃ etassāti indanāmo.

**Chandajātā**dīsu visesanavisesitabbānaṃ yathicchittā ubhayaṃ pubbaṃ nipatati, yathā – chando jāto assāti chandajāto, jāto chando assātipi jātachando. Evaṃ sañjātapītisomanasso, pītisomanassasañjāto, māsa jāto, jātamāso, chinnahattho, hatthacchinno.

“Dīghā jaṅghāyassā”ti viggayha samāsādimhi kate –

“Tulyādhikaraṇe, pade”ti ca vattate.

### 353. Itthiyaṃ bhāsita pumitthī pumāva ce.

Itthiyaṃ vattamāne tulyādhikaraṇe pade pare pubbe bhāsita pumā itthivācako saddo atthi ce, so pumā iva daṭṭhabboti pubbapade itthippaccayābhāvo, bahubbīhivisaṃyayaṃ, upari “kammadhārayasaññe cā”ti vakkhamānattā.

### 354. Kvacādimajjhuttarānaṃ dīgharassāpaccayesu ca.

Kvacī taddhitasamāsanāmapasaggādīsu padesu ādimajjhuttarabhūtānaṃ sarānaṃ jīnavacanānuparodhena dīgharassā honti paccayesu, apaccayesu paresu, aparabhūtesu ca.

Tattha

Dīghattaṃ pākāṅgānūpa- ghātādo madhuvādisu;  
Rassattaṃ ajjave itthi- rūpādo ca ka, tādīsūtī.

Bahubbīhisamāse sati pulliṅge uttarapadantassa rassattaṃ. Dīghajaṅgho puriso, tathā pahūtā jivhā assāti pahūtajivho bhagavā. Mahatī paññā assāti mahāpañña. “Mahattaṃ mahā tulyādhikaraṇe pade”ti **mahā**deso.

**Itthiyamitī** kiṃ? Khamādhano. **Bhāsita pumā**ti kiṃ? Saddhādhuro, saddhāpakatiko, paññāpakatiko, paññāvisuddhiko, ettha ca “kvacī samāsantagatānamakāranto”ti **kappaccayo**. **Tulyādhikaraṇe** icceva? Samañibhattiko, kumāribhattiko, kumāribhatti.

Pubbapadassevāyaṃ pumbhāvātideso, tena idha na bhavati. Bahudāsiko puriso. Bahukumārikaṃ kulam.

“Gāṅṭhivo dhanu assā”ti viggayha samāsādimhi kate –

### 355. Dhanumhā ca.

Tipadamidaṃ. Kvacīsamāsantagatā **dhanu**saddā **ā**paccayo hoti, **ca**saddena **dhammā**dito ca, “vamodudantāna”nti **va**kāro, gāṅṭhivadhanvā. Evaṃ paccakkhadhammā.

**Kvacī**ti kiṃ? Sahassathāmadhanu, paccakkhadhammo, vidadhammo.

**Nānādumapatitapupphavāsitasānu** iccatra – nānappakārā dumā nānādumā, nānādumehi patitāni nānādumapatitāni, nānādumapatitāni ca tāni pupphāni cāti nānādumapatitapupphāni, tehi vāsītā nānādumapatitapupphavāsītā, nānādumapatitapupphavāsītā sānū yassa pabbatassa soyaṃ nānādumapatitapupphavāsitasānu pabbato. Ayaṃ pana kammadhārayatappurisagabbho tulyādhikaraṇabahubbīhi.

Tathā byālambo ambudharo byālabambudharo, tassa bindūni byālabambudharabindūni, tehi cumbito byālabambudharabinducumbito, tādiso kūṭo yassa soyaṃ **byālabambudharabinducumbitakūṭo** iccādi.

**Sattamiyatthe** bahubbīhi yathā – sampannāni sassāni yasmim̐ janapade soyaṃ sampannasasso janapado, sulabho piṇḍo imasminti sulabhapiṇḍo deso. Ākiṇṇā manussā yassaṃ rājadhāniyaṃ sā ākiṇṇamanussā rājadhānī, bahavo tāpasā etasminti bahuṭāpasaso assamo, upacitaṃ maṃsalohitaṃ asminti upacitamāṃsalohitaṃ sarīraṃ, bahavo sāmīno asminti bahussāmikaṃ nagaraṃ.

“Bahū nadiyo asmi”nti atthe samāsādimhi kate –

**Samāsantaggahaṇaṃ, kappaccayo ca vattate.**

### 356. Nadimhā ca.

Samāsantagatā **nadimhā kappaccayo** hoti, **casaddena** tuantā ca. Niccatthaṃ vacanaṃ. **Nadīti** cettha itthivācakānaṃ **īkārūkārānaṃ** parasamaññā, tato “kvacādimajjhuttarāna”ntiādinā nadisaññassa **kappaccaye** rassattaṃ, bahunadiko janapado. Evaṃ bahujaṃbukaṃ vanaṃ. Bahunārikoti chaṭṭhībahubbīhinā siddhaṃ. Bahavo kattāro asmim̐, assāti vā bahukattuko deso. Evaṃ bahubhattuko.

**Bhinnādhikaraṇo** yathā – ekarattim̐ vāso assāti ekarattivāso, samānena janena saddhim̐ vāso assāti samānavāso puriso. Ubhato byañjanamassa atthīti ubhahobyañjanako, chattaṃ pāṇimhi assāti chattaṃ pāṇi puriso. Evaṃ daṇḍapāṇi, satthapāṇi, vajirapāṇi, khaggahattho, satthahattho, dāne ajjhāsayo assāti dānajjhāsayo, dānādhimuttiko, buddhabhattiko, saddhammagāravo iccādi.

**Tipado** yathā – parakkamenādhigatā sampadā yehi te bhavanti parakkamādhigatasampadā mahāpurisā. Evaṃ dhammādhigatabhogā, oṇīto pattato pāṇi yena soyaṃ oṇītapattapāṇi, sīhassa pubbaddhaṃ viya kāyo assāti sīhapubbaddhakāyo, mattā bahavo mātaṅgā asminti mattabahumātaṅgaṃ vanaṃ iccādi.

**Nanipātapubbapado** yathā – natthi etassa samoti asamo bhagavā. Idha “attaṃ nassa tappurise”ti sutte “attaṃ nassā”ti yogavibhāgena **nassa attam̐**. Evaṃ appaṭipuggalo, aputtako, ahetuko, “kvaci samāsanta”iccādinā **kappaccayo**, natthi saṃvāso etesanti asaṃvāsā, **na** vijjate vuṭṭhi etthāti avuṭṭhiko janapado, abhikkhuko vihāro, natthi etassa uttaroti anuttaro, “sare ana”ti **ana, tappurisa**ggahaṇamupalakkhaṇaṃ, athavā “tesu vuddhī”tiādinā **nassa ana**. Evaṃ natthi anto assāti anantaṃ, na vijjanti āsavā etesanti anāsavā iccādi.

**Paṭhamāyatthe sahapubbapado** yathā – saha hetunā yo vattateti sahetuko, sahetu vā, “tesu vuddhī”tiādinā **sahasaddassa sādeso**, “kvaci samāsanta”iccādinā **kappaccayo** ca, saha pītiyā ime vattantīti sappītikā. Evaṃ saha paccayehi vattantīti sappaccayā, sakilesa, saupādāno, saparivāro, saha mūlena uddhato samūddhato rukkho.

**Upamānapubbapado paṭhamāyatthe** tāva – upamānopameyyabhāvappasiddhatthaṃ **ivasaddappayogo**, kāyabyāmānaṃ samappamānatāya nigrodho iva parimaṇḍalo yo rājakumāro soyaṃnigrodhaparimaṇḍalo rājakumāro. “Vuttatthānamappayogo”ti **ivasaddassa** appayogo, saṅkho viya paṇḍaro ayanti saṅkhapaṇḍaro, kāko viya sūro ayanti kākasūro, cakkhu iva bhūto ayaṃ paramatthadassanatoti cakkhubhūto bhagavā. Evaṃ atthabhūto. Dhammabhūto, brahmabhūto, andho viya bhūto ayanti andhabhūto bālo. Muñjapabbajamiva bhūtā ayanti muñjapabbajabhūtā kudiṭṭhi. Tantākulakamiva jātā ayanti tantākulakajātā.

**Chaṭṭhiyatthe** – suvaṇṇavaṇṇo viya vaṇṇo yassa soyaṃ suvaṇṇavaṇṇo bhagavā. Uttarapadalopo, nāgassa viya assa gatīti nāgagati. Evaṃ sīhagati, nāgavikkamo, sīhavikkamo, sīhahanu, eṇissa viya assa jaṅghāti eṇijaṅgho, sīhassa pubbaddhaṃ viya assa kāyoti sīhapubbaddhakāyo, brahmuno viya aṭṭhaṅgasamannāgato saro assāti brahmassaro.

**Vāsaddatthe saṅkhyobhayapado** yathā – dve vā tayo vā pattā dvattipattā, “dvekaṭṭhānamākāro vā”ti **dvisaddantassa āttaṃ**, rassattaṃ, dvīhaṃ vā tīhaṃ vā dvīhatīhaṃ, cha vā

pañca vā vācā chappañcavācā. Evaṃ sattatṭhamāsā, ekayojanadvijoyanāni.

**Disantarālattho** yathā – pubbassā ca dakkhiṇassā ca disāya yadantarālaṃ sāyaṃ pubbadakkhiṇā vidisā. Ettha tulyādhikaraṇapadaparattābhāvā na pumbhāvātideso, “kvacādimajjhuttarāna”ntiādinā disantarālatthe pubbapadassa rassattaṃ. Evaṃ pubbuttarā, aparadakkhiṇā, pacchimuttarā. Yadā pana dakkhiṇā ca sā pubbā cāti kammadhārayasamāso hoti, tadā pumbhāvātideso uttarapadatthappadhānattā, sabbanāmikavidhānampi niccaṃ bhavatiyeva, yathā – dakkhiṇapubbassā, dakkhiṇapubbassamiti.

**Byatihāralakkhaṇo** yathā – kesesu ca kesesu ca gahetvā idaṃ yuddhaṃ pavattatīti kesākesi, daṇḍehi ca daṇḍehi ca paharivā idaṃ yuddhaṃ pavattatīti daṇḍādaṇḍi, “kvacādimajjhuttarāna”ntiādinā majjhediṅgho, “tesu vuddhī”tiādinā antassikāro.

Paṭhamāvibhatyatthabhabhubbīhi.

Bahubbīhisamāso niṭṭhito.

### Dvandasamāsa

Atha dvandasamāso vuccate.

So ca duvidho itarītarayoga samāhāratthabhedena.

Tattha **itarītarayoge** tāva – “sāriputtamoggallāna”itīdha ubhayatthāpi paṭhamekavacanāṃ, samuccayajotanattham **casaddappayogo** ca.

“Sāriputto ca moggallāno cā”ti viggahe –

#### 357. Nāmānaṃ samuccayo dvando.

Nānānāmānameva ekavibhattikānaṃ yuttatthānaṃ yo samuccayo, so vibhāsā samāso bhavati, dvandasañño ca.

Ettha ca **samuccayo** nāma sampiṇḍanaṃ, so pana atthavasena kevalasamuccayo anvācayo itarītarayogo samāhāro cāti catubbidho.

Tattha kevalasamuccaye, anvācaye ca samāso na bhavati, kriyāsāpekkhatāya nāmānaṃ aññamaññaṃ ayuttatthabhāvato, yathā – cīvaraṃ piṇḍapātañca paccayaṃ sayanāsaṇaṃ adāsī, dānañca dehi, sīlañca rakkhāhi. Itarītarayoge, samāhāre ca samāso bhavati, tattha nāmānaṃ aññamaññaṃ yuttatthabhāvato.

Dve dve padāni dvandā, dvandaṭṭhā vā dvandā, dvandasadisattā ayaṃ samāso pi anvatthasaññāya **dvandoti** vuccati, ubhayapadatthappadhāno hi dvando.

Nanu ca ubhayapadatthappadhānante sati dvande kathamekatthībhāvo siyāti? Vuccate – sadisādiatthepi saddappavattisambhavenadvinnāṃ padānaṃ ekakkhaṇeyeva atthadvayadīpakattā na virodho, tañca dvandavisayameva, tesamatthadvayadīpakattā. Yathā hi **bhū**saddo anubhavaabhibhavādike atthe **anvabhi**ādiupasaggasahitova dīpeti, na kevalo, evaṃ “gavassaka”ntiādīsū gavādīnaṃ **assā**disaddantarasahitānameva atthadvayadīpanaṃ, na kevalānanti tañca dvandavisayameva, na sabbatthāti daṭṭhabbaṃ. Atha vā dvinnampi yathāvuttasamuccayadīpakattā atthi dvandepekatthitāti na koci virodho, tato samāsasaññāvibhattiropādi vuttanayameva, samāseneva catthassa vuttattā “vuttatthānamappayogo”ti **casaddassa** appayogo.

Idha dvande accitatarāṃ pubbaṃ nipatati, parasseva līṅgañca. Itarītarayogassa avayavappadhānattā sabbattha bahuvacanameva.

Sāriputtamoggallānā, sāriputtamoggallāne, sāriputtamoggallānehi iccādi, samaṇo ca brāhmaṇo ca samaṇabrāhmaṇā. Evaṃ brāhmaṇagahapatikā, khattiyabrāhmaṇā, devamanussā, candimasūriyā, mātā ca pitā ca mātāpitāro, “tesu vuddhī” tiādīnā dvande **mātu**ādipubbapadukārassa **ākāro**. Evaṃ pitāputtā.

“Jāyā ca pati cāti jāyāpati” itīdha –

“Kvacī” ti vattate.

### 358. Jāyāya tudāṃ jāni patimhi.

**Jāyāsaddassa tudāṃ jāni**iccete ādesā honti **patisadde** pare kvaci. Tudāṃpati, jānipati, jāyampatikā. Ettha niggaḥītāgamo, “kvacā” dinā rassattañca.

Kvacī appasaraṃ pubbaṃ nipatati, yathā – cando ca sūriyo ca candasūriyā, nigamā ca janapadā ca nigamajanapadā, surā ca asurā ca garuḷā ca manujā ca bhujagā ca gandhabbā ca surāsuraḷamanujabhujagandhabbā.

Kvacī **ivaṇṇu**vāṇṇantānaṃ pubbanipāto, yathā – aggi ca dhūmo ca aggidhūmā. Evaṃ gatibuddhibhujapaṭṭhaharakarasayā, dhātavo ca līṅgāni ca dhātulīṅgāni.

Kvacī sarādiakārantānaṃ pubbanipāto, yathā – attho ca dhammo ca atthadhammā. Evaṃ atthasaddā, saddatthā vā.

**Samāhāre** pana – “cakkhu ca sotañcā” ti atthe “nāmānaṃ samuccayo dvando” ti dvandasamāsaṃ katvā vibhattilopādīmhi kate –

“Napuṃsakalīṅgaṃ, ekattañcā” ti vattate.

### 359. Tathā dvande pāṇi tūriya yogga senaṅga khuddajantuka vividha viruddha visabhāgatthādīnañca.

Yathā digusamāse, tathā samāhāradvandasamāsepi pāṇi tūriya yogga senaṅgatthānaṃ, khuddajantukavividha viruddhavisabhāgatthaiצעvamādīnañca ekattaṃ hoti, napuṃsakalīṅgattañca.

Pāṇino ca tūriyāni ca yoggāni ca senā cāti pāṇitūriya yoggasenā, tāsamaṅgāni **pāṇitūriyayoggasenāṅgāni**, dvandato parattā **aṅgasaddo** paccekamabhisambajjhate. Khuddā ca te jantukā ceti **khuddajantukā**, vividhenākārena viruddhā **vividhviruddhā**, nīcavirodhino. Samāno bhāgo yesaṃ te sabhāgā, “tesu vuddhī” tiādīnā **samānassa saādeso**, vividhā ca te lakkhaṇato sabhāgā ca kīccatoti **visabhāgā**. Pāṇitūriyayoggasenāṅgāni ca khuddajantukā ca vividhviruddhā ca visabhāgā cāti dvando, idha bahuttā pubbanipātassa aniyamo, te atthā yesaṃ te pāṇitūriyayoggasenāṅgakhuddajantukavividhviruddhavisabhāgatthā, te ādayo yesaṃ te tadādayo.

**Ādiggaṇa**ena aññoññalīṅgavisesita saṅkhyāparimāṇattha pacanacaṇḍālattha disatthādīnañca dvande ekattaṃ, napuṃsakalīṅgattañca, iti pāṇyaṅgatthabhāvato cakkhusotasaddānaṃ iminā ekattaṃ, napuṃsakalīṅgattañca katvā samāsattā nāmabyapadese kate **syādyuppatti amādesādi**.

Cakkhusotaṃ, he cakkhusota, cakkhusotaṃ, cakkhusotena. Evaṃ sabbatthekavacanameva. Mukhañca nāsikā ca mukhanāsikaṃ, “saro rasso napuṃsake” ti antassa rassattaṃ, hanu ca gīvā ca hanugīvāṃ. Evaṃ kaṇṇanāsaṃ, pāṇipādaṃ, chavimaṃsalohitaṃ. Hatthapādā maṃsalohitāntītiādīnaṃ pana itarītarayogena siddhaṃ. Evaṃ **pāṇyaṅgatthe**.



**Tūriyaṅgatthe** gītañca vāditañca gītavāditaṃ, sammañca tāḷañca sammatāḷaṃ, **sammanti** kaṃsatāḷaṃ. **Tāḷanti** hatthatāḷaṃ. Saṅkhe ca paṇavo ca ḍiṇḍimo ca, saṅkhā ca paṇavā ca ḍaṃṇḍimā cāti vā saṅkhapaṇavaḍiṇḍimaṃ, paṇavādayo dvepi bheriviseso.

**Yoggaṅgatthe** yathā – phālo ca pācanañca phālapācanaṃ, yugañca naṅgalañca yuganaṅgalaṃ.

**Senāṅgatthe** hatthino ca assā ca hatthiassaṃ, rathā ca pattikā ca rathapattikaṃ, asi ca cammañca asicammaṃ, **cammanti** saravāraṇaphalakaṃ. Dhanu ca kalāpo ca dhanukalāpaṃ, **kalāpoti** tūṇiraṃ.

**Khuddajantukatthe** ḍaṃsā ca makasā ca ḍaṃsamakasaṃ. Evaṃ kunthakipillikaṃ, kīṭapaṭaṅgaṃ, kīṭasarīsapaṃ. Tattha **kunthā** sukhumakipillikā, **kīṭā** kapālapaṭṭhikapāṇā.

**Vividhviruddhatthe** ahi ca nakulo ca, ahī ca nakulā cāti vā ahinakulaṃ. Evaṃ biḷāramūsikaṃ, antassa rassattaṃ, kākolūkaṃ, sappamaṇḍūkaṃ, garuḷasappaṃ.

**Visabhāgatthe** sīlañca paññāṇaṃ sīlapaññāṇaṃ, samatho ca vipassanā ca samathavipassanaṃ. Evaṃ nāmarūpaṃ, hirottappaṃ. Satisampajaññaṃ, lobhamohaṃ, dosamohaṃ, ahirikānottappaṃ, thinamiddhaṃ, uddhaccakukkucamiccādi. “Aṃmo niggahītaṃ jhalapehī”ti ettha “aṃmo”ti niddesadassanato katthaci napuṃsakaliṅgattaṃ na hotīti daṭṭhabbaṃ, tena ādhipaccaparivāro chandapārisuddhi paṭisandhippavattiyantiādi sijjhati.

**Aññoññaliṅgavisesitānaṃ dvande** dāsī ca dāso ca dāsīdāsaṃ, “kvacādi”tiādinā majjhe rassattaṃ. Evaṃ itthipumaṃ, pattacīvaraṃ, sākḥāpalāsamiccādi.

**Saṅkhyāparimāṇatthānaṃ dvande** ekakañca dukañca ekakadukaṃ, saṅkhyādvande appasaṅkhyā pubbaṃ nipatati. Evaṃ dukatikaṃ, tikacatukkaṃ, catukkapañcakaṃ, dīgho ca majjhimo ca dīghamajjhimaṃ.

**Pacanaçaṇḍālatthānaṃ dvande** orabbhikā ca sūkarikā ca orabbhikasūkarikaṃ. Evaṃ sākuṇikamāgavikaṃ, sapāko ca caṇḍālo ca sapākacaṇḍālaṃ, pukkusachavaḍāhakaṃ, venarathakāraṃ. Tattha **venā** tacchakā, **rathakārā** cammakārā.

**Disatthānaṃ dvande** pubbā ca aparā cāti atthe dvandasamāsaṃ, vibhattilopañca katvā idhādiggaḥaṇena ekatte, napuṃsakaliṅgatte ca kate “saro rasso napuṃsake”ti rassattaṃ, pubbāparaṃ, he pubbāpara, pubbāparaṃ, pubbāparena, pubbāparassa iccādi. Evaṃ puratthimapacchimaṃ, dakkhiṇuttaraṃ, adharuttaraṃ.

“Napuṃsakaliṅgaṃ, ekattaṃ, dvande”ti ca vattate.

### 360. Vibhāsā rukkha tiṇa pasu dhana dhañña janapadādīnañca.

Rukkha tiṇa pasu dhana dhañña janapadādīnamekattaṃ, napuṃsakaliṅgattañca vibhāsā hoti dvande samāse. **Ekattābhāve** bahuvacanaṃ, parasseva liṅgañca.

Tattha **rukkḥānaṃ dvande** assatthā ca kapitthā cāti atthe samāhāre dvandasamāsādimhi kate iminā vikappenekattaṃ, napuṃsakaliṅgattañca. Assatthakapitthaṃ, assatthakapitthā vā. Evaṃ ambapanasaṃ, ambapanasā vā, khadirapalāsaṃ, khadirapalāsā vā, dhavassakaṇṇakaṃ, dhavassakaṇṇakā vā.

**Tiṇānaṃ dvande** usīrāni ca bīraṇāni ca usīrabīraṇaṃ, usīrabīraṇāni vā. Evaṃ muñjapabbajaṃ, muñjapabbajā vā, kāsakusaṃ, kāsakusā vā.

**Pasūnaṃ dvande** ajā ca eḷakā ca ajeḷakaṃ, ajeḷakā vā, hatthī ca gāvo ca assā ca vaḷavā ca

hatthigavassavaḷavaṃ, hatthigavassavaḷavā vā, ‘‘kvacā’’tiādinā rassattaṃ, ‘‘osare cā’’ti avādeso ca, gomahiṃsaṃ, gomahiṃsā vā, eṇeyyavarāhaṃ, eṇeyyavarāhā vā, sīhabyagghataracchaṃ, sīhabyagghataracchā vā.

**Dhanānaṃ dvande** hiraññaṅca suvaṇṇaṅca hiraññasuvaṇṇaṃ, hiraññasuvaṇṇāni vā. Evaṃ jātarūparajataṃ, jātarūparajatāni vā, maṇimuttasaṅkhavelūriyaṃ, maṇimuttasaṅkhavelūriyā vā.

**Dhaññānaṃ dvande** sālī ca yavā ca sāliyavaṃ, sāliyavā vā. Evaṃ tilamuggamāsaṃ, tilamuggamāsā vā.

**Janapadānaṃ dvande** kāsī ca kosalā ca kāsikosalaṃ, kāsikosalā vā, vajjī ca mallā ca vajjimallaṃ, vajjimallā vā, aṅgā ca magadhā ca aṅgamagadhaṃ, aṅgamagadhā vā.

**Ādiggaḥaṇena aññoññappaṭipakkhadhammānaṃ**, sakuṇatthānaṅca dvande vibhāsā ekattaṃ hoti, napuṃsakalingattaṅca. Kusalaṅca akusalaṅca kusalākusalaṃ, kusalākusalā vā, evaṃ sāvajjānavajjaṃ, sāvajjānavajjā vā, hīnappaṇītaṃ, hīnappaṇītā vā, kaṇhasukkaṃ, kaṇhasukkā vā, sukhadukkhāṃ, sukhadukkhāni vā, paṭighānunaṃ, paṭighānunaṃ vā, chāyātaṃ, chāyātapā vā, ālokandhakāraṃ, ālokandhakārā vā, ratti ca divā ca rattindivaṃ, rattindivā vā, ahaṅca ratti ca ahorattaṃ, ahorattā vā, ‘‘kvaci samāsanta’’iccādinā ākārīkārānamattaṃ.

**Sakuṇānaṃ dvande** haṃsā ca bakā ca haṃsabakaṃ, haṃsabakā vā. Evaṃ kāraṇḍavacakkavākāṃ, kāraṇḍavacakkavākā vā, mayūraḱoṅcaṃ, mayūraḱoṅcā vā, sukasālikaṃ, sukasālikā vā.

Samāhāradvando.

Yebhuyyena cettha –

Accitappasaraṃ pubbaṃ, ivaṇṇuvaṇṇakaṃ kvaci;  
Dvande sarādyakāraṇtaṃ, bahūsvaniyamo bhava.

Dvandasamāso niṭṭhito.

Pubbuttarubhayaññattha-ppadhānattā catubbidho;  
Samāsoyaṃ digu kamma-dhārayehi ca chabbidho.

Duvidho abyayībhāvo, navadhā kammadhārayo;  
Digu dudhā tappuriso, aṭṭhadhā navadhā bhava;  
Bahubbīhi dvidhā dvando, samāso caturaṭṭhadhāti.

Iti padarūpasiddhiyaṃ samāsakaṇḍo

Catuttho.

## 5. Taddhitakaṇḍa

### Apaccataddhita

Atha nāmato eva vibhatyantā apaccādiatthavisese taddhituppattīti nāmato paraṃ taddhitavidhānamārabhīyate.

Tattha tasmā tividhalingato paraṃ hutvā hitā sahitāti **taddhitā**, **ṇā**dipaccayānametaṃ adhivacanaṃ, tesāṃ vā nāmikānaṃ hitā upakārā taddhitāti anvatthabhūtaparasamaññāvasenāpi

**ṇā**dippaccayāva taddhitā nāma.

“Vasiṭṭhassa apacca”nti viggāhe –

“Līṅgañca nipaccate”ti ito **liṅgaggahaṇamanuvattate**.

### 361. Vā ṇa’pacce.

Chaṭṭhiyantato liṅgamhā **ṇ**appaccayo hoti vikappena “tassa apacca”miccetasmiṃ atthe.

So ca –

### 362. Dhātuliṅgehi parā paccayā.

Dhātūhi, liṅgehi ca paccayā parāva hontīti paribhāsato apaccatthasambandhiliṅgato chaṭṭhiyantāyeva paro hoti. Paṭicca etasmā attho etīti **paccayo**, patīyanti anena atthāti vā paccayo, “vuttatthānamappayogo”ti **apaccasaddassa** appayogo, “tesaṃ vibhattiyo lopā ce”ti vibhattilopo ca.

### 363. Tesaṃ ṇo lopam.

Tesaṃ taddhitappaccayānaṃ **ṇā**nubandhānaṃ **ṇ**akāro lopamāpajjate.

### 364. Vuddhādisarassa vāsaṃyogantassa saṇe ca.

Ādisarassa vā ādibyañjanassa vā asaṃyogantassa vuddhi hoti **saṇ**akārappaccaye pare. Saṃyogo anto assāti saṃyoganto, tadañño **asaṃyoganto**. Atha vā vavatthitavibhāsattḥoyam **vā**saddo, tadā ca pakatibhūte liṅge sarānamādisarassa asaṃyogantassa vuddhi hoti **saṇ**akāre taddhitappaccaye pareti attho.

Tena –

Vāsiṭṭhādīsu niccāyaṃ, aniccoḷumpikādīsu;  
Na vuddhi nīlapītādo, vavatthitavibhāsato.

**Casaddaggahaṇamavadhāraṇattham.**

Tassā vuddhiyā aniyamappasaṅge niyamattham paribhāsamāha.

### 365. Ayuvaṇṇānañcāyo vuddhī.

Tesaṃ **akāraivaṇṇ**uvaṇṇānameva yathākkamaṃ **ā** eoiccete vuddhiyo honti. **Casaddaggahaṇamavuddhisampiṇḍanattham**, avadhāraṇattham vā. I ca u ca yu, yu eva vaṇṇā yuvaṇṇā, a ca yuvaṇṇā ca **ayuvaṇṇā**. Ā ca e ca o ca **āyo**. Puna **vuddhiggahaṇam** “negamañānapadā”tiādīsu uttarapadavuddhibhāvattam, ettha ca “ayuvaṇṇāna”nti ṭhānaniyamavacanam āyonaṃ vuddhibhāvappasaṅganivattanattham.

Yathā hi katavuddhīnam, puna vuddhi na hotiha;  
Tathā sabhāvavuddhīnam, āyonaṃ puna vuddhi na.

Tato **akā**rassa **ākā**ro vuddhi, “saralopomādesappaccayādimhi saralope tu pakatī”ti saralopapakatibhāvā, “naye paraṃ yutte”ti paranayanaṃ katvā taddhitattā “taddhitasamāsa”iccādinā nāmabyapadese kate pure viya **syā**dyuppatti.

Vāsiṭṭho, vasiṭṭhassa putto vā, vāsiṭṭhā iccādi **puris**asaddasamaṃ. Tassa nattupanattādayopi

tadupacārato vāsiṭṭhāyeva. Evaṃ sabbattha gottataddhite paṭhamappakatitoyeva paccayo hoti.

**Itthiyaṃ** ṇappaccayantattā “ṇava ṇika ṇeyya ṇa ntūhī” ti **vāsiṭṭhas**addato ipaccayo. Saralopādīṃ katvā itthippaccayantattā “taddhitasamāsa” iccādisutte **caggahaṇena** nāmabyapadese kate **syādyupatti**, vāsiṭṭhī kaññā, vāsiṭṭhī, vāsiṭṭhiyo iccādi **itthis**addasamaṃ.

**Napuṃsake** vāsiṭṭhaṃ apaccaṃ, vāsiṭṭhāni apaccāni iccādi **cittas**addasamaṃ. Evaṃ uparipi taddhitantassa tilīngatā vedītabbā.

Bhāradvājassa putto bhāradvājo, vesāmittassa putto vesāmitto, gotamassa putto gotamo. Ettha ca ayuvaṇṇattābhāvā **ākārādīnaṃ** na vuddhi hoti. Vasudevassa apaccaṃ vāsudevo, baladevo. “Cittako” tiādīsu pana saṃyogantattā vuddhi na bhavati.

“Vacchassa apacca” nti viggāhe **ṇamhi** sampatte “vā ṇa’pacce” ti ito **vā**ti taddhitavidhāne sabbattha vattate, tena sabbattha vākyavuttiyo bhavanti. “Apacce” ti padaṃ yāva **saṃsaṭṭhaggaṇāva** vattate.

### 366. **Ṇāyana ṇāna vacchādito.**

**Vaccha kaccā**iccevamādito chaṭṭhiyantato gottagaṇato **ṇāyana ṇāna**iccate paccayā honti vā “tassāpacca” miccetasmiṃ atthe. Sabbattha **ṇakārā**nubandho vuddhattho, sesaṃ pubbasamaṃ, saṃyogantattā vuddhiabhāvova viseso.

Vacchāyano vacchāno vacchassa putto vā. Evaṃ kaccassa putto kaccāyano kaccāno, moggallassa putto moggallāyano moggallāno. Evaṃ aggivessāyano aggivessāno, kaṇhāyano kaṇhāno, sākaṭāyano sākaṭāno, muñcāyano muñcāno, kuñjāyano kuñjāno iccādi. Ākatigaṇo’yaṃ.

“Kattikāya apacca” nti viggāhe –

### 367. **Ṇeyyo kattikādīhi.**

Ādisaddoyaṃ pakāre vattate. **Kattikā vinatārohiṇī**iccevamādīhi itthiyaṃ vattamānehi līngehi **ṇeyy**appaccayo hoti vā “tassāpacca” miccetasmiṃ atthe.

Vibhattilope “pakati cassa sarantassā” ti pakatibhāvo. Kattikeyyo, kattikāya putto vā. Evaṃ vinatāya apaccaṃ venateyyo, **ikārassekāro** vuddhi, rohiṇiyā putto rohiṇeyyo, gaṅgāya apaccaṃ gaṅgeyyo, bhagīniyā putto bhāgīneyyo, nadiyāputto nādeyyo. Evaṃ anteyyo, āheyyo, kāmeyyo. Suciyaṃ apaccaṃ soceyyo, ettha **ukārassokāro** vuddhi, bālāya apaccaṃ bāleyyo iccādi.

“Dakkhassāpacca” nti viggāhe ṇamhi sampatte –

### 368. **Ato ṇi vā.**

Ākārantato līngamhā **ṇip**accayo hoti vā “tassāpacca” miccetasmiṃ atthe. Dakkhi, dakkhī, dakkhāyo, doṇassa apaccaṃ doṇi. Evaṃ vāsavi, sakyaputti, nāṭaputti, dāsaputti, dāsarathi. Vāruṇi, kaṇḍi, bāladevi, pāvaki, jinadattassa apaccaṃ jenadatti, suddhodani, anuruddhi iccādi.

Puna **vāggahaṇena** apaccatthe **ṇik**appaccayo, **aditi**ādito **ṇy**appaccayo ca. Yathā – sakyaputtassa putto sakyaputtiko, “tesu vuddhī” tiādīnā **kakārassa yakāro**, sakyaputtiyo. Evaṃ nāṭaputtiko, jenadattiko, vimātuyā putto vemātiko.

“Aditīyā putto” ti atthe **ṇy**appaccayo, vuddhi ca.

### 369. **Avāṇṇo ye lopaṇca.**

Avanno taddhitabhūte **yappaccaye** pare lopamāpajjate. **Casaddena** ivanno pīti **ikāralo**po, “yavataṃ talanadakārānaṃ byañjanāni ca la ña jakāratta”nti **tyakārasaṃyogassa cakāro**, “paradvebhāvo ðhāne”ti dvittama, ādicco. Evaṃ ditiyā putto decco.

“Kuṇḍaniyā putto”ti atthe **nyappaccaye** kate –

“Kvacādimajjhuttaresū”ti vattate.

### 370. Tesu vuddhilopāgamavikāraviparītādesā ca.

Tesu ādimajjhuttaresu avihitalakkhaṇesu jinavacanānuparodhena kvaci vuddhi lopa āgama vikāra viparītādesā hontīti saṃyogantattepī ādivuddhi, **ikāralo**pe **nyassañā**deso, koṇḍañño, kuruno putto korabyo, etthāpi teneva **ukārassa avā**deso, bhātuno putto bhātabyo.

“Upagussa apacca”nti viggāhe –

### 371. Navopagvādīhi.

**Upagu manū**ccavamādīhi **ukāran**tehi gottagaṇehi **navappaccayo** hoti vā “tassāpacca”miccetasmiṃ atthe. **Ādis**addassa cettha pakāravācakattā **ukāran**tatoyevāyaṃ. Opagavo, opagavī, opagavaṃ, manuno apaccaṃ mānavo, “mānuso”ti **ṇappaccaye**, **sāgame** ca kate rūpaṃ, bhagguno apaccaṃ bhaggavo, paṇḍuno apaccaṃ paṇḍavo, upavindussa apaccaṃ opavindavo iccādi.

“Vidhavāya apacca”nti atthe –

### 372. Nera vidhavādito.

**Vidhavādito nerappaccayo** hoti vā apaccatthe. Vigato dhavo pati etissāti vidhavā, vedhavero, bandhukiyā abhisāriṇiyā putto bandhukero, samaṇassa upajjhāyassa putto puttattḥāniyattāti sāmaṇero, nālikero iccādi.

Apaccataddhitam.

### Saṃsaṭṭhādianekatthataddhita

“Tilena saṃsaṭṭha”nti viggāhe –

### 373. Yena vā saṃsaṭṭhaṃ tarati carati vahati ṇiko.

Yena vā saṃsaṭṭhaṃ, yena vā tarati, yena vā carati, yena vā vahati, tato tatiyantato liṅgamhā tesu saṃsaṭṭhādīsvatthesu **ṇikappaccayo** hoti vā. Telikaṃ bhojanaṃ, tilena abhisankhatanti attho. Telikī yāgu. Guḷena saṃsaṭṭhaṃ egālikam. Evaṃ ghātikam, dādhikam, māricikam, loṇikam.

Nāvāya taratīti nāviko, uḷumpena taratīti oḷumpiko, vuddhiabhāvapakke uḷumpiko. Evaṃ kulliko, gopucchiko. Sakaṭena caratīti sākaṭiko. Evaṃ pādiko, daṇḍiko, dhammena carati pavattatīti dhammiko. Sīsena vahatīti sīsiko, **vāggahaṇena** ikārassa vuddhi na hoti. Evaṃ aṃsiko, khandhiko, hatthiko, aṅguliko.

Puna **vāggahaṇena aññatthesupi** **ṇikappaccayo**, paradāraṃ gacchatīti pāradāriko, pathaṃ gacchatīti pathiko.

“Vinayamadhīte, aveccādhīte”ti vā viggāhe –

“Ṇiko”ti vattate.

### 374. Tamadhīte tenakatādisannidhānaniyogasippabhaṇḍajīvikatthesu ca.

Catuppadamidaṃ. Tamadhīteti atthe, tena katādīsvatthesu ca tamhi sannidhāno, tattha niyutto, tamassa sippaṃ, tamassa bhaṇḍaṃ, tamassa jīvikā iccetesvatthesu ca dutiyādivibhatyantehi līngehi **ṇikappaccayo** hoti vā. Venayiko. Evaṃ suttantiko, ābhidhammiko.

“Byākaraṇamadhīte”ti atthe **ṇikappaccayādimhi** kate –

“Vuddhādisarassa vāsaṃyogantassa saṇe cā”ti vattamāne –

### 375. Māyūnamāgamo ṭhāne.

**I** uiccebbesaṃ ādisarānaṃ asaṃyogantānaṃ mā vuddhi hoti saṇe, tatreva vuddhi āgamo hoti ca ṭhāneti ekāravuddhāgamo.

“Ṭhāne”ti vacanā cettha, **yūnamādesabhūta**to;

**Yavehi** pubbeva eo-vuddhiyo honti āgamā.

**Yakārassa** dvibhāvo.

Veyyākaraṇiko, nyāyamadhīteti neyyāyiko. Evaṃ takkiko, vediko, nemittiko, kāyena kato payogo kāyiko, kāyena kataṃ kammaṃ kāyikaṃ, vacasā kataṃ kammaṃ vācasikaṃ. Evaṃ mānasikaṃ, ettha ca “sasare vāgamo”ti sutte vavatthitavāsaddena paccaye parepi **sāgamo**, therehi katā saṅgīti therikā. Evaṃ pañcasatikā, sattasatikā, ettha “ṇavaṇikā”disutte anuvattitavāggahaṇena ipaccayo na hoti.

**Sannidhānatthe** sarīre sannidhānā vedanā sārīrikā, sārīrikaṃ dukkhaṃ. Evaṃ mānasikā, mānasikaṃ.

**Niyuttatthe** dvāre niyutto dovāriko, ettha “māyūnamāgamo ṭhāne”ti **vakārato** pubbeokārāgamo. Evaṃ bhaṇḍāgāriko, nāgariko, navakammiko, vanakammiko, ādikammiko, odariko, rathiko, pathiko, upāye niyutto opāyiko, cetasi niyuttā cetasikā.

**Sippatthe** vīṇāvādanaṃ vīṇā, vīṇā assa sippaṃ veṇiko. Evaṃ pāṇaviko, modīngiko, vaṃsiko.

**Bhaṇḍatthe** gandho assa bhaṇḍanti gandhiko. Evaṃ teliko, goḷiko, pūviko, paṇṇiko, tambūliko, loṇiko.

**Jīvikatthe** urabbhaṃ hantvā jīvati, urabbhamassa jīvikāti vā orabbhiko. Evaṃ māgaviko, ettha **vakārāgamo**. Sūkariko, sākuṇiko, macchiko iccādi.

“Tena katādī”ti ettha **ādiggahaṇena** tena hataṃ, tena baddhaṃ, tena kītaṃ, tena dibbati, so assa āvudho, so assa ābādho, tattha pasanno, tassa santakaṃ, tamassa parimāṇaṃ, tassa rāsi, taṃ arahati, tamassa silaṃ, tattha jāto, tattha vasati, tatra vidito, tadatthāya saṃvattati, tato āgato, tato sambhūto, tadassa payoananti evamādiatthe ca **ṇikappaccayo** hoti. Yathā – jālena hato, hanatīti vā jāliko. Evaṃ bālīsiko, vākariko, suttana baddho suttiko, varattāya baddho vārattiko nāgo.

Vatthena kītaṃ bhaṇḍaṃ vatthikaṃ. Evaṃ kumbhikaṃ, phālikaṃ, sovaṇṇikaṃ, sātikaṃ. Akkhena dibbatīti akkhiko. Evaṃ sālākiko, tindukiko, ambaphaliko. Cāpo assa āvudhoti cāpiko. Evaṃ tomariko, muggariko, mosaliko.

Vāto assa ābādhoti vātiko. Evaṃ semhiko, pittiko.

Buddhe pasanno buddhiko. Evaṃ dhammiko, saṅghiko. Buddhassa santako buddhiko. Evaṃ

dhammiko, saṅghiko vihāro, saṅghikā bhūmi, saṅghikaṃ cīvaraṃ, puggalikaṃ.

Kumbho assa parimāṇanti kumbhikaṃ. Evaṃ khārikaṃ, doṇikaṃ. Kumbhassa rāsi kumbhiko. Kumbhaṃ arahatīti kumbhiko. Evaṃ doṇiko, aṭṭhamāsiko, kahāpaṇiko, āsītikā gāthā, nāvutikā, sātikaṃ, sāhassikaṃ. Sandiṭṭhamarahatīti sandiṭṭhiko, “ehi passā”ti imaṃ vidhiṃ arahatīti ehipassiko.

**Sīlatthe** paṃsukūladhāraṇaṃ paṃsukūlaṃ, taṃ sīlamassāti paṃsukūliko. Evaṃ tecīvariko, ekāsane bhojanasīlo ekāsano, rukkhamaṃle vasanasīlo rukkhamaṃliko, tathā ārañṇiko, sosāniko.

**Jātatthe** apāye jāto apāyiko. Evaṃ nerayiko, sāmuddiko maccho, vassesu jāto vassiko, vassikā, vassikaṃ pupphaṃ, sārādikko, hemantiko, vāsantiko, cātuddasiko, rājagahe jāto, rājagahe vasatīti vā rājagahiko jano, magadhesu jāto, vasatīti vā māgadhiko, māgadhiḥkā, māgadhiḥkaṃ, sāvattiyāṃ jāto, vasatīti vā sāvattiko, kāpilavattiko, vesāliko.

Loke vidito lokiko, lokāya saṃvattatītipi lokiko. Tathā mātito āgataṃ mātikaṃ, pitito āgataṃ pettikaṃ nāmaṃ.

**Sambhūtatthe** mātito sambhūtaṃ mattikaṃ. Evaṃ pettikaṃ. Upadhitassa payojanaṃ opadhikaṃ.

**Sakatthe**pi asaṅkhāroyeva asaṅkhārikaṃ. Evaṃ sasaṅkhārikaṃ, nāmameva nāmikaṃ. Evaṃ ākhyātikaṃ, opasaggikaṃ, nepātikaṃ, catumahārāje bhaddi etesanti cātumahārājikā. Evaṃ aññatthepepi yojetabbaṃ.

“Kasāvena ratta”nti viggāhe –

### 376. Na rāgā tenarattaṃ tassedamaññatthesu ca.

Rāgatthavācakā liṅgamhā “tena ratta”miccetasmiṃ atthe, “tasse”ti chaṭṭhiyantato “ida”miccetasmiṃ atthe ca aññatthesu ca **ṇappaccayo** hoti vā.

Kāsāvaṃ vatthaṃ. Evaṃ kāsāyaṃ, kusumbhena rattaṃ kosumbhaṃ, haliddiyā rattaṃ hālidāṃ, pattaṅgaṃ, mañjīṭṭhaṃ, kunkumaṃ, nīlena rattaṃ nīlaṃ. Evaṃ pītaṃ.

**Idamatthe** mahiṃsassa idaṃ māhiṃsaṃ maṃsaṃ, dadhi sappi cammādikaṃ vā, sūkarassa idaṃ sūkaraṃ, kaccāyanassa idaṃ kaccāyaṃ byākaraṇaṃ. Evaṃ sogataṃ sāsanaṃ.

“Issa ida”nti atthe **ṇappaccaye** kate vuddhimhi sampatte –

“Saṇe, yūnamāgamo ṭhāne”ti ca vattate.

### 377. Āttañca.

**I** uiccetesāṃ ādisarānaṃ āttañca hoti **saṇakārappaccaye** pare, **casaddena rikārāgamo** ca ṭhāneti ikārassa āttaṃ.

Ṭhānādhikārato āttaṃ, isūsabhaujādinaṃ;  
Issa tu rikārāga-mo cāttānantare bhava.

Ārisyaṃ, usabhassa idaṃ āsabhāṃ ṭhānaṃ, āsabhī vācā.

**Aññatthaggahaṇena** pana avidūrabhavo, tatra bhavo, tatra jāto, tato āgato, so assa nivāso, tassa issaro, kattikādīhi niyutto māso, sāsā devatā, tamaveccādhīte, tassa visayo deso, tasmim̐ dese atthi,

tena nibbattaṃ, taṃ arahati, tassa vikāro, tamassa parimāṇanti iccevamādīsvatthesu ca **nappaccayo**. Yathā – vidisāya avidūre bhavo vediso gāmo, udumbarassa avidūre bhavaṃ odumbaraṃ vimānaṃ.

**Bhavatthe** manasi bhavaṃ mānasaṃ sukhaṃ, sāgamo. Sare bhavo sāraso sakuṇo, sārāsā sakuṇī, sārasaṃ pupphaṃ, urasi bhavo oraso putto, urasi saṃvaḍḍhitattā, mitte bhavā mettā, mettī vā, pure bhavā porī vācā.

**Jātādīsu** pāvuse jāto pāvuso meggho, pāvusā ratti, pāvusaṃ abbaṃ, sarade jāto sārado māso, sārada ratti, sāradaṃ pupphaṃ. Evaṃ sisiro, hemanto, vasanto, vimho, mathurāyaṃ jāto māturo jano, mātura gaṇikā, māturaṃ vatthaṃ. Mathurāya āgato māturo, mathurā assa nivāsoti māturo, mathurāya issaro māturo rājā. “Sabbato ko”ti ettha puna **sabbato**ggahaṇena taddhitatopi kvaci sasarakakārāgamo, māturo vā, rājagahe jāto, rājagahā āgato, rājagaho assa nivāsoti vā, rājagahassa issaroti vā rājagaho, rājagahako vā. Evaṃ sāgalo, sāgalako vā, pāṭaliputto, pāṭaliputtako vā, vesāliyaṃ jātotiādiatthe vesālo, vesālako vā, kusiṇāre jāto kosiṇāro, kosiṇārako vā. Evaṃ sāketo, sāketako vā, kosambo, kosambako vā, indapatto, indapattako vā, kapillo, kapillako vā, bhārukaccho, bhārukacchako vā, nagare jāto, nagarā āgato, nagare vasatīti vā nāgaro, nāgarako vā. Evaṃ jānapado.

Janapadanāmesu pana sabbattha bahuvacanameva bhavati. Yathā – āṅgesu jāto, āṅgehi āgato, āṅgā assa nivāso, āṅgānaṃ issaro vā āṅgo, āṅgako vā, māgadho, māgadhako vā, kosalo, kosalako vā, vedeho, vedehako vā, kambojo, kambojako vā, gandhāro, gandhārako vā, soviro, sovirako vā, sindhavo, sindhavako vā, assako, kāliṅgo, pañcālo, sakko, tathā suraṭṭhe jāto, suraṭṭhassa issaro vā soraṭṭho, soraṭṭhako vā. Evaṃ mahāraṭṭho, mahāraṭṭhako vā iccādi.

**Nakkhattayoge** kattikāya puṇṇacandayuttāya yutto māso kattiko, magasirena candayuttena nakkhattena yutto māso māgasiro. Evaṃ phussena yutto māso phusso, maghāya yutto māso māgho, phagguniyā yutto māso phagguno, cittāya yutto māso citto, visākhāya yutto māso vesākho, jeṭṭhāya yutto māso jeṭṭho, uttarāsāḷhāya yutto māso āsāḷho, āsāḷhī vā, savaṇena yutto māso sāvaṇo, sāvaṇī. Bhaddena yutto māso bhaddo, assayujena yutto māso assayujo, buddho assa devatāti buddho. Evaṃ sogato, māhindo, yāmo, somo.

Byākaraṇaṃ aveccādhīte veyyākaraṇo. Evaṃ mohutto, nemitto, āṅgavijjo, vatthuvijjo. Vasatīnaṃ visayo deso vāsāto, udumbarā asmiṃ padese santīti odumbaro deso.

Sahassena nibbattā sāhassī parikhā, payasā nibbattaṃ pāyāsaṃ, sahassaṃ arahatīti sāhassī gāthā, ayaso vikāro āyaso. Evaṃ sovaṇṇo, puriso parimāṇamassāti porisaṃ udakaṃ.

**Caggahaṇena** tattha jāto, tattha vasati, tassa hitaṃ, taṃ arahatītiādīsu **ṇeyyappaccayo**. Bārānasiyaṃ jāto, vasatīti vā bārānaseyyako, pure viya **akārāgamo**. Evaṃ campeyyako, sāgaleyyako, mithileyyako jano, gaṅgeyyo maccho, silāya jātaṃ seleyyakaṃ, kule jāto koleyyako sunakho, vane jātaṃ vāneyyaṃ pupphaṃ. Evaṃ pabbateyyo mānuso, pabbateyyā nadī, pabbateyyaṃ osadhaṃ, pathassa hitaṃ pātheyyaṃ, sapatissa hitaṃ sāpateyyaṃ dhanāṃ, padīpeyyaṃ telaṃ, mātu hitaṃ matteyyaṃ. Evaṃ petteyyaṃ. Dakkhiṇamarahatīti dakkhiṇeyyo iccādi.

### 378. Jātādīnamimiyā ca.

**Jāta**iccevamādīnaṃ saddānaṃ atthe **ima iya**iccete paccayā honti vā.

Pacchā jāto pacchimo, pacchimā janatā, pacchimaṃ cittaṃ, ante jāto antimo, antimā, antimaṃ. Evaṃ majjhimo, purimo, uparimo, heṭṭhimo, paccantimo, gopphimo, ganthimo.

Tathā **iyappaccaye** manussajātiyā jāto manussajātiyo, manussajātiyā, manussajātiyaṃ. Evaṃ assajātiyo, hatthijātiyo, bodhisattajātiyo, **dabbajātiyo**, samānajātiyo, lokiyo iccādi.



**Ādiggaṇa**na tattha niyutto, tadassa atthi, tattha bhavotiādīsvapi **ima iyappaccayā** honti, **casaddena ikappaccayo** ca. Ante niyutto antimo, antiyo, antiko, putto assa atthi, tasmim vā vijjatīti puttimo, puttiyo, vuttiko, kappo assa atthīti kappiyo, jaṭā assa atthīti jaṭiyo, hānabhāgo assa atthīti hānabhāgiyo. Evaṃ ṭhitibhāgiyo, bodhissa pakkhe bhavā bodhipakkhiyā, pañcavagge bhavā pañcavaggiyā. Evaṃ chabbaggiyā, udariyaṃ, attano idanti attaniyaṃ, nakārāgamo.

**Casaddaggaṇa**na **kiya yaṇyappaccayā** ca. Jātiyā niyutto jātikiyo. Evaṃ andhakiyo, jaccandhe niyutto jaccandhakiyo. Sassa ayanti sakiyo. Evaṃ parakiyo.

**Yappaccayo sādhuhitabhavajātā**diatthesu. Yathā – kammani sādhu kammaññaṃ. Sabhāyaṃ sādhu sabbhaṃ, “yavataṃ talanā”dinā **ukārā**di. Evaṃ medhāya hitaṃ mejjhaṃ ghaṭaṃ. Pādānaṃ hitaṃ pajjaṃ telaṃ, rathassa hitā racchā, gāme bhavo gammo, gave bhavaṃ gabyaṃ, “osare cā”ti sutte **casaddena yappaccaye** parepi **avādeso**. Kavimhi bhavaṃ kabyaṃ, divi bhavā dibyā, **thanato** jātaṃ thaññaṃ, dhanāya saṃvattatīti dhaññaṃ.

**Nyappaccayo** parisāyaṃ sādhu pārisajjo, **ḍakārāgamo**, samaṇānaṃ hitā sāmāñña janā, brāhmaṇānaṃ hitā brāhmañña, arūpe bhavā āruppā iccādi.

“Rājaputtānaṃ samūho”ti viggahe –

### 379. Samūhatthe kaṇaṇā.

Chaṭṭhiyantato “tesaṃ samūho”ti atthe **kaṇaṇa**iccete paccayā honti. Rājaputtako, rājaputtakaṃ vā, rājaputto. Evaṃ mānussako, mānusso, māthurako, māthuro, porisako, poriso, vuddhānaṃ samūho vuddhako, vuddho. Evaṃ māyūrako, māyūro, kāpoto, kokilo, māhiṃsako, māhiṃso, oṭṭhako, orabbhako, aṭṭhannaṃ samūho aṭṭhako, rājānaṃ samūho rājako, bhikkhānaṃ samūho bhikkho, sikkhānaṃ samūho sikkho, dvinnāṃ samūho dvayaṃ, “tesu vuddhī”tiādīnā **ikārassa ayādeso**. Evaṃ tiṇṇaṃ samūho tayaṃ iccādi.

“Samūhatthe”ti vattate.

### 380. Gāmajanabandhusahāyādīhi tā.

**Gāmajanabandhusahāya**iccevamādīhi **tāpaccayo** hoti samūhatthe. Gāmānaṃ samūho gāmatā. Evaṃ janatā, bandhutā, sahāyatā, nāgaratā. “Tā”ti yogavibhāgena **sakatthe**pi devoyeva devatā, **tāpaccayantassa** niccamitthilingatā.

### 381. Tadassa ṭhānamiyo ca.

“Tadassa ṭhāna”miccetasmiṃ atthe chaṭṭhiyantato **iyappaccayo** hoti. Madanassa ṭhānaṃ madaniyo, madaniyā, madaniyaṃ, bandhanassa ṭhānaṃ bandhaniyaṃ. Evaṃ mucchaniyaṃ. Rajaniyaṃ, gamaniyaṃ, dassaniyaṃ, upādāniyaṃ, pasādaniyaṃ. **Casaddena hitā**diatthe pi upādānānaṃ hitā upādāniyā iccādi.

### 382. Upamatthāyitattaṃ.

Upamatthe upamāvācilingato **āyitattappaccayo** hoti. Dhūmo viya dissatīti dhūmāyitattaṃ. Evaṃ timirāyitattaṃ.

“Tadassa ṭhāna”nti vattate.

### 383. Tannissitatthe lo.

“Tannissita”nti atthe, “tadassaṭhāna”nti atthe ca **lappaccayo** hoti. Duṭṭhu nissitaṃ, duṭṭhu

ṭhānaṃ vā duṭṭhullaṃ, duṭṭhullā vācā, **lassa** dvibhāvo. Evaṃ vedallaṃ.

“Abhijjhā assa pakati, abhijjhā assa bahulā”ti vā viggāhe –

### 384. Ālu tabbahule.

Paṭhamāvibhatyantato **āluppaccayo** hoti “tadassa bahula” miccetasmiṃ atthe. Abhijjhālu, abhijjhālū, abhijjhālavo. Evaṃ sītālu, dhajālu, dayālu. “Sabbato ko”ti ettha puna **sabbatoggahaṇena kakārāgamo**, abhijjhāluko, abhijjhālukā, abhijjhālukaṃ. Evaṃ sītāluko, dayāluko, tathā hīnova hīnako. Evaṃ potako, kumārako, māṇavako, muduko, ujuko, appamattakaṃ, oramattakaṃ, sīlamattakaṃ iccādi.

“Yadanupapannā nipātanā sijjhantī”ti iminā paṭibhāgakucchitasaññānukampādiatthesu **kappaccayo**. **Paṭibhāgatthe** hatthino iva hatthikā. Evaṃ assakā. **Kucchitathe** kucchito samaṇo samaṇako. Evaṃ brāhmaṇako, muṇḍako, paṇḍitako, veyyākaraṇako. **Saññāyaṃ** katako, bhaṭako. **Anukampāyaṃ** puttako.

Tathā **kiṃyatetato** parimāṇatthe **ttakavantuppaccayā**. Kiṃ parimāṇamassāti kittakaṃ. Evaṃ yattakaṃ, tattakaṃ, ettakaṃ. **Vantumhi** āttañca, yaṃ parimāṇamassāti yāvā, yāvanto, guṇavantusamaṃ. Evaṃ tāvā, tāvanto. Etāvā, etāvanto iccādi.

“Suvanṇena pakata”nti viggāhe –

### 385. Tappakativacane mayo.

Tappakativacanatthe **mayappaccayo** hoti, pakarīyatīti pakati, tena pakati tappakati, tappakatiyā vacanaṃ kathanāṃ **tappakativacanaṃ**. Suvanṇamayo ratho, sovaṇṇamayo vā, suvaṇṇamayā bhājanavikati, suvaṇṇamayāṃ bhājanaṃ. Evaṃ rūpiyamayaṃ, rajatamayāṃ, jatumayaṃ, dārumayaṃ, mattikāmayāṃ, iddhiyā nibbattaṃ iddhimayaṃ.

Manato nipphannā manomayā, ayasāpakataṃ ayomayaṃ. Ettha ca “manogaṇādīna”nti vattamāne –

### 386. Etesamo lope.

Etesaṃ manogaṇādīnaṃ anto **ottamāpajjate** vibhattilope kateti **okāro**.

Gavena pakataṃ karīsaṃ, goto nibbattanti vā gomayaṃ. “Mayo”tiyogavibhāgena **sakatthepi** dānameva dānamayaṃ, sīlamayaṃ iccādi.

Saṃsaṭṭhādianekatthataddhitaṃ.

## Bhāvataddhita

“Alasassa bhāvo”ti viggāhe –

### 387. Nyattatā bhāve tu.

Chaṭṭhiyantato **nyattatā**iccete paccayā honti “tassa bhāvo” iccetasmiṃ atthe, **tusaddaggahaṇena ttanaṇeyyā**dippaccayā ca. Bhavanti etasmā buddhisaddā iti **bhāvo**, saddappavattinimittaṃ vuccati, vuttañca – “yassa guṇassa hi bhāvā dabbe saddaniveso tadabhidhāneṇyattatādayo”ti. **Nyattattanantānaṃ** niccaṃ napuṃsakattaṃ, **tā**paccayantassa sabhāvato niccamitthilingatā. **Nyappaccayoyaṃ** guṇavacane **brāhmaṇādīhi**, tattha “avaṇṇo ye lopañcā”ti **avaṇṇalopo**, ādivuddhi.

Ālasyaṃ. Evaṃ ārogyaṃ, udaggassa bhāvo odagyaṃ, sakhino bhāvo sakhyaṃ, aṇaṇassa bhāvo aṇaṇyaṃ, vidhavāya bhāvo vedhabyaṃ, dubbalassa bhāvo dubbalyaṃ, capalassa bhāvo cāpalyaṃ.

Viyattassa bhāvo veyyattiyaṃ, maccharassa bhāvo macchariyaṃ. Evaṃ issariyaṃ, ālasiyaṃ, muṇḍiyaṃ, mūḷhiyaṃ. Ettha “veyyattiya”ntiādīsu “tesu vuddhī”tiādinā **yamhi ikārāgamo**.

“Paṇḍitassa bhāvo paṇḍitya”ntiādīsu “yavataṃ talanadakārānaṃ byañjanāni calañajakāratta”nti **tyakārasaṃyogādīnaṃ calañajakārādesā**, dvittaṃ. Paṇḍiccaṃ, bahussutassa bhāvo bāhussaccaṃ, “tesu vuddhī”tiādinā **ukārassa akāro**, evaṃ porohiccaṃ, adhipatissa bhāvo ādhipaccaṃ, muṭṭhassatissa bhāvo muṭṭhassaccaṃ, **ivaṇṇalopo**. Kusalassa bhāvo kosallaṃ. Evaṃ vepullaṃ, samānānaṃ bhāvo sāmāññaṃ, gilānassa bhāvo gelaññaṃ, “kvacādimajjhuttarā”disuttena saṃyoge pare rassattaṃ.

Suhadassa bhāvosoḥajjaṃ. Evaṃ vesārajjāṃ, kusīdassabhāvokosajjaṃ, “tesu vuddhī”tiādinā ikārassa **akāro**. Tathā “purisassa bhāvo porisa”ntiādīsu “yavataṃ talanā”disutte **kāraggaṇena** yavataṃ **sakārakacaṭapavaggānaṃ sakārakacaṭapavaggādesā**. Sumanassa bhāvo somanassaṃ. Evaṃ domanassaṃ, sovacassaṃ, dovacassaṃ, ettha **sakārāgamo**. Tathā nipakassa bhāvo nepakkaṃ, dvittaṃ. Evaṃ ādhikkaṃ, dubhagassa bhāvo dobhaggaṃ, vāñjassa bhāvo vāñjjaṃ, rājino bhāvo rajjaṃ, “kvacā”dinā rassattaṃ. Sarūpassa bhāvo sāruppaṃ. Evaṃ opammaṃ, sokhummaṃ.

Tathassa bhāvo tacchaṃ, dummedhassa bhāvo dummejjaṃ, samaṇassa bhāvo sāmāññaṃ. Evaṃ brāhmaññaṃ, nipuṇassa bhāvo nepuññaṃ. “Taccha”ntiādīsipi **kāraggaṇeneva** yavataṃ **thadhaṇakārānaṃ chajhañakārādesā**.

**Ttatāpaccayesu** – paṃsukūlikassa bhāvo paṃsukūlikattaṃ, paṃsukūlikatā. Evaṃ tecīvarikattaṃ, tecīvarikatā, odarikattaṃ, odarikatā, manussattaṃ, manussatā jāti, nīlattaṃ, nīlatā guṇo, yācakattaṃ, yācakatā kriyā, daṇḍittaṃ, daṇḍitā dabbāṃ, saccavādītā, pāramitā, kataññūtā, sabbaññūtā, “kvacā”dinā **tāpaccaye** rassattaṃ, appicchātā, asaṃsaggaṭā, bhassārāmatā, niddārāmatā, lahutā iccādi.

**Ttanapaccaye** – puthujjanassa bhāvo puthujjanattanaṃ, vedanattanaṃ, jāyattanaṃ.

**Ñeyye** – sucissa bhāvo soceyyaṃ. Evaṃ ādhipabheyyaṃ, kavissa bhāvokāveyyaṃ, thenassa bhāvo theyyaṃ, mahāvuttinā **nakārassa** lopo.

“Nyattatā”ti yogavibhāgena kammani, sakatthe ca **ṇyādayo**, vīrānaṃ bhāvo, kammaṃ vā vīriyaṃ, paribhaṭassa kammaṃ pāribhaṭyaṃ, pāribhaṭyaṃ bhāvo pāribhaṭyatā. Evaṃ sovacassatā, bhisaggassa kammaṃ bhesajjaṃ, byāvaṭassa kammaṃ veyyāvaccāṃ, saṭhassa bhāvo, kammaṃ vā sāṭheyyaṃ.

**Sakatthe** pana – yathābhūtameva yathābhuccaṃ, karuṇāyeva kāruññaṃ, pattakārameva pattakallaṃ, ākāsānantameva ākāsānañcaṃ, kāyapāguññaṃ kāyapāguññatā iccādi.

“Visamassa bhāvo”ti viggāhe –

“Ttatā, bhāve”ti ca vattate.

### 388. **Ṇa visamādīhi.**

**Visamaiccevamādīhi** chaṭṭhiyantehi **ṇappaccayo** hoti, **tta tā** ca “tassa bhāvo” iccetasmiṃ atthe. Ākatigaṇoyaṃ. Vesamaṃ, visamattaṃ, visamatā. Sucissa bhāvo socaṃ, sucittaṃ, sucitā, garuno bhāvo gāravo, ādivuddhi, “o sare cā”ti sutte **casaddaggaṇena ukārassa** ca **avādeso**. Paṭuno bhāvo pāṭavaṃ, paṭuttaṃ, paṭutā.

Ujuno bhāvo ajjavam, muduno bhāvo maddavam iccitra “āttañcā”ti **ṇamhi ikārukārānaṃ āttam, dvibhāvo, saṃyoge ādirassattañca.** Ujutā, mudutā. Evaṃ isissa bhāvo ārisyaṃ, āsabhaṃ, kumārassa bhāvokomāraṃ, yuvassa bhāvo yobbaṃ, mahāvuttinā **nakārāgamo, paramānaṃ bhāvo, kammaṃ vā pāramī dānādikriyā, “ṇavaṇikā”**disuttena **īpaccayo, samaggānaṃ bhāvo sāmaggī.**

### 389. Ramaṇīyādito kaṇa.

**Ramaṇīyaiccevamādito kaṇapaccayo** hoti, **tta tā** ca bhāvatthe. Ramaṇīyassa bhāvo rāmaṇīyakaṃ, ramaṇīyattaṃ, ramaṇīyatā. Evaṃ mānuññakaṃ, manuññattaṃ, manuññatā, piyarūpakaṃ, piyarūpattaṃ, piyarūpatā, kalyāṇakaṃ, kalyāṇattaṃ, kalyāṇatā, corakaṃ, corikā vā, corattaṃ, coratā, aḍḍhakaṃ, aḍḍhattaṃ, aḍḍhatā iccādi.

Bhāvataddhitam.

### Visesataddhita

“Sabbe ime pāpā ayamimesaṃ visesena pāpo”ti viggāhe –

### 390. Visese taratamisikiyitthā.

Visesatthe **tara tama isika iya itthaicce**te paccayā honti. Pāpataro, pāpatarā, pāpataraṃ. Tatopi adhiko pāpatamo, pāpatamā, pāpatamaṃ. Pāpisiko, pāpikā, pāpikaṃ. Pāpiyo, pāpiyā, pāpiyaṃ. Pāpiṭṭho, pāpiṭṭhā, pāpiṭṭhaṃ. Atisayena pāpiṭṭho, pāpiṭṭhataro. Evaṃ paṭutaro, paṭutamo, paṭisiko, paṭiyo, paṭiṭṭho. Sabbesaṃ atisayena varo varataro, varatamo, varisiko, variyo, variṭṭho. Evaṃ paṇītataro, paṇītatamo.

“Sabbe ime vuḍḍhā ayamimesaṃ visesena vuḍḍho”ti atthe **iyaitthapaccayā** honti.

### 391. Vuḍḍhassa jo iyitthesu.

Sabbasseva **vuḍḍhasaddassa jo** hoti **iya itthaicce**tesu paccayesu. Jeyyo, jeṭṭho, ettha ca “saralopādi”sutte **tuggahaṇena lopamakavā** “sarā sare lopa”nti pubbasare lutte “kvacāsavaṇṇaṃ lutte”ti ekāro.

“Iyitthesū”ti adhikāro, “jo”ti ca vattate.

### 392. Pasatthassa so ca.

Sabbasseva **pasatthasaddassa sādese** hoti, **jo** ca iyitthesu. Ayañca pasattho ayañca pasattho sabbe ime pasatthā ayamimesaṃ visesena pasatthoti seyyo, seṭṭho, jeyyo, jeṭṭho.

### 393. Antikassa nedo.

Sabbasseva **antikasaddassa nedā**deso hoti iyitthesu. Viseseṇa antikoti nediyo, nediṭṭho.

### 394. Bāḷhassa sādho.

Sabbasseva **bāḷhasaddassa sādhe**deso hoti iyitthesu. Viseseṇa bāḷhoti sādhiyo, sādhiṭṭho.

### 395. Appassa kaṇa.

Sabbassa **appasaddassa kaṇa** hoti iyitthesu. Viseseṇa appoti kaṇiyo, kaṇiṭṭho.

“Viseseṇa yuvā”ti atthe “kaṇa”iti vattate.

**396. Yuvānañca.**

Sabbassa yuvasaddassa **kaṇa** hoti iyitṭhesu. “Tesu vuddhī”tiādinā **ṇakārassa nakāro**. Kaniyo, kaniṭṭho.

**397. Vantu mantu vīnañca lopo.**

**Vantumantuvī** iccetesam paccayānam lopo hoti iyitṭhesu. Sabbe ime guṇavanto ayamimesam visesena guṇavāti guṇiyo, guṇiṭṭho, visesena satimāti satiyo, satiṭṭho, visesena medhāvīti medhiyo, medhiṭṭho iccādi.

Visesataddhitam.

**Assatthitaddhita**

“Medhā yassa atthi, tasmim vā vijjatī”ti viggāhe –

**398. Tadassatthīti vī ca.**

Paṭhamāvibhatyantā “tadassa atthi, tasmim vā vijjati” iccetesvatthesu **vīpaccayo** hoti. **Medhāmāyā** saddehi cāyaṃ. Medhāvī, medhāvino. Itthiyaṃ ikārantattā “patibhikkhurājīkārantehi inī”ti **inī**, medhāvinī, medhāviniyo. Napuṃsake medhāvi kulaṃ. Evaṃ māyāvī, māyāvinī, māyāvi cittaṃ.

**Caggahaṇena so i lava ālādippaccayā ca**. Yathā – sumedhā yassa atthi, tasmim vā vijjatīti sumedhaso, rassattam. Evaṃ lomaso. Piccham assa atthi, tasmim vā vijjatīti picchilo. Evaṃ phenilo, tuṇḍilo, jaṭilo. Kesā assa atthīti kesavo, vācālo iccādi.

“Tapo assa atthi, tasmim vā vijjatī”ti viggāhe –

“Tadassatthī”ti adhikāro.

**399. Tapādito sī.**

**Tapai**ccavamādito **sīpaccayo** hoti “tadassatthī” iccetasim atthe. Sassa dvibhāvo. Tapassī, tapassino, tapassinī, tapassī. Evaṃ tejassī, yasassī, manassī, payassī.

“Daṇḍo assa atthi, tasmim vā vijjatī”ti viggāhe –

**400. Daṇḍādito ikaī.**

**Ādis**addoyaṃ pakārattho, **daṇḍa**iccevamādito avaṇṇantā **ika ī** iccete paccayā honti “tadassatthī” iccetasim atthe. Daṇḍiko, daṇḍī, daṇḍino, daṇḍinī. Evaṃ māliko, māli, mālinī, chattiko, chattī, rūpiko, rūpī, kesiko, kesī, saṅghī, ñāṇī, hatthī iccādi.

**401. Madhvādito ro.**

**Madhu**ādito **rappaccayo** hoti “tadassatthī”ti atthe. Madhu assa atthi, tasmim vā vijjatīti madhuro guḷo, madhurā sakkharā, madhuraṃ khīraṃ, kuñjā hanū etassa santīti kuñjaro, sabbasim vattabbe mukhamassa atthīti mukharo, susi assa atthīti susiro. Evaṃ ruciro, nagaro.

“Guṇo assa atthi, tasmim vā vijjatī”ti viggāhe –

**402. Guṇādito vantū.**

**Guṇa**iccevamādito **vantuppaccayo** hoti “tadassa atthī”ti atthe. Vibhattilope, nāmabyapadese ca kate **syādyuppatti**. Guṇavantu **si**, “savibhattissa, ntussā”ti adhikicca “ā simhī”ti āttaṃ, guṇavā puriso, sesaṃ ñeyyaṃ. Evaṃ gaṇavā, kulavā iccādayo. Itthiyaṃ “ṇava ṇika ñeyyaṇantūhī”ti īpaccayo, “vā”ti vattamāne “ntussa tamīkāre”ti **takāro**, guṇavatī, guṇavantī iccādi. Napuṃsake “aṃ napuṃsake”ti savibhattissa ntussa **amādeso**, guṇavaṃ iccādi.

“Sati assa atthi, tasmim vā vijjatī”ti viggāhe –

“Tadassatthī”ti vattate.

#### 493. Satyādīhi mantu.

**Sati**iccevamādīhi avaṇṇantarāhitehi paṭhamāvibhatyantehi līngehi **mantuppaccayo** hoti “tadassatthī”ti atthe. Sesaṃ **guṇavantusamaṃ**. Satimā, satimatī, satimantī, satimaṃ. Evaṃ dhitimā, gatimā iccādayo.

Tathā “āyu assa atthīti **āyu mantu**”iccatra –

#### 404. Āyussukārāsamantumhi.

Āyussa ukāro **asa** hoti **mantumhīti** asādeso. Āyasmā, sesaṃ samaṃ. Gāvo assa santīti gomā, gomanto, gomatī, gomantī, gomaṃ kulaṃ iccādi.

“Saddhā assa atthī”ti viggāhe –

#### 405. Saddhādito ṇa.

**Saddhā paññā**iccevamādito **ṇappaccayo** hoti “tadassatthī”iccetasmim atthe. Saddho puriso, saddhā kaññā, saddhaṃ kulaṃ. Evaṃ pañño, amaccharo, tathā buddhaṃ, buddhi assa atthīti buddho iccādi.

Assatthitaddhitam.

#### Saṅkhyātaddhita

“Pañcannaṃ pūraṇo”ti viggāhe –

#### 406. Saṅkhyāpūraṇe mo.

Pūrayati saṅkhyā anenāti pūraṇo, saṅkhyāya pūraṇo **saṅkhyāpūraṇo**, tasmim saṅkhyāpūraṇatthe chaṭṭhiyantato **mappaccayo** hoti. Pañcamo, pañcannaṃ pūraṇī pañcamī, “nadādito vā ī”ti īpaccayo. “Itthiyamato āpaccayo”ti **āpaccayo**, pañcamā vīriyapāramī, pañcamaṃ jhānaṃ. Evaṃ sattamo, sattamī, sattamā, sattamaṃ, aṭṭhamo, aṭṭhamī, aṭṭhamā, aṭṭhamaṃ, navamo, navamī, navamā, navamaṃ, dasamo, dasamī, dasamā, dasamaṃ iccādi.

“Saṅkhyāpūraṇe”ti adhikāro.

#### 407. Catucchehi thaṭhā.

**Catucha**icceheti **thaṭha**iccete paccayā honti saṅkhyāpūraṇatthe. Catunnaṃ pūraṇo catuttho, dvitthaṃ, catutthī, catutthā, catutthaṃ, channaṃ pūraṇo chaṭṭho, chaṭṭhī, chaṭṭhā, chaṭṭhaṃ, chaṭṭho eva chaṭṭhamo.

Chāhaṃ, chaḷāyatanaṃ iccatra –

**408. Sa chassa vā.**

**Chassa sakārādeso** hoti vā saṅkhyāne. Chāhamassa jīvitam sāham, chāham vā, saḷāyatanam.

“Dvinnaṃ pūraṇo”ti viggāhe –

**409. Dvitihi tiyo.**

**Dvitiicetehi tiyappaccayo** hoti saṅkhyāpūraṇatthe. Vipariṇāmena “dvi tiṇṇa”nti vattamāne –

**410. Tiye dutāpi ca.**

**Dvitiicetesam dutaiccādesā** honti **tiyappaccaye** pare. Dutiyo puriso, dutiyā, dutiyam. Evaṃ tiṇṇam pūraṇo tatiyo, tatiyā, tatiyam. **Api**ggahaṇena aññatthāpi **dvi**saddassa **du**ādeso hoti, **ca**saddena **di** ca. Dve rattiyo durattam, duvidham, duvaṅgam, dirattam, diguṇam, digu.

**411. Tesamaḍḍhūpapadena aḍḍhuḍḍhadivaḍḍhadiyaḍḍhaḍḍhatiyā.**

Tesam catutthadutiyatatiyānam aḍḍhūpapadānam aḍḍhūpapadena saha **aḍḍhuḍḍhadivaḍḍhadiyaḍḍhaaḍḍhatiyā**desā honti.

Ettha ca –

Aḍḍhūpapadapādāna-sāmatthā aḍḍhapubbakā;  
**Tesam**saddena gayhante, catutthadutiyādayo.

Aḍḍhena catuttho aḍḍhuḍḍho, aḍḍhena dutiyo divaḍḍho, diyaḍḍho, aḍḍhena tatiyo aḍḍhatiyō.

“Ekañca dasa cā”ti atthe dvandasamāse, “ekena adhikā dasā”ti atthe tappurisasamāse vā kate “saṅkhyāne”ti vattamāne “dvekaṭṭhānamākāro vā”ti āttam. Vavatthitavibhāsathoyam **vā**saddo.

Tena cettha –

Dvekaṭṭhānam dase niccam, dvissā’navutiyā navā;  
Itaresa’masantañca, āttam dīpeti **vā**suti.

“Ekādīto dasara saṅkhyāne”ti rattam.

**Rā**deso vaṇṇamattattā, vaṇṇamattappasaṅgipi;  
Siyā dasassa dasseva, nimittāsannabhāvato.

Tato bahuvacanam yo, “pañcādīnamākāro”ti savibhattissa antassa **attam**. Ekārāsa, ekādasa, liṅgattayepi samānam.

“Vā”ti vattate.

**412. Ekādīto dasassī.**

Ekādīto parassa **dasassa** ante ipaccayo hoti vā pūraṇatthe.

Dasassa paccayāyogā, laddhamanteti atthato;  
Tadantassa sabhāvena, itthiyamyeva sambhavo.

Ekādasannaṃ pūraṇī ekādasī, aññatra ekādasamo, ekādasamaṃ.

Dve ca dasa ca, dvīhi vā adhikā dasāti “dvi dasa” iccatra “vā” ti vattate.

“Vīsati dasesu bā dvissa tū” ti **bā**deso, **dassa rā**deso. Bārasa, aññatra **ā**ttam, dvādasa. Dvādasannaṃ pūraṇo bārasamo, dvādasamo, dvādasī.

Tayo ca dasa ca, tīhi vā adhikā dasāti terasa, “tesu vuddhi lopā” dinā **tissa te**ādaso ānavutiyā, terasamo, terasī.

Cattāro ca dasa ca, catūhi vā adhikā dasāti catuddasa iccatra “gaṇane dasassā” ti ca vattamāne “catūpapadassa lopo tuttarapadādi cassa cucopi navā” ti **tulo**po, **cuco** ca. Cuddasa, coddasa, catuddasa. Cuddasamo, catuddasamo, cakuddasī, cātuddasī vā.

Pañca ca dasa ca, pañcahi vā adhikā dasāti pañcadasa, “tesu vuddhi lopā” dinā pañcasaddassa dasa vīsasu **pannapaṇṇa**ādesāpi, “aṭṭhādito cā” ti rattam. Pannarasa, pañcadasa. Pannarasamo, pañcadasamo, pannarasī, pañcadasī.

“Cha ca dasa ca, chahi vā adhikā dasā” ti samāse kate “chassā” ti vattamāne “dase so niccañcā” ti **so**, “saṅkhyānaṃ, vā” ti ca vattate, “la darāna” nti lattam, vavatthitavibhāsattthoyam **vās**addo.

Ḷo niccam soḷase dassa, cattālīse ca terase;  
Aññatra na ca hotāyam, vavatthitavibhāsato.

Laḷānamaviseso kvaci, soḷasa. Teḷasa, cattālīsam, cattārīsam. Soḷasamo, soḷasī.

“Vā, dasara saṅkhyāne” ti adhikicca “aṭṭhādito cā” ti rattam. Aṭṭhārasa, aṭṭhādasa, **ā**ttam. Aṭṭhārasannaṃ pūraṇo aṭṭhārasamo, aṭṭhādasamo. Evaṃ sattarasa, sattadasa. Sattarasamo, sattadasamo.

**Aṭṭhāditi** kimattham? Catuddasa.

Ekena ūnā vīsātī tappuriso, ekūnavīsati. Ekūnavīsātādayo ānavutiyā ekavacanantā, itthilingā ca daṭṭhabbā, te ca saṅkhyāne, saṅkhyeyye ca vattante, yadā **saṅkhyāne** vattante, tadā bhikkhūnamekūnavīsati tiṭṭhati, bhoti bhikkhūnamekūnavīsati tiṭṭhatu, bhikkhūnamekūnavīsatiṃ passa, bhikkhūnamekūnavīsatiyā kataṃ iccādi.

**Saṅkhyeyye** pana ekūnavīsati bhikkhavo tiṭṭhanti, bhonto ekūnavīsati bhikkhavo tiṭṭhatha, ekūnavīsatiṃ bhikkhū passa, ekūnavīsatiyā bhikkhūhi kataṃ iccādi. Evaṃ vīsātādīsipi yojetabbam, ekūnavīsatiyā pūraṇo ekūnavīsatiṃ.

Dasa ca dasa cāti atthe dvandasamāsam katvā “dasadasā” ti vattabbe “sarūpānamekasesvasaki” nti ekasese kate **dasas**addato paṭhamābahuvacanaṃ **yo**. “Dasa yo” itidha

**413. Gaṇane dasassa dviti catu pañca cha satta aṭṭhanavakānaṃ vīti cattāra paññā cha sattāsa navā yosu yonañcī samāsam ṭhiri tītuti.**

Gaṇane dasassa sambandhīnaṃ **dvika tika catukka pañcaka chakkasattaka aṭṭhaka navakānaṃ** katekasesānaṃ yathākkamaṃ **vīti cattāra paññā cha satta asa nava** iccādesā honti **yosu** paresu, yonañca **īsam āsam ṭhi riti iti uti**iccete ādesā hontīti dvidasatthavācakassa **dasassa vī**ādeso hoti, **yov**acanassa **īsa**ñca, saralopādi.



“Saṅkhyānaṃ, vā, ante”ti ca vattate.

#### 414. Ti ca.

Tāsaṃ saṅkhyānamante **tikārāgamo** hoti vā. Vavatthitavibhāsathoyam **vāsaddo**.

Vibhāsā vīsa tiṃsāna-mante hoti tiāgamo;  
Aññattha na ca hoteva, vavatthitavibhāsato.

“Byañjane cā”ti niggahītalopo, puna taddhitattā nāmabyapadese **syādyuppatti**. Bhikkhūnaṃ vīsati, vīsaṃ vā, vīsati bhikkhū, vīsaṃ vā iccādi. Vīsatiṃ. Tathā ekavīsati kusalacittāni, ekavīsaṃ vā. Ekavīsatiṃ. Bāvīsati, bāvīsaṃ vā. Bāvīsatiṃ. Dvāvīsati, dvāvīsaṃ vā. Dvāvīsatiṃ. Tevīsati, tevīsaṃ vā. Tevīsatiṃ. Catuvīsati, catuvīsaṃ vā. Catuvīsatiṃ. Pañnavīsati, pañnavīsaṃ vā. Pañnavīsatiṃ. Pañcavīsati, pañcavīsaṃ vā. Pañcavīsatiṃ. Chabbīsati, chabbīsaṃ vā. Chabbīsatiṃ. Sattavīsati, sattavīsaṃ vā. Sattavīsatiṃ. Aṭṭhavīsati, aṭṭhavīsaṃ vā. Aṭṭhavīsatiṃ. Ekūnatīsaṃ, ekūnatīsaṃvā. Ekūnatīsaṃ.

Dasa ca dasa ca dasa cāti “dasa dasa dasā”ti vattabbe ekasese kate “gaṇane dasassā”tiādīnā **tiisaṃ**mādesā, “kvacā”dinā rassattaṃ, niggahītagamo ca, sesaṃ vīsatisamaṃ. Tiṃsati, tiṃsaṃ, tiṃsa vassāni, niggahītalopo, tiṃsaṃ, tiṃsāya iccādi. Ekatiṃsati, ekatiṃsaṃ vā, bātīsaṃ, dvatiṃsaṃ, tettiṃsaṃ iccādi.

Catudasatthavācakassa katekasesassa **dasassa cattāra, yovacanassa isaṃ, cattālīsaṃ**, “la darāna”nti rassa **lattam, tālīsaṃ vā. Cattālīsaṃ. Ekacattālīsaṃ, dvācattālīsaṃ, dvicattālīsaṃ, tecattālīsaṃ, ticattālīsaṃ iccādi.**

Pañcadasatthavācakassa **dasassa paññā, yovacanassa āsañca. Paññāsaṃ**, “tesu vuddhi lopā”dinā **paññādeso, paññāsaṃ vā. Ekapaññāsaṃ, dvepaññāsaṃ, dvipaññāsaṃ.**

Chadasatthavācakassa **dasassa cha, yovacanassa thiādeso**, “sa chassa vā”ti **sakārādeso, satṭhi, dvāsattṭhi, dvesattṭhi, dvisattṭhi, tesattṭhi, tisattṭhi.**

Sattadasatthavācakassa **dasassa satta, yovacanassa ri, ti ca. Sattari, sattati, dvāsattari, dvāsattati, dvisattari, disattati, tesattati, tisattati iccādi.**

Aṭṭhadatthavācakassa **dasassa asa, yovacanassa itīādeso ca. Asīti, ekāsīti, dveasīti, teasīti, caturāsīti**, “kvacā”dinā dīgho.

Navadasatthavācakassa **dasassa nava, yovacanassa uti ca, navuti, dvānavuti, dvenavuti, dvinavuti, tenavuti, tinavuti, catunavuti, channavutiyā, channavutīnaṃ pāsaṇḍānaṃ.**

“Gaṇane, dasassā”ti ca vattate.

#### 415. Dasadasakaṃ satam dasakānaṃ satam sahasaṅca yomhi.

Gaṇane pariyāpannaṃ dasadasakatthavācakassa **dasasaddassa satam** hoti, satadasakatthavācakassa **dasassa sahasam** hoti **yomhi**. Iminā nipātanena **yolopo**, taddhitattā puna nāmabyapadese **syādyuppatti**, niggahītassa lopo, “si”nti **amādeso, yojanānaṃ satam, sahasam**. Satam napuṃsakamekavacanantaṅca, tathā sahasam, vaggabhede sabbattha bahuvacanampi bhavati. Dve vīsatiyo. Evaṃ tiṃsādīsūpi, dve satāni, bahūni satāni, dve sahasāni, bahūni sahasāni.

Satassa dvikanti atthe chaṭṭhītappurisaṃ katvā “satam dvika”nti vattabbe “dvikādīnaṃ taduttarapadānaṅca nipaccante”ti vuttīyam vacanato iminā nipātanena uttarapadassa pubbanipāto, **kakāralo** ca hoti. Dvisatam. Evaṃ satassa tikaṃ tisatam, tathā catusatam, pañcasatam, chasatam,

sattasatam, aṭṭhasatam, navasatam, dasasatam sahasam hoti. Atha vā dve satāni dvisatanti digusamāso. Evaṃ tisatam, catusatam iccādi.

#### 416. Yāva taduttari dasaguṇitaṅca.

Yāva tāsam saṅkhyānamuttari, tāva dasaguṇitaṅca kātabbam, ettha **ḍakāro** sandhijo. Yathā – dasassa gaṇanassa dasaguṇitam satam hoti, satassa dasaguṇitam sahasam, sahasassa dasaguṇitam dasasahasam, idaṃ **nahutantipi** vuccati, dasasahasassa dasaguṇitam satahasam, tam **lakkhantipi** vuccati, satahasassa dasaguṇitam dasasatasahasam.

“Yadanupapannā nipātanā sijjhantī”ti vattate.

#### 417. Sakanāmehi.

Yāsam pana saṅkhyānam aniddiṭṭhanāmadheyānam yāni rūpāni, tāni sakehi nāmehi nipaccante. Satahasasānam satam koṭi, itthilingā, ekavacanantā ca, vaggabhede bahuvacanaṅca bhavati, koṭisatasahasasānam satam pakoṭi, pakoṭisatasahasasānam satam koṭippakoṭi. Evaṃ nahutam, ninnahutam, akkhobhinī, bindu, abbudam, nirabbudam, ahamam, ababam, aṭaṭam, sogandhikam, uppalam, kumudam, puṇḍarīkam, padumam, kathānam, mahākathānam, asaṅkhyeyyanti.

Icevam thānato thānam, satalakkhagunam matam;  
Koṭippabhutinam vīsa-saṅkhyānaṅca yathākkamam.

“Dve parimāṇāni etassā”ti viggāhe –

#### 418. Dvādito konekatthe ca.

Dvīccevamādito gaṇanato **kappaccayo** hoti anekatthe. Dviko rāsi dvikam. Evaṃ tikam, catukkam, pañcakam, chakkam, sattakam, aṭṭhakam, navakam, dasakam, paṇṇāsakam, satakam, sahasakam iccādi.

Saṅkhyātaddhitam.

**Abyayataddhita**

“Ekasmim vāre bhuñjati, dvivāre bhuñjati”ti viggāhe –

#### 419. Ekādito sakissa kkhattum.

**Ekadvīccevamādito** gaṇanato sakissa thāne vāratthe **kkhattumpaccayo** hoti. Ekakkhattum, dvikkhattum bhuñjati, “sabbāsamāvuso”tiādinā **silopo**. Evaṃ tikkhattum, catukkhattum, pañcakkhattum, chakkhattum, sattakkhattum, aṭṭhakkhattum, navakkhattum, dasakkhattum, sakkhattum, sahasakkhattum, bahukhattum, katikkhattum.

“Ekena vibhāgenā”ti viggāhe –

Maṇḍūkagatiyā **saṅkhyā**ggahaṇamanuvattate.

#### 420. Vibhāge dhā ca.

Vibhāgatthe ekādisaṅkhyāto **dhāpaccayo** hoti. Casaddena **ekadvīto jḥha** ca, **suttādito so** ca. Ekadhā. Dvīhi vibhāgehi dvidhā, dudhā vā, dvedhā. Tīhi vibhāgehi tidhā, tedhā vā, “tesu vuddhī”tiādinā ikārassekāro. Evaṃ catudhā, pañcadhā, chadhā, sattadhā, aṭṭhadhā, navadhā, dasadhā, satadhā, sahasadhā, katidhā, bahudhā.

Jjhappaccaye ekadhā karotīti ekajjhaṃ. Evaṃ dvejjhaṃ.

Sopaccaye suttana vibhāgena suttaso. Evaṃ byañjanaso, padaso, atthaso, bahuso, sabbākārena sabbaso, upāyaso, hetuso, ṭhānaso, yoniso.

#### 421. Sabbanāmehi pakāravacane tu thā.

Sabbanāmehi pakāravacanatthe **thā**paccayo hoti, **tus**addena **thattā**paccayo ca. Sāmaññaassa bhedako viseso pakāro, tassābhidhāneti attho, so pakāro tathā, taṃ pakāraṃ tathā, tena pakārena tathā, yena pakārena yathā. Evaṃ sabbathā, aññathā, itarathā, ubhayathā, **thattā**paccaye tena pakārena tathattā. Evaṃ yathattā, aññathattā.

Ko pakāroti atthe –

#### 422. Kimimehi thaṃ.

**Kimima**icceṭeḥi **thaṃ**paccayo hoti pakāravacanatthe. “Kissa ka ve cā”ti ettha **cas**addena **kissa** **kā**deso. Kathaṃ, kaṃ pakāraṃ kathaṃ, kena pakārena kathaṃ, ayaṃ pakāro itthaṃ, imaṃ pakāraṃ itthaṃ. Anena pakārena itthaṃ, “imassi thaṃ dāniha to dhesu cā”ti **imas**addassa **ikā**ro, dvittaṃ. Ettha hi **kkhattuṃ** ādithaṃpariyosānappaccayantānaṃ abyayataddhitattā nāmabyapadesaṃ katvā vibhattimhi kate “sabbāsamāvuso”tiādinā vibhattilopo, “kvaci to pañcamyatthe”tiādinā vuttatoādiappaccayantā ca idheva abyayataddhite saṅgayhanti.

#### 423. Yadanupapannā nipātanā sijjhanti.

Ye saddā lakkhaṇena anupapannā aniddiṭṭhalakkhaṇā akkharādito, nāmopasagganipātato vā samāsattaddhitādito vā, te nipātanā sijjhanti.

Taddhitato tāva –

Imasmā jja siyā kāle, samānāparato jju ca;  
Imasaddassa’kāro ca, samānassa ca so siyā.

Imasmiṃ kāle, imasmiṃ divase vā ajja, samāne kāle sajju, aparasmiṃdivase aparajju. Nipātehi **bhavatthe** **tan**appaccayo. Ajja bhavaṃ ajjatanāṃ, ajja bhavā ajjatanī, sve bhavaṃ svātanāṃ. Evaṃ purātanāṃ, hiyyo bhavaṃ hiyyattanāṃ, hiyyo bhavā hiyyattanī iccādi.

Abyayataddhitāṃ.

Sāmaññavuttibhāvatthā-byayato taddhitāṃ tidhā;  
Tatrādi catudhāpaccā-nekatthassatthisaṅkhyāto.

Iti padarūpasiddhiyaṃ taddhitakaṇḍo

Pañcamo.

## 6. Ākhyātakaṇḍa

**Bhūvādigāṇa**

**Vibhattividhāna**

Atha ākhyātavibhattiyo kriyāvācīhi dhātūhi parā vuccante.

Tattha kriyaṃ ācikkhatīti **ākhyātaṃ**, kriyāpadaṃ. Vuttañhi “kālākārapurisaparidīpakam kriyālakkaṇamākhyātika”nti. Tattha **kāloti** atītādayo, **kārakamiti** kammakattubhāvā, **purisāti** paṭhamamajjhimmuttamā, **kriyāti** gamanapacanādiko dhātvattho, kriyālakkaṇam saññāṇam etassāti **kriyālakkaṇam**, atilīṅgañca.

Vuttampi cetam –

“Yaṃ tikālam tipurisam, kriyāvāci tikārakam;  
Atilīṅgam dvivacanam, tadākhyānti vuccatī”ti.

Kālādivasena dhātvattham vibhajantīti **vibhattiyo**, tyādayo, tā pana vattamānā pañcamī sattamī parokkhāhiyyattanī ajjatanī bhavissantī kālātipatti cāti aṭṭhavidhā bhavanti.

Kriyaṃ dhārentīti **dhātavo**, bhūvādayo, khādīdhātuppaccayantā ca, te pana atthavasā dvidhā bhavanti sakammakā, akammakā cāti. Tatra **sakammakā** ye dhātavokammāpekkham kriyaṃ vadanti, yathā – kaṭam karoti, gāmam gacchati, odanam pacatītiādayo, **akammakā** ye kammanirapekkham kriyaṃ vadanti, yathā – acchati, seti, tiṭṭhatītiādayo.

Te pana sattavidhā bhavanti vikaraṇappaccayabhedena, katham? Avikaraṇā bhūvādayo. Niggahītapubbakaavikaraṇā rudhādayo, yavikaraṇā divādayo, ṇuṇā uṇāvikaraṇā svādayo, **nāppaṇhā**vikaraṇā kiyādayo, **oyiravikaraṇā** tanādayo, sakatthe **ṇe ṇayantā** curādayoti.

Tattha paṭhamam avikaraṇesu bhūvādīsu dhātūsu paṭhamabhūtā akammakā **bhū**iccetasmā dhātuto **tyā**dayo parā yojīyante.

**Bhū**sattāyaṃ, “bhū”iccayaṃ dhātu sattāyamatthe vattate, kriyāsāmaññabhūte bhavane vattateti attho.

“Bhū”iti ṭhite –

#### 424. Bhūvādayo dhātavo.

**Bhū**iccevamādayo ye kriyāvācino saddagaṇā, te **dhātusaññā** honti. Bhū ādi yesam te **bhūvādayo**, atha vā bhūvā ādī pakārā yesam te **bhūvādayo**.

Bhūvādīsu vakāroyam, ñeyyo āgamasandhijo;  
Bhūvāppakārā vā dhātū, sakammākammakatthato.

“Kvaci dhātū”tiādīto “kvacī”ti vattate.

#### 425. Dhātussanto loponekassarassa.

Anekassarassa dhātussa anto kvaci lopo hoti.

**Kvaci**gahaṇam “mahīyati samatho”tiādīsu nivattanattham, iti anekassarattābhāvā idha dhātvantalopo na hoti.

Tato dhātvādhikāravihitānekappaccayappasaṅge “vatticchānupubbikā saddappaṭipattī”ti katvā vattamānavacanicchāyaṃ –

#### 426. Vattamānā tianti, sitha, mima, teante, sevhe, emhe.

**Tyā**dayo dvādasa vattamānāsaññā hontīti **tyādīnam** vattamānatthavisayattā **vattamānāsaññā**.

**427. Kāle.**

Ayamadhikāro.

Ito paraṃ **tyā**divibhattividhāne sabbattha vattate.

**428. Vattamānā paccuppanne.**

Paccuppanne kāle gamyamāne vattamānāvibhatti hoti, **kāloti** cettha kriyā, karaṇaṃ kāro, rakārassa **lakāro**, kālo.

Tasmā –

Kriyāya gamyamānāya, vibhattīnaṃ vidhānato;  
Dhātūheva bhavantīti, siddhaṃ tyādivibhattiyo.

Idha pana kālassa atītānāgatapaccuppannānattiparikappakālābhīpattivasena chadhā bhinnattā “paccuppanne”ti viseseti. Taṃ taṃ kāraṇaṃ paṭicca uppanno **paccuppanno**, paṭiladdhasabhāvo, na tāva atītoti attho.

Paccuppannasamīpepi, tabbohārūpacārato;  
Vattamānā atītepi, taṃkālavacanicchayāti.

Tasmiṃ paccuppanne vattamānāvibhattiṃ katvā, tassā ṭhānāniyame “dhātulingehi parā paccayā”ti paribhāsato dhātuto paraṃ vattamānappaccaye katvā, tesamaniyamappasaṅgesati “vatticchānupubbikā saddappaṭipattī”ti parassapadavacanicchāyaṃ –

**429. Atha pubbāni vibhattīnaṃ cha parassapadāni.**

**Atha** taddhitānantaraṃ vuccamānānaṃ sabbāsaṃ vattamānādīnaṃ aṭṭhavidhānaṃ vibhattīnaṃ yāni yāni pubbakāni **cha** padāni, tāni tāni atthato aṭṭhacattālīsamattāni **parassapadasaṅgāni** hontītiādīmhi channaṃ parassapadasaṅgāni, parassatthāni padāni **parassapadāni**, tabbāhullato tabbohāro.

“Dhātūhi ñe ṇaya”iccādito “dhātūhi”ti vattamāne –

**430. Kattari parassapadaṃ.**

**Kattari**kāraṇe abhidheyye sabbadhātūhi **parassapadaṃ** hotīti parassapadaṃ katvā, tassāpyaniyamappasaṅge vatticchāvasā –

Vipariṇāmena “parassapadānaṃ, attanopadāna”nti ca vattate.

**431. Dve dve paṭhamamajjhimmuttamapurisā.**

Tāsaṃ vibhattīnaṃ parassapadāna’ mattanopadānaṃca **dve dve** vacanāni yathākkamaṃ **paṭhamamajjhimmuttamapurisasaṅgāni** honti. Taṃ yathā? **Ti antiiti** paṭhamapurisā, **si thaiti** majjhimmapurisā, **mi maiti** uttamapurisā. Attanopadesupi **te anteiti** paṭhamapurisā, **se vheiti** majjhimmapurisā, **e mheiti** uttamapurisā. Evaṃ sesāsu sattasu vibhattīsipi yojetabbanti. Evaṃ aṭṭhāvibhattivasena channavutividhe ākhyātapade dvattiṃsa dvattiṃsa paṭhamamajjhimmuttamapurisā hontīti vattamānaparassapadādīmhi dvinnāṃ paṭhamapurisasaṅgāni.

**432. Nāmamhi payujjamānepitulyādhikaraṇe paṭhamo.**

**Tumbhā**hasaddavajjite tulyādhikaraṇabhūte sādhakavācace nāmamhi payujjamānepi appayujjamānepi dhātūhi paṭhamapuriso hotīti paṭhamapurisaṃ katvā, tassāpyaniyamappasaṅge kriyāsādhakassa kattuno ekatte vattumicchite “ekamhi vattabbe ekavacana”nti vattamānaparassapadapaṭhamapurisekavacanaṃ **ti**.

“Paro, paccayo, dhātū”ti ca adhikāro, “yathā kattari cā”ti ito “kattari”ti vikaraṇappaccayavidhāne sabbattha vattate.

### 433. Bhūvādito a.

**Bhū**iccevamādito dhātugaṇato paro apaccayo hoti kattari vihitesu vibhattippaccayesu paresu. Sabbadhātukamhiyevāyamissate.

“Asaṃyogantassa, vuddhī”ti ca vattate.

### 434. Aññesu ca.

Kāritato aññesu paccayesu asaṃyogantānaṃ dhātūnaṃ vuddhi hoti. Caggahaṇena **ṇ**uppaccayassāpi vuddhi hoti. Ettha ca “ghaṭṭādīnaṃ vā”ti ito **v**āsaddo anuvattetabbo, so ca vavattitavibhāsatho. Tena –

Ivaṇṇuvaṇṇantānañca, lahūpantāna dhātunaṃ;  
Ivaṇṇuvaṇṇānameva, vuddhi hoti parassa na.

Yuvaṇṇānampi ya ṇu ṇā-nāniṭṭhādīsu vuddhi na;  
Tudādissāvikaṇe, na chetvādīsu vā siyā.

Tassāpyaniyamappasaṅge – “ayuvaṇṇānañcāyo vuddhī”ti paribhāsato **ū**kārassokāro vuddhi.

Vipariṇāmena “dhātūna”nti vattate.

### 435. O ava sare.

**Ok**ārassa dhātvantassa sare pare **av**ādeso hoti. “Saralopo mādesa”iccādīnā saralopādīmhi kate “naye paraṃ yutte”ti paranayanaṃ kātabbaṃ.

So puriso sādhu bhavati, sā kaññā sādhu bhavati, taṃ cittaṃ sādhu bhavati.

Ettha hi –

Kattunobhihitattāva, ākhyātena na kattari;  
Tatiyā paṭhamā hoti, liṅgathāṃ panapekkhiya.

Satipi kriyāyekatte kattūnaṃ bahuttā “bahumhi vattabbe bahuvacana”nti vattamānaparassapadapaṭhamapurisabahuvacanaṃ **anti**, pure viya appaccayavuddhiavādesā, saralopādi. Te purisā bhavanti, appayujjamānepi bhavati, bhavanti.

“Payujjamānepi, tulyādhikaraṇe”ti ca vattate.

### 436. Tumhe majjhimo.

Tulyādhikaraṇabhūte **tum**hasadde payujjamānepi appayujjamānepi dhātūhi **majjhi**mapuriso hotīti vattamānaparassapadamajjhimapurisekavacanaṃ**si**, sesaṃ purimasamaṃ. Tvaṃ bhavasi, tumhe bhavatha, appayujjamānepi bhavasi, bhavatha.

**Tulyādhikaraṇeti** kimatthaṃ? Tayā paccate odano.

Tasmiṃyevādhikāre –

**437. Amhe uttamo.**

Tulyādhikaraṇabhūte **amhasadde** payujjamānepi appayujjamānepi dhātūhi **uttamapuriso** hotīti vattamānaparassapadauttamapurisekavacanāṃ **mi**, appaccayavuddhiavādesā.

**438. Akāro dīghaṃ himimesu.**

Akāro **dīghamāpajjate himimaiccetāsu** vibhattīsu. Ahaṃ bhavāmi, mayāṃ bhavāma. Bhavāmi, bhavāma.

“Vibhattīnaṃ, chā”ti ca vattate.

**439. Parāṇyattanopadāni.**

Sabbāsaṃ vattamānānaṃ aṭṭhavidhānaṃ vibhattīnaṃ yāni yāni parāni cha padāni, tāni tāni **attanopadasaññāni** hontīti **teādīnaṃ** attanopadasaññā.

“Dhātūhi, attanopadāni”ti ca vattate.

**440. Kattari ca.**

**Kattari** ca kārake abhidheyye dhātūhi attanopadāni honti. **Caggahaṇaṃ** katthaci nivattanatthaṃ, sesaṃ parassapade vuttanayeneva veditabbaṃ. Bhavate, bhavante, bhavase, bhavavhe, bhave, bhavāmhe.

**Paca** pāke, dhātusaññāyaṃ dhātvantalopo, vuttanayeneva **tyādyuppatti**, ivaṇṇuvaṇṇānamabhāvā vuddhiabhāvovettha viśeso. So devadatto odanaṃ pacati, pacanti, pacasi, pacatha, pacāmi, pacāma, so odanaṃ pacate, te pacante, tvaṃ pacase, tumhe pacavhe, ahaṃ pace, mayāṃ pacāmhe.

Paṭhamapurisādīnamekajjhappavattippasaṅge paribhāsamāha –

**441. Sabbesamekābhidhāne paro puriso.**

Sabbesaṃ paṭhamamajjhimānaṃ, paṭhamuttamānaṃ, majjhimuttamānaṃ tiṇṇaṃ vā purisānaṃ ekatobhidhāne kātabbe paro puriso yojetabbo. Ekakālānamevābhidhāne cāyaṃ. So ca pacati, tvañca pacasīti pariyāyappasaṅge **tumhe pacathāti** bhavati. Evaṃ so ca pacati, ahañca pacāmīti **mayāṃ pacāma**, tathā tvañca pacasi, ahañca pacāmi, **mayāṃ pacāma**, so ca pacati, tvañca pacasi, ahañca pacāmi, **mayāṃ pacāma**. Evaṃ sabbattha yojetabbaṃ.

**Ekābhidhāneti** kimatthaṃ? “So ca pacati, tvañca pacissasi, ahaṃ pacim” ettha bhinnakālattā “mayāṃ pacimhā”ti na bhavati.

**Gamu sappa** gatimhi, pure viya dhātusaññāyaṃ dhātvantalopo.

Kattari **tyādyuppatti**.

**442. Gamissanto ccho vā sabbāsu.**

**Gamuiccetassa** dhātussanto **makāro ccho** hoti vā sabbāsu vibhattīsu, **sabbaggahaṇena**

**mānanta ya** kāritappaccayesu ca. Vavatthitavibhāsattthoyam **vāsaddo**. Tenāyam –

Vidhiṃ niccañca vāsaddo, māna’ntesu tu kattari;  
Dīpetāniccamaññattha, parokkhāyamasantakam.

Appaccayaparanayanāni, so puriso gāmaṃ gacchati, te gacchanti, “kvaci dhātū” tiādīnā garupbarassato parassa paṭhamapurisabahuvacanassa **re** vā hoti, gacchare. Tvaṃ gacchasi, tumhe gacchatha. Ahaṃ gacchāmi, mayaṃ gacchāma.

**Cchā**desābhāve “lopañcettamakāro” ti appaccayassa **ekāro**. Gameti, gamenti, saralopo. Gamesi, gametha. Gamemi, gamema.

Attanopadepi so gāmaṃ gacchate, gacchante, gacchare. Gacchase, gacchavhe. Gacche, gacchāmhe.

“Kuto nu tvaṃ āgacchasi, rājagahato āgacchāmī” tiādīsu pana paccuppannasamīpe vattamānavacanam.

“Vā” ti vattate.

#### 443. Gamissa ghammaṃ.

**Gamu**iccetassa dhātussa sabbassa **ghammā**deso hoti vā. Ghammati, ghammanti iccādi.

Bhāvakkammesu pana –

#### 444. Attanopadāni bhāve ca kammani.

**Bhāve** ca **kammani** ca kārake abhidheyye attanopadāni honti, **cas**addena kammakattari. Bhavanaṃ **bhāvo**, so ca kārakantarena asaṃsaṭṭho kevalo bhavanalavanādiko dhātvattho. Karīyatīti **kammaṃ**. Akammakāpi dhātavo sopasaggā sakammakāpi bhavanti, tasmā kammani anupubbā bhūdhātuto vattamānattanopadapaṭhamapurisekavacanam **te**.

“Dhātūhi ñe ñaya” iccādito “dhātūhī” ti vattamāne –

#### 445. Bhāvakkammesu yo.

Sabbadhātūhi paro bhāvakkammesu **yappaccayo** hoti. Attanopadavisayevāyamissate, “aññesu cā” ti sutte anuvattitavāggahaṇena **yappaccaye** vuddhi na bhavati, anubhūyate sukhaṃ devadattena.

Ākhyātena avuttattā, tatiyā hoti kattari;  
Kammassābhihitattā na, dutiyā paṭhamāvidha.

Anubhūyante sampattiyo tayā. Anubhūyase tvaṃ devadattena, anubhūyavhe tumhe. Ahaṃ anubhūye tayā, mayaṃ anubhūyāmhe.

“Kvaci dhātu” iccādito “kvacī” ti vattamāne –

#### 446. Attanopadāni parassapadattam.

Attanopadāni kvaci parassapadattamāpajante, akattariyevetaṃ. **Yakārassa** dvittam, anubhūyati mayā sukhaṃ, anubhūyate vā, anubhūyanti. Anubhūyasi, anubhūyatha. Anubhūyāmi, anubhūyāma. Dvittābhāve – anubhūyati, anubhūyanti.



**Kvacīti** kiṃ? Anubhūyate.

Bhāve adabbavuttino bhāvassekattā ekavacanameva, tañca paṭhamapurisasseva, bhūyate devadattena, devadattena sampati bhavananti attho.

Pacadhātuto kammani attanopade yappaccaye ca kate –

Vipariṇāmena ‘yassā’ ti vattamāne –

#### 447. Tassa cavaggayakāravakārattaṃ sadhātvantassa.

Tassa bhāvakkammavisayassa yappaccayassa cavaggayakāravakārattaṃ hoti dhātvantena saha yathāsambhavaṃ. Ettha ca ‘ivaṇṇāgamo vā’ ti ito sīhagatiyā vāsaddo anuvattetaḅbo, so ca vavattthitavibhāsatto. Tena –

Cavaggo ca ta vaggānaṃ, dhātvantānaṃ yavattanaṃ;  
Ravānañca sayappacca-yānaṃ hoti yathākkamanti.

Dhātvantassa cavaggādittā cakāre kate ‘paradvebhāvo ṭhāne’ ti cakārassa dvittaṃ. Paccate odano devadattena, ‘kvaci dhātū’ tiādinā garupubbarassato parassa paṭhamapurisabahuvacanassa kvaci re hoti. Paccare, paccante. Paccase, paccavhe. Pacce, paccāmhe.

Parassapādādesa paccati, paccanti. Paccasi, paccatha. Paccāmi, paccāma. Tathā kammakattari paccate odano sayameva, paccante. Paccati, paccanti vā iccādi.

Gamito kammani attanopade, yappaccaye ca kate –

‘Dhātūhi, tasmim, ye’ ti ca vattate.

#### 448. Ivaṇṇāgamo vā.

Sabbehi dhātūhi tasmim bhāvakkammavisaye yappaccaye pare ivaṇṇāgamo hoti vāti ikārāgamo. Vavattthitavibhāsattohoyam vāsaddo. Cchādeso, gacchīyate gāmo devadattena, gacchīyante. Gacchīyase, gacchīyavhe. Gacchīye, gacchīyāmhe.

Cchādesābhāve –

‘Dhātūhi, yo, vā’ ti ca vattate.

#### 449. Pubbarūpañca.

Heṭṭhānuttehi parassevedaṃ, tena kaṭapavaggayakāralasanteheva dhātūhi paro yappaccayo pubbarūpamāpajjate vāti makārā parassa yakārassa makāro. Gammate, gamīyate, gammante, gamīyante. Gammase, gamīyase, gammavhe, gamīyavhe. Gamme, gamīye, gammāmhe, gamīyāmhe.

Parassapadatte – gacchīyyati, gacchīyyanti. Gacchīyati, gacchīyanti vā. Gammati, gammanti. Gamīyati, gamīyanti. Ikārāgame gamīyyati, gamīyyanti. Tathā ghammīyati, ghammīyanti iccādi.

Vattamānāvibhatti.

#### 450. Pañcamī tu antu, hi tha, mi ma, taṃ antaṃ, ssvuho, e āmase.

Tvādayo dvādasa pañcamīsaññā honti.

#### 451. Āṇatyāsiṭṭhenuttakāle pañcamī.

Āṇatyatthe ca āsīsatthe anuttakāle **pañcamī**vibhatti hoti.

Satipi kālādhikāre puna **kālaggahaṇena** **vidhinimantanājjhesanānumatipatthanāpattakālādīsu** ca pañcamī. Āṇāpanamāṇatti, āsīsanamāsiṭṭho, so ca iṭṭhassa asampattassa atthassa patthanam, tasmim **āṇatyāsiṭṭhe**. Anu samīpe uttakālo **anuttakālo**, paccuppannakāloti attho, na uttakāloti vā anuttakālo, tasmim anuttakāle, kālamanāmasitvā hotīti attho.

Tattha **āsīsanatthe** bhūdhātuto pañcamīparassapadapaṭhamapurisekavacanam **tu**, appaccayavuddhiavādesā. So sukhī bhavatu, te sukhitā bhavantu.

Vipariṇāmena “akārato”ti vattate.

#### 452. Hilopaṃ vā.

Akārato paro **hivibhatti lopamāpajjate** vā. Tvaṃ sukhī bhava, bhavāhi vā, himhi dīgho. Tumhe sukhitā bhavatha. Ahaṃ sukhī bhavāmi, mayaṃ sukhino bhavāma.

**Attanopade** so sukhī bhavataṃ, te sukhitā bhavantaṃ. Tvaṃ sukhī bhavassu, tumhe sukhitā bhavavho. Ahaṃ sukhī bhava, mayaṃ sukhitā bhavāmase.

**Kammani** anubhūyataṃ tayā, anubhūyantaṃ. Anubhūyassu, anubhūyavho. Anubhūye, anubhūyāmase. **Parassapadatte** anubhūyyatu, anubhūyyantu. Anubhūyatu, anubhūyantu vā, anubhūyyāhi iccādi. **Bhāve** bhūyataṃ.

**Āṇattiyam kattari** devadatto dāni odanam pacatu, pacantu. Paca, pacāhi, pacatha. Pacāmi, pacāma. Pacataṃ, pacantaṃ. Pacassu, pacavho. Pace, pacāmase.

**Kammani** yappaccayacavaggādi, paccataṃ odano devadattena, paccantaṃ. Paccassu, paccavho. Pacce, paccāmase. **Parassapadatte** paccatu, paccantu. Pacca, paccāhi, paccatha. Paccāmi, paccāma.

Tathā so gāmaṃ gacchatu, gacchantu. Gaccha, gacchāhi, gacchatha. Gacchāmi, gacchāma. Gametu, gamentu. Gama, gamāhi, gametha. Gamemi, gamema. Gacchataṃ, gacchantaṃ. Gacchassu, gacchavho. Gacche, gacchāmase. **Ghammā**dese ghammatu, ghammantu iccādi.

**Kammani** gacchīyataṃ, gacchīyatu, gamīyataṃ, gamīyatu, gammataṃ, gammatu iccādi.

**Vidhimhi** idha pabbato hotu, ayaṃ pāsādo suvaṇṇamayo hotūtiādi.

**Nimantane** adhivāsetu me bhante bhagavā bhojanaṃ, idha nisīdatu bhavaṃ.

**Ajjhesane** desetu bhante bhagavā dhammaṃ.

**Anumatiyaṃ** pucchatu bhavaṃ pañhaṃ, pavisatu bhavaṃ, ettha nisīdatu.

**Patthanā** yācanā, dadāhi me gāmavarāni pañca, ekaṃ me nayanam dehi.

**Pattakāle** sampatto te kālo kaṭakaraṇe, kaṭam karotu bhavaṃ iccādi.

Pañcamīvibhatti.

**453. Sattamī eyya eyyūṃ, eyyāsi eyyātha, eyyāmiyyāma, etha eraṃ, etho eyyāvho, eyyameyyāmhe.**

Eyyādayo dvādasa **sattamī**saññā honti.

“Anuttakāle”ti vattate.

**454. Anumatiparikappatthesu sattamī.**

Anumatyatthe ca parikappatthe ca anuttakāle **sattamī**vibhatti hoti.

**Atthaggahaṇena vidhinimantanādīsu** ca **sattamī**. Kattumicchato parassa anujānaṃ **anumati**, parikappanaṃ **parikappo**, “yadi nāma bhaveyyā”ti sallakkhaṇaṃ nirūpanaṃ, hetukriyāya sambhave phalakriyāya sambhavaparikappo ca.

Tattha **parikappe** **sattamī**parassapadapaṭhamapurisekavacanaṃ **eyya**, appaccayavuddhādi purimasamaṃ, “kvaci dhātu vibhatti”tiādinā eyya eyyāsi eyyāmi eyyamiccetesamaṃ vikappena ekārādeso. So dāni kiṃ nu kho bhava, yadi so paṭhamavaye pabbajeyya, arahā bhaveyya, sace saṅkhārā niccā bhaveyyūṃ, na nirujjheyūṃ. Yadi tvaṃ bhaveyyāsi, tumhe bhaveyyātha. Kathamaṃ devo bhaveyyāmi, kiṃ nu kho mayaṃ bhaveyyāma. Tathā bhavetha, bhaveraṃ. Bhavetho, bhaveyyāvho.

**Patthane** tu ahaṃ sukhī bhava, buddho bhaveyyaṃ, bhaveyyāmhe.

**Kammaṇi** sukhaṃ tayā anubhūyetha, anubhūyeraṃ. Anubhūyetho, anubhūyeyyāvho. Anubhūye, anubhūyeyyaṃ, anubhūyeyyāmhe. **Parassapadatte** anubhūyeyya, anubhūyeyyūṃ. Anubhūyeyyāsi iccādi. **Bhāve** bhūyetha.

**Vidhimhi** so odanaṃ pace, paceyya, paceyyūṃ. Tvaṃ pace, paceyyāsi, tumhe paceyyātha. Ahaṃ pace, paceyyāmi, mayaṃ paceyyāma. Pacetha, paceraṃ. Pacetho, paceyyāvho. Pace, paceyyaṃ, paceyyāmhe.

**Kammaṇi** paccetha, pacceraṃ. Paccetho, paccyāvho. Pacce, paccyeyyaṃ, paccyeyyāmhe. **Parassapadatte** paccetha, paccyeyya, paccyeyyūṃ. Paccyeyyāsi iccādi.

**Anumatiyaṃ** so gāmaṃ gacche, gaccheyya, “kvaci dhātū”tiādinā **eyyussa** uṃ vā, gacchuṃ, gaccheyyūṃ. Tvaṃ gacche, gaccheyyāsi, gaccheyyātha. Gacche, gaccheyyāmi, gaccheyyāma. Game, gameyya, gamuṃ, gameyyūṃ. Game, gameyyāsi, gameyyātha. Game, gameyyāmi, gameyyāma. Gacchetha, gaccheraṃ. Gacchetho, gaccheyyāvho. Gacche, gaccheyyaṃ, gaccheyyāmhe. Gametha, gameraṃ iccādi.

**Kammaṇi** gacchīyetha, gamīyetha, gacchīyeraṃ, gamīyeraṃ iccādi. **Parassapadatte** gacchīyeyya, gamīyeyya, gammeyya, gammeyyūṃ iccādi. Tathā ghamme, ghammeyya, ghammeyyūṃ iccādi.

Sattamīvibhatti.

Paccuppanāṇattiparikappakālikavibhattinayo.

**455. Hiyyattanī āū, ottha, aṃmhā, tthatthuṃ, sevhaṃ, iṃmhase.**

Āādayo dvādasa **hiyyattanī**saññā honti.

“Appaccakkhe, atīte”ti ca vattate.

**456. Hiyyopabhuti paccakkhe hiyyattanī.**

Hiyyopabhuti atīte kāle paccakkhe vā appaccakkhe vā **hiyyattanī**vibhatti hotīti hiyyattanīparassapadapaṭhamapurisekavacanamañ **ā**.

“Kvaci dhātu”iccādito “kvaci, dhātūna”nti ca vattate.

**457. Akārāgamo hiyyattanī ajjatanīkālātipattīsu.**

Kvaci dhātūnamādimhi akārāgamo hoti **hiyyattanīajjatanīkālātipattī**iccetāsu tīsu vibhattīsu. Kathamayamakārāgamo dhātvādimhīti ce?

Satissarepi dhātvante, punakārāgamassidha;  
Niratthattā payogānu rodhā dhātvādito ayaṃ.

Appaccayavuddhiavādesasaralopādi vuttanayameva.

Abhavā, abhavū. Abhavo, “kvaci dhātū”tiādinā **okārassa aādeso vā**, abhava, abhavattha. Abhavaṃ, abhavamhā. Abhavattha, abhavatthum. Abhavase, abhavavhaṃ. Abhaviṃ, abhavamhase.

**Kammani yappaccayo**, tayā sukhamanvabhūyattha, **akārāgamābhāve** anubhūyattha, “kvaci dhātū”tiādinā **tthassa thādeso**, anvabhūyatha, anubhūyatha, anvabhūyatthum, anubhūyatthum. Anvabhūyase, anubhūyase, anvabhūyavhaṃ, anubhūyavhaṃ. Anvabhūyiṃ, anubhūyiṃ, anvabhūyamhase, anubhūyamhase. **Parassapadatte** anvabhūyā, anubhūyā iccādi. **Bhāve** anvabhūyattha.

Tathā so odanaṃ apacā, pacā, apacū, pacū. Apaco, paco, apacattha, pacattha. Apacaṃ, pacam, apacamhā, pacamhā. Apacattha, pacattha, apacatthu, pacatthum. Apacase, pacase, apacavhaṃ, pacavhaṃ. Apaciṃ, paciṃ, apacamhase, pacamhase.

**Kammani** apaccatha, apaccattha, apaccatthum. Apaccase, apaccavhaṃ. Apaciṃ, apaccamhase. Apaccā, apaccū iccādi.

Tathā agacchā, agacchū. Agaccho, agaccha, agacchattha. Agacchaṃ, agacchamhā. Agacchattha, agacchatthum. Agacchase, agacchavhaṃ. Agacchiṃ, agacchamhase. Agamā, agamū. Agamo, agama, agamattha. Agamaṃ, agamamhā. Agamattha, agamatthum. Agamase, agamavhaṃ. Agamiṃ, agamamhase.

**Kammani** agacchīyattha, gacchīyattha, agamīyattha, gamīyattha, agacchīyatthum, gacchīyatthum, agamīyatthum, gamīyatthum iccādi. Tathā aghammā, aghammū iccādi.

Hiyyattanīvibhatti.

**458. Hiyyattanī sattamī pañcamī vattamānā sabbadhātukaṃ.**

**Hiyyattanā**dayo catasso vibhattiyo **sabbadhātukasaññā** hontīti hiyyattanādīnaṃ sabbadhātukasaññattā “ikārāgamo asabbadhātukamhī”ti vutto **ikārāgamo** na bhavati.

Sabbadhātukaṃ.

**459. Parokkhā a u, e ttha, aṃ mha, ttha re, tho vho, iṃmhe.**

Aādayo dvādasa **parokkhā**saññā honti. Akkhānaṃ indriyānaṃ paraṃ parokkhā, taddīpakattā

ayaṃ vibhatti **parokkhā**ti vuccati.

#### 460. Apaccakkhe parokkhāte.

Apaccakkhe vattuno indriyāvisayabhūte atīte kāle **parokkhā**vibhatti hoti. Atikkamma itoti **atīto**, hutvā atikkantoti attho.

Heṭṭhā vuttanayena parokkhāparassapadapaṭhamapurisekavacanāṃ a. “Bhū a” itīdha –

Vipariṇāmena “dhātūna”nti vattate.

#### 461. Kvacādivaṇṇānamekassarānaṃ dvebhāvo.

Dhātūnamādibhūtānaṃ vaṇṇānamekassarānaṃ kvaci dvebhāvo hoti. Vavatthitavibhāsathoyāṃ **kvacisaddo**, tena –

Kha cha sesu parokkhāyaṃ, dvebhāvo sabbadhātunaṃ;  
Appaccaye juhotyādi-ssapi kiccādike kvaci.

“Bhū bhū a” itīdha –

#### 462. Pubbobbhāso.

Dvebhūtassa dhātussa yo pubbo avayavo, so **abbhāsasañño** hotīti abbhāsasaññā.

**Abbhāsaggahaṇa**manuvattate.

#### 463. Antassivaṇṇākāro vā.

Abbhāsassa antassa ivaṇṇo hoti vā, **akāro** ca. Vavatthitavibhāsathoyāṃ **vāsaddo**. Tena –

Kha cha sesu avaṇṇassa,  
Ikāro sagupussa ī;  
Vāssa bhūssa parokkhāyaṃ,  
Akāro nāparassimeti.

Ūkārasa **akāro**.

#### 464. Dutiyacatutthānaṃ paṭhamatatiyā.

Abbhāsagatānaṃ dutiyacatutthānaṃ vaggabyañjanānaṃ yathākkamaṃ paṭhamatatiyā hontīti **bhakārassa** **bakāro**.

#### 465. Brūbhūnamāhabhūvā parokkhāyaṃ.

**Brūbhū**iccetesāṃ dhātūnaṃ **āhabhū**vaiccete ādesā honti parokkhāvibhattiyanti **bhū**saddassa **bhūva**ādeso, “saralopo mādesappaccayādīmhi” tiādīnā saralopādi, so kira rājā babhūva, te kira babhūvu. Tvaṃ kira babhūve.

“Dhātūhī” ti vattate, sīhagatiyā **kvaciggahaṇa**ñca.

#### 466. Ikārāgamo asabbadhātukamhi.

Sabbasmim̐ asabbadhātukamhi pare kvaci dhātūhi paro ikārāgamo hoti.

Asabbadhātuke byañja-nādimhe vāyamāgamo;  
Kvacādhikārato byañja-nādoṇi kvaci no siyā.

Ettha ca “na sabbadhātukaṃ asabbadhātuka”miti katvā “hiyyattanī sattamī pañcamī vattamānā sabbadhātuka”nti hiyyattanīdīnaṃ sabbadhātukasaññāya vuttattā tadaññā catasso vibhattiyo asabbadhātukanti vuccati.

Tumhe kira babbhūvittha. Ahaṃ kira babbhūvaṃ, mayaṃ kira babbhūvimha. **Attanopade** so babbhūvittha, babbhūvire. Babbhūvittho, babbhūvivho. Babbhūviṃ, babbhūvimhe.

**Kammani** attanopade ikārāgamayappaccayikārāgamā, anubabbhūvīyittha, yappaccayassa asabbadhātukamhi “kvaci dhātū”tiādinā lope kate ivaññāgamo na bhavati, tayā kira anubabbhūvittha, anubabbhūvire iccādi. **Bhāve** babbhūvīyittha, babbhūvittha vā.

Tathā papaca, papacū. Papace, papacittha. Papacaṃ, papacimha. Papacittha, papacire. Papacittho, papacivho. Papaciṃ, papacimhe.

**Kammani** papacittha, papacire iccādi. Tathā apacca, apaccū iccādi.

Gamimhi “kvacādivaṇṇāna”ntiādinā dvebhāvo, “pubbobbhāso”ti abbhāsasaññā.

“Abbhāse”ti vattate.

#### 467. Kavaggassa cavaggo.

Abbhāse vattamānassa kavaggassa cavaggo hotīti vakārassa jakāro, “kvaci dhātū”tiādinā anabbhāsassa paṭhamapurisekavacanamhi dīgho. So gāmaṃ jagāma kira, jagama vā, jagamu. Jagame, jagamittha. Jagamaṃ, jagamimha. Jagamittha, jagamire. Jagamittho, jagamivho. Jagamiṃ, jagamimhe.

**Kammani** jagamīyittha, jagamittha vā iccādi.

Parokkhāvibhatti.

#### 468. Ajjatanī ī uṃ, o ttha, iṃ mhā, ā ū, se vhaṃ, amhe.

Īdayo dvādasa **ajjatanī**saññā hontī. Ajja bhavo ajjatano, taddīpakattā ayaṃ vibhatti **ajjatanī**ti vuccati.

“Apaccakkhe, atīte, paccakkhe”ti ca vattate.

#### 469. Samīpejjatanī.

**Samīpe** samīpato paṭṭhāya ajjappabhuti atīte kāle paccakkhe ca apaccakkhe ca **ajjatanī**vibhatti hotīti ajjatanīparassapadapaṭhamapurisekavacanaṃ ī.

Pure viya akārāgamo, vuddhādi ca, “kvaci dhātuvibhattī”tiādinā **imhā**divibhattīnaṃ kvaci rassattaṃ, **oā**vacanaṃ **ittha**amādesā ca, saralopādi, so abhavi, abhavī vā, akārāgamābhāve bhavi.

Maṇḍūkagatiyā “vā”ti vattate.

#### 470. Sabbato uṃ iṃ su.

Sabbehi dhātūhi ṃvibhattissa **ṃsvādeso** hoti vā.

Te abhaviṃsu, bhaviṃsu vā, abhavuṃ, bhavuṃ vā. Tvaṃ abhavi, bhavi vā, abhavo, bhavo vā, tumhe abhavittha, bhavittha vā, **ikārāgamo**. Ahaṃ abhaviṃ, bhaviṃ vā, mayaṃ abhaviṃha, bhaviṃha vā, abhaviṃhā, bhaviṃhā vā. So abhavittha, bhavittha vā, abhavā, bhavā vā, abhavū, bhavū vā. Abhavise, bhavise vā, abhavivhaṃ, bhavivhaṃ vā. Abhavaṃ, bhavaṃ vā, abhava, bhava vā, abhaviṃhe, bhaviṃhe vā.

**Kammani** yappaccayalope vuddhiavādesādi, sukhaṃ tayā anubhavittha, anvabhūyittha, anubhūyittha vā iccādi. **Parassapadatte** tayā anvabhūyi, anubhūyi, anvabhūyī, anubhūyī vā, anvabhūyiṃsu, anubhūyiṃsu, anvabhūyuṃ, anubhūyuṃ. Tvaṃ anvabhūyi, anubhūyi, tumhe anvabhūyittha, anubhūyittha. Ahaṃ anvabhūyiṃ, anubhūyiṃ, mayaṃ anvabhūyiṃha, anubhūyiṃha, anvabhūyiṃhā, anubhūyiṃhā vā. **Bhāve** abhavittha, abhūyittha tayā.

So apaci, paci, apacī, pacī vā, te apaciṃsu, paciṃsu, apacuṃ, pacuṃ. Tvaṃ apaci, paci, apaco, paco vā, tumhe apacittha, pacittha. Ahaṃ apaciṃ, paciṃ, mayaṃ apaciṃha, paciṃha, apaciṃhā, paciṃhā vā. So apacittha, pacittha, apacā, pacā vā, apacū, pacū. Apacise, pacivhaṃ. Apacaṃ, pacacā, apaca, paca vā, apaciṃhe, paciṃhe.

**Kammani** apacittha, pacittha iccādi. **Parassapadatte** apacci, pacci, apaccī, paccī vā, apacciṃsu, pacciṃsu, apaccuṃ, paccuṃ. Apacci, pacci, apacco, pacco vā, apaccittha, pacittha. Apacciṃ, pacciṃ, apaccimha, paccimha, apaccimhā, paccimhā vā.

So gāmaṃ agacchī, gacchī, agacchi, gacchi vā, te agacchiṃsu, gacchiṃsu, agacchuṃ, gacchuṃ. Tvaṃ agacchi, gacchi, agaccho, gaccho vā, tumhe agacchittha, gacchittha. Ahaṃ agacchiṃ, gacchiṃ, mayaṃ agacchimha, gacchimha, agacchimhā, gacchimhā vā.

“Kvaci dhātū”tiādinā ajjatanimhi gamissa **cchassa** kvaci **ñchādeso**, agañchi, gañchi, agañchī, gañchī vā, te agañchiṃsu, gañchiṃsu, agañchuṃ, gañchuṃ. Tvaṃ agañchi, gañchi, agañcho, gañcho vā, tumhe agañchittha, gañchittha. Ahaṃ agañchiṃ, gañchiṃ, mayaṃ agañchimha, gañchimha, agañchimhā, gañchimhā vā.

**Cchādesābhāve** so agami, gami, agamī, gamī vā, “karassa kāsattamajjatanimhī”ti ettha **bhāvaniddesena**, “sattamajjatanimhī”ti yogavibhāgena vā **sāgame** “kvaci dhātū”tiādinā byañjanato **ākārāgamo**, agamāsi, ṃvacanassa kvaci **ṃsvādeso**, **ucāgamo** **tthamhesu** kvaci, agamiṃsu, gamiṃsu, agamaṃsu, gamaṃsu, agamuṃ, gamuṃ, tvaṃ agami, gami, agamo, gamo vā, agamittha, gamittha, agamuttha, gamuttha. Ahaṃ agamiṃ, gamiṃ, agamimha, gamimha, agamumha, gamumha, agamimhā, gamimhā vā.

“Kvaci dhātū”tiādinā gamissa ajjatanimhi **gādeso** ca, so ajjhagā, paralopo, te ajjhaguṃ. Tvaṃ ajjhago, tumhe ajjhaguttha. Ahaṃ ajjhagiṃ, mayaṃ ajjhagumha.

**Attanopade** so agacchittha, gacchittha, agañchittha, gañchittha iccādi. **Cchādesābhāve** so agamittha, gamittha, agamā, gamā, te agamū, gamū, ajjhagū, agū. Tvaṃ agamise, gamise, agamivhaṃ, gamivhaṃ. Ahaṃ agamaṃ, gamaṃ, agama, gama, ajjhagaṃ vā, agamimhe, gamimhe.

**Kamme** gāmo agacchīyittha tena, gacchīyittha, agañchīyittha, gañchīyittha, agamīyittha, gamīyittha, agamittha, gamittha iccādi. **Parassapadatte** agacchīyi, gacchīyi vā, agamīyi, gamīyi vā, agacchīyuṃ, agamīyuṃ vā. Tathā aghammīyi, aghammīyiṃsu iccādi.

“Hiyattanī, ajjatanī”ti ca vattate.

**471. Māyoge sabbakāle ca.**

Yadāmāyogo, tadā **hiyyattanajjatanī**vibhattiyo sabbakālepi honti, **casaddena pañcamī** ca. Mā bhavati, mā bhavā, mā bhavissatī vā atthe hiyyattanajjatanīpañcamī vibhattiyo, sesaṃ neyyaṃ, so mā bhavā, mā bhavī, mā te bhavantvantarāyā. Mā pacā, mā pacī, mā pacatu. Mā gacchā, mā gacchī, mā gacchatu. Mā kañci pāpamāgamā, mā agamī, mā gamā, mā gamī, mā gametu. Tvaṃ mā gaccho, mā gacchi, mā gacchāhi iccādi.

Atītakālikavibhatti.

**472. Bhavissantī ssati ssanti, ssasi ssatha, ssāmissāma, ssate ssante, ssase ssavhe, ssaṃssāmhe.**

Ssatyādīnaṃ dvādasannaṃ vacanānaṃ **bhavissantī**saññā hoti. Bhavissatī bhavissanto, taṃkāladīpakattā ayaṃ vibhatti **bhavissantī**ti vuccati.

**473. Anāgate bhavissantī.**

Anāgate kāle **bhavissantī**vibhatti hoti.

Atītepi bhavissantī, taṃkālavacanicchayā;  
“Anekajātisaṃsāraṃ, sandhāvissa”ntiādisu.

Na āgato **anāgato**, paccayasāmaggiyaṃ sati āyatim̐ uppajjanārahoti attho, **ikārāgamo**, vuddhiavādesā, saralopādi ca.

Bhavissati, bhavissantī. Bhavissasi, bhavissatha. Bhavissāmi, bhavissāma. Bhavissate, bhavissante. Bhavissase, bhavissavhe. Bhavissaṃ, bhavissāmhe.

**Kamme** yappaccayalopo, sukhaṃ tayā anubhavissate, anubhavissante. Anubhavissase, anubhavissavhe. Anubhavissaṃ, anubhavissāmhe. **Parassapadatte** anubhavissati devadattena, anubhavissantī iccādi. **Bhāve** bhavissate tena, **yappaccayalopābhāve** anubhūyissate, anubhūyissante iccādi. **Bhāve** bhūyissate.

Tathā pacissati, pacissantī. Pacissasi, pacissatha. Pacissāmi, pacissāma. Pacissate, pacissante. Pacissase, pacissavhe. Pacissaṃ, pacissāmhe.

**Kamme** paccissate odano devadattena, paccissante iccādi. **Parassapadatte** paccissati, paccissantī. Paccissasi, paccissatha. Paccissāmi, paccissāma.

Gacchissati, gacchissantī. Gacchissasi, gacchissatha. Gacchissāmi, gacchissāma. Gacchissate, gacchissante. Gacchissase, gacchissavhe. Gacchissaṃ, gacchissāmhe. So saggamaṃ gamissati, gamissantī. Gamissasi, gamissatha. Gamissāmi, gamissāma iccādi.

**Kamme** gacchīyissate, gacchīyissante. Gacchīyissati, gacchīyissantī vā, gamīyissate, gamīyissante. Gamīyissati, gamīyissantī vā iccādi. **Yappaccayalope** gamissate, gamissante. Gamissati, gamissantī vā. Tathā ghammissati, ghammissanti iccādi.

Bhavissantīvibhatti.

**484. Kālātipatti ssā ssaṃsu, sse ssatha, ssaṃssāmhā, ssatha ssiṣu, ssase ssavhe, ssiṃssāmhase.**

Ssādīnaṃ dvādasannaṃ **kālātipatti**saññā hoti. Kālassa atipatanaṃ kālātipatti, sā pana viruddhapaccayūpanipātato, kāraṇavekallato vā kriyāya anabhinibbatti, taddīpakattā ayaṃ vibhatti **kālātipattī**ti vuccati.



#### 475. Kriyātipannetīte kālātipatti.

Kriyātipannamatte atīte kāle **kālātipattivibhatti** hoti. Kriyāya atipatanam **kriyātipannam**, tam pana sādhakasattivirahena kriyāya accantānuppatti. Ettha ca kiñcāpi na kriyā atītasaddena voharitabbā, tathāpi takkiriyyuppattippaṭibandhakakriyāya kālābhedenā atītavohāro labbhatevāti daṭṭhabbam.

Kālātipattiparassapadapaṭhamapurisekavacanam **ssā**, akārikārāgamā, vuddhiavādesā ca, “kvaci dhātū”tiādīnā **ssā ssāmhā**vibhattīnam kvaci rassattam, **sse**vacanassa ca **attam**.

So ce paṭhamavaye pabbajjam alabhissa, arahā abhavissa, bhavissa, abhavissā, bhavissāvā, te ce tam alabhissamsu, arahanto abhavissamsu, bhavissamsu. Evaṃ tvam abhavissa, bhavissa, abhavisse vā, tumhe abhavissatha, bhavissatha. Aham abhavissam, bhavissam, mayam abhavissamha, bhavissamha, abhavissāmhā, bhavissāmhā vā. So abhavissatha, abhavissisu. Abhavissase, abhavissavhe. Abhavissim, abhavissāmhase.

**Kamme** anvabhavissatha, anvabhavissisu. Anvabhūyissatha vā iccādi. **Parassapadatte** anvabhavissa, anvabhavissamsu. Anvabhūyissa vā iccādi. **Bhāve** abhavissatha devadattena, abhūyissatha.

Tathā so ce tam dhanam alabhissa, odanam apacissa, pacissa, apacissā, pacissā vā, apacissamsu, pacissamsu. Apacissa, pacissa, apacisse, pacisse vā, apacissatha, pacissatha. Apacissam, pacissam, apacissamha, pacissamha, apacissāmhā, pacissāmhā vā. Apacissatha, pacissatha, apacissisu, pacissisu. Apacissase, pacissase, apacissavhe, pacissavhe. Apacissim, pacissim, apacissāmhase, pacissāmhase.

**Kamme** apacissatha odano devadattena, apacissisu. **Yappaccayalopābhāve** apacīyissatha iccādi. **Parassapadatte** apacissa tena, paccissa, apacissā, paccissā vā, apacissamsu, paccissamsu iccādi.

So agacchissa, gacchissa, agacchissā, gacchissāvā, agacchissamsu, gacchissamsu. Tvam agacchissa, gacchissa, agacchisse, gacchisse vā, agacchissatha, gacchissatha. Agacchissam, gacchissam, agacchissamha, gacchissamha, agacchissāmhā, gacchissāmhā vā. Agamissa, gamissa, agamissā, gamissā vā, agamissamsu, gamissamsu. Agamissa, gamissa, agamisse vā, agamissatha, gamissatha. Agamissam, gamissam, agamissamha, gamissamha, agamissāmhā, gamissāmhā vā. Agacchissatha, gacchissatha vā iccādi.

**Kamme** agacchīyissatha, agamīyissatha, agacchīyissa, agamīyissaiccādi. Tathā aghammissā, aghammissamsu iccādi.

Kālātipattivibhatti.

Pañcamī sattamī vatta-mānā sampatīnāgate;  
Bhavissantī parokkhādī, catassotītakālikā.

Chakālikavibhattividhānam.

**Vikaraṇavidhāna**

**Isu** icchākantīsu, pure viya dhātvantalopo, **tyādyuppatti**, appaccayo ca.

“Dhātūna”nti vattamāne –

**476. Isuyamūnamanto ccho vā.**

**Isuyamu**iccesam dhātūnaṃ anto **ccho** hoti vā. Vavatthitavibhāsattthoyam **vāsaddo**, “anto ccho vā”ti yogavibhāgena **āsassapi**. So saggam icchati, icchanti. Icchasi, icchatha. Icchāmi, icchāma. **Cchādesābhāve** asaṃyogantattā “aññesu cā”ti vuddhi, esati, esanti iccādi.

**Kamme** attanopadassa yebhuyyena parassapadattameva payojīyati, tena cettha attanopade rūpāni saṅkhipissāma. So icchīyati, esīyati, issate, issati, **yakārassa** pubbarūpattam. Tathā icchatu, esatu. Iccheyya, eseyya. Parokkhāhiyyattanīsu pana rūpāni sabbattha payogamanugamma payojetabbāni, icchi, esi. Icchissati, esissati. Icchissā, esissā icchādi.

**Yamu** uparame, **nipubbo**, **cchādeso** ca. Niyacchati, niyacchanti. Niyamati, niyamanti. **Sampubbo** “saye cā”ti **ñattam**, dvittaṅga. Saññamati, saññamanti.

**Kamme** niyacchīyati, niyamīyati, niyammati, saññamīyati vā. Tathā niyacchatu, saññamatu. Niyaccheyya, saññameyya. Niyacchī, saññamī. Niyacchissati, saññamissati. Niyacchissa, saññamissa iccādi.

**Āsa** upavesane, yogavibhāgena **cchādeso**, rassattam. Acchati, acchanti. Acchasi, acchatha. Acchāmi, acchāma. Aññatra **upapubbo** upāsati, upāsanti. Acchīyati, upāsīyati. Acchatu, upāsatu. Accheyya, upāseyya. Acchī, upāsī. Acchissati, upāsissati. Acchissa, upāsissa iccādi.

**Labha** lābhe, labhati, labhanti. Labhasi, labhatha. Labhāmi, labhāma. Labhate, labhante. Labhase, labhavhe. Labhe, labhāmhe.

**Kamme yakārassa** pubbarūpatte kate “kvaci dhātū”tiādinā purimabhakārassa **bakāro**, labbhate, labbhante. Labbhati, labbhanti. Labbhatam, labbhatu. Labbhe, labbheyya.

Ajjatanimhi “vā, antalopo”ti ca vattamāne –

#### 477. Labhasmā ī imnaṃ tthattham.

**Labhaiccetasmā** dhātuto paresam īimnaṃ vibhattīnaṃ **ttha ttham**iccete ādesā honti vā, dhātvantassa lopo ca. Alatta, alabhi, labhi, alabhiṃsu, labhiṃsu. Alabho, labho, alabhi, labhi, alabhittha, labhittha. Alattam, alabhiṃ, labhiṃ, alabhimha, labhimha iccādi.

Bhavissantimhi “karassa sappaccayassa kāho”ti ettha **sappaccayaggahaṇena vaca muca bhujādito ssassakhādeso, vasa chida labhādito chādeso** ca vā hotīti **ssassa chādeso**, “byañjanantassa co chappaccayesu cā”ti dhātvantassa **cakāro**, lacchati, lacchanti. Lacchasi, lacchatha. Lacchāmi, lacchāma. **Chādesābhāve** labhissati, labhissanti. Labhissasi, labhissatha. Labhissāmi, labhissāma iccādi. Alabhissa, alabhissamsu iccādi.

**Vaca** viyattiyam vācāyam, vacati, vacanti. Vacasi, vacatha. Vacāmi, vacāma.

**Kamme** attanopade, **yappaccaye** ca kate –

#### 478. Vaca vasa vahādīnamukāro vassa ye.

**Vaca vasa vahaiccevamādīnaṃ** dhātūnaṃ **vakārassa ukāro** hoti **yappaccaye** pare, **ādisaddena vadḍhassa** ca. “Vassa a va”iti samāsenā dutiyañcetta **vaggahaṇam** icchitabbam, tena **akārassapi ukāro** hoti, purimapakkhe paralopo. “Tassa cavagga”iccādinā sadhātvantassa **yakārassa cakāro**, dvittam. Uccate, uccante. Vuccate, vuccante. Vuccati, vuccanti vā iccādi. Tathā vacatu, vuccatu. Vaceyya, vuceyya. Avacā, avaccā, avacū, avaccū. Avaca, avaco, avacuttha. Avaca, avacam, avacamhā. Avacuttha iccādi.

#### 479. Vacassajjatanimhi makāro o.

**Vaca**iccetassa dhātussa **akāro ottamāpajjate** ajjatanimhi vibhattimhi. Avoci, avocum. Avoco, avocuttha. Avociṃ, avocumha, **ukārāgamo**. Avoca, rassattam, avocu iccādi. Avuccittha.

Bhavissantimhi **sappaccayaggahaṇena ssassa khādeso**, “byañjanantassā”ti vattamāne “ko khe cā”ti dhātvantassa **kādeso**, vakkhati, vakkhanti. Vakkhasi, vakkhatha. Vakkhāmi, vakkhāma iccādi.

**Vasa** nivāse, vasati, vasanti.

**Kamme uttam**, pubbarūpattaṅca vussati, vussanti iccādi. Vasatu. Vaseyya. Avasi, vasi.

Bhavissantiyam **ssassa chādeso**, dhātvantassa **cakāro ca**, vacchati, vacchanti. Vacchasi, vacchatha. Vacchāmi, vacchāma. Vasissati, vasissanti. Avasissa, avasissamsu.

Tathā **ruda** assuvimocane, rodati, rucchati. Rodissati iccādi.

**Kusa** akkose, āpubbo dvittarassattāni, **appaccayavuddhiyo ca**. Akkosati. Akkosatu. Akkoseyya.

“Antalopo”ti vattate, maṇḍūkagatiyā “vā”ti ca.

#### 480. Kusasmā dī cchi.

**Kusa** iccetasmā dhātuto īvibhattissa **chīādeso** hoti, dhātvantassa lopo ca. Akkocchi mam, akkosi vā. Akkosissati. Akkosissa iccādi.

**Vaha** pāpuṇane, vahati, vahanti.

**Kamme** attanopade, **yappaccaye ca kate** –

“Ye”ti vattate.

#### 481. Ha vipariyayo lo vā.

**Hakārassa** vipariyayo hoti **yappaccaye pare, yappaccayassa ca lakāro** hoti vā. Vavatthitavibhāsathoyam **vāsaddo**, tena “gayhatī”tiādīsu **lattam** na hoti, nimittabhūtassa **yakārassevetam lattam**, “vacavasa”iccādinā uttam. Vuyhati, vulhati, **vuyhanti**. Vahatu, vuyhatu. Vaheyya, vuyheyya. Avahī, avuyhittha, avahittha. Avahissati, vuyhissati. Avahissa, avuyhissa iccādi.

**Jara** vayohānimhi.

#### 482. Jaramarānam jīrajīyamīyyā vā.

**Jaramara** iccetesam dhātūnam **jīrajīyamīyyādesā** honti vā, saralopādi. Jīrati, jīranti. Jīyati, jīyanti. “Kvacā”disuttana ekayakārassa kvaci lopo hoti. Jīyati, jīyanti.

**Kamme** jīrīyati, jīrīyanti. Jīyiyati, jīyiyanti. Jīratu, jīyatu. Jīreyya, jīyeyya. Ajīrī, jīrī, jīyī. Jīrissati, jīyissati. Ajīrissa, ajīyissa.

**Mara** pāṇacāge, **mīyyādeso**, mīyyati, mīyyanti. Mīyati, mīyanti vā. Marati, maranti iccādi.

**Disa** pekkhaṇe.

#### 483. Disassa passa dissa dakkhā vā.

**Disa**iccetassa dhātussa **passa dissa dakkha**iccete ādesā honti vā. Vavatthitavibhāsathoyam vāsaddo, tena **dissā**deso kammani sabbadhātuke eva. Passati, passanti. Dakkhati, dakkhanti.

**Kammani yakā**ralopo, dissate, dissante. Dissati, dissanti. Vipassīyati, dakkhīyati. Passatu, dakkhatu, dissatu. Passeyya, dakkheyya, disseyya.

**Hiyattaniyam** “kvaci dhātū”’tiādīnā dhātuikārassa **attam**, addasā, addasa. **Kammani** adissa.

Tathā apassi, passi, apassim̐su, passim̐su. Apassi, passi, apassittha, passittha. Apassim̐, passim̐, apassimha, passimha. Addasi, dasi, addasaṃsu, dasaṃsu. **Kammani** adissaṃsu. Addakkhī, addakkhim̐su.

Passissati, passissanti. “Bhavissantimhi ssassa cā”’ti yogavibhāgena **ssassa** lopo, **ikārā**gamo ca, dakkhiti, dakkhinti. Lopābhāve dakkhissati, dakkhissanti. Apassissa, adakkhissa iccādi.

**Sada** visaraṇagatyāvasānesu.

“Sabbathā”’ti vattate, maṇḍūkagatiyā “kvacī”’ti ca.

#### 484. Sadassa sīdattam.

**Sada**iccetassa dhātussa **sīdā**deso hoti sabbattha vibhattippaccayesu kvaci. Sesam̐ neyyam̐. Nisīdati, nisīdanti. **Bhāve** nisajjate, idha kvacādhikārena **sīdā**-deso na bhavati. Nisīdatu. Nisīde. Nisīdi. Nisīdissati. Nisīdissa iccādi.

**Yaja** devapūjāsaṅgatarāṇadānesu. Yajati, yajanti.

**Kammani** “yamhī”’ti vattate.

#### 485. Yajassādissi.

**Yaja**iccetassa dhātussa ādissa **yakā**rassa **ikārā**deso hoti **yappaccaye** pare, saralopo. Ijjate mayā buddho. Tathā yajatu, ijjatam̐. Yaje, ijjetha. Yaji, ijjittha. Yajissati, ijjissate. Yajissa, ijjissatha iccādi.

**Vada** viyattiyam̐ vācāyam̐, **tyādy**uppatti, **appaccayo** ca.

“Vā”’ti vattate.

#### 486. Vadassa vajjam.

**Vada**iccetassa dhātussa sabbassa **vajjā**deso hoti vā sabbāsu vibhattīsu. Vibhatyādhikārattā cettha sabbāsūti atthato siddham̐.

“Vā”’ti vattate.

#### 487. Lopañcettamakāro.

**Bhūvādito** paro **appaccayo ettamā**pajjate, lopañca vā. Vikaraṇakāriyavidhippakaraṇato cettha akāroti **appaccayo** gayhati.

Bhūvādito juhotyādi-to ca **appaccayo** paro;  
Lopamāpajjate nāñño, vavatthitavibhāsato.

Appaccayassa ekāro, saralopādi, vajjeti, vadeti, vadati, **antimhi** –

#### 488. Kvacī dhātuvibhattippaccayānaṃ dīghaviparītādesalopāgamā ca.

Idha dhātvādhikāre ākhyāte, kitake ca avihitalakkhaṇesu payogesū kvacī dhātūnaṃ, tyādivibhattīnaṃ, dhātuvihitappaccayānaṃ dīghatabbiparītādesalopāgamaiccetāni kāriyāni jīnavacanānurūpato bhavanti. Tattha –

Nāmi rasso kiyādīnaṃ, saṃyoge caññadhātunaṃ;  
Āyūnaṃ vā vibhattīnaṃ, mhā, ssāntassa ca rassatā.

Gamito cchassa ṅho vāssa, gamissajjatanimhi gā;  
Ucāgamo vā tthamhesu, dhātūnaṃ yamhi dīghatā.

Eyyeyyāseyyāmettaṅga, vā ssettaṅga pāpuṅṅe;  
Okāra attamittaṅga, āthā papponti vā tthathe.

Tathā brūtoti antīnaṃ, au vāha ca dhātuyā;  
Parokkhāya vibhattimhi, anabbhāsassa dīghatā.

Saṃyoganto akārettha, vibhattippaccayādi tu;  
Lopa māpajjate nicca-mekārokārato paroti.

Ekārato parassa **anti**kārassa lopo, vajjenti, vadenti, vadanti. Vajjesi, vadesi, vadasi, vajjetha, vadetha, vadatha. Vajjemi, vajjāmi, vademi, vadāmi, vajjema, vadema, vajjāma, vadāma.

**Kammani** vajjīyati, vajjīyanti. Vajjati, vajjanti. Vadīyati vā. Vajjetu, vadetu, vadatu.  
Vajje, vajjeyya, vade, vadeyya, vajjeyyūṃ, vadeyyūṃ. Vajjeyyāsi, vajjesi, vadeyyāsi. Avadi, vadi, vadiṃsu. Vadissati, vadissanti. Avadissa iccādi.

**Kamu** padavikkhepe, appaccaye kate “kvacādivaṇṇānamekassarānaṃ dvebhāvo”ti dvittamaṃ, kavaggassa cavaggo.

**Abbhāsaggahaṇamantaggahaṇam, vāggahaṇaṅga** vattate.

#### 489. Niggahītaṅga.

Abbhāsante **niggahīta**ṅgāgamo hoti vā. Vavatthitavibhāsattahoyamaṃ vāsaddo, tena kamādīnamevetamaṃ. Caṅkamati, caṅkamanti iccādi. Kamati, kamanti iccādi.

**Cala** kampane, caṅcalati, calati.

**Cala** dalane, daddallati.

**Jhecintāyamaṃ, appaccaye** “o, sare, e”ti ca adhikicca “te āvāyā”ti yogavibhāgena akāritepi ekārassa āyādeso, jhāyati, jhāyanti iccādi, visesavidhānaṃ.

Avuddhikabhūvādinayo.

**Tuda** byathane, tyādyuppatti appaccayo, “aṅṅesu cā”ti etthānuvattita vāggahaṇena tudādīnaṃ vuddhiabhāvova viseso, tudati, tudanti. Tudasi, tudatha. Tudāmi, tudāma.

**Kamme** “tassa cavagga”iccādīnā sadakārassa yappaccayassa jakāro dvittamaṃ, tujjate, tujjante. Tujjati, tujjanti, tujjare vā. Tathā tudatu, tudantu. Tude, tudeyya, tudeyyūṃ. Atudī, tudīṃsu. Atudī,

atudittha. Atudiṃ, atudimha. Atujjittha, atujji. Tudissati. Atudissa iccādi.

**Visa** pavesane **papubbo**, so gāmaṃ pavisati, pavisanti. Pavisasi, pavisatha. Pavisāmi, pavisāma.

**Kamme** pavisiyyate, pavisiyyante. Pavisiyyati, pavisiyyanti. Pavissate vā. Tathā pavisatu, pavisantu. Paviseyya. Pāvisi, pavisi, pāvekkhi pathaviṃ, “kvaci dhātū”tiādinā ajjatanimhi **visassa** vekkhādeso ca. Pāvisiṃsu, pavisiṃsu.

**Kamme** pāvisīyittha, pavisīyittha, pāvisīyi, pavisīyi. Pavisissati, pavisissanti. Pavisīyissate, pavisissate. Pāvississa. Pāvīyississa iccādi.

**Nuda** khepe, nudati, nudanti.

**Disa** atisajjane, uddisati, uddisanti.

**Likha** lekhane, likhati, likhanti.

**Phusa** samphasse, phusati, phusanti iccādi.

Tudādinayo.

**Hū, bhū** sattāyaṃ, **tyādyupatti** “bhūvādito a”iti **appaccayo**, “vā”ti adhikicca “lopañcettamakāro”ti bhūvādito parassa appaccayassa lopo, “aññesu cā”ti vuddhi. So hoti, te honti, “kvaci dhātū”tiādinā parasarassa lopo. Hosi, hotha. Homi, homa. **Bhāve** hūyate.

Tathā hotu, hontu. Hohi, anakāraparattā **hilopo** na bhavati, hotha. Homi, homa. **Bhāve** hūyataṃ.

**Sattamiyaṃ** saralopādi, heyya, heyyuṃ. Heyyāsi, heyyātha. Heyyāmi, heyyāma. Heyyaṃ vā. **Bhāve** hūyetha.

**Hiyyattaniyaṃ** appaccayalope “kvaci dhātū”tiādinā **hūdhātussa ūkārassa uvādeso**. Ahuvā, ahuvu, ahuvū. Ahuva, ahuvo, ahuvattha. Ahuvaṃ, ahuvamha. Ahuvattha, ahuvatthum. Ahuvase, ahuvavhaṃ. Ahuviṃ, ahuvamhase. **Bhāve** ahūyattha.

**Ajjatanimhi** “kvaci dhātū”tiādinā **hūto** īvibhattissa lopo rassattaṃ, so ahu, lopābhāve “karassa kāsattamajjatanimhī”ti ettha “sattamajjatanimhī”ti yogavibhāgena **sāgamo**, vuddhi, ahosi, ahesuṃ, “kvaci dhātū”tiādinā **okārassekāro**. Ahavaṃ vā. Ahosi, ahosittha. Ahosiṃ, ahum, parasarassa lopo, rassattañca, ahosimha, ahumha, rassattaṃ. **Bhāve** ahūyittha.

“Hi lopaṃ vā”ti ito “lopo, vā”ti ca vattate.

**490. Hotissare’hohe bhavissantimhi ssassa ca.**

**Hūiccetassa** dhātussa saro **eha oha ettamāpajjate** bhavissantimhi vibhattimhi, **ssassa** ca lopo hoti vā. Ikārāgamo, saralopādi.

Hehiti, hehinti. Hehisi, hehitha. Hehāmi, hehāma. Lopābhāve – hehissati, hehissanti. Hehissasi, hehissatha. Hehissāmi, hehissāma. **Ohādeso** – hohiti, hohinti. Hohisi, hohitha. Hohāmi, hohāma. Tathā hohissati, hohissanti. Hohissasi, hohissatha. Hohissāmi, hohissāma. **Ekārādeso** – heti, henti. Hesi, hetha. Hemi, hema. Hessati, hessanti. Hessasi, hessatha. Hessāmi, hessāma. **Bhāve** hūyissate.

**Kālātipattiyaṃ** ahavissa, ahavissaṃsu. Ahuyissatha iccādi.

**Hū, bhū** sattāyaṃ, bhū itīdha **anupubbo**, **tyādyuppatti** **appaccayassa** lopavuddhiyo, anubhoti, anubhonti. Anubhosi, anubhotha. Anubhomi, anubhoma.

**Kamme** anubhūyati, anubhūyanti. Tathā anubhotu, anubhontu. Anubhohi, anubhotha. Anubhomi, anubhoma. Anubhūyatu, anubhūyantu. Anubhave, anubhaveyya. Anubhūyeyya. Anubhosi, anubhavi. Anubhossati, anubhossanti. Anubhossasi, anubhossatha. Anubhossāmi, anubhossāma. Anubhavissati vā. Anubhossa, anubhavissa vā iccādi.

**Sī** saye **appaccayalopo**, vuddhi ca, seti, senti. Sesi, setha. Semi, sema. Sete, sente iccādi.

**Appaccayalopābhāve** –

“Sare”’ti vattate, **dhātuggahaṇaṇca**.

#### 491. E aya.

Ekārassa dhātvantassa sare pare **ayādeso** hoti, saralopādi. Sayati, sayanti. Sayasi, sayatha. Sayāmi, sayāma.

**Kamme atipubbo**, “kvaci dhātvā”’dinā yamhi rassasarassa dhātvantassa dīgho, atisīyate, atisīyante. Atisīyati, atisīyanti. **Bhāve** sīyate.

Tathā setu, sentu. Sehi, setha. Semi, sema. Sayatu, sayantu. Saya, sayāhi, sayatha. Sayāmi, sayāma. Sayataṃ, sayantaṃ. Sayassu, sayavho. Saye, sayāmase. Atisīyataṃ, atisīyantaṃ. Atisīyatu, atisīyantu. **Bhāve** sīyataṃ.

Saye, sayeyya, sayeyyūṃ. Atisīyeyya. **Bhāve** sīyetha.

Asayi, sayi, asayiṃsu, sayiṃsu, asayūṃ. Sāgame atisesi, atisesuṃ. **Kamme** accasīyittha, accasīyi, atisīyi. **Bhāve** sīyittha.

Sayissati, sayissanti. **Ikārāgamābhāve** sessati, sessanti. **Kamme** atisīyissatha, atisīyissati. **Bhāve** sīyissate.

Asayissā, asayissaṃsu. **Kamme** accasīyissatha iccādi.

**Nī** pāpuṇane, **dvikammakoyaṃ**, ajaṃ gāmaṃ neti, nenti. Nesi, netha. Nemi, nema. Lopābhāve nayati, nayanti iccādi. **Kamme** nīyate gāmaṃ ajo devadattena, nīyare, nīyante. Nīyati, nīyanti.

Tathā netu, nayatu. Nīyataṃ, nīyantaṃ. Naye, nayeyya. Nīyetha, nīyeyya. Anayi, nayi, anayiṃsu, nayiṃsu. Vinesi, vinesuṃ. Anīyittha, nīyittha. Nayissati, nessati. Nayissate, nīyissate, nīyissati. Anayissa, anīyissa iccādi.

**Ṭhā** gatinivattimhi, “vā”’ti vattate.

#### 492. Ṭhā tiṭṭho.

**Ṭhā**iccetassa dhātussa **tiṭṭhādeso** hoti vā. Vavatthitavibhāsathoyaṃ **vāsaddo**, **appaccayalopo**. Tiṭṭhati, tiṭṭhanti. Ṭhāti, ṭhanti. Lopābhāve “kvaci dhātu”’tiadinā **ṭhāto** **hakārāgamo** ca rassattaṃ, **saṃpubbo** saṅṭhahati, saṅṭhahanti. **Ette** adhiṭṭheti, adhiṭṭhenti.

**Kamme** –

#### 493. Yamhi dādhā mā ṭhā hā pā maha mathādīnamī.

Bhāvakkammavisaye yamhi paccaye pare **dā dhā mā ṭhā hā pā maha matha** iccevamādīnaṃ dhātūnaṃ anto ikāramāpajjate, niccattthoyamārambho. Upaṭṭhīyati, upaṭṭhīyanti. **Hakārāgame** rassattaṃ, ikārāgame ca, patiṭṭhahīyati, patiṭṭhahīyanti. **Bhāve** ṭhīyate.

Tathā tiṭṭhatu, tiṭṭhantu. Ṭhātu, ṭhantu. Saṅṭhahatu, saṅṭhahantu. Tiṭṭhe, tiṭṭheyya. Saṅṭhe, saṅṭheyya, saṅṭheyyaṃ. Saṅṭhahe, saṅṭhaheyyaṃ. Aṭṭhāsi, aṭṭhaṃsu. Saṅṭhahi, saṅṭhahiṃsu. Pakiṭṭhissati, patiṭṭhissanti. Ṭhassati, ṭhassanti. Patiṭṭhahissati, patiṭṭhahissanti. Patiṭṭhissa, patiṭṭhissaṃsu. Patiṭṭhahissa, patiṭṭhahissaṃsu iccādi.

**Pā** pāne, “vā”ti vattate.

#### 494. Pā pībo.

**Pā**iccetassa dhātussa **pībā**deso hoti vā. Vavatthitavibhāsattthoyam **vāsaddo**.

Pībati. Pībatu. Pībeyya. “Kvaci dhātvā”dinā **bakārassa vakāro**, pīvati, pīvanti. Pāti, pānti, panti vā. Pīyate, pīyante. Pīyati, pīyanti. Pīvatu. Pīveyya. Apāyī, pīvi. Pīvissati. Apīvissa iccādi.

**Asa** bhūvi, vibhattuppatti, **appaccayalopo**, asa itīdha –

“Asasmā, antalopo”ti ca vattate.

#### 495. Tissa tthittaṃ.

**Asa**iccetasmā dhātumhā parassa **tissa** vibhattissa **tthittaṃ** hoti, dhātvantassa lopo ca. Atthi.

“Vā”ti vattate.

#### 496. Sabbatthāsassādi lopo ca.

Sabbattha vibhattippaccayesu ca **asa**iccetāya dhātuyā ādissa lopo hoti vā, vavatthitavibhāsattthoyam **vāsaddo**. Santi.

“Asasmā, antalopo”ti ca adhikāro.

#### 497. Simhi ca.

**Asadhātussa** antalopo hoti **simhi** vibhattimhi ca. Tvaṃ asi.

#### 498. Thassa tthattaṃ.

**Asa**iccetāya dhātuyā parassa **thassa** vibhattissa **tthattaṃ** hoti, dhātvantassa lopo ca. Tumhe attha.

“Vā”ti vattate.

#### 499. Asasmā mimānaṃ mhimhāntalopo ca.

**Asa**iccetāya dhātuyā parāsaṃ **mi** maiccetāsaṃ vibhattīnaṃ **mhimha**iccete ādesā honti vā, dhātvantassa lopo ca. Amhi, amha. Asmi, asma.



### 500. Tussa tthuttaṃ.

Asaīcētāya dhātuyā parassa **tussa** vibhattissa **tthuttaṃ** hoti, dhātvantassa lopo ca. Atthu. **Asassādilopo** ca, santu. Āhi, attha. Asmi, asma.

**Sattamiyaṃ asassādilopo**, “kvaci dhātū” tiādīnā **asato eyyaeyyaṃ** vibhattīnaṃ **iyāiyuñca** hontī. Siyā, siyuma.

Lopābhāve “kvaci dhātvā” dinā **asato eyyādīnaṃ** sadhātvantānaṃ **ssa ssu ssa ssatha ssaṃ ssāma** ādesā hontī.

Evamassa vacanīyo, assu. Assa, assatha. Assaṃ, assāma.

**Ajjataniyaṃ akārāgamo**, dīgho ca, āsi, āsiṃsu, āsuma. Āsi, āsittha. Āsiṃ, āsimha.

“Vā, asassā” ti ca vattate.

### 501. Asabbadhātuke bhū.

**Asasseva** dhātussa **bhū** ādeso hoti vā asabbadhātuke. Bhavissati, bhavissanti. Abhavissa, abhavissamsu.

**Vāti** kimatthaṃ? Āsuma.

**Brū** viyattiyaṃ vācāyaṃ, **tyādyuppatti**, **appaccayalopo** ca.

“Kvacī” ti vattate.

### 502. Brūto ī timhi.

**Brū** iccētāya dhātuyā paro ikārāgamo hoti **timhi** vibhattimhi kvaci, vuddhiavādesā, saralopādi. Bravīti, brūti, “aññesu cā” ti suttānuvattitavāggahaṇena **brūdhātussa** byañjane vuddhi na hoti, **bahuvacane** “jhalānamiyuvā sare vā” ti ūkārassa sare **uvādeso**, bruvanti. “Kvacī dhātvā” dinā **brūto tiantīnaṃ** vā **a u** ādesā **brūssa āhādeso** ca.

Āha, āhu. Brūsi, brūtha. Brūmi, brūma. Brūte, bruvante. Brūse, bruvavhe. Bruve, brūmhe. Brūtu, bruvantu. Brūhi, brūtha. Brūmi, brūma. Brūtaṃ, bruvantaṃ. Bruve, bruveyya, bruveyyuma. Bruveyyāsi, bruveyyātha. Bruveyyāmi, bruveyyāma. Bruvetha, bruveraṃ. Abruṃvā, abruṃvū.

**Parokkhāyaṃ** “brūbhūnamāhabhūvā parokkhāya” nti **brūdhātussa āhādeso**, saralopādi, supine kira māha, tenāhu porāṇā, āhaṃsu vā iccādi.

**Ajjataniyaṃ** abravi, abruvi, abravuma. Bravissati. Bravissa iccādi.

**Hana** hiṃsāgatīsu, **timhi** kvaci **appaccayalopo**, hanti, hanati, hananti. Hanasi, hanatha. Hanāmi, hanāma.

**Kamme** “tassa cavagga” iccādīnā **ñattaṃ**, dvittaṅga, haññate, haññante, haññare. Haññati, haññanti. Hanatu, hanantu. Haneyya.

“Hanassā” ti vattate.

### 503. Vadho vā sabbattha.

**Hana**iccetassa dhātussa **vadhā**deso hoti vā sabbattha vibhattippaccayesu, vavatthitavibhāsatt’hoyam **vās**addo. Vadheti. Vadhīyati. Vadhetu. Vadhīyatu. Vadheyya. Avadhi, avadhimsu. Ahani, ahanimsu. Vadhissati, hanissati. **Khā**dese paṭihankhāmi, paṭihanissāmi. Avadhissa, ahanissa iccādi.

Hūvādinayo.

**Hu** dānādanahabyappadānesu, **tyā**dyuppatti, **app**accayo ca, “kvacādivaṇṇānamekassarānaṃ dvebhāvo”ti dvittam, “pubbobbhāso”ti abbhāsasaññā.

“Abbhāse”ti vattate.

#### 504. Hassa jo.

**Hakā**rassa abbhāse vattamānassa **jo** hoti. “Lopañcetta makāro”ti **app**accayalopo, vuddhi. Juhoti.

Lopābhāve “jhalānaṃ, sare”ti ca vattamāne –

#### 505. Yavakārā ca.

**Jhal**asaññānaṃ ivaṇṇuvaṇṇānaṃ **yakā**ravakārādesā honti sare paretī apadantassa **ukā**rassa **vakā**ro.

Juhvati, juhوتي, juhvanti, juhonti. Juhvasi, juhosi, juhvatha, juhotha. Juhvāmi, juhomi, juhvāma, juhoma.

**Kamme** “kvaci dhātū”tiādinā dīgho, hūyate, hūyante. Hūyati, hūyanti.

Tathā juhotu, juhontu, juhvantu vā. Juhe, juheyya, juheyyuṃ. Ajuhavi, ajuhavuṃ. Ajuhosi, ajuhosuṃ. Ahūyittha aggi. Juhissati, juhissanti. Juhossati, juhossanti vā. Ajuhissa, ajuhissamsu iccādi.

**Hā** cāge, pure viya **dve**bhāvajādesa **app**accayalopā.

“Abbhāse”ti vattate.

#### 506. Rasso.

Abbhāse vattamānassa sarassa rasso hoti.

Jahāti, jahanti. Jahāsi, jahātha. Jahāmi, jahāma.

**Kamme** “yamhi dādhamāṭhāhāpāmamahamathādīnamī”ti dhātvantassa **īk**āro. Hīyate, hīyante, hīyare. Hīyati, hīyanti.

Tathā jahātu, jahantu. Jahe, jaheyya, jaheyyuṃ. Hīyetha, hīyeyya. Ajahāsi, ajahimsu, ajahāsuṃ. Pajahi, pajahimsu, pajahamsu, pajahuṃ. **Kamme** pajahīyittha, pajahīyi. Pajahissati, pajahissanti. Hīyissati, hīyissanti. Pajahissa, pajahissamsu iccādi.

**Dā** dāne, **tyā**dyuppatti, dvebhāvarassattāni, **app**accayassa lopo, dadāti, dadanti. Dadāsi, dadātha. Dadāmi, dadāma.

Dvittābhāve maṇḍūkagatiyā “vā”ti vattate.

**507. Dādhātussa dajjaṃ.**

**Dā**iccetassa dhātussa sabbassa **dajjā**deso hoti vā, vavatthitavibhāsattahoyam **vā**saddo, appaccayalopo. Dajjati, dajjanti. Dajjasi, dajjatha. Dajjāmi, dajjāma. **Dajjā**desābhāve “lopañcettamakāro”ti appaccayassa **ekā**ro, dānaṃ deti, denti. Desi, detha.

“Vā”ti vattate.

**508. Dādantassaṃ mimesu.**

**Dā**iccetassa dhātussa antassa **aṃ** hoti vā **mima**icchetesu paresu, niggahītassa vaggantattam. Dammi, damma. Demi, dema.

**Kamme** “yamhi dādhā”iccādinā **ikā**ro, dīyate, dīyante. Dīyati, dīyanti. Dīyyate, dīyyante. Dīyyati, dīyyanti vā iccādi.

Dadātu, dadantu. Dadāhi, dadātha. Dadāmi, dadāma. Dadataṃ, dadantaṃ. Dadassu, dadavho. Dade, dadāmase. Dajjatu, dajjantu iccādi. Detu, dentu. Dehi, detha. Demi, dema. **Kamme** dīyataṃ, dīyantaṃ. Dīyatu, dīyantu.

**Sattamiyaṃ** dade, dadeyya, dadeyyuṃ. Dadeyyāsi, dadeyyātha. Dadeyyāmi, dadeyyāma. Dadetha, daderam. Dadetho, dadeyyāvho. Dadeyyaṃ, dadeyyāmhe. Dajje, dajjeyya.

“Kvaci dhātū”tiādinā **eyyassā**tañca, dajjā, dajjuṃ, dajjeyyuṃ. Dajjeyyāsi, dajjeyyātha. Dajjaṃ, **eyyā**missa amādeso ca, dajjeyyāmi, dajjeyyāma. Dvittābhāve deyya, deyyuṃ. Deyyāsi, deyyātha. Dīyetha, dīyeyya.

**Hiyyattaniyaṃ** adadā, adadū. Adado, adadattha. Adadaṃ, adadamha. Adadattha, adadamhase. **Kamme** adīyittha.

**Ajjatanimhi** adadi, adadiṃsu, adaduṃ. Adajji, adajjiṃsu. Adāsi, adamsu. Adāsi, ado, adittha. Adāsiṃ, adāsimha, adamha. Adādānaṃ purindado. **Kamme** adīyittha, adīyyi.

**Bhavissantiyaṃ** ikārāgamo, saralopādi, dadissati, dadissanti. Dajjissati, dajjissanti. Rassattaṃ, dassati, dassanti. Dassasi, dassatha. Dassāmi, dassāma. Dassate. Dīyissate, dīyissati.

**Kālātipattiyaṃ** adadissa, adajjissa, adajjissā, adassa, adassā, adassaṃsu. Adīyissatha, adīyissa iccādi.

**Dhā** dhāraṇe, pure viya vibhattuppatti, dvittarassattāni, appaccayalopo ca, “dutiyaecatutthānaṃ paṭhamatatiyā”ti **dhakārassa** **akā**ro, dadhāti, dadhanti. Apipubbo tassa “tesu vuddhī”tiādinā akāralopo, “kvaci dhātū”tiādinā **dhakārassa** **hakā**ro, rassattañca, dvāraṃ pidahati, pidahanti. Dvebhāvābhāve nidhiṃ nidheti, nidhenti.

**Kamme** dhīyate, dhīyati, pidhīyate, pidhīyati.

Tathā dadhātu, pidahatu, nidhetu, nidhentu. Dadhe, dadheyya, pidahe, pidaheyya, nidhe, nidheyya. Dadhāsi, pidahi. Dhassati, pidahissati, paridahessati. Adhassa, pidahissa iccādi.

Juhotyādinayo.

Avuddhikā tudādī ca, hūvādi ca tathāparo;

Juhotyādi catuddhevaṃ, ñeyyā bhūvādayo idha.

Bhūvādigaṇo.

### Rudhādigaṇa

**Rudha** āvaraṇe, pure viya dhātusaññādimhi kate vibhattuppatti.

“A”iti vattate.

#### 509. Rudhādito niggahītapubbañca.

Catuppadamidaṃ. **Rudha**iccevaṃmādito dhātugaṇato appaccayo hoti kattari vibhattippaccayesu, niggahītañca tato pubbaṃ hutvā āgamo hoti, tañca niggahītaṃ pakatīyā sarānugatattā dhātussarato paraṃ hoti. **Casaddena** iṇeopaccayā ca, niggahītaṃ vaggantattaṃ. Idha saṃyogantattā na vuddhi hoti, tadāgamassa taggaṇena gahaṇato.

So maggaṃ rundhati, rundhanti. Rundhasi, rundhatha. Rundhāmi, rundhāma. Rundhate, rundhante iccādi, ikārādippaccayesu pana rundhiti, rundhīti, rundheti, rundhotītipi hoti.

**Kamme** nipubbo yappaccayassa “tassa cavagga”iccādinā sadhātavantassa jhakāre kate “vage ghosā”tiādinā dvittaṃ, maggo nirujjhate tena, nirujjhante. **Parassapadatte** nirujjhati, nirujjhanti. Nirujjhasi, nirujjhatha. Nirujjhāmi, nirujjhāma.

Rundhatu, rundhantu. Rundhāhi, rundhatha. Rundhāmi, rundhāma. Rundhataṃ, rundhantaṃ. Rundhassu, rundhavho. Rundhe, rundhāmase. Nirujjhataṃ, nirujjhantaṃ. Nirujjhātu, nirujjhantu. Rundhe, rundheyya, rundheyyuṃ. Rundhetha, rundheraṃ. Nirujjhetha, nirujjheyya iccādi. Rundhi, rundhiṃsu. Arundhi, nirujjhittha. Nirujjhi, nirujjhiṃsu. Rundhissati, rundhissanti. Nirujjhissate, nirujjhissante. Nirujjhissati, nirujjhissanti. Arundhissa, arundhissaṃsu. Nirujjhissatha, nirujjhissa iccādi.

**Chidi** dvidhākaṇe, chindati, chindanti. **Kamme** chijjate, chijjante. Chijjati, chijjanti. Tathā chindatu, chindantu. Chijjatu, chijjantu. Chinde, chindeyya. Chijjeyya. Achindi, chindi, chindiṃsu. Achijjittha, chijji. Chindissati, chindissanti. Ssassa chādesa – checchati, checchanti. Checchiti vā. **Kamme** chijjissate, chijjissante. Chijjissati, chijjissanti. Achindissa. Achijjissa iccādi.

**Bhidi** vidāraṇe, bhindati, bhindanti iccādi.

**Yuja** yoge, yuñjati, yuñjanti. Yujjate, yujjante. Yujjati, yujjanti. Yuñjatu. Yujjataṃ. Yuñje. Yujjetha. Ayuñji, ayuñjiṃsu. Ayujjittha, ayujji. Yuñjissati, yuñjissanti. Yujjissate, yujjissante. Yujjissati, yujjissanti. Ayuñjissa. Ayujjissatha, ayujjissa iccādi.

**Bhuja** pālanabyavaharaṇesu, bhuñjati, bhuñjanti iccādi.

**Bhavissantiyaṃ** “karassa sappaccayassa kāho”ti sutte **sappaccaya**ggaṇena bhujato ssassa khādeso, “ko khe cā”ti dhātavantassa kakāro, vuddhi, bhokkhati, bhokkhanti. Bhokkhasi, bhokkhatha. Bhokkhāmi, bhokkhāma. Khādesābhāve bhuñjissati, bhuñjissanti iccādi.

**Muca** mocane, muñcati, muñcanti. Muccate, muccante. Muñcatu, muñcantu. Muccataṃ, muccataṃ. Muñce, muñceyya, muñceyyuṃ. Muccetha, mucceraṃ. Amuñci, amuñciṃsu. Amuccittha. Mokkhati, mokkhanti. Muñcissati, muñcissanti. Muccissate, mucchissante. Amuñcissa, amuccissatha iccādi.

Rudhādigaṇo.

### Divādigaṇa

**Divu** kīlavijigīsābyavahārajutithutikantigatīsu. Pure viya dhātvantalopavibhattuppattiyo.

#### 510. Divādito yo.

**Divādito** dhātugaṇato **yappaccayo** hoti kattari vihitesu vibhattippaccayesu.

“**Yaggahaṇaṃ**, cavagga yakāra vakārattaṃ sadhātvantassa, pubbarūpa”nti ca vattate.

#### 511. Tathā kattari ca.

Yathā bhāvakammesu **yappaccayassādeso** hoti, tathā kattaripi **yappaccayassa** sadhātvantassa **cavagga yakāravakārādeso**, pubbarūpañca kātābbānīti dhātvantassa **vakārattā** saha tena **yakārassa vakāre** kate dvibhāvo, “do dhassa cā”ti ettha **caggahaṇena** “bo vassā”ti vuttattā **vakāradvayassa bakāradvayaṃ**, dibbati, dībanti. Dibbasi, dībbatha. Dibbāmi, dībāma.

**Kamme** dibbate, dībante. Dibbati, dībanti. Dibbatu. Dibbataṃ. Dibbe. Dibbetha. Adibbi. Adibbittha. Dibbissati. Dibbissate. Adibbissa iccādi.

**Sivu** tantasantāne, sibbati, sibbanti. Sibbatu. Sibbeyya. Asibbi, sibbi. Sibbissati. Asibbissa iccādi.

**Pada** gatimhi, upubbo dvittaṃ, “tathā kattari cā”ti sadhātvantassa **yakārassa jakāro**, dvittaṇca.

Uppajjati, uppajjanti. Uppajjate, uppajjante, uppajjare.

**Kamme** paṭipajjate, paṭipajjante. Paṭipajjati, paṭipajjanti. **Bhāve** uppajjate tayā.

Tathā uppajjatu. Uppajjeyya. Udapajjā. Udapajjatha. Udapādi, uppajjī. Uppajjittha. Uppajjissati. Uppajjissa, uppajjissā iccādi.

**Budha** avagamane, **yappaccayaparattā** na vuddhi, jhakārādesova viseso, dhammaṃ bujjhati, bujjhanti. Bujjhate, bujjhante, bujjhare vā.

**Kamme** bujjhate mayā dhammo, bujjhante. Bujjhati, bujjhanti. Bujjhatu. Bujjheyya. Abujjhi. Abujjhittha. Bujjhissati. Abujjhissa.

**Yudha** sampahāre, yujjhati, yujjhanti.

**Kudha** kope, kujjhati, kujjhanti.

**Vidha** tāḷane, vijjhati, vijjhanti iccādi.

**Naha** bandhane, “ha vipariyayo”ti yogavibhāgena vipariyayo. Sannayhati, sannayhanti iccādi.

**Mana** ñāṇe, ñādesova viseso, maññati, maññanti iccādi.

**Dā** ādāne, **samā**pubbo “kvaci dhātū”tiādinā **yamhi** dhātvantassa **ikāro**, sīlaṃ samādiyati, samādiyanti iccādi.

**Tusa** pītimhi, yappaccayassa pubbarūpattam, tussati, tussanti iccādi.

Tathā **samu** upasame, sammati, sammanti.

**Kupa** kope, kuppati, kuppanti.

**Janajanane**, ‘janādīnamā timhi cā’ ti ettha ‘janādīnamā’ ti yogavibhāgena **yamhi** dhātvantassa ākāro. Jāyati, jāyanti. Jāyate, jāyante.

**Kamme** janīyati, janīyanti. Jāyatu. Jāyeyya. Ajāyi, ajani. Jāyissati, janissati. Ajāyissa, ajanissa iccādi.

Divādigāṇo.

**Svādigāṇa**

**Su** savāṇe, pure viya vibhattuppatti.

**512. Svādito ṇuṇāṇā ca.**

**Suiccevamādito** dhātugaṇato **ṇu ṇāṇā**iccete paccayā honti kattari vihitesu vibhattippaccayesu. ‘Aññesu cā’ ti ettha **caggahaṇena ṇuppaccayassa** vuddhi. Tatthevānuvattitavāggahaṇena svādīnam ṇuṇādīsu na vuddhi.

Dhammaṃ suṇoti, saralopādi, suṇanti. Suṇosi, suṇoṭha. Suṇomi, suṇoma. **Nāpaccaye** suṇāti, suṇanti. Suṇāsi, ‘kvaci dhātū’ tiādīnā rassattam, suṇasi, suṇātha, suṇatha. Suṇāmi, suṇāma.

**Kamme** yappaccaye ‘kvaci dhātū’ tiādīnā dīgho, sūyate, sūyante. Sūyati, sūyanti. Dvutte rassattam, suyati, suyanti. Sūyati, sūyanti vā.

Suṇotu, suṇantu. Suṇohi, suṇoṭha. Suṇomi, suṇoma. Suṇātu, suṇantu. Suṇa, suṇāhi, suṇātha. Suṇāmi, suṇāma. Suṇatam, suṇantam. Suṇassu, suṇavho. Suṇe, suṇāmase. **Kamme** sūyatam, sūyantam. Sūyatu, sūyantu.

Suṇe, suṇeyya, suṇeyyam. Suṇeyyāsi, suṇeyyātha. Suṇeyyāmi, suṇeyyāma. Suṇetha, suṇeram. Suṇetho, suṇeyyāvho. Suṇeyyam, suṇeyyāmhe. Sūyetha, sūyeyya.

Asuṇi, suṇi, asuṇiṃsu, suṇiṃsu. Asuṇi, asuṇittha. Asuṇiṃ, suṇiṃ, asuṇimha, suṇimha. Asuṇittha, suṇittha. **Nāpaccayalopo**, vuddhi, sassa dvibhāvo, sāgamo, assosi, assosiṃsu, paccassosum. Assosi, assosittha. Assosiṃ, assosimha, assosimhā vā, assosittha. Asūyittha, assūyi.

Saralopādi, suṇissati, suṇissanti. Suṇissasi, suṇissatha. Suṇissāmi, suṇissāma. Suṇissate, suṇissante. Suṇissase, suṇissavhe. Suṇissam, suṇissāmhe. **Nāpaccayalopo**, vuddhi, sossati, sossanti. Sossasi, sossatha. Sossāmi, sossāma. Sossate. Sūyissate, sūyissati. Asuṇissa. Asūyissa iccādi.

**Hi** gatimhi, **papubbo** nāpaccayo, paṇiṇāti, paṇiṇati vā, paṇiṇanti. Paṇiṇātu, paṇiṇantu. Paṇiṇeyya. Paṇiṇi, dūtam pāhesi. Paṇiṇissati. Paṇiṇissa iccādi.

**Vu** saṃvaraṇe, āvuṇāti, āvuṇanti iccādi.

**Mi** pakkhepe, ‘kvaci dhātū’ tiādīnā **ṇassa nattam**, minoti, minanti iccādi.

**Apa** pāpuṇane, **pa**pubbo saralope “dīgha”nti dīgho, uṇāpaccayo, sampattiṃ pāpuṇāti, pāpuṇanti. Pāpuṇāsi, pāpuṇātha. Pāpuṇāmi, pāpuṇāma.

**Kamme** pāpīyati, pāpīyanti. Tathā pāpuṇātu. Pāpīyatu. Pāpuṇe, pāpuṇeyya. Pāpīyeyya. Pāpuṇi, pāpuṇiṃsu. Pāpīyi. Pāpuṇiṃsati. Pāpīyissati. Pāpuṇissa. Pāpīyissa iccādi.

**Saka** sattimhi, dvibhāvo, sakuṇāti, sakuṇanti. **Bhāve** “pubbarūpañcā”ti pubbarūpattam, sakkate tayā, sakkati vā, sakuṇātu. Sakuṇeyya. “Kvaci dhātū”tiādinā sakantassa khādeso ajjatanādīmhi, asakkhi, sakkhi, asakkhiṃsu, sakkhiṃsu. Sakkhiṃsati, sakkhiṃsanti. Asakkhiṃsa, asakkhiṃsaṃsu iccādi.

Svādigaṇo.

### Kiyādigaṇa

**Kī** dabbavinimaye, **vi**pubbo dvittam, pure viya vibhattuppatti.

#### 513. Kiyādito nā.

**Kī**ceva mādito dhātugaṇato **nā**paccayo hoti kattari. **Nā**parattā na vuddhi, “kvaci dhātū”tiādinā kiyādīnaṃ **nā**mhi rassattam, kīto **nā**paccayanakārassa **ṇ**attañca.

Bhaṇḍam vikkiṇāti, vikkiṇanti. Vikkiyati, vikkiyanti. Vikkiṇātu, vikkiṇantu. Vikkiyatu, vikkiyantū. Vikkiṇe, vikkiṇeyya. Vikkiyeyya, vikkiyeyyūṃ. Avikkiṇi, vikkiṇi. Vikkiyittha, vikkiyi. Vikkiṇiṃsati, vikkiṇiṃsanti. Vikkiyissati, vikkiyissanti. Avikkiṇissa, avikkiṇiṃsaṃsu. Vikkiyissa, vikkiyissaṃsu iccādi.

**Ji** jaye, kilese jināti, jinanti. Jiyati, jiyanti. Evaṃ jinātu. Jiyatu. Jineyya. Jiyeyya. Ajini, jini, ajiniṃsu, jiniṃsu. Ajesi, ajesūṃ. Ajinittha. Ajiyittha, ajiyi. Jinissati, jinissanti. Vijessati, vijessanti. Jiyissati, jiyissanti. Ajinissa. Ajiyissa iccādi.

Tathā **ci** caye, cināti, cinanti iccādi.

**Ñā** avabodhane nāpaccayo.

“Vā”ti vattate.

#### 514. Ñāssa jā jaṃ nā.

**Ñā**iccetassa dhātussa jā jaṃ nāiccete ādesā honti vā.

Jādeso nāmhi jaṃ nāmhi, nābhāvo timhi evidha;  
Vavatthitavibhāsatta-vāsaddassānuvattanā;  
Dhammam vijānāti, vināyati vā, vijānanti.

**Kamme** viññāyati, viññāyanti. Ivaṇṇāgame pubbalopo, “kvaci dhātū”tiādinā ekāro, dvittaṇca, ñeyyati, ñeyyanti. Vijānātu, vijānantu, rassattam. Vijāna, vijānāhi, vijānātha. Vijānāmi, vijānāma. Vijānataṃ, vijānantaṃ. Vijānassu. Viññāyatu, viññāyantu.

#### 515. Eyyassa ñāto iyā ñā vā.

**Eyyassa** vibhattissa **ñā**iccetāya dhātuyā parassa **iyā ñā**iccte ādesā honti vā, saralopādi. Vijāniyā.

Ñādesse ñāssa jaṃādeso.

“Ñāto, vā”ti ca vattate.

### 516. Nāssa lopo yakārattaṃ.

Ñāiccetāya dhātuyā parassa nāpaccayassa lopo hoti vā, yakārattañca, vavatthitavibhāsattthoṃ vāsaddo. Tena –

Ñāmhi niccañca nālopo,  
Vibhāsājatanādisu;  
Aññattha na ca hotāyaṃ,  
Nāto timhi yakāratā.

Niggahītassa vaggantattaṃ, vijaññā, vijāneyya, vijāneyyūṃ. Vijāneyyāsi, vijāneyyātha. Vijāneyyāmi, vijāneyyāma, vijānemu vā. Vijānetha. Viññāyeyya, viññāyeyyūṃ.

Samajāni, sañjāni, sañjāniṃsu. Nālope aññāsi, aññāsuṃ. Vijānittha. Viññāyittha. Paññāyi, paññāyiṃsu. Vijānissati, vijānissanti. Ñassati, ñassanti. Viññāyissate, viññāyissante. Paññāyissati, paññāyissanti. “Kvaci dhātū”tiādinā ssassa hi ca, paññāyihiti, paññāyihinti. Ajānissa. Ajānissatha. Aññāyissatha, aññāyissa iccādi.

Mā māne, “kvaci dhātū”tiādinā māntassa ikāro, mināti, minanti. Kamme mīyati, mīyanti iccādi.

Lū chedane, nāmhi rassattaṃ, lunāti, lunanti. Lūyati, lūyanti iccādi.

Dhū kampane, dhunāti, dhunanti. Dhūyati, dhūyanti iccādi.

Gaha upādāne, nāmhi sampatte –

### 517. Gahāditoppaṇhā.

Gahaiccevamādito dhātuto ppa ṇhāiccete paccayā honti kattari. Ādisaddoṃ pakāro.

“Gahassā”ti vattate.

### 518. Halopo ṇhāmhi.

Gahaiccetassa dhātussa hakārassa lopo hoti ṇhāmhi paccaye pare. Sīlaṃ gaṇhāti, rassatte gaṇhāti vā, gaṇhanti. Gaṇhāsi, gaṇhātha. Gaṇhāmi, gaṇhāma.

Kamme “ye”ti vattamāne “havipariyayo lo vā”ti hakārassa yakārena vipariyayo hoti. Gayhati, gayhanti.

Gaṇhātu, gaṇhantu. Gaṇha, gaṇhāhi, gaṇhātha. Gaṇhāmi, gaṇhāma. Gaṇhataṃ, gaṇhantaṃ. Gayhataṃ, gayhantaṃ. Gayhatu, gayhantu. Gaṇhe, gaṇheyya, gaṇheyuyṃ. Gayheyya, gayheyuyṃ. Aggaṇhi, gaṇhi, aggaṇhiṃsu, gaṇhiṃsu.

Yadā “kvaci dhātū”tiādinā asabbadhātuke vikaraṇapaccayassa lopo, ikārāgamassa ekāro ca, tadā sāgamo.

Aggahesi, aggahesuṃ. Aggahi, aggahiṃsu, aggahuṃ. Aggayhittha, aggayhi. Gaṇhissati, gaṇhissanti. Gahessati, gahessanti. Gahīyissate, gahīyissante. Gayhissati, gayhissanti.



Aggaṇhissa, aggahissa. Aggaṇhissatha, aggahissatha. Aggayhissatha, aggayhissa iccādi.

**Ppappaccaye** –

**519. Gahassa ghe ppe.**

**Gaha**iccetassa dhātussa sabbassa **ghe**ādeso hoti **ppappaccaye** pare. Ghepati iccādi.

Kiyādigāṇo.

**Tanādigaṇa**

**Tanu** vitthāre, pure viya dhātvantalopavibhattuppattiyo.

**520. Tanādito oyirā.**

**Tanui**ccavamādito dhātugaṇato **oyira**iccete paccayā honti kattari. Karatovāyaṃ **yirappaccayo**.

Dhammaṃ tanoti, tanonti. Tanosi, tanotha. Tanomi, tanoma.

“Vā”ti vattate.

**521. Uttamokāro.**

**Tanādito** okārappaccayo **uttamā**pajjate vā. Vavatthitavibhāsathoyam **vāsaddo**. Ettha ca vikaraṇakāriyavidhippakaraṇato “okāro”ti **ovikaraṇam** gayhati. Tanute, bahuvacane “yavakārā cā”ti **vattam**, tanvante. Tanuse, tanuvhe. Tanve, tanumhe.

**Kamme** “kvaci dhātū”tiādinā **tanudhāt**vantassa **yamhi ākāro**, patāyate, patāyante. Patāyati, patāyanti. Ākārābhāve pataññati, pataññanti. Tanotu, tanontu. Taneyya, taneyyumu. Atani, ataniṃsu. Atāyittha, patāyi. Tanissati, tanissanti. Patāyissati, patāyissanti. Atanissa. Patāyissa iccādi.

**Kara** karaṇe, puññaṃ karoti.

Bahuvacane “vā”ti vattamāne, “uttamokāro”ti utte kate –

“Vā, utta”nti ca vattate.

**522. Karassākāro ca.**

**Kara**iccetassa dhātussa **akāro** **uttamā**pajjate vā. Vavatthitavibhāsathoyam **vāsaddo**, “yavakārā cā”ti apadantassa **paraukārassa vakāro**, “kvaci dhātū”tiādinā dhātura**karassa vakārasmiṃ** lopo, **vakārassa dvitte** tassa “bbo vvassā”ti **bakāradvayaṃ**, kubbanti, karonti. Karosi, karotha. Karomi, karoma. Tathā kurute, kubbante. Kuruse, kuruvhe. Kubbe, kurumhe. **Yirappaccaye rakāralo**po, kayirati, kayiranti iccādi.

**Kamme** **yappaccaye** “ivaṇṇāgamo vā”ti ikārāgamo, **yakārassa dvitam**, karīyyate kaṭo tena, karīyyati, karīyyanti. Karīyati, karīyanti vā. **Īkārābhāve** “tassa cavagga”iccādinā sadhātvantassa **yakārattam**, dvitāṇca. Kayyati, kayyanti. **Ikārāgame** “kvaci dhātu”iccādisutte **caggahaṇena rayānam** vipariyayo, kayirati kaṭo tena, kayiranti iccādi.

Tathā kusalam karotu, kurutu vā, kubbantu, karontu. Karohi, karotha. Karomi, karoma. Kurutam, kubbantam. Kurussu, kurassu vā, kuruvho. Kubbe, kubbāmase.

**Kamme** karīyatu, karīyantu, kayyatam, kayiratam, kayiratu.

**Sattamiyam** kare, kareyya, kareyyum. Kareyyāsi, kareyyātha. Kareyyāmi, kareyyāma. Utte kubbe, kubbeyya.

**Yirappaccaye** –

Yirato āttameyyassa, ethādisseyyumādisu;  
Eyyasaddassa lopo ca, ‘kvaci dhātū’ tiādinā.

Saralopādi, kayirā, kayirum. Kayirāsi, kayirātha. Kayirāmi, kayirāma. **Attanopade** kayirātha dhīro, kubbetha, karetha vā, ‘kvaci dhātū’ tiādinā kussa kru ca, krubbetha, krubberam. Krubbetho, krubbeyyāvho. Krubbeyyam, krubbeyyāmhe. **Kamme** karīyeyya, karīyeyyum.

**Hiyyattaniyam** ‘karassa kā’ ti yogavibhāgena **kā** hoti, saralopādi.

Akā, akarā, akarū. Akaro, akattha, akarottha. Akam, akaram, akamha, akaramha. Akattha. Akarim, akaramhase.

‘Vā’ ti vattate.

### 523. Karassa kāsattamajjatanimhi.

**Kara** iccetassa dhātussa sabbasseva **kāsattam** hoti vā ajjatanimhi vibhattimhi pare. ‘Kāsatta’ miti bhāvaniddesena aññasmāpi dhātuto **sā**gamō. Atha vā yadā **karassa kā** hoti, **sattañcā**gamō ajjatanimhi vāti attho, tadā ‘sattamajjatanimhi’ ti yogavibhāgena aññasmāpi dhātuto **sā**gamopi sijjhati, ‘yogavibhāgato iṭṭhappasiddhī’ ti yebhuyyena dīghatova hoti, ‘karassa kā’ ti yogavibhāgena **kābhāvo** ca hiyyattaniyam siddho hoti.

Akāsi, akāsum. Akāsi, akāsittha. Akāsim, akāsimha. Akāsittha. **Kāsattābhāve** akari, kari, akarimsu, karimsu, akamsu, akarum. Akari, akarittha. Akarim, karim, akarimha, karimha. Akarittha. Akarīyittha, akarīyi vā.

‘Vā, lopo, bhavissantimhi ssassa cā’ ti ca vattate.

### 524. Karassa sappaccayassa kāho.

**Kara** iccetassa dhātussa sappaccayassa **kāhā**deso hoti vā bhavissantimhi, ssassa ca lopo hoti. Adhikabhūtasappaccayaggahaṇena **vacamucabhujā**dito ssassa **khā**deso, **vasa chidi labhā**dito **chā**deso ca hoti.

Kāhati, kāhanti. Kāhasi, kāhatha. Kāhāmi, kāhāma. Ikārāgame kāhiti, kāhinti iccādi. **Kāhābhāve** karissati, karissantī. Karissasi, karissatha. Karissāmi, karissāma. Karissate, karissante. Karissase, karissavhe. Karissam, karissāmhe. Karīyissati, karīyissantī. Akarissa. Akarīyissā iccādi.

Yadā **sam**pubbo, tadā ‘purasamupaparīhi karotissa kha kharā vā’ ti yogavibhāgena tyādivibhattisupī **sam**pubbakarotissa **kharā**deso.

Abhisankharoti, abhisankharonti. Abhisankharīyati, abhisankharīyanti. Abhisankharotu. Abhisankhareyya. Abhisankhari, **khā**dese abhisankhāsi vā. Abhisankharissati. Abhisankharissa iccādi.

**Saka** sattimhi, opaccayo, sakkoti, sakkonti. Sakkosi, sakkotha. Sakkomi, sakkoma iccādi.

**Apā** pāpuṇane, **papubbo**, pappoti, papponti. Papposi, pappotha. Pappomi, pappoma. Pappotu, pappontu iccādi.

Tanādigaṇo.

### Curādigaṇa

**Dhura** theyye, pure viya dhātvantalopo, vibhattuppatti.

“Tathā kattari cā”ti ito “kattarī”ti ca sīhaviḷokanena **bhāvakkammaggaṇāni** ca vattante, maṇḍūkagatiyā **kāritaggaṇāni**.

#### 525. Curādito ṇeṇayā.

**Curāiccevamādito** dhātugaṇato **ṇe ṇayaicce**te paccayā honti kattari, bhāve ca kammani, vibhattippaccayesu. “Kāritaṃ viya nānubandho”ti **ṇe ṇayānaṃ** kāritabyapadeso.

#### 526. Kāritānaṃ ṇo lopaṃ.

Kāritappaccayānaṃ **ṇakāro** lopamāpajjate.

#### 527. Asaṃyogantassa vuddhi kārite.

Asaṃyogantassa dhātussa kārite pare vuddhi hotīti ukārassokāro vuddhi.

Dhanaṃ coreti, corenti. Coresi, coretha. Coremi, corema. **Ṇayappaccaye** – corayati, corayanti. Corayasi, corayatha. Corayāmi, corayāma. Corayate, corayante. Corayase, corayavhe. Coraye, corayāmhe.

**Kamme** yappaccaye **īkārāgamo**, saralopādi ca, corīyate devadattena, corīyati, corīyanti iccādi.

Coretu, corentu. Corehi. Corayatu, corayantu. Coraya, corayāhi.

Coreyya, coreyyuṃ. Coraye, corayeyyuṃ. Acoresi, coresi, acoresuṃ, coresuṃ. Acorayi, corayi, acorayimsu, corayimsu, acorayuṃ, corayuṃ. Acoresi, acoresittha. Tvaṃ acorayi, acorayittha. Acoresiṃ, acoresimha. Acorayiṃ, acorayimha. Acorayittha. Acorīyittha, acorīyi.

Corissati, corissanti. Corayissati, corayissanti. Corīyissate, corīyissante. Corīyissati, corīyissanti. Acorissa, acorayissa. Acorīyissatha, acorīyissa iccādi.

Tathā **cinta** cintāyaṃ, saṃyogantattā vuddhiabhāvova viseso.

Cinteti, cintayati, cintenti, cintayanti. Cintetu, cintayatu. Cinteyya, cintayeyya. Acintesi, cintesi, acintayi, cintayi. Cintessati, cintayissati. Acintissa, acintayissa iccādi.

**Manta** guttabhāsane, manteti, mantayati iccādi purimasamaṃ.

**Pāla** rakkhaṇe, dhammaṃ pāleti, pālayati. Pālīyati. Pāletu, pālayatu iccādi.

**Ghaṭa** ghaṭane, ghāṭeti, ghāṭayati, ghaṭeti, ghaṭayati, ghaṭādittā vikappena vuddhi.

**Vida** ñāṇe, vedeti, vedayati.

**Gaṇa** saṅkhyāne, “ghaṭḍādinam vā” ti na vuddhi, gaṇeti, gaṇayati iccādi, sabbattha subodham.

Curādigāṇo.

Bhūvādī ca rudhādī ca, divādī svādayo gaṇā;  
Kiyādī ca tanādī ca, curādī cidha sattadhā.

Vikaraṇavidhānaṃ samattaṃ.

### **Dhātuppaccayantanaya**

Atha dhātuppaccayantā vuccante.

Tattha dhātvatthe niddiṭṭhā **khādikāritantā** paccayā **dhātuppaccayā** nāma.

**Tija** nisāna bandhanakhamāsu, dhātusaññādi.

“Dhātulingehi parā paccayā” ti ito **dhātu**ggahaṇaṃ anuvattate, “parā, paccayā” ti ca adhikāro.

**528. Tija gupa kita mānehi kha cha sā vā.**

**Tija gupa kita māna** iccetehi dhātūhi **kha cha sa** iccete paccayā parā honti vā.

Tijato khantiyaṃ khova, nindāyaṃ gupato tu cho;  
Kitā cho sova mānamhā, vavatthitavibhāsato.

“Kvacādivaṇṇānamekassarānaṃ dvebhāvo” ti dhātvādissa dvibhāvo.

“Byañjanantassā” ti vattamāne –

**529. Ko khe ca.**

Dhātvantassa byañjanassa **kakārādeso** hoti **khappaccaye** pare.

Titikkha iti ṭhite –

Dhātuvihitānaṃ **tyā**divibhattīnaṃ adhātuto appavattiyamāha.

**530. Dhātuppaccayehi vibhattiyo.**

Dhātvatthe niddiṭṭhehi **khādikāritante**hi paccayehi **tyā**dayo vibhattiyo hontīti pure viya vattamānādayo yojetabbā.

Ativākyam titikkhati, titikkhanti. **Kamme** titikkhiyati. Tathā titikkhatu, titikkhantu. Titikkheyya, titikkheyyuṃ. Atitikkhi, atitikkhiṃsu. Titikkhissati. Atitikkhissa iccādi.

**Khappaccayābhāve** appaccayassa ekāro, tejeti, tejati vā, tejanti iccādi.

**Gupa** gopane, **chappaccaye** dvibhāvo, “pubbobbhāso” ti abbhāsasaññā, “abbhāsassā” ti vattamāne “antassivaṇṇākāro vā” ti abbhāsantassikāro, “kavaggassa cavaggo” ti abbhāsagākārassa **jakāro** ca.

**531. Byañjanantassa co chappaccayesu ca.**

Dhātvanthassa byañjanassa **cakārādeso** hoti **chappaccayesu** paresu. Tato vibhattiyo, kāyaṃ jigucchati, jigucchanti. Sesam purimasamaṃ. **Chābhāve** gopeti, gopenti iccādi.

**Kita** rogāpanayane, chappaccayo, dvittaṅca.

**Abbhāsaggahaṇamanuvattate.**

### 532. Mānakitānaṃ vatattaṃ vā.

Abbhāsagātānaṃ **māna kita**iccesamaṃ dhātūnaṃ **vakāratakārattaṃ** hoti vā yathākkamaṃ **takāro**, dhātvantassa **cakāro**, sesam samaṃ. Rogam tikicchati, tikicchanti iccādi. **Takārābhāve** “kavaggassa cavaggo”ti **cakāro**, vicikicchati, vicikicchanti iccādi.

**Māna** vīmaṃsapūjāsu, sappaccayadvibhāvaikāravakārā.

### 533. Tato pāmānānaṃ vā maṃ sesu.

Tato abbhāsato parāsam **pāmānānaṃ** dhātūnaṃ **vāmaṃiccete** ādesā honti yathākkamaṃ **sappaccaye** pare. **Sesūti** bahuvacananiddeso payogepi vacanavipallāsañāpanatthaṃ. Atthaṃ vīmaṃsati, vīmaṃsanti iccādi.

Aññattha “lopañcettamakāro”ti **appaccayassekāro**, māneti, mānenti.

**Bhuja** pālanabyavaharaṇesu, bhottumicchati atthe –

“Kha cha sā, vā”ti ca vattate.

### 534. Bhuja ghasa hara su pādīhi tumicchathesu.

**Bhuja ghasa hara su pā** iccevamādīhi dhātūhi **tumicchathesu** ca **kha cha saicete** paccayā honti vā. Tumicchānaṃ, tumantayuttaicchāya vā atthā **tumicchathā**, tena tumantarāhitesu “bhojanamicchati”tiādīsu na honti, “vuttatthānamappayogo”ti vākyassa appayogo, dhātvādissa dvebhāve kate “dutiyaatutthānaṃ paṭhamatatiyā”ti abbhāsabhakārassa **bakāro**, dhātvantassa “ko khe cā”ti **kakāro**, bubhukkhati, bubhukkhanti iccādi.

**Vāti** kimatthaṃ? Bhottumicchati, **icchatthesūti** kimatthaṃ? Bhottum gacchati.

**Ghasa** adane, ghasitumicchati atthe chappaccayo, dvittaṃ, tatiya **cavagga** ikāra **cakārādesā**, jighacchati, jighacchanti.

**Hara** haraṇe, haritumicchati atthe **sappaccayo**.

### 535. Harassa gī se.

**Haraiccetassa** dhātussa sabbassa **gī** hoti **se** paccaye pare. “Gīse”ti yogavibhāgena jissapi, ṭhānūpacārenādesassāpi dhātuvohāratā dvittaṃ, bhikkham jīgīsati, jīgīsanti.

**Su** savāṇe, sotumicchati sussūsati, sussūsanti, “kvaci dhātū”tiādīnā dīgho.

**Pā** pāne, pātumicchati atthe **sappaccayadvittarassattaikārādesā**, “tato pāmānānaṃ vāmaṃ sesū”ti **vādeso**, pivāsati, pivāsanti iccādi.

**Ji** jaye, vijetumicchati vijīgīsati iccādi.

Saṅgho pabbatamiva attānamācarati, pabbato iva ācaratīti vā atthe –

### 536. Āya nāmato kattupamānādācāre.

Ācaraṅakriyāya kattuno upamānabhūtamhā nāmato **āy**appaccayo hoti ācāratthe. Upamīyati etenāti upamānaṃ, kattuno upamānaṃ **kattupamānaṃ**, “vuttatthānamappayogo”ti **iva**saddanivatti, dhātuppaccayantattā “tesaṃ vibhattiyo lopā cā”ti sutte **tesaṃ**gahaṇena vibhattilopo, “pakati cassa sarantassā”ti pakatibhāvo, saralopādi, “dhātuppaccayehi vibhattiyo”ti vibhattuppatti, pabbatāyati saṅgho, evaṃ samuddamiva attānamācarati samuddāyati, cicciṭamiva attānamācarati cicciṭāyati saddo. Evaṃ dhūmāyati.

“Nāmato, ācāre”ti ca vattate.

### 537. Īyūpamānā ca.

Upamānabhūtā nāmato **īy**appaccayo hoti ācāratthe. Puna **upamāna**ggahaṇaṃ **kattuggahaṇa**ṇanivattanatthaṃ, tena kammatopi sijjhati, sesaṃ samaṃ. Achattaṃ chattaṃmivācarati chattiṭyati, aputtaṃ puttamivācarati puttiṭyati sissamācariyo.

**Upamānā**ti kiṃ? Dhammamācarati, **ācāre**ti kiṃ? Achattaṃ chattaṃmiva rakkhati.

“Īyo”ti vattate.

### 538. Nāmamhātticchatthe.

Nāmamhā attano icchatthe **īy**appaccayo hoti. Attano pattamicchati pattiṭyati, evaṃ vatthīyati, parikkhāriyati, cīvarīyati, paṭīyati, dhanīyati, puttiṭyati.

**Atticchatthe**ti kimatthaṃ? Aññassa pattamicchati.

Dalḥaṃ karoti vīriyanti atthe –

**Kārit**aggahaṇaṇamanuvattate.

### 539. Dhātūrūpe nāsmā ṇayoca.

Dhātuyā rūpe nipphādetabbe, “taṃ karoti, tena atikkamati”iccādi ke payujjitabbe vā sati nāmamhā **ṇay**appaccayo hoti, kāritasaññā ca. Ṇalope, vibhattilopasaralopādīsu katesu vibhattuppatti, dalḥayati vīriyaṃ, evaṃ pamāṇayati, amissayati, tathā hatthinā atikkamati atihatthayati, vīṇāya upagāyati upavīṇayati, visuddhā hoti ratti visuddhayati, kusalaṃ pucchati kusalayati iccādi.

### 540. Dhātūhi ṇe ṇaya ṇāpe ṇāpayā kāritāni hetvatthe.

Sabbehi dhātūhi hetvatthe abhidheyye **ṇe ṇayaṇāpe ṇāpaya** iccete paccayā parā honti, te kāritasaññā ca honti. Hetuyeva attho **hetvattho**, so ca “yo kāreti sa hetū”ti laddhahetusañño suddhakattuno payojako hetukattā, atthato pesanajjhesaṇādiko payojakabyāpāro idha hetu nāma.

Ettha ca –

Ṇe ṇayāva uvaṇṇantā, āto dve pacchimā siyuṃ;  
Sesato caturo dve vā, vāsaddassānuvattito.

Akammā dhātavo honti, kārite tu sakammakā;  
Sakammakā dvikammāssu, dvikammā tu tikammakā.

Tasmā kattari kamme ca, kārītākhyātasambhavo;  
Na bhāve suddhakattā ca, kārīte kammasaññito.

Niyādīnaṃ padhānañca, appadhānaṃ duhādīnaṃ;  
Kārīte suddhakattā ca, kammamākhyātagocaranti.

Tattha yo koci bhavati, tamañño ‘‘bhavāhi bhavāhi’’ iccevaṃ bravīti, atha vā bhavantaṃ bhavituṃ samatthaṃ payojayati, bhavituṃ payojetīti vā atthe iminā **neṇayappaccayā**, kārītasaññā ca, ‘‘vuttatthānamappayogo’’ti vākyassa appayogo, ‘‘kārītānaṃ ṇo lopa’’nti **ṇalopo**, ‘‘asaṃyogantassa vuddhi kārīte’’ti **ūkārassokāro** vuddhi.

‘‘O, e’’ti ca vattate, **dhātu**ggahaṇaṇca.

#### 541. Te āvāyā kārīte.

Te dhātvantabhūtā **okārekārā āvaāyā**dese pāpuṇanti kārīte pare. ‘‘Te āvāyā’’ti yogavibhāgena **jheādīnaṃ** akārītepi hontīti **okārassa āvā**dese, saralopādī, ‘‘dhātuppaccayehi vibhattiyo’’ti **tyā**dayo.

So samādhiṃ bhāveti, bhāvayati, bhāventi, bhāvayanti. Bhāvesi, bhāvayasi, bhāvetha, bhāvayatha. Bhāvemi, bhāvayāmi, bhāvema, bhāvayāma. Bhāvayate, bhāvayante.

**Kamme** attanopadayappaccayaikārāgamā, saralopādī ca, tena bhāvīyate samādhi, bhāvīyante. Bhāvīyati, bhāvīyanti.

Tathā bhāvetu, bhāvayatu, bhāventu, bhāvayantu. Bhāvehi, bhāvaya, bhāvayāhi, bhāvetha, bhāvayatha. Bhāvemi, bhāvayāmi, bhāvema, bhāvayāma. Bhāvayataṃ, bhāvayantaṃ.

**Kamme** bhāvīyataṃ, bhāvīyatu, bhāvīyantu.

Bhāveyya, bhāvaye, bhāvayeyya, bhāveyyuṃ, bhāvayeyyuṃ. Bhāveyyāsi, bhāvayeyyāsi, bhāveyyātha, bhāvayeyyātha. Bhāveyyāmi, bhāvayeyyāmi, bhāveyyāma, bhāvayeyyāma. Bhāvetha, bhāvayetha, bhāveraṃ, bhāvayeraṃ.

**Kamme** bhāvīyeyya, bhāvīyeyyuṃ.

**Ajjataniyaṃ** ‘‘sattamajjatanimhī’’ti yogavibhāgena kārītantāpi dīghato sakārāgamo.

Abhāvesi, bhāvesi, abhāvayī, bhāvayī, abhāvesuṃ, bhāvesuṃ, abhāvayīṃsu, bhāvayīṃsu, abhāvayūṃ, bhāvayūṃ. Abhāvesi, abhāvayasi, abhāvīttha, abhāvayīttha. Abhāvesiṃ, bhāvesiṃ, abhāvayīṃ, bhāvayīṃ, abhāvīmha, abhāvayīmha.

**Kamme** abhāvīyīttha, abhāvīyi.

Bhāvessati, bhāvayissati, bhāvessanti, bhāvayissanti. Bhāvessasi, bhāvayissasi, bhāvissatha, bhāvayissatha. Bhāvessāmi, bhāvayissāmi, bhāvessāma, bhāvayissāma.

**Kamme** bhāvīyissate, bhāvīyissante. Bhāvīyissati, bhāvīyissanti.

Abhāvissa, abhāvayissa, abhāvissaṃsu, abhāvayissaṃsu. **Kamme** abhāvīyissatha, abhāvīyissa iccādi.

Tathā yo koci pacati, tamañño ‘‘pacāhi pacāhi’’ iccevaṃ bravīti, atha vā pacantaṃ payojeti, pacituṃ vā payojetīti atthe vuttanayena **ne ṇayā**dayo, **akārassākāro** vuddhi, sesaṃ neyyaṃ.

So devadattaṃ odanaṃ pāceti, pācenti. Pācesi, pācetha. Pācemi, pācema. Pācayati, pācayanti. Pācayasi, pācayatha. Pācayāmi, pācayāma. **Ñāpeṇāpayesu** pana so puriso taṃ purisaṃ odanaṃ pācāpeti, pācāpenti. Pācāpayati, pācāpayanti.

**Kamme** so odanaṃ pācīyati tena, pācayīyati, pācāpīyati, pācāpayīyati.

Tathā pācetu, pācayatu, pācāpetu, pācāpayatu. Pācīyataṃ, pācīyatu, pācayīyataṃ, pācayīyatu, pācāpīyataṃ, pācāpīyatu, pācāpayīyataṃ, pācāpayīyatu. Pāceyya, pācayeyya, pācāpeyya, pācāpayeyya. Pācīyeyya, pācīyeyyūṃ. Apācesi, apācayi, apācāpesi, apācāpayi. Pācessati, pācayissati, pācāpessati, pācāpayissati. Apācissa, apācayissa, apācāpissa, apācāpayissa iccādi.

Gacchantaṃ, gantaṃ vā payojētīti atthe **ṇe ṇayā**dayo, vuddhiyaṃ sampattāyaṃ –

“Asaṃyogantassa vuddhi kārite”ti vattate.

#### 542. Ghaṭādīnaṃ vā.

Ghaṭādīnaṃ dhātūnaṃ asaṃyogantānaṃ vuddhi hoti vā kāriteti ettha **vā**ggahaṇena vuddhi na hoti, vavattḥitavibhāsathoyaṃ **vā**saddo.

So taṃ purisaṃ gāmaṃ gameti, gamayati, gacchāpeti, gacchāpayati. So gāmaṃ gamīyati tena, gamayīyati, gacchāpīyati, gacchāpayīyati iccādi. Sabbattha yojetabbaṃ. Evaṃ uparipi.

**Ghaṭa** ṭhāyaṃ, ghaṭantaṃ payojayati, ghaṭeti, ghaṭādīnaṃ vāti na vuddhi, ghaṭayati, ghaṭāpeti, ghaṭāpayati.

“Kārite”ti vattate.

#### 543. Guha dusānaṃ dīghaṃ.

**Guhadusa**icchetesaṃ dhātūnaṃ saro **dīgha**māpajjate kārite pare, vuddhāpavādoyaṃ.

**Guha** saṃvaraṇe, guhituṃ payojayati gūhayati, gūhayanti. **Dusa** appītimhi, dussantaṃ payojayati dūsayati, dūsayanti iccādi.

Tathā icchantaṃ payojayati icchāpeti, icchāpayati, eseti, esayati. Niyacchantaṃ payojayati niyāmeti, niyāmayati. Āsantaṃ payojayati āseti, āsayati, acchāpeti, acchāpayati. Labhantaṃ payojayati lābheti, lābhayati. Vacantaṃ payojayati vāceti, vācayati, vācāpeti, vācāpayati. Evaṃ vāseti, vāsayati, vāsāpeti, vāsāpayati. Vāheti, vāhayati, vāhāpeti, vāhāpayati. Jireti, jīrayati, jīrāpeti, jīrāpayati. Māreti, mārayati, mārāpeti, mārāpayati. Dasseti, dassayati iccādi.

Tathā tudantaṃ payojayati todeti, todayati, todāpeti, todāpayati. Pavisantaṃ payojayati, pavisituṃ vā paveseti, pavesayati, pavesāpeti, pavesāpayati. Uddisantaṃ payojayati uddisāpeti, uddisāpayati. Pahantaṃ payojayati pahāveti, pahāvayati. Sayantaṃ payojayati sāyati, sāyayati, sāyāpeti, sāyāpayati. Ettha ekārassa **āyā**deso, sayāpeti, sayāpayati, “kvaci dhātū”tiādīnaṃ ṇāpeṇāpayesu **āyā**desassa rassantaṃ. Nayantaṃ payojayati nayāpeti, nayāpayati. Patiṭṭhantaṃ payojayati patiṭṭhāpeti, patiṭṭhāpayati, patiṭṭhapeti vā.

Hanantaṃ payojayātīti atthe **ṇeṇayā**dayo.

“Ṇamhī”ti vattate.



#### 544. Hanassa ghāto.

**Hana**iccetassa dhātussa **ghātā**deso hoti **ṇakā**ravati kārītapaccaye pare. Ghāteṭi, ghāteyati, ghātāpeti, ghātāpayati, “vadho vā sabbatthā”ti **vadhā**dese vadheti, vadhāpeti.

Juhantaṃ payojayati juhāveti, juhāvayati. Jahantaṃ payojayati jahāpeti, jahāpayati, hāpeti, hāpayati. Dadantaṃ payojayati dāpeti, dāpayati. Pidaḥantaṃ payojayati pidhāpeti, pidhāpayati, pidahāpeti, pidahāpayati.

Rundhantaṃ payojayati rodheti, rodhayati, rodhāpeti, rodhāpayati. Chindantaṃ payojayati chedeti, chedayati, chedāpeti, chedāpayati. Yuñjantaṃ payojayati yojeti, yojayati, yojāpeti, yojāpayati. Bhuñjantaṃ payojayati bhojeti, bhojayati, bhojāpeti, bhojāpayati. Muñcantaṃ payojayati moceti, mocayati, mocāpeti, mocāpayati.

Dibbantaṃ payojayati deveti, devayati. Uppajjantaṃ payojayati uppādeti, uppādayati. Bujjhantaṃ payojayati bodheti, bodhayati. “Dādhāntato yo kvacī”ti **yakā**rāgamo, bujjhāpeti, bujjhāpayati. Tussantaṃ payojayati toseti, tosayati, tosāpeti, tosāpayati. Sammantaṃ payojayati sameti, samayati, ghaṭādittā na vuddhi. Kuppantaṃ payojayati kopeti, kopayati. Jāyantaṃ payojayati janeti, janayati, ghaṭādittā na vuddhi.

Suṇantaṃ payojayati dhammaṃ sāveti, sāvayati. Pāpuṇantaṃ payojayati pāpeti, pāpayati.

Vikkiṇantaṃ payojayati vikkāyāpeti, vikkāyāpayati. Jinantaṃ payojayati jayāpeti, jayāpayati. Jānantaṃ payojayati ñāpeti, ñāpayati. Gaṇhantaṃ payojayati gāheti, gāhayati, gāhāpeti, gāhāpayati, gaṇhāpeti, gaṇhāpayati.

Vitanantaṃ payojayati vitāneti, vitānayati. Yo koci karoti, tamañño “karohi karohi”iccevaṃ bravīti, karontaṃ payojayati, kātuṃ vā kāreti, kārayati, kārāpeti, kārāpayati iccādi.

Corentaṃ payojayati corāpeti, corāpayati. Cintentaṃ payojayati cintāpeti, cintāpayati, pūjentaṃ payojayati pūjāpeti, pūjāpayati iccādi. Sabbattha subodhaṃ.

Dhātuppaccayato cāpi, kārītapaccayā siyuṃ;  
Sakāritehi yuṇvūnaṃ, dassanañcettha ñāpakaṃ.

Tena titikkhantaṃ payojayati titikkheti, titikkhāpeti. Tikicchantaṃ payojayati tikiccheti, tikicchayati, tikicchāpeti, tikicchāpayati. Evaṃ bubhukkheti, bubhukkhayati, bubhukkāpeti, bubhukkāpayati, pabbatāyantaṃ payojayati pabbatāyayati. Puttīyayati iccādi siddhaṃ bhavati.

Dhātuppaccayantanayo.

Sāsanatthaṃ samuddiṭṭhaṃ, ākhyātaṃ sakabuddhiyā;  
Bāhusaccabalenīdaṃ, cintayantu vicakkhaṇā.

Bhavati tiṭṭhati seti, ahosi evamādayo;  
Akammakāti viññeyyā, kammalakkhaṇaviññunā.

Akammakāpi hetvattha-ppaccayantā sakammakā;  
Taṃ yathā bhikkhu bhāveti, maggaṃ rāgādīdūsakanti.

Iti padarūpasiddhiyaṃ ākhyātakaṇḍo

Chaṭṭho.

## 7. Kibbidhānakaṇḍa

Tekālika

Kiccappaccayantanaya

Atha dhātūhiyeva bhāvakkammakattukaraṇādisādhanasahitaṃ kibbidhānamārabhīyate.

Tattha kiccakitakavasena duvidhā hi paccayā, tesu kiccasaññāya paṭhamam vuttattā, kiccānamappakattā ca kiccappaccayā tāva vuccante.

**Bhū** sattāyaṃ, “bhūyate, abhavittha, bhavissate vā devadattenā”ti viggahe –

“Dhātuyā kammādimhi ṇo”ti ito “dhātuyā”ti sabbattha paccayādividhāne vattate, “parā, paccayā”ti ca adhiḱāro.

**545. Bhāvakkammesu tabbānīyā.**

**Bhāvakkamma**iccetesvatthesu sabbadhātūhi **tabba anīya**iccete paccayā parā honti. Yogavibhāgena aññatthāpi.

Tattha –

Akammakehi dhātūhi, bhāve kiccā bhavanti te;  
Sakammakehi kammатthe, arahasakkatthadīpakā.

Te ca –

**546. Nādayo tekālikā.**

Tikāle niyuttā **tekālikā**, ye idha tatiye dhātūvādhikāre vihitā aniddiṭṭhakālā **nādayo** paccayā, te tekālikā hontīti paribhāsato kālattayepi honti.

Sīhagatiyā “kvacī”ti vattate.

**547. Yathāgamamikāro.**

Yathāgamaṃ yathāpayogaṃ jinavacanānuparodhena dhātūhi paro ikārāgamo hoti kvaci byañjanādikesu **kiccakitakappaccayesu**, “aññesu cā”ti vuddhi, “o ava sare”ti avādeso, “naye paraṃ yutte”ti paraṃ netabbaṃ.

**548. Te kiccā.**

Ye idha vuttā **tabbānīyānya teyya riccappaccayā**, te **kiccasaññā** hontīti veditabbā. Tato “aññe kiti”ti vacanato kiccappaccayānamakitakattā nāmayapadeso asampatte “taddhitasamāsakitakā nāmaṃvāvetunādīsu cā”ti ettha **caggahaṇena** nāmayapadeso, tato **syādyuppatti**. **Bhāve** bhāvassekattā ekavacanameva, “si”nti amādeso. Bhavitabbaṃ bhavatā paññena, bhavanīyaṃ.

Idha byañjanādittābhāvā anuvattitak**kvaci**ggahaṇena ikārāgamābhāvo. **Bhāve** kiccappaccayantā napuṃsakā. **Kamme** tilingā.

**Kammani** abhipubbo, abhibhūyate, abhibhūyittha, abhibhūyissateti abhibhavitabbo kodho paṇḍitena, abhibhavitabbā taṇhā, abhibhavitabbaṃ dukkhaṃ, evaṃ abhibhavanīyo, abhibhavanīyā, abhibhavanīyaṃ, **purisa kaññā citta**saddanayena netabbaṃ, evaṃ sabbattha.

Ettha hi –

Tabbādīheva kammaṣṣa, vuttattāva punattanā;  
Vattabbassa abhāvā na, dutiyā paṭhamā tato.

**Āsa** upavesane, āsīyittha, āsīyate, āsīyissateti āsitabbaṃ tayā, āsanīyaṃ. **Kamme** upāsītabbo garu, upāsanīyo.

**Sī** saye, asīyittha, sīyate, sīyissateti sayitabbaṃ bhavatā, sayanīyaṃ, “e ayā” ti **ayā**deso, atisayītabbo paro, atisayanīyo.

**Pada** gatimhi, uppajjittha, uppajjate, uppajjissateti uppajjitabbaṃ tena, uppajjanīyaṃ, ettha ca “kattarī” ti adhikāraṃ vinā “divādito yo” ti vinādhikārayogavibhāgena **yappaccayo**, “tassa cavaggaṃ kāra” iccādinā **cavaggo**, “paradvebhāvo ṭhāne” ti dvibhāvo, paṭipajjitabbo maggo, paṭipajjanīyo.

**Budha** avagamane, abujjhīttha, bujjhate, bujjhissateti bujjhitabbo dhammo, bujjhanīyo.

**Su** savaṇe, asūyittha, sūyate, sūyissateti sotabbo dhammo, idha **yathāgamaggahaṇe**na ikārāgamābhāvo, suṇītabbo, “svādito ṇu ṇā uṇā cā” ti vinādhikārayogavibhāgena **ṇāpaccayo**, savaṇīyo.

**Kara** karaṇe, karīyittha, karīyati, karīyissatīti atthe **tabbā’nīyā**.

“Antassa, karassa, ca, tatta” nti ca vattate.

**549. Tuṃ tu na tabbesu vā.**

**Kara**iccetassa dhātussa antabhūtassa **rakārassa takārattaṃ** hoti vā tuṃ **tu na tabba**iccetesu paccayesu paresu. Kattabbo bhavatā dhammo, kattabbā pūjā, kattabbaṃ kusalaṃ, **tattābhāve** “karotissā” ti vattamāne “tavetunādīsu kā” ti ettha **ādisaddena tabbepi kā**deso, kātabbāṃ hitaṃ.

**550. Rahādito ṇa.**

**Rakāra hahārādyante**hi dhātūhi parassa **anānīyā**dinakārassa **ṇakāro** hoti. **Ādisaddena ramu apañātā**ditopi.

Rahādito parassettha, nakārassa asambhavā;  
Anānīyādinasseva, sāmathyāyaṃ ṇakaratā.

Karaṇīyo dhammo, karaṇārahoti attho, karaṇīyā, karaṇīyaṃ.

**Bhara** bharaṇe, bhariyatīti bharitabbo, bharaṇīyo.

**Gaha** upādāne, agayhittha, gayhati, gayhissatīti gahetabbo, “tesu vuddhī” tiādinā **ikārassakāro**, saṅgaṇhitabbo, “gahādito ppaṇhā” ti vinādhikārayogavibhāgena **ṇhāpaccayo**, **halopasaralopādi**, saṅgaṇhaṇīyo, gahaṇīyo.

**Ādigga**haṇeṇa **ramu** kīlāyaṃ, ramīyittha, ramīyati, ramīyissatīti ramitabbo, ramaṇīyo vihāro.

**Apa** pāpuṇane, **uṇā**paccayo, pāpīyatīti pāpuṇitabbo, “gupādīnañcā”ti dhātvantassa lopo, dvittañca, pattabbo, patteyyo, pāpuṇaṇīyo, pāpaṇīyo.

“Antassa, vā”ti ca vattate.

### 551. Gama khana hanādīnaṃ tuṃtabbādīsu na.

**Gama khana hana**iccevamādīnaṃ **makāra nakā**rantānaṃ dhātūnamantassa **nakāro** hoti vā **tuṃ tabba tave tuna tvānatvā**iccevamādīsu **takā**rādippaccayesu paresu. Agacchīyittha, gacchīyati, gacchīyissatīti gantabbo maggo, gamitabbaṃ, gamaṇīyaṃ.

**Khanu** avadāraṇe, akhaññittha, khaññati, khaññissatīti khantabbaṃ āvāṭaṃ, khanitabbaṃ, “kvaci dhātū”tiādīnā **khanantassa ṇatta**ñca, khaṇitabbaṃ, khaṇaṇīyaṃ, khaṇaṇīyaṃ vā.

**Hana** hiṃsā gatīsu, ahaññittha, haññate, haññissateti hantabbaṃ, hanitabbaṃ, hanaṇīyaṃ.

**Mana** ñāṇe, amaññittha, maññate, maññissateti mantabbo, manitabbo, **yappaccaye cavaggā**di, maññitabbaṃ, maññāṇīyaṃ.

**Pūja** pūjāyaṃ, apūjīyittha, pūjīyati, pūjīyissatīti atthe **tabbānīyā**. “Curādito ṇe ṇayā”ti akattaripi **ṇeṇayā**, **ikārāgamānīy**esu “saralopo”tiādīnā kārītasarassa lopo, pūjetabbo, pūjayitabbo, pūjaṇīyo bhagavā.

“Tabbānīyā”ti yogavibhāgena kattukaraṇesupi, **yā** pāpuṇane, niyyātīti niyyānīko maggo. Gacchantīti gamaṇīyā bhogā. **Naha** soce, nahāyati etenāti nahāṇīyaṃ cuṇṇaṃ.

“Bhāvakkammesū”ti adhikāro.

### 552. Ṇyo ca.

Bhāvakkammesu sabbadhātūhi **ṇyappaccayo** hoti, **caggahaṇena** “ñāteyya”ntiādīsu **teyyappaccayo** ca.

### 553. Kārītaṃ viya ṇānubandho.

**Anubandho** appayogī, **ṇakārānubandho** paccayo kārītaṃ viya daṭṭhabboti kārītabyapadeso, “kārītānaṃ ṇo lopa”nti **ṇalopo**, “asaṃyogantassa vuddhi kārīte”ti vuddhi, **ikārāgamo**, kattabbaṃ kārīyaṃ.

**Hara** haraṇe, aharīyittha, harīyati, harīyissatīti vā haritabbaṃ hāriyaṃ.

**Bhara** bharaṇe, bharitabbaṃ bhāriyaṃ.

**Labha** lābhe, labhitabbaṃ labbhaṃ, “yavataṃ talana”iccādisutte **kārāgahaṇena yavato bhakārassa bhakāro**, dvittaṃ.

**Sāsa** anusiṭṭhimhi, sāsītabbo sisso, “kvaci dhātū”tiādīnā **ākārassikāro**.

**Vaca** viyattīyaṃ vācāyaṃ, **ṇyappaccayā**dimhi kate “antānaṃ, ṇānubandhe”ti ca vattate.

### 554. Kagā cajānaṃ.

**Cajaiccetesam** dhātvantānaṃ **kakāra g**akārādesā honti **ṇakārānubandhe** paccaye paretī **cassa**

**kādeso.** Vacanīyaṃ vākyam.

**Bhaja** sevāyaṃ, bhajanīyaṃ bhāgyaṃ, **jassa gādeso.**

**Ci** caye, acīyittha, cīyati, cīyissatīti cetabbaṃ ceyyaṃ, **ikārassekāro** vuddhi, **yakārassa** dvittam, **vinipubbo** “do dhassa cā”ti sutte **caggahaṇena cakārassa chakāro**, viniccheyyaṃ, vinicchitabbaṃ, vinicchaniyaṃ. “Kiyādito nā”ti vinādhikārayogavibhāgena **tabbānīya tuṃ tunā** dīsu ca **nāpaccayo**, vinicchinitabbaṃ, vinicchinanīyaṃ.

**Nī** pāpuṇane, anīyittha, nīyati, nīyissatīti neyyo, neyyā, neyyaṃ. Netabbaṃ.

**Ṅyaggahaṇaṃ** chaṭṭhīyantavasenānuvattate, maṇḍūkagatiyā **antaggahaṇaṃ**ca tatiyantavaseṇa.

### 555. Bhūtobba.

**Bhū** iccetasmaṃ parassa **ṇyappaccayassa** saha dhātvantena **abbādeso** hoti. Bhavitabbo bhabbo, bhabbā, bhabbaṃ.

“Ṅyassa, antenā”ti ca vattate.

### 556. Vada mada gamu yuja garahākārādīhi jjamaggayheygāro vā.

**Vada mada gamu yuja garaha**iccevamādīhi dhātūhi, **ākāra**ntehi ca parassa **ṇyappaccayassa** dhātvantena saha yathākkamaṃ **jja mma gga yha e yya**iccete ādesā honti vā, **garassa** ca **gārādeso**, **garahassa garassevāyaṃ gāro**. Vavatthitavibhāsathoyaṃ **vāsaddo**.

**Vada** viyattiyaṃ vācāyaṃ, avajjittha, vajjati, vajjissatīti vā vajjaṃ vadanīyaṃ, rassattaṃ. Vajjaṃ doso.

**Mada** ummāde, amajjittha, majjate, majjissati etenāti majjaṃ madanīyaṃ. **Madaggahaṇena** karaṇepi **ṇyappaccayo**. **Gamu sappa** gatimhi, gantabbaṃ gammaṃ.

**Yuja** yoge, ayujjittha, yujjate, yujjissatīti yoggaṃ, niyojjo vā.

**Garaha** nindāyaṃ, agarayhittha, garahīyati, garahīyissatīti atthe **ṇyappaccayo**, tassiminā dhātvantena saha **yhādeso**, **garassa gārādeso** ca, gārayho, gārayhā, gārayhaṃ, garahaṇīyaṃ.

**Ādisaddena** aññepi **damajahantā** gayhante. **Gada** viyattiyaṃ vācāyaṃ, gajjate, gadanīyaṃ vā gajjaṃ. **Pada** gatimhi, pajjanīyaṃ pajjaṃ gāthā. **Khāda** bhakkhaṇe, khajjateti khajjaṃ khādanīyaṃ. **Damu** damane, adammittha, dammate, damīyissatīti dammo damanīyo. **Bhuja** pālanabyavaharaṇesu, abhujjittha, bhujjati, bhujjissatīti bhoggaṃ, bhojjaṃ vā, **kāraggahaṇena yassa jakāro**. Gahetabbaṃ gayhamiccādi.

**Ākārantato pana dā** dāne, adīyittha, dīyati, dīyissatīti atthe **ṇyappaccayo**, tassiminā dhātvantena **ākārena** saha **eyyādeso**, deyyaṃ, dātabbaṃ. **Anīye** “saralopo”tiadinā pubbasarassa lope sampatte tattheva **tuggahaṇena** nisedhetvā “sarā sare lopa”nti **ākāre** lutte parasarassa **dīgho**, dānīyaṃ.

**Pā** pāne, apīyittha, pīyati, pīyissatīti peyyaṃ, pātabbaṃ, pānīyaṃ. **Hā** cāge, ahīyittha, hīyati, hīyissatīti heyyaṃ, hātabbaṃ, hānīyaṃ. **Mā** māne, amīyittha, mīyati, mīyissatīti meyyaṃ, mātabbaṃ, mīnitabbaṃ, metabbaṃ vā. **Ñā** avabodhane, aññāyittha, ñāyati, ñāyissatīti ñeyyaṃ, ñātabbaṃ, ñāteyyaṃ. “Ñāssa jā jaṃ nā”ti **jādeso** “kiyādito nā”ti vinādhikārayogavibhāgena **nāpaccayo**, ikārāgamo ca, jānitabbaṃ, vijānanīyaṃ. **Khyā**pakathane, saṅkhyātabbaṃ, saṅkhyeyyaṃ iccādi.

**557. Karamhā ricca.**

**Karadhātuto riccappaccayo** hoti bhāvakammesu.

**558. Ramhi ranto rādi no.**

**Rakārānubandhe** paccaye pare sabbo dhātvanto **rādi** paccayarakāramariyādo **no** hoti, lopamāpajjateti attho. **Rantoti** ettha **rakāro** sandhijo, kattabbaṃ kiccaṃ. “Riccā”ti yogavibhāgena bharādītopi **riccappaccayo**, yathā, bhariyatīti bhacco, saralopo. I gatimhi, pati etabbo paṭicco.

**559. Pesātisaggapattakālesu kiccā.**

**Pesa atisagga pattakālaicchetesvatthesu kiccappaccayā** honti. **Pesanaṃ nāma** “kattabbamidaṃ bhavatā”ti āṇāpanaṃ, ajjhesanañca. **Atisaggonāma** “kimidaṃ mayā kattabba”nti puṭṭhassa vā “pāṇo na hantabbo”tiādīnā paṭipattidassanamukhena vā kattabbassa anuññā. **Pattakālo nāma** sampattasamayo yo **attano** kiccakaraṇasamayamanupaparikkhitvā na karoti, tassa samayārocanaṃ, na tatha ajjhesanamatthīti. Te ca “bhāvakammesu kiccattakkhatthā”ti vuttattā bhāvakammesveva bhavanti.

**Pesane** tāva – karīyatu bhavatā kammanti atthe iminā **tabbānīyā**, sesaṃ vuttanayameva, kattabbaṃ kammaṃ bhavatā, karaṇīyaṃ kiccaṃ bhavatā.

**Atisagge** bhujjatu bhavatāti atthe **tabbādi**, “aññesu cā”ti vuddhi.

“Tassā”ti vattate.

**560. Bhujādīnamanto no dvi ca.**

**Bhujai**ccavamādīnaṃ **jakārādi**antānaṃ dhātūnamanto **no** hoti, parassa kiccakitakappaccayatakarāssa ca **dvebhāvo** hoti. Bhottabbaṃ bhojanaṃ bhavatā, bhojanīyaṃ bhojjaṃ bhavatā.

**Ikārāgamayuttatakāre** pana – “namakarānamantānaṃ niyuttatamhī”ti ettha “antānaṃ niyuttatamhī”ti yogavibhāgena dhātvantalopādinisedho, “rudhādīto niggahītapubba”nti vinādhikārayogavibhāgena, “niggahītañcā”ti vā niggahītagamo, bhuñjitabbaṃ tayā, yuñjitabbaṃ.

**Samayārocane** pana – i ajjhayane **adhipubbo**, adhīyataṃ bhavatāti atthe **tabbānīyādi**, ikārāgamavuddhiyādesa**ajjhādesā** ca, **ṇyappaccaye** tu vuddhi, **yakārassa** dvittañca, ajjhayitabbaṃ, ajjheyyaṃ bhavatā, ajjhayaniyaṃ bhavatā, avassaṃ kattabbanti vākye pana “kiccā”ti adhikicca “avassakādhamaṇesu ṇī cā”ti avassakādhamaṇatthe ca **tabbādayo**, kattabbaṃ me bhavatā geḥaṃ, karaṇīyaṃ, kāriyaṃ. Evaṃ dātabbaṃ me bhavatā sataṃ, dānīyaṃ, deyyaṃ.

**Dhara** dhāraṇe, curādittā **ṇeṇayā**, vuddhi, ikārāgamo ca, dhāretabbaṃ, dhārayitabbaṃ iccādi.

“Nudādīhi yuṇvūnamanānanākānanakā sakāritehi cā”ti sakāritehipi **yuṇvūn**amādesavidhānatoyeva dhātuppaccayantatopi kiccakitakappaccayā bhavanti daṭṭhabbo. Tena titikkhāpīyatīti titikkhāpetabbo. Evaṃ tikicchāpetabbo tikicchāpanīyo. Abhāvīyittha, bhāvīyati, bhāvīyissatīti bhāvetabbo maggo. Bhāvayitabbo, bhāvanīyo, bhāvanīyaṃ, bhāvanīyā, akārīyittha, kāriyati, kāriyissatīti kāretabbaṃ, kārayitabbaṃ, kārapetabbaṃ, kārapayitabbaṃ, kārapanīyamiccādi **ca** siddhaṃ bhavati.

Kattabbaṃ karaṇīyañca, kāriyaṃ kiccamiccapi;  
Kāretabbaṃ tathā kārā-petabbaṃ kiccasaṅgaho.

Kiccappaccayantanayo.

**Tekālika**

**Kitakappaccayantanaya**

Idāni kitakappaccayā vuccante.

**Kara** karaṇe, pure viya dhātusaññādi.

Kumbhaiccupapadaṃ, tato dutiyā.

“Kumbhaṃ karoti, akāsi, karissatī”’ti vā viggāhe –

“Parā, paccayā”’ti ca vattate.

**561. Dhātuyā kammādimhi ṇo.**

Kammaṣmiṃ ādimhi sati dhātuyā paro **ṇappaccayo** hoti.

So ca –

**562. Aññe kita.**

Tatiye dhātuvādhikāre vihitā kiccehi aññe paccayā kiticceva saññā hontīti **kitasaññā** katā.

**563. Kattari kita.**

Kattari kārake **kitapaccayo** hotīti niyamato kattari bhavati, so ca “ṇādayo tekālikā”’ti vuttattā kālattaye ca hoti. Pure viya kāritabyapadesaṇa<sup>1</sup>lopavuddhiyo, paccayantassāliṅgattā **syādimhi** asampatte “taddhitasamāsakitakā nāmaṃvātavetunādīsu cā”’ti kitakantattā nāmaṃva kate **syādyuppatti**, tato kumbhaṃ karotīti atthe “amādayo parapadebhī”’ti dutiyāṭappurisasamāso, “nāmāna”’ntiādinā samāsasaññā, “tesaṃ vibhattiyo lopā cā”’ti vibhattilopo, “pakati cassa sarantassā”’ti pakatibhāvo, puna samāsattā nāmamiva kate **syādyuppatti**.

So kumbhakāro, te kumbhakārā iccādi. **Itthiyaṃ** kumbhakārī, kumbhakāriyo iccādi, tathā kammaṃ karotīti kammakāro. Evaṃ mālākāro, kaṭṭhakāro, rathakāro, suvaṇṇakāro, suttakāro, vuttikāro, ṭikākāro.

**Gaha** upādāne, pattaṃ agaṇhi, gaṇhāti, gaṇhissatīti vā pattaḡgāho. Evaṃ rasmiggāho, rajjuggāho.

**Ve** tantasantāne, tantaṃ avāyi, vāyati, vāyissatīti vā tantavāyo, “te āvāyā kārite”’ti **āyādeso**, vākye panettha “te āvāyā”’ti yogavibhāgena **āyādeso**. Evaṃ tunnavāyo.

**Mā** parimāṇe, dhaññaṃ amini, mināti, minissatīti vā atthe **ṇappaccaye** kate –

“Ṇamhī”’ti vattate.

**564. Ākārantānamāyo.**

Ākārantānaṃ dhātūnaṃ antassa **āyādeso** hoti **ṇakārānubandhe** paccaye pare, saralopādi. Dhaññaṃamāyo. Evaṃ dānaṃ dadātīti dānadāyo.

**Kamu** kantimhi, dhammaṃ akāmayi, kāmayati, kāmayissatīti vā dhammakāmo puriso, dhammakāmā kaññā, dhammakāmaṃ cittaṃ. Evaṃ atthakāmo, hitakāmo, sukakāmo, dhammaṃ pāletīti dhammapālo iccādi.

**Damu** damane, “ariṃ adami, dameti, damissatī”ti viggāhe “dhātuyā”ti adhikāro, “kammādimhī”ti ca vattate.

### 565. Saññāyamanu.

Kammūpapade ādimhi sati saññāyaṃ gamyamānāyaṃ dhātuyā appaccayo hoti, upapadante nukārāgamo ca. Ettha ca “nu niggahītaṃ padante”ti sutte “padante”ti vacanato upapadanteyeva nukārāgamo hotīti daṭṭhabbaṃ. “Tesu vuddhī”tiādinā ukāralopo. Ayaṃ pana **nvā**gamo samāsaṃ katvā upapadavibhattilope kateyeva hotīti veditabbaṃ.

### 566. Nu niggahītaṃ padante.

Upapadabhūtanāmapadante vattamāno nukārāgamo **niggahīta**māpajjate, niggahītaṃ vaggantattaṃ, sesaṃ samaṃ, vuddhābhāvova viseso, arindamo rājā.

Tathā **tara** taraṇe, vessaṃ taratīti vessantaro, taṇhaṃ karoti hiṃsatīti taṇhaṅkaro bhagavā. Evaṃ medhaṅkaro, saraṇaṅkaro, dīpaṅkaro.

“Ādimhi, a”iti ca vattate.

### 567. Pure dadā ca iṃ.

**Purasadde** ādimhi sati “**dada** dāne”iccetāya dhātuyā appaccayo hoti, **purasadde** akārassa iñca hoti. Ettha ca “tadanuparodhenā”ti paribhāsato **purasadde**antasseva **iṃ** hotīti daṭṭhabbaṃ. **Nā**dīnaṃ tekālikattepi upapadatthavisesena atīteyevāyamappaccayo hotīti daṭṭhabbaṃ. Pure dānaṃ adadīti purindado sakko. Idhāpi vibhattilope kateyeva **iṃ**ādeso.

“Kammādimhi, a”iti ca vattate.

### 568. Sabbato ṇvu tvāvī vā.

Sabbato dhātuto kammādimhi vā akammādimhi vā sati **a ṇvu tu āvī** iccete cattāro paccayā honti. **Vā**ggahaṇaṃ “akammādimhi vā”ti vikappanattaṃ.

Appaccaye tāva – **dhara** dhāraṇe, dhammaṃ adhari, dharati, dharissatīti vā dhammadharo. Evaṃ vinayadharo. Tathā taṃ karotīti takkaro, dvittaṃ. Evaṃ hitakaro, divasakaro, dinakaro, divākaro, nisākaro, dhanuṃ gaṇhātīti dhanuggaho. Evaṃ kaṭaggaho, sabbakāmaṃ dadātīti sabbakāmadado, sabbadado.

**Ā**to pana – annaṃ adāsi, dadāti, dadissatīti annado. Evaṃ dhanado, saccaṃ sandahatīti saccasandho. **Pā** pāne, majjaṃ pivatīti majjapo. **Tā** pālāne, gavaṃ saddaṃ tāyatīti gottaṃ. Evaṃ kattari.

Akammādimhi pana “yasmā dāpetī”ti sutte **bhaya**ggahaṇena sesasāadhanepi appaccayo.

**Nī** pāpuṇane vipubbo, vinesi, vineti, vinessati etena, etthāti vā vinayo, “aññesu cā”ti vuddhi, **ayā**deso ca, nayaṇaṃ nayo. **Si** sevāyaṃ nipubbo, nissīyittha, nissīyati, nissīyissatīti vā nissayo. **Si** saye, anusayi, anuseti, anusessatīti vā anusayo.

**I** gatimhi **patip**ubbo, paṭicca ekasmā phalametīti paccayo, samudayo. **Ci** caye, vinicchīyate



anena, vinicchayanam vā vinicchayo, uccayanam uccayo, sañcayo, dhammam vicinātīti dhammavicayo. **Khī** khaye, khayanam khayō. **Ji** jaye, vijayanam vijayo, jayo. **Kī** dabbavinimaye, vikkayanam vikkayo, kayo. **Lī** silesane, allīyati etthāti ālayo, layo. Evaṃ **ivaṇṇantato**.

Āsuṇantīti assavā, avādeso, paṭissavanam paṭissavo. **Su** gatimhi, ābhavaggā savantīti āsavā. **Ru** sadde, ravatīti ravo. Bhavatīti bhavo. Pabhavati etasmāti pabhavo. **Lū** chedane, lavanam lavo. Evaṃ **uvaṇṇantato**.

Niggaṇhāti, niggahaṇam vā niggaho, paggaho, saṅgaṇhāti tena, saṅgahaṇam vā saṅgaho. **Vara** varaṇe, saṃvaraṇam saṃvaro. **Dara** ādare, ādaraṇam ādaro. Āgacchati, āgamananti vā āgamo, āgamīyanti ettha, etena vā atthāti āgamo pariyatti. Sappatīti sappo. Dibbatīti devo. **Kamu** padavikkhepe, pakkamanam, pakkamatīti vā pakkamo. Evaṃ vikkamo.

**Cara** caraṇe, vane caratīti vanacaro, kāmo avacarati etthāti kāmāvacaro loko, kāmāvacarā saññā, kāmāvacaram cittaṃ. Gāvo caranti etthāti gocaro, chaṭṭhītappuriso.

Pādena pivatīti pādapo. Evaṃ kacchapo, tatiyātappuriso.

**Ruha** janane, sirasmiṃ ruhatīti sirorūho, guhāyam sayatīti guhāsayaṃ cittaṃ. Evaṃ kucchisayā vātā. **Thā** gatinivattimhi, pabbate atthāsi, tiṭṭhati, ṭhassatīti vā pabbataṭṭho puriso, pabbataṭṭhā nadī, pabbataṭṭham osadham. Evaṃ thalaṭṭham, jalaṭṭham, sattamītappuriso.

#### 569. Gahassupadhasse vā.

**Gahaiccetassa** dhātussa **upadhassa** ettaṃ hoti vā, **upadhāti** antakkharato pubbakkharassa parasamaññā, gayhatīti gehaṃ, gahaṃ vā.

Ṇvuppaccaye ratham karotīti atthe ṇvuppaccayo, so ca “aññe kita”ti **kitasaññattā** “kattari kita”ti kattariyeva bhavati, tato kārītabyapadesa **ṇalopavuddhiyo**.

#### 570. Anakā yuṇvūnam.

**Yuṇvuiccetesaṃ** paccayānam **ana akaicete** ādesā hontīti **akādeso**. Sesam kumbhakārasaddasamaṃ, rathakāraṃ. Tathā annaṃ dadātīti annadāyako, “ākārantānamāyo”ti **āyādeso**, “itthiyamato āpaccayo”ti **āpaccayo**, “tesu vuddhī”tiādīnā **akārassa ikāro**, annadāyikā kaññā, annadāyakaṃ kulaṃ. Lokaṃ netīti lokanāyako, vineti satteti vināyako, “te āvāyā kārīte”ti **āyādeso**.

**Akammūpapade** karotīti kāraṃ, kārīkā, kāraṃ. Dadātīti dāyako, dāyikā, dāyakaṃ. Netīti nāyako, nāyikā, nāyakaṃ. Bhagavato ovādānusāsaniṃ asuṇi, suṇāti, suṇissatīti vā sāvako, sāvīkā, **āvādeso**. Lunātīti lāvako. **Pu** pavane, punātīti pāvako, bhavatīti bhāvako, upāsātīti upāsako, upāsīkā. Gaṇhātīti gāhako.

Pacatīti pācako. Ayaji, yajati, yajissatīti vā yājako. Ettha hi “kagā cajāna”nti **cajānam kagatte** sampatte –

#### 571. Na kagattam cajā ṇvumhi.

Dhātvantabhūtā **cakārajakārā kakāra** **gakārattam** nāpajjante **ṇvuppaccaye** pareti paṭisiddhattā na bhavati.

**Jana** janane, janetīti janako, janīkā, “ghaṭṭādīnam vā”ti ettha **vāggahaṇena** vuddhi na hoti. Evaṃ khanatīti khanako, sameṭīti samako, gametīti gamako, dametīti damako, ahani, hanti, hanissatīti vā vadhako, “vadho vā sabbatthā”ti **hanassa vadhādeso**, hantīti yātako, “hanassa

ghāto’’ti **ṇvumhi ghātā**deso, gāvo hanatīti goghātako, rundhatīti rundhako, niggahītāgamo, saṃyogantattā na vuddhi hoti. Evaṃ bhuñjatīti bhuñjako, kiṇātīti kāyako, pāletīti pālako, pūjetīti pūjako.

### 572. Nudādīhi yuṇvūnamanānanākānanakā sakāritehi ca.

**Nudādīhi** dhātūhi, sakāritehi ca dhātūhi paresaṃ **yuṇvuppaccayānaṃ** yathākkamaṃ **ana ānana aka ānanaka**iccete ādesā honti.

Ettha hi –

Sakāritehi yuṇvūnaṃ, kāriyassa vidhānato;  
Kiccakitthambhavo dhātu-ppaccayehipi vediyo.

**Nuda** khepe **papubbo**, panudi, panudati, panudissatīti vā atthe **ṇvuppaccayo**, tassiminā **akā**deso, ‘‘kvaci dhātū’’tiādinā nudissa dīgho, panūdako.

**Sūda** paggharaṇe, sūdatīti sūdako. **Ñā** avabodhane, aññāsi, jānāti, jānissatīti vā atthe **ṇvuppaccayo**, tassānena **ānanakā**deso, ‘‘ñāssa jājaṃnā’’ti **jā**deso, saralopādi, jānanako.

**Sakāritehi** pana **āṇa** pesane, āṇāpesi, āṇāpeti, āṇāpessatīti vā atthe ‘‘sabbato ṇvutvāvī vā’’ti **ṇvuppaccayo**, tassiminā **akā**deso, saralopādi, āṇāpako, saññāpetīti saññāpako, sañjānanako, ettha **ānanakā**deso, ‘‘kvaci dhātū’’tiādinā kāritalo. Tathā dāpetīti dāpako, ‘‘anakā yuṇvūna’’nti **akā**deso, patiṭṭhāpetīti patiṭṭhāpako, nibbānaṃ sampāpetīti nibbānasampāpako, kārapetīti kārapako, kārapikā iccādi.

**Tuppaccaye** akāsi, karoti, karissatīti vā atthe ‘‘sabbato ṇvutvāvī vā’’ti **tuppaccayo**, so ca **kitasaññattā** ṇvuppaccayo viya sabbattha kattariyeva bhavati.

‘‘Antassā’’ti vattate.

### 573. Karassa ca tattam tusmiṃ.

**Kara**iccetassa dhātussa antassa **rakārassa takārattam** hoti **tuppaccaye** pare. **Casaddena** bharādīnaṃ, tato nāmamiva kate **syādyuppatti**, ‘‘satthupitādīnamā sismiṃ silopo cā’’ti **āttam**, silopo, tassa kattā takattā, chaṭṭhīsamāso. Tathā bharatīti bhattā.

**Hara** haraṇe, haratīti hattā, bhindatīti bhattā, bheditā vā, chindatīti chettā, dadatīti dātā, bhojanassa dābhā bhojanadātā, sandahatīti sandhātā, avaci, vacati, vakkhatīti vā vattā, ‘‘bhujādīnamanto no dvi cā’’ti dhātvantalo, dvittaṅga, bhuñjatīti bhottā, abujjhi, bujjhati, bujjhissatīti vā bujjhitā, **yakārikārāgamā**, jānātīti ñātā, jinātīti jetā, suṇātīti sotā, gaṇhātīti gahetā, bhavatīti bhavitā, saratīti saritā, gacchatīti gantā. ‘‘Gama khana hanādīnaṃ tuṃ tabbādīsu na’’iti dhātvantassa nattam. Evaṃ khanatīti khantā, hanatīti hantā, maññatīti mantā, pāletīti pāletā, pālayitā.

**Kārite** bhāvetīti bhāvetā, bhāvayitā. Evaṃ saretā, sāravitā, dāpetā, dāpayitā, hāpetā, hāpayitā, nirodhetā, nirodhayitā, bodhetā, bodhayitā, ñāpetā, ñāpayitā, sāvetā, sāvayitā, gāhebhā, gāhayitā, kāretā, kārayitā, kārapetā, kārapayitā iccādi.

**Āvīpaccaye** **disa** pekkhane, bhayaṃ apassī, passatī, passissatīti vā atthe **āvīpaccayo**, ‘‘kvaci dhātū’’tiādinā **disassa dassā**deso, bhayadassāvī, bhayadassāvino iccādi daṇḍīva neyyam. **Itthiyam** bhayadassāvinī. **Napuṃsake** bhayadassāvi cittam.

**Sāsa** anusīṭṭhimhi, sadevakam lokam diṭṭhadhammikādivasena sāsatīti atthe –

**574. Sāsādīhi ratthu.**

**Sāsaiccevamādīhi dhātūhi ratthuppaccayo** hoti.

‘‘Ramhi ranto rādi no’’ti **rādilopo**, saralopādi, nāmabyapadeso, **syādyuppatti**, āttam, **silopo**. Sathā, sathāro.

**Pā** rakkhaṇe, puttam pātīti atthe –

**575. Pādito ritu.**

**Pāiccevamādito dhātuggaṇato rituppaccayo** hoti, **rādilopo** saralopādi. Pitā. **Dhara** dhāraṇe, mātāpitūhi dharīyatīti dhītā, ‘‘kvaci dhātū’’tiādinā **ikārassa** dīgho.

**Māna** pūjāyaṃ, dhammena puttam mānetīti atthe –

**576. Mānādīhi rātu.**

**Māna bhāsaiccevamādīhi dhātūhi rātuppaccayo** hoti, **rādilopo**, mātā. **Bhāsa** viyattiyam vācāyaṃ, pubbe bhāsatīti bhātā iccādi.

**Visa** pavesane **papubbo**, pāvisi, pavisati, pavisissatīti vā atthe –

**577. Visa ruja padādito ṇa.**

**Visa ruja padaiccevamādīhi dhātūhi paro ṇappaccayo** hotīti **ṇappaccayo**. So ca **kitasaññattā** kattari bhavati, kāritabyapadesaṇalopa vuddhiyo, paveso.

Tathā **ruja** roge, aruji, rujati, rujissatīti vā rogo, ‘‘kagācajāna’’nti **jakārassa** **gakāro**, uppajjatīti uppādo. **Phusa** phusane, aphusi, phusati, phusissati, phusanti vā tena sampayuttatīti phasso, ‘‘kvaci dhātū’’tiādinā **phusassa** **phasso**, saṃyogantattā na vuddhi. Bhavatīti bhāvo. **Uca** samavāye, ucatīti oko, **cakārassa** **kakāro**. **Aya** gatimhi, ayi, ayati, ayissati, ayati vā itoti āyo. **Budha** avagamane, sammā bujjhatīti sambodho, āharatīti āhāro, upahanatīti upaghāto, ‘‘hanassa ghāto’’ti **ghātādeso**.

**Ranja** rāge, ranjatīti atthe **ṇappaccayo**.

**578. Niggahīta saṃyogādi no.**

Saṃyogasmim ādibhūto **nakāro** niggahītamāpajjate. Niggahītassa vaggantattam, **jakārassa** gattam, raṅgo.

**579. Namhi ranjassa jo bhāvakaṇesu.**

**Ranjaiccetassa** dhātussa antabhūtassa njassa **jakārādeso** hoti bhāvakaṇaiccetesvatthesu vihite **ṇakāravatippaccaye** pare.

Ettha hi –

Namhi ranjassa kaṇe, jādesassa vidhānato;  
Akattaripi viññeyyo, kārake ṇassa sambhavoti.

Ranjanti anenāti rāgo, rañjīyati anenāti vā rāgo, sayam rañjatītipi rāgo. ‘‘Namhi ranjassa jo’’ti yogavibhāgena **jakāro**. Pajjate anenāti pādo, patujjate anenāti patodo, jarīyati anenāti jāro. Evaṃ

dāro. Tathā **kammādīsu**, bhujjatīti bhogo. Evaṃ bhāgo, bhāro, labbhatīti lābho, voharīyatīti vohāro, dīyatīti dāyo, vihaññati etasmāti vighāto, viharanti etthāti vihāro, āramanti etasminti ārāmo. Evaṃ papāto iccādi.

“Ṇa”iti vattate.

### 580. Bhāve ca.

Bhāvatthe bhāvābhidheyye dhātūhi **ṇappaccayo** hoti. Bhūyate, bhavanaṃ vā bhāvo, paccate, pacanaṃ vā pāko, “kagā cajāna”nti **kādeso**.

**Sica** paggharaṇe, secanaṃ seko. **Suca** soke, socanaṃ soko. **Caja** hānimhi, acajjittha, cajjate, cajjissate, cajanaṃ vā cāgo. **Yaja** devapūjāsāṅgatikaraṇadānesu, ijjittha, ijjate, ijjissate, yajanaṃ vā yāgo, yuñjanaṃ yogo. **Bhaja** sevāyaṃ, abhajjittha, bhajjate, bhajjissate, bhajanaṃ vā bhāgo, arajjittha, rajjate, rajjissate, rajanaṃ vā rāgo, **jassa gākāro**.

**Daha** bhasmīkaraṇe, pariḍayhittha, pariḍayhati, pariḍayhissati, pariḍayhanaṃ vāti atthe **ṇappaccayo**.

“Ṇamhi, vā”ti ca vattate.

### 581. Dahassa do laṃ.

**Daha**iccetassa dhātussa **ḍakāro lattamāpajjate ṇappaccaye** pare vā. Pariḷāho, paridāho. **Bhanja** avamaddane, bhañjanaṃ bhaṅgo. **Sanja** saṅge, sañjanaṃ saṅgo, nassa niggahītaṃ.

Paccayehi saṅgamma karīyati, saṅkharīyati tena vāti atthe **visarujapadādinā**, saṅkharāṇanti atthe “bhāve cā”ti vā **ṇappaccayo**.

“Ṇamhī”ti vattate.

### 582. Purasamupaparīhi karotissa khakharā vā tappaccayesu ca.

**Pura saṃ upa pariicce**tehi parassa **karotissa** dhātussa **kha kharaicce**te ādesā honti vā **tappaccaye, ṇappaccaye** ca pare. “Tappaccayesū”ti bahuvacananiddesena **tuṃ tvādīsūpi**. Dhātvādesassāpi ṭhānopacārena dhātuvohārato “asamyogantassa vuddhi kārīte”ti vuddhi, saṅkhāro. Evaṃ parikkhāro, purekkhāro.

Vāti kiṃ? Upakāro.

**Lubha** giddhimhi, lubbhanti tena, sayāṃ vā lubbhati, lubbhanamattameva vā tanti lobho. **Dusa** appītimhi, dussanti tena, sayāṃ vā dussati, dussanamattameva vā tanti doso. **Muha** vecitte, muyhanti tena, sayāṃ vā muyhati, muyhanamattameva vā tanti moho iccādi kattukaraṇabhāvesu yathārahaṃ yojetabbaṃ.

**Gaha** upādāne, gayhatīti atthe **visarujapadādinā** kammani **ṇappaccayo**.

### 583. Gahassa ghara ñe vā.

**Gaha**iccetassa dhātussa **gharādeso** hoti vā **ṇappaccaye** pare, saralopādī, gharaṃ, gharāni.

Vāti kiṃ? Gaṇhāti, gahaṇaṃ vā gāho.

Sambhavatīti atthe –

**584. Kvi ca.**

Sabbadhātūhi kvipaccayo hoti, so ca **kitasaññattā** kattari bhavati.

**585. Kvilopo ca.**

**Kvino** sabbassa lopo hoti. Kitantattā nāmamiva katvā **syādyuppatti**, **silopo**, sambhū. Evaṃ vibhavatīti vibhū, abhibhū, sayambhū.

Tathā **dhū** kampāne, sandhunātīti sandhū. **Bhā** dittimhi, vibhātīti vibhā, pabhātīti pabhā, saha, saṅgama vā bhanti, bhāsanti vā etthāti sabhā, **sahassa sādeso**, niggaḥitalopo ca.

Bhujena gacchatīti atthe **kvippaccayo**.

**586. Dhātvantassa lopo kvimhi.**

Dhātvantassa byañjanassa lopo hoti **kvippaccaye** pare. Kvilopo, bhujago. Evaṃ urasā gacchatīti urago, turaṃ sīghaṃ turitaturito gacchatīti turago, khe gacchatīti khago, viḥāyase gacchatīti viḥago, viḥādeso, na gacchatīti ago, nago.

**Khanu** avadhāraṇe **saṃpubbo**, saṅkhani, saṅkhanati, saṅkhanissatīti vā saṅkho. **Ramu** kīlāyaṃ, kuñje ramatīti kuñjaro. **Jana** janane, kammato jātoti atthe **kvippaccayo**, dhātvantassa lopādi purimasamaṃ, pañcamītappurisova viseso. Kammajo vipāko, kammajā paṭisandhi, kammajaṃ rūpaṃ. Evaṃ cittajaṃ, utujaṃ, āhārajaṃ, attajo putto. Vārimhi jāto vārijo. Evaṃ thalajo, paṅkajaṃ, jalajaṃ, aṇḍajaṃ, sirajaṃ, sattamīsamāso. Dvikkhattuṃ jāto dvijo, pacchā jāto anujo iccādi.

**Vida** nāṇe, lokajaṃ avedīti atthe **kvippaccayo**.

“Kvimhī”ti vattate.

**587. Vidante ū.**

**Vidadhātuno** ante **ūkārāgamo** hoti **kvimhi**, kvilopo. Lokavidū.

**Disa** pekkhaṇe, imamiva naṃ apassi, passati, passissatīti, ayamiva dissatīti vā atthe **kvippaccayo**.

“Dhātvantassa lopo kvimhī”ti dhātvantaloṇe sampatte –

**588. Iyatamakiesānamantassaro dīghaṃ kvaci disassa guṇaṃ do raṃ sakkhī ca.**

**Ima ya ta amha kiṃ eta samāna**iccetesajaṃ sabbanāmānaṃ upamānupapadabhāvena **disassa** dhātussa guṇabhūtānaṃ anto saro **dīghamāpajate**, **disa**iccetassa dhātussa antassa **sa kkha** iccete ādesā ca honti. **Disassa dakāro rakāramāpajjate**ti kvimhi dhātvantassa **sasaddādesajaṃ** katvā kvilopādimhi ca kate iiti nipātanena **imasaddassikāre**, tassiminā dīghe ca kate **syādyuppatti**.

Īdiso puriso, īdisā kaññā, īdisī vā, īdisajaṃ cittaṃ. Tathā yamiva naṃ passati, yo viya dissatīti vā yādiso, yādisā, yādisī, yādisajaṃ. Tamiva naṃ passati, so viya dissatīti vā tādiso, tādisā, tādisī, tādisajaṃ. Mamiva naṃ passati, ahaṃ viya so dissatīti vā mādiso, mādisā, mādisī, mādisajaṃ, **maiti** nipātanena **amhasaddassa masaddādeso**. Kimiva naṃ passati, ko viya dissatīti vā kīdiso, kīdisā, kīdisī, kīdisajaṃ. Etamiva naṃ passati, eso viya dissatīti vā ediso, etādiso vā, edisā, edisī, edisajaṃ, **eiti** nipātanena **etasaddassa ekāro**. Samānaṃ katvā naṃ passati, samāno viya dissatīti sādiso, sadiso, **saiti** nipātanena **samānassa sādeso**, tadantassa vā dīgho, sādīsā, sādīsī, sadīsā, sadīsī, sādīsajaṃ, sadisajaṃ.

**Dakārassa rakārādese** pana īriso, yāriso, tāriso, mārīso, kīriso, eriso, sārīso, sariso. **Kkhādese** īdikkho, yādikkho, tādikkho, mādikkho, kīdikkho, edikkho, sādikkho, sadikkho. **Rakārādese** sārīkkho, sarīkkho, īkārādese īdī, yādī, tādī, mādī, kīdī, edī, sādī.

Casaddena **tumhā**diupapadepi tumhe viya dissatīti tumhādiso, tumhādīsī, khandhā viya dissantīti khandhādīsā iccādi.

**Dhara** dhāraṇe, apāyesvapatamāne adhigatamaggādike satte dhāreti, dharanti tenāti vā, salakkhaṇaṃ dhāreti vā, paccayehi dharīyati vāti atthe –

### 589. Dharādīhi rammo.

**Dhara**iccevamādīhi dhātūhi **rammappaccayo** hoti.

So ca –

Kammaggaṇaṇabho bhāva- kammesūtettha vediyo;  
Akattarīpi hotīti, kārake rammappaccayo.

**Rādilopo**, dhammo, evaṃ karīyatīti kammaṃ. **Vara** varaṇe, vammaṃ.

**Saṃsa** pasaṃsane **papubbo**, piyaiccupapadaṃ, piyaṃ pasaṃsitum sīlaṃ yassāti vā piyaṃ pasaṃsanasīlo, piyaṃ pasaṃsanadhammo, piyaṃ pasaṃsane sādhuṅkāriti vā atthe –

### 590. Tassīlādīsū nītvāvī ca.

**Sīlaṃ** pakati, tassīla taddhamma tassādhuṅkārisvatthesu gamyamānesu sabbadhātūhi **nī tu āvī**ccete paccayā hotīti kattari **nīpaccayo**, saṃyogantattāna vuddhi. Sesam neyyaṃ.

Piyapasamsī rājā. Atha vā piyaṃ pasamsi, pasamsati, pasamsissati vā sīlena vā dhammena vā sādhu vāti piyapasamsī, piyapasamsinī, piyapasamsi kulaṃ. Brahmaṃ caritum sīlaṃ yassāti vā brahmaṃ carati sīlena, dhammena, sādhu vāti brahmacārī, brahmacārīnī, brahmacārī. Evaṃ saccavādī, dhammavādī, sīghayāyī, pāpakārī, mālākārī iccādi.

Casaddena attamānepi **nī**, paṇḍitaṃ attānaṃ maññatīti paṇḍitamānī bālo, bahussutamānī iccādi.

**Vatu** vattane **papubbo**, pasayha pavattitum sīlaṃ yassāti atthe iminā **tuppaccayo**, pasayhapavattā. Atha vā **vaca** viyattiyam vācāyaṃ, pasayha pavattitum sīlamassāti pasayhapavattā, pasayhapavattāro, bhujādittā dhātvantalopadvittānī, sesam kattusamaṃ.

Bhayaṃ passitum sīlaṃ yassāti vā bhayaṃ dassanasīlo, bhayaṃ dassanadhammo, bhayaṃ dassane sādhuṅkāriti vā bhayadassāvī, bhayadassāvinī, bhayadassāvi cittaṃ. Evaṃ ādīnavadassāvī.

“Tassīlādīsū”ti adhikāro.

### 591. Sadda ku dha ca la ma ṇḍa ttha rucādīhi yu.

**Sadda ku dha ca la maṇḍatthe**hi dhātūhi, **rucādīhi** ca **yuppaccayo** hoti tassīlādīsvatthesu.

**Ghusa** sadde, ghositum sīlaṃ assāti vā ghosanasīloti vā aghosayi, ghosayati, ghosayissati sīlena, dhammena, sādhu vāti atthe iminā **yuppaccayo**, tassa “anakā yuṇvūna”nti **anādeso**, “aññesu cā”ti vuddhi, so ghosano, sā ghosanā. **Bhāsa** viyattiyam vācāyaṃ, bhāsitum sīlamassāti vā bhāsanāsīlo, bhāsanadhammo, bhāsane sādhuṅkāriti vā bhāsano.

**Kudha** kope, kujjhituṃ sīlamassāti vā kujjhanasīloti vā kodhano, kodhanā, kodhanam.

**Rusa** rose, rosituṃ sīlamassāti vā rosanasīloti vā rosano.

**Cala** kampane, calituṃ sīlam yassāti vā calati sīlenāti vā calano. **Kapicalane**, kampituṃ sīlam yassāti vā akampi, kampati, kampissati sīlenāti vā kampano, **ikārānubandhidhātusarato** “kvaci dhātū”tiādīnā, “niggahītañcā”ti vā niggahītāgamo. **Phadi** kiñcicalane, phandituṃ sīlam yassāti vā phandati sīlenāti vā phandano.

**Maḍi** bhūsāyaṃ, maṇḍayituṃ sīlam yassāti vā maṇḍayati sīlenāti vā maṇḍano. **Bhūsa** alaṅkāre, bhūsanasīloti vā abhūsayaṃ, bhūsayati, bhūyayissati sīlenāti vā bhūsano, bhūsanā, bhūsanam.

**Ruca** dittimhi, arucci, rucati, ruccissati sīlenāti vā rocano. **Juta** dittimhi, ajoti, jotati, jotissati sīlenāti vā jotano. **Vaḍḍha** vaḍḍhane, vaḍḍhituṃ sīlamassāti vaḍḍhano iccādi.

### 592. Pārādigamimhā rū.

**Pārādi**upapadehi parasmā **gami**iccetasmā dhātumhā paro **rūpaccayo** hoti tassīlādīsvatthesu kattariyeva. Pāro ādi yesaṃ te pārādayo, pārādīhi gami **pārādigami**. **Rādilopo**, bhavapāraṃ gantuṃ sīlam yassāti vā bhavapāraṃ gamanasīlo, bhavapāraṃ gamanadhammo, bhavapāraṃ gamane sādhuḅkārīti vā bhavapāragū, bhavapāraguno. Antaṃ gamanasīlo antagū. Evaṃ vedagū, addhagū.

“Rū”ti vattate.

### 593. Bhikkhādito ca.

**Bhikkha**iccevamādīhi dhātūhi **rūpaccayo** hoti tassīlādīsvatthesu. **Bhikkha** yācane, bhikkhituṃ sīlam yassāti vā abhikkhi, bhikkhati, bhikkhissati sīlenāti vā bhikkhanadhammoti vā bhikkhane sādhuḅkārīti vā bhikkhu, “kvaci dhātū”tiādīnā rassattaṃ. **Ikkha** dassanañkesu, saṃsāre bhayaṃ ikkhatītipi bhikkhu, vijānitūṃ sīlam yassa, vijānanasīloti vā viññū, sabbaṃ jānātīti sabbaññū. Evaṃ mattaññū, dhammaññū, atthaññū, kālaññū, kataññū iccādayo.

### 594. Hanatyādīnaṃ ṇuko.

**Hanatyādīnaṃ** dhātūnamante **ṇukappaccayo** hoti tassīlādīsvatthesu kattari, antāpekkhāyaṃ chaṭṭhī, **ṇakāro** vuddhattho. Āhananasīlo āghātuko, ghātādeso, saralopādi, karaṇasīlo kāruko sippi. **Bhī** bhaye, bhāyanasīlo bhīruko, **rakārāgamo**. **Ava** rakkhaṇe, āvuko pitā.

### 595. Saṃhanaññāya vā ro gho.

**Saṃpubbāya** **hana**iccetāya dhātuyā, aññāya ca dhātuyā paro **rappaccayo** hoti, **hanassa gho** ca. **Vāggahaṇaṃ** sampiṇḍanatthaṃ, vikappanatthaṃ vā, tena saṅghātōtipi siddhaṃ hoti.

Hanassevāyaṃ gho hoti, abhidhānānurūpato;  
Asaṃpubbā ca ro tena, paṭighotipi sijjhati.

**Hana** hiṃsāgatīsu **saṃ** pubbo, saṃhanati samaggaṃ kammaṃ samupagacchati, sammadeva kilesadarathe hanatīti vā saṅgho, **rādilopo**, samantato nagarassa bāhiye khaññatīti parikhā, itthiyaṃ āpaccayo, antaṃ karotīti antako maccu.

“Bhāvakkammesū”ti vattate.

### 596. Nandādīhi yu.

**Nandaiccevamādīhi dhātūhi paro yuppaccayo hoti bhāvakkammesu.** “Anakā yuṇvūna”nti yuppaccayassa **anādeso**, **nanda** samiddhimhi, **nanda** nandane vā. **Bhāve** – nandīyate nandanam. **Kamme** – anandīyittha, nandīyati, nandīyissati, nanditabbanti vā nandanam vanam, gayhati, gahaṇīyam vā gahaṇam, gaṇhanam vā, caritabbam caraṇam, bhūyate bhavanam, hūyate havanam. Rundhitabbam rundhanam, rodhanam vā, bhuñjitabbam bhuñjanam, bhojanam vā. Bujjhitabbam bujjhanam, bodhanam vā. Sūyati, suti vā savaṇam, pāpīyatīti pāpuṇanam, pāpanam vā, pālīyatīti pālanam iccādi.

“Yū”ti vattate.

### 597. Kattukaraṇapadesesu ca.

**Kattukaraṇapadesa**icchetesvatthesu ca sabbadhātūhi yuppaccayo hoti. Ettha ca **padesoti** adhikaraṇakāramam vuccati. **Kattari** tāva – rajam haratīti rajoharaṇam toyam. Āramaṇam vijānātīti viññāṇam, vijānanam vā, **ānanajādesā**. **Ghā** gandhopādāne, ghāyatīti ghānam, **jhe** cintāyam, jhāyatīti jhānam, “kvaci dhātū”tiadinā **āttam**.

**Karaṇe** – **kara** karaṇe, karoti tenāti karaṇam, yathāsarūpaṇam saddā byākarīyanti etenāti byākaraṇam. **Pūra** pūraṇe, pūrayati tenāti pūraṇam. Dīyati anenāti dānam, pamīyati anenāti pamānam, vuccati anenāti vacanam, panudati, panujjate anenāti vā panūdano. **Sūda** paggharaṇe, sūdāti, sujgate anenāti vā sūdano, suṇāti, sūyati etenāti vā savaṇam. **Lū** chedane, lunāti, lūyati anenāti vā lavanam, lavaṇam, loṇam vā. Nayati, nīyati etenāti vā nayanam. **Pū** pavane, punāti, pūyate anenāti vā pavano, sameti, samīyati vā pāpaṇam anenāti samaṇo, samaṇam vā. Tathā bhāveti, bhāvīyati ekāyāti vā bhāvanā. Evaṇ pācanam, pācāpanam iccādi.

**Adhikaraṇe** – **ṭhā** gatinivattimhi, tiṭṭhati tasminti ṭhānam. Evaṇ sayanam, senam vā, āsanam, adhikarīyati etthāti adhikaraṇam.

**Casaddena sampadānāpādānesupi** – sammā pakārena dadāti assāti sampadānam, apecca etasmā ādadātīti apādānam.

### 598. Saññāyam dādhāto i.

Saññāyam gamyamānāyam **dādhā**iccetehi dhātūhi ippaccayo hoti, bhāvakkammādiadhikārevāyam, saralopādī. **Dā** dāne āpubbo, ādīyatītiādī. Evaṇ upādī. **Dhā** dhāraṇe, udakam dadhātīti udadhi, **tesu vuddhilopādīnā** saññāyam **udakassa udādeso**. Jalam dhīyate asminti jaladhi, vālāni dadhāti tasminti vāladhi, sandhīyati, sandadhātīti vā sandhi, nidhīyatīti nidhi. Evaṇ vidhīyati, vidadhāti, vidhānam vā vidhi, sammā, samam vā cittaṇ ādadhātīti samādhi.

### 599. Itthiyamatīyavo vā.

Itthiyam abhidheyāyam sabbadhātūhi **akāratīy**uiccete paccayā honti vā bhāvakkammādīsu. Appaccaye tāva **jara** vayohānimhi, jīrati, jīraṇanti vā jarā, “itthiyamato āpaccayo”ti āpaccayo, paṭisambhījatīti paṭisambhidā. Paṭipajjati etāyāti paṭipadā. Evaṇ sampadā, āpadā. Upādīyatīti upādā. Sañjānātīti saññā, pajānātīti paññā. Upekkhatīti upekkhā. Cintanam cintā. Patitṭhānam patitṭhā. **Sikkha** vijjopādāne, sikkhanam, sikkhīyatīti vā sikkhā. Evaṇ bhikkhā. **Jhe** cintāyam, parasampattim abhimukham jhāyatīti abhijjhā, hitesitam upaṭṭhapetvā jhāyatīti upajjhā, upajjhāyo, sammā jhāyati etthāti sajjhā.

**Isu** icchāyam, esananti atthe appaccayo, “isu yamūnamanto ccho vā”ti **cchādeso**, icchā. **Puccha** pucchane, pucchanam pucchā, tikicchanam tikicchā, ghasitumicchā jighacchā, titikkhā, bubhukkhā, pātumicchā pipāsā, maṇḍukagatīyā **vādhikāro** vādesābhāvo. Byāpītumicchā vicchā iccādi.



**Tippaccaye** sambhavanaṃ sambhūti. **Vādhikārato** tippaccayamhi na vuddhi, savaṇaṃ suti, nayanam, nīyati etāyāti vā nīti. **Mana** ñāṇe, maññatīti mati.

“Te, no, timhī”ti ca vattate.

#### 600. Gamakhanahanaramādīnamanto.

**Gama khana hana rama**iccevamādīnaṃ **makāranakārantānaṃ** dhātūnaṃ anto byañjano **no** hoti **tappaccaye**, **timhi** cāti dhātvantalopo. Gamaṇaṃ, gantabbāti vā gati, upahanaṃ upahati, ramanti tāya, ramaṇaṃ vā rati. **Tanu** vitthāre, tananaṃ tati. **Yamu** uparame, niyamaṇaṃ niyati. “Ramato, ramatī”tiādīsu pana akārabavahitattā na dhātvantalopo, bhuñjanaṃ bhutti, yuñjanaṃ yutti, “bhujādīnamanto no dvi cā”ti dhātvantalopo, dvittaṇca. Samāpajjanaṃ, samāpajjati vā samāpatti, sampatti, “gupādīnañcā”ti dhātvantalopadvittāni. “Kvaci dhātū”tiādīna **hādito tissa ni** hoti. Hāni, jāni iccādi.

**Yuppaccaye cita** sañcetane, cetayātīti atthe **yuppaccayo**, **anādesavuddhī**, **āpaccayo**, cetanā. **Vida** anubhavane, vedayātīti vedanā. **Disī** uccāraṇe, desīyatīti desanā, bhāvīyatīti bhāvanā iccādi.

“Itthiyaṃ, vā”ti ca vattate.

#### 601. Karato ririya.

**Karadhātuto** itthiyamanitthiyaṃ vā abhidheyyāyaṃ **ririya**paccayo hoti, **rādilopo**. Kattabbā kiriyā. Karaṇīyaṃ kiriyaṃ.

“Kattarī”ti vattate.

#### 602. Jito ina sabbattha.

**Jiicetāya** dhātuyā paro **inappaccayo** hoti sabbakāle kattari. **Ji** jaye, pāpake akusale dhamme ajini, jināti, jinissatīti vā jino.

“Inā”ti vattate.

#### 603. Supato ca.

**Supaicetāya** dhātuyā ca paro **inappaccayo** hoti. **Supa** saye, supati, supananti vā supino, supinaṃ.

**Sī** saye, “īsaṃ”iti upapadaṃ, īsaṃ sīyati bhavatāti atthe –

#### 604. Īsaṃdusūhi kha.

**Īsaṃdusuiccetehi** upapadehi parehi dhātūhi **khappaccayo** hoti.

So ca –

#### 605. Bhāvakammesu kiccaktakkhatthā.

**Bhāvakammaiccetesvatthesu kiccaktakkhatthaiccete** paccayā hontīti niyamato bhāvakammesveva hoti. “Kvaci dhātū”ti **kkhakārānubandhassa** lopo, vuddhi, **ayādesadvittāni**, īsassayo bhavatā, dukkhena sīyati dussayo, sukkena sīyati sussayo.

**Kamme** – īsaṃ karīyatīti īsakkaraṃ kammaṃ bhavatā. Evaṃ dukkhena karīyatīti dukkaraṃ

hitam bhavatā, sukaram pāpam bālena, dukkhena bhariyatīti dubbhāro mahiccho. Sukhena bhariyatīti subhāro appiccho. Dukkheṇa rakkhitabbanti durakkham cittaṃ. Dukkheṇa passitabboti duddaso dhammo. Sukhena passitabbanti sudassam paravajjam. Dukkheṇa anubujjhittabboti duranubodho dhammo. Sukhena bujjhitabbanti subodhamiccādi.

**Budha** avagamane, sabbe saṅkhatāsaṅkhatasammutibhede dhamme abujjhi, bujjhati, bujjhissatīti vā atthe –

“Ta”’iti vattate.

#### 606. Budhagamāditthe kattari.

**Budhagamui**ccagamādīhi dhātūhi tadatthe gamyamāne kattari **tappaccayo** hoti sabbakāle.

“Tassā”’ti vattate.

#### 607. Dhaḍhabhahehi dha dhā ca.

**Dhaḍhanta bhahante**hi dhātūhi parassa paccayatākārassa yathākkamaṃ **dhakāraḍhakārādesā** hontīti **dhabhato** takārassa **dhakāro**, “hacatutthāna”’nti ettha **hakāraggaṇato** **hakāratopi** kvaci **dhattam**, abyavadhāne cāyaṃ, tena “rundhati, ārādhito, vaḍḍhito, labhitvā, gahito”’tiādīsu paccayāgamabyavahitattā **na** bhavati.

#### 608. Hacatutthānamantānaṃ do dhe.

**Hakāravaggacatutthānaṃ** dhātvantabhūtānaṃ **dhakārādeso** hoti **dhakāre** pare. Buddho bhagavā. Saraṇam agacchi, gacchati, gacchissatīti vā saraṇaṅgato upāsako, “gamakhanahanaramādīnamanto”’ti dhātvantalopo. Evaṃ jānātīti ñāto. **I** gatimhi, upetīti upeto. **Cinta** cintāyaṃ, cintetīti cittaṃ, “gupādīnañcā”’ti dhātvantalopadvittāni. **Sanja** saṅge, rūpādīsu asajji, sajjati, sajjissatīti vā satto, “bhujādīnamanto no dvi cā”’ti dhātvantalopo, dvittañca.

“Saññāya”’miti vattate.

#### 609. Tikiccāsīṭṭhe.

Saññāyamabhidheyyāyaṃ āsīṭṭhe gamyamāne dhātūhi **tippaccayo** hoti, **kitapaccayo** ca. Jino eṇam bujjhatūti jinabuddhi, **dhakāradakārādesā**, dhanamassa bhavatūti dhanabhūti.

**Kitapaccaye** bhavatūti bhūto, dhammo eṇam dadātūti dhammadinno, “bhidādito inna anna īṇā vā”’ti **tappaccayassa innādeso**. Vaḍḍhatūti vaḍḍhamāno, “bhūvādito a”’iti **mānantesu** appaccayo, nandatūti nandako, jīvatūti jīvako iccādi.

#### 610. Āgamā tuko.

Āpubbā **gamito tukappaccayo** hoti, kitakattā kattari. Āgacchatīti āgantuko.

“Gamā”’ti vattate.

#### 611. Bhabbe ika.

**Gamito ikappaccayo** hoti bhabbatthe. Gantum bhabboti gamiko bhikkhu.

Tekālikappaccayantanayo.

## Atīappaccayantanaya

### 612. Atīte ta tavantu tāvī.

Atīte kāle sabbehi dhātūhi **ta tavantu tāvī** iccete paccayā hontī. Ete eva parasamaññāya **niṭṭhasa**ññakāpi, te ca **kitasa**ññattā kattari bhavanti. Abhavīti bhūto, bhūtā, bhūtaṃ, “aññesu cā”ti etthānuvattitavāggahaṇena **ta tavantutāvī**su vuddhi na hotī. **Hu** dānādanahabyappadānesu, ahavīti huto aggiṃ.

**Tavantuppaccaye** – “ā simhī”ti **ākāro**, aggiṃ hutavā, hutavanto iccādi guṇavantusamaṃ. **Tāvīmhi** – aggiṃ hutāvī, aggiṃ hutāvino iccādi daṇḍīsamaṃ. Itthiyaṃ **inīpaccayo** – hutāvinī, napuṃsake – rassattaṃ hutāvī.

**Vasa** nivāse, vassaṃ avasīti atthe **tappaccayo**, **sakārantattā** “sādisanta”iccādinā **ṭhādese** sampatte –

“Tassā”ti adhikāro, “sādī”ti ca.

### 613. Vasato uttha.

**Vasa**iccetasmā dhātumhā parassa **takārassa** sahādibyañjanena **utthādeso** hotī, saralopādi. Vassaṃ vuttho, vutthā sā, “saralopo”tiādīsutte **tuggahaṇato** pubbalopābhāve “adhivatthā devatā, vatthabba”ntiādīsu paralopo.

“Vasassā”ti vipariṇāmena vattate.

### 614. Vassa vā vu.

**Vasa**iccetassa dhātussa **vakārassa** **takāre** pare **ukāro** hotī, tattha **vakārāgamo** ca vā hotī. Niṭṭhatakāre evāyaṃ. Atha vā “vū”ti ettha **vakāro** sandhijo, tantañāyena dutiyañcetta **vāggahaṇamicchitabbaṃ**, tena **akārassapi** **ukāro** siddho bhavati, usito brahmacariyaṃ, vusito, tathā vusitavā, vusitāvī, **ikārāgama**na byavahitattā utthādeso na bhavati.

**Bhuja** pālanabyavaharaṇesu, odanaṃ abhuñjīti atthe **tatavantutāvī**, “bhujādīnamanto no dvi cā”ti dhātvantalopo, **takārassa** dvittañca, bhutto, bhuttavā, bhuttāvī. Tathā **ranja** rāge, arañjīti ratto, rattā, rattaṃ. **Yuja** yoge, ayuñjīti yutto, yuttā, yuttaṃ. **Vica** vivecane **vipubbo**, viviccīti vivitto, vivittā, vivittaṃ. **Muca** mocane, amuccīti bandhanā mutto. Tathā **tippaccayepi** iminā dhātvantalopadvittāni, āsajjanaṃ āsatti, vimuccanaṃ, vimuccati etāyāti vā vimutti.

**Kudha** kope, akujjhīti atthe **tappaccayo**, tassa “dhaḍhabhahehi dhaḍhā cā”ti **dhattaṃ**, “hacatutthānamantānaṃ dodhe”ti **dhakārassa** **dhakāro**, kuddho. **Yudha** sampahāre, ayujjhīti yuddho, yuddhaṃ. **Sidha** saṃsiddhimhi, asijjhīti siddho. Āpubbo **rabha** rābhasse, ārabhīti āraddho gantūṃ. **Naha** bandhane **sampubbo**, sannayhīti sannaddho, “dhaḍhabhahehi dhaḍhā cā”ti **nahādito** **takārassa** **dhakāro**.

**Vaḍḍha** vaḍḍhane, avaḍḍhīti atthe **tappaccayo**, **tassa** ḍhattaṃ, “kvaci dhātū”tiādīnā dhātvākārassuttaṃ, ḍalopo ca.

“Hacatutthānamantāna”nti vattate.

### 615. Do dhakāre.

Hacatutthānaṃ dhātvantānaṃ **ḍakārādeso** hotī **dhakāre** pare. Vuḍḍho, vuḍḍhā, “bo vassā”ti batte buḍḍho. **Tippaccaye** – bujjhanaṃ, bujjhati vā etāyāti buddhi. Evaṃ siddhi, vaḍḍhi.

**Tabbappaccaye** – boddhabbamiccādi.

“Anto, no”ti ca adhikāro.

#### 616. **Tarādīhi iṅṅo.**

**Tara**iccevamādīhi dhātūhi parassa **tappaccayassa iṅṅā**deso hoti, dhātvanto ca **no** hoti, saralopādi. **Tara** taraṇe, saṃsāraṇavam atarīti tiṅṅo tāreyyam. Evaṃ uttiṅṅo, tiṅṅaṃ vā. **Pūra** pūraṇe, saṃpūrīti saṃpuṅṅo, “saralopo”tiādisutte **tuggahaṇato** pubbalopābhāve **uvaṇṇato** parassa “vā paro asarūpā”ti lopo, saṃyoge rassattaṃ. **Tura** vege, aturīti tuṅṅaṃ, turitaṃ vā. **Jara** vayohānimhi, pariṅṅiṅṅo pariṅṅo. **Kira** vikiraṇe, ākirīti ākiṅṅo iccādi.

#### 617. **Susa paca sakato kkhakkā ca.**

**Susa paca saka**iccevehi dhātūhi parassa **tappaccayassa kkhakkā**desā honti, anto ca byañjano **no** hoti. **Casaddena mucā**dito **kkā**deso. **Susa** sosane, asussīti sukkho rukkho. Apaccīti pakkam phalaṃ. **Saka** sāmatthe, asakkhīti sakko assa, omuccīti omukkā upāhanā. “Pacitum, pacitabba”ntiādīsu pana na bhavati, ikārena byavahitattā. Evaṃ sabbattha byavadhāne na bhavati.

Sīhagatiyā **tiggahaṇa**manuvattate.

#### 618. **Pakkamādīhi nto ca.**

**Pakkama**iccevamādīhi **makā**ranthehi dhātūhi parassa **tappaccayassa ntā**deso hoti, dhātvanto ca **no** hoti. **Casaddena tippaccayassa nti** ca hoti. **Kamu** padavikkhepe, pakkamīti pakkanto. Evaṃ saṅkanto, nikkhanto, “do dhassa cā”ti sutte **caggahaṇena kassa khattaṃ**. **Bhamu** anavaṭṭhāne, vibbhamīti vibbhanto, bhanto. **Khamu** sahane, akkhamīti khanto. **Samu** upasame, asamīti santo. **Damu** damane, adamīti danto.

**Timhi** – saṅkamaṇaṃ saṅkanti. Evaṃ okkanti, vibbhanti, khanti, santi danti iccādi.

#### 619. **Janādīnamā timhi ca.**

**Jana**iccevamādīnaṃ dhātūnamantassa byañjanaṃ **āttaṃ** hoti **tappaccaye, timhi** ca. Yogavibhāgena aññatthāpi. **Jana** janane, ajanīti jāto, vijāyīti puttaṃ vijātā, jananaṃ jāti. **Tappaccaye** satipi **takāre** puna **tiggahaṇa**karanaṃ paccayantaratakāre **āttanivattanattaṃ**, yathā – jantu. “Janitvā, janitu”ntiādīsu pana **ikārena** byavahitattā na bhavati.

“Ā, timhi, cā”ti ca vattate.

#### 620. **Ṭhāpānamī ca.**

**Ṭhā** pāicceveṣaṃ dhātūnaṃ antassa **ākā**rassa yathākkamaṃ **ikāraikā**rādesā honti **tappaccaye, timhi** ca. **Casaddena aññatrāpi** kvaci. **Ṭhā** gatinivattimhi, aṭṭhāsīti ṭhito, upaṭṭhito garuṃ, ṭhitavā, adhiṭṭhitvā, ṭhānaṃ ṭhiti. **Pā** pāne, apāyīti pītā, yāguṃ pītavā, pānaṃ pīti, pītvā.

#### 621. **Hantehi ho hassa lo vā adahanahānaṃ.**

**Hakā**ranthehi dhātūhi parassa **tappaccayassa, tissa** ca **hakā**rādeso hoti, **hassa** ca dhātvantassa **lakāro** hoti vā **dahanahe** vajjetvā, **ḍhattā**pavādoyam. **Ruha** janane, aruhīti āruḷho rukkhaṃ. **Laḷā**namaviseso, āruḷho vā, ruhanaṃ ruḷhī. **Gāhu** viloḷane, agāhīti gāḷho, ajjhogāḷho mahaṇṇavaṃ. **Baha** vuddhimhi, abahīti bāḷho, “kvaci dhātū”tiādīnā dīgho. **Muha** vecitte, amuyhīti mūḷho. **Guha** saṃvaraṇe, aguhīti gūḷhaṃ. **Vaha** pāpuṇane, upavahīti upavūḷho, “vaca vasa vahādīnamukāro vassā”ti yogavibhāgena **uttaṃ**.

**Adahanahānanti** kimatthaṃ? Daḍḍho, sannaddho. **Vāti** kiṃ? Duddho, siniddho. “Gahitaṃ, mahita”ntiādīsu pana **ikārāgamena** byavahitattā na bhavati.

Dhātuppaccayantatopi “atīte ta tavantutāvī”ti **tappaccayo**, abubhukkhīti bubhukkhito. Evaṃ jighacchito, pipāsito iccādi.

Evaṃ kattari niṭṭhanayo.

“Atīte”ti vattate.

### 622. Bhāvakkammesu ta.

Atīte kāle gamyamāne sabbadhātūhi **tappaccayo** hoti **bhāvakkamma**icchetesvatthesu.

**Bhāve** tāva –

**Ge** sadde, gāyanaṃ, agāyithhāti vā atthe **tappaccayo**.

### 623. Sabbattha ge gī.

**Ge**iccetassa dhātussa **gī**adeso hoti sabbattha, **tappaccayatipaccay**esvevāyaṃ. Tassa **gī**taṃ, gāyanaṃ, gāyitabbāti vā **gī**ti.

**Bhāve** – **tappaccayantā** napuṃsakā. **Kammani** – tilingā.

**Nata** gattavināme, naccanaṃ, anaccithhāti vā atthe **tappaccayo**.

### 624. Paccayā daniṭṭhā nipātanā sijjhanti.

Ye idha sappaccayā saddā paccayehi na niṭṭhaṃ gatā, te nipātanato sijjhantīti dhātvantena saha **tappaccayassa cca** ṭṭādesā. Naccaṃ, naṭṭaṃ. **Hasa** hasane, hasanaṃ hasitaṃ, **ikārāgame**. Gamaṇaṃ gataṃ. Evaṃ ṭhitaṃ, sayitaṃ, **vādhikārassa** vavathhitavibhāsattā vuddhi. **Ruda** assuvimocane, arujjhithhāti roditaṃ, ruṇṇaṃ vā iccādi.

**Kammani** –

Abhibhūyithhāti abhibhūto kodho bhavatā, abhibhūtā, abhibhūtaṃ. **Bhāsa** byattiyaṃ vācāyaṃ, abhāsitha tenāti bhāsito dhammo, bhāsītā gāthā, bhāsitaṃ suttaṃ. **Disī** uccāraṇe, curādittā **ṇe**. Adesīyithhāti desito dhammo bhagavatā, **ikārāgame** kāritasalaropo. **Ji** jaye, ajīyithhāti jito māro. **Nī** pāpuṇane, anīyimsūti nītā gāmamajā, suto tayā dhammo, ñāto.

**Sāsa** anusīṭṭhimhi, anusāsīyithhāti atthe **tappaccayo**.

### 625. Sāsadisato tassa riṭṭho ca.

**Sāsadisa**icctehi dhātūhi parassa **tappaccayassa riṭṭhā**deso hoti, **casaddena tissa riṭṭhi** ca, **disato** kiccatakāratumtvādīnaṃ **raṭṭha raṭṭhum raṭṭhā**desā ca honti, **rādilopo**, anusīṭṭho so mayā, anusīṭṭhā sā, anusīṭṭhaṃ. **Disa** pekkhaṇe, adissithhāti diṭṭhaṃ me rūpaṃ.

**Timhi** – anusāsanam anusīṭṭhi, dassanam diṭṭhi.

**Kiccādīsu** – dassanīyaṃ daṭṭhabbaṃ, daṭṭheyyaṃ, passitunti daṭṭhum gacchati, passitvāti nekkhamaṃ daṭṭhum, daṭṭhā, **ikārāgamena** antarikassa na bhavati, yathā – anusāsitaṃ,

anusāsitabbam, anusāsitum, anusāsitvā, dassitam iccādi.

**Tusa** pītimhi, atussīti atthe kattari **tappaccayo**.

“Tassā”ti adhikāro.

### 626. Sādi, santapucchabhanjahansādīhi t̄tho.

Ādinā saha vattatīti **sādi**. Sakārantehi, **puccha bhanjahansai**ccavamādīhi ca dhātūhi parassa anantarikassa **takārassa** sahādibyañjanena dhātvantenat̄thādeso hoti. **Hansassa** satīpi santatte **punaggabhaṇam** kvaci **t̄thādesassa** aniccatādīpanattham, tena “viddhasto utraṣṭo”tiādīsu na hoti. Tuṭṭho, santusito. **Bhasa** bhassane, abhassīti bhaṭṭho, bhassito. **Nasa** adassane, nassīti naṭṭho. **Damsa** damsane, adamsīyitthāti daṭṭho sappena, ḍamsito vā, “kvaci dhātū”tiādinā **dassa** ḍattam. **Phusa** phassane, aphusīyitthāti phuṭṭho rogena, phussito vā. **Isu** icchāyam, esīyitthāti iṭṭho, icchito, esito. **Masa** āmasane, āmasīyitthāti āmaṭṭho. **Vasasecane**, avassīti vuṭṭho devo, pavisīyitthāti pavīṭṭho, uddisīyitthāti uddiṭṭho. **Puccha** pucchane, apucchīyitthāti puṭṭho pañham, pucchito. **Bhanja** avamaddane, abhañjīyitthāti bhaṭṭham dhaññam. **Hansa** pītimhi, ahamṣīti haṭṭho, pahaṭṭho, pahaṃsito.

Ādisaddena **yaja** devapūjāsaṅgatikaraṇadānesu, ijjitthāti atthe **tappaccayo**, **tassa t̄thādeso**.

### 627. Yajassa sarassi t̄the.

**Yaja**iccetassa dhātussa sarassa **ikārādeso** hoti **t̄the** pare. Yiṭṭho mayā jino. **Saja** vissagge **sam**pubbo, saṃsajjitthāti saṃsaṭṭho tena, vissatṭho. **Maja** suddhimhi, amajjīti maṭṭho iccādi.

Kiccata~~k~~ārādīsu tussitabbam toṭṭhabbam, phusitabbam phoṭṭhabbam, pucchitum puṭṭhum, yajitum yiṭṭhum, abhiharitum abhihaṭṭhum, tosanam tuṭṭhi, esanam eṭṭhi, vassanam vuṭṭhi, vissajjanam vissatṭhi iccādi.

“Tassa, sādī”ti ca vattate.

### 628. Bhanjato ggo ca.

**Bhanjato** dhātumhā **tappaccayassa** sahādibyañjanena **ggo** ādeso hoti. Bhaggo rāgo anena. **Vasanivāse**, parivasīyitthāti parivuṭṭho parivāso, vusitam brahmacariyam, **uṭṭha** uādesā. **Vasa** acchādane, nivasīyitthāti nivattham vattham, “kvaci dhātū”tiādinā **stakārasamyogassa tthattam**, evam nivatthabbam. **Samsa** pasamsane, pasamsīyitthāti pasattho pasamsito, pasamsanam pasatthi. **Badha** bandhane, abajjhitthāti baddho raññā, alabhīyitthāti laddham me dhanam, **dhattadattāni**. **Rabha** rābhasse, ārabhīyitthāti āraddham vīriyam. **Daha** bhasmīkaraṇe, adayhittāti daḍḍham vanam, abhujjitthāti bhutto odano, bhujādittā dhātvantalopo, dvittañca. **Caja** hānimhi, pariccajīyitthāti pariccattam dhanam, amuccitthāti mutto saro.

**Vaca** viyattiyam vācāyam, avacīyitthāti atthe **tappaccayo**.

“Anto, no, dvi, cā”ti ca adhikāro.

### 629. Vaca vā vu.

Catuppadamidam. **Vaca**iccetassa dhātussa **vakārassa ukārādeso** hoti vā, dhātvanto ca **cakāro** no hoti, **tappaccayassa** ca dvibhāvo hoti. **Vāggahaṇam**avadhāraṇattham, dhātvādimhi **vakārāgamo**. Vuttamidam bhagavatā, uttam vā.

### 630. Gupādīnañca.

**Gupa**iccevamādīnaṃ dhātūnamanto ca byañjano no hoti, parassa **takā**rassa ca dvibhāvo hoti. **Gupa** gopane, sugopīyitthāti sugutto, sugopito, ikārena byavahitattā na dhātvantalo, “aññesu cā”ti sutte **vādhikā**rassa vavatthitavibhāsattā niṭṭhata**kā**repi kvaci vuddhi. Gopanaṃ gutti.

**Lipa** limpane, alimpīyitthāti litto sugandhena. **Tapa** santāpe, santapīyitthāti santatto tejena. **Dīpa** dīttimhi, ādīpīyitthātiāditto agginā, rassattaṃ, dīpanaṃ ditti. **Apa** pāpuṇane, pāpīyitthāti patto gāmo, pāpuṇīti patto sukhaṃ, pāpuṇanaṃ patti, pattaḃbaṃ. **Mada** ummāde, pamajjīti pamatto. **Supa** sayane, asupīti sutto iccādi.

**Cara** caraṇe, acarīyitthāti ciṇṇo dhammo, **iṇṇā**deso, carito vā. Evaṃ puṇṇo, pūrito.

**Nuda** khepe, panujjitthāti paṇunno, **nassa ṇatta**ṃ, panudīto. **Dā** dāne, ādīyitthātiādīno, atto vā, “kvaci dhātū”tiādīnā **dās**addassa **takā**ro, rassattaṃ.

### 631. Bhidādito innaannañā vā.

**Bhida**iccevamādīhi dhātūhi parassa **tappaccayassa inna anna**ñāiccete ādesā hontī vā, anto ca no hoti. Vavatthitavibhāsattoyaṃ **vās**addo, saralopādi.

**Bhidi** vidāraṇe, abhijjitthāti bhinno ghaṭo bhavatā, bhijjīti vā bhinno devadatto. **Chidi** dvidhākarāṇe, achijjitthāti chinno rukkhō, acchinnaṃ cīvaraṃ, ucchijjīti ucchinno. Adīyitthābhi dinno suṅko. **Sada** visaraṇagatyāvasānesu, nisīdīti nisīno. **Khida** uttāsane, **khida** dīnabhāve vā, akhijjīti khinno.

**Annā**dese **chada** apavāraṇe, acchādīyitthāti channo, paṭicchannaṃ gehaṃ, pasīdīti pasanno. **Pada** gatimhi, uppajjīti uppanno, jhānaṃ samāpanno. **Rudi** assuvimocane, ruṇṇo, paralopo.

**Khī** khaye **iṇṇā**deso, akhīyīti khīṇo doso, khīṇā jāti, khīṇaṃ dhanam. **Hā** cāge, “kvaci dhātū”tiādīnā **hādito iṇṇā**dese **ṇakā**rassa **natta**ṃ, pahīyitthāti pahīno kilesō, parihāyīti parihīno. **Āsa** upavesane, acchīti āsīno. **Lī** silesane, līyīti līno, nilīno. **Ji** jaye, jiyīti jīno vittamanusocati, jīto vā. **Dī** khaye, dīno. **Pī** tappane, pīno. **Lū** chedane, lūyitthāti lūno iccādi.

**Vamu** uggiraṇe, vamīyitthāti vantaṃ, vamiṭaṃ, “pakkamādīhi nto”ti **ntā**deso. Agacchīyitthāti gato gāmo tayā, gāmaṃ gato vā, “gamakhanahanaramādīnamanto”ti dhātvantalo. Akhaññitthāti khato kūpo, upahaññitthāti upahataṃ cittaṃ, aramīti rato, abhirato. **Mana** ñāṇe, amaññitthāti mato, sammato. **Tanu** vitthāre, atanitthāti tataṃ, vitataṃ. **Yamu** uparame, niyacchīti niyato.

“No, tamhi, timhī”ti ca vattate.

### 632. Rakāro ca.

**Rakāro** ca dhātūnamantabhūto no hoti **tappaccaye, tippaccaye** ca pare. Pakarīyitthāti pakato kaṭo bhavatā, katā me rakkhā, kataṃ me puññaṃ. “Do dhassa cā”ti etta **cas**addena **ṭo** tassa, yathā – sukaṭaṃ, dukkaṭaṃ, pure akarīyitthāti purakkhato, “purasamupaparīhi karotissa khakharā vā tappaccayesu cā”ti **khakā**ro, paccayehi saṅgama karīyitthāti saṅkhato, abhisāṅkhato, upakarīyitthāti upakkhato, upakkhaṭo, parikarīyitthāti parikkhato.

**Tippaccaye** pakaraṇa pakati. **Sara** gaticintāyaṃ, asarīti sato, visarīti viṣaṭo, saraṇaṃ, sarati etāyāti vā satī, nīharīyitthāti nīhaṭo. **Dhara** dhāraṇe, uddharīyitthāti uddhaṭo, abharīyitthāti bhato, bharaṇaṃ, bharaṭi etāyāti vā bhati.

Ikārāgamayuttesu “gamito”tiādīsu dhātvantalo sampatte –

“Lopo”ti vattate.

### 633. Namakarānamantānaṃ niyuttatamhi.

Nakāra **makāra kakāra rakārānaṃ** dhātvantānaṃ lopo na hoti **ikārāgamayutte takāre** pareti lopābhāvo. Agacchī, gamīyitthāti vā gamito, ramitthāti ramito. Evaṃ vamito, namito. **Saki** saṅkāyaṃ, saṅkito, sarito, bharito. Tathā khanitabbaṃ, hanitabbaṃ, gamitabbaṃ, ramitabbaṃ iccādi.

Nidhīyitthāti nihito, “kvaci dhātū”tiādinā **dhissa hi tappaccaye**. Evaṃ vihito.

**Kārite** abhāvīyitthāti atthe “bhāvakammesu ta”iti **tappaccayo**, “yathāgamamikāro”ti **ikārāgamo**, saralopādi, bhāvito maggo tena, bhāvayito, apācīyitthāti pācīto odanaṃ yaññadatto devadattena, pācayito, pācāpito, pācāpayito, kammaṃ kāriyitthāti kārito, kārayito, kārapito, kārapayito iccādi.

“Bhāvakammesu ta”iti ettha “ta”iti yogavibhāgena **acalana gati bhojanatthādīhi** adhikaraṇepi **tappaccayo**, yathā – **āsa** upavesane, **adhikaraṇe** acchiṃsu ettha teti idaṃ tesam āsitaṃ ṭhānaṃ. **Bhāve** idha tehi āsitaṃ. **Kammani** ayaṃ tehi ajjhāsito gāmo. **Kattari** idha te āsitā. Tathā aṭṭhaṃsu etthāti idaṃ tesam ṭhitaṃ ṭhānaṃ, idha tehi ṭhitaṃ, ayaṃ tehi adhiṭṭhito okāso, idha te ṭhitā. Nisīdiṃsu etthāti idaṃ tesam nisinnaṃ ṭhānaṃ, ayaṃ tesam nisinnakālo, te idha nisinnā. Nīpajjiṃsu etthāti idaṃ tesam nīpannaṃ ṭhānaṃ, idha te nīpannā.

**Yā** gatipāpuṇane. Ayāsuṃ te etthāti ayaṃ tesam yāto maggo, idha tehi yātaṃ, ayaṃ tehi yāto, maggo, idha te yātā. Tathā idaṃ tesam gataṭṭhānaṃ, ayaṃ tesam gatakālo, idha tehi gataṃ, ayaṃ tehi gato gāmo, idha te gatā.

Bhuñjiṃsu etasminti idaṃ tesam bhuttaṭṭhānaṃ, ayaṃ tesam bhuttakālo, idha tehi bhutto odano, idha te bhuttā. Piviṃsu te etthāti idaṃ tesam pītaṃ ṭhānaṃ, idha tehi pītā yāgu, idha te pītā. Dissanti etthāti idaṃ tesam diṭṭhaṭṭhānaṃ iccādi.

“Kattari kiti”ti ito maṇḍūkagatiyā “kattari”ti vattate.

### 634. Kammani dutiyāyaṃ kto.

Kammatthe dutiyāyaṃ vibhattiyāṃ vijjamānāyaṃ dhātūhi kattari **ktappaccayo** hoti. Idameva vacanaṃ ñāpakaṃ abhihite kammādīmhi dutiyādīnamabhāvassa. Dānaṃ adāsīti atthe **ktappaccayo**, “kvaci dhātū”tiādinā paccayakakārassa lopo, **tassa innādeso**, dānaṃ dinno devadatto. **Rakkha** pālāne, sīlaṃ arakkhīti sīlaṃ rakkhito, bhattaṃ abhuñjīti bhattaṃ bhutto, garuṃ upāsīti garumupāsīto iccādi.

### 635. Bhyādīhi matibudhipūjādīhi ca kto.

**Bhī**ccavamādīhi dhātūhi, **mati budhi pūjādīhi** ca **ktappaccayo** hoti. So ca “bhāvakammesu kiccattakkhatthā”ti vuttatā bhāvakammesveva bhavati.

**Bhī** bhaye, abhāyitthāti bhītaṃ bhavatā. **Supa** saye, asupīyitthāti suttaṃ bhavatā. Evaṃ sayitaṃ bhavatā. **Asa** bhojane, asitaṃ bhavatā, pacito odano bhavatā.

Idha **matyādayo** icchatthā, **budhiādayo** ñānatthā.

**Mana** ñāṇe **sam**pubbo, “budhagamādītthe kattari”ti **tappaccaye** sampatte iminā kammani **ktappaccayo**, “gama khana”tiādinā dhātvantalopo, raññā sammato. **Kappa** takkane, saṅkappito. **Dhara** dhāraṇe, curādittā ñe, vuddhi, ikārāgamo, saralopādi, avadhārito.

**Budha** avagamane, avabujjhitthāti buddho bhagavā mahesakkhehi devamanussehi. **I** ajjhayane, adhīyitthāti adhīto.



I gatimhi, abhisamito. **Vida** ñāṇe, vedīyitthāti vidito. **Ñā** avabodhane, aññāyitthāti ñāto. **Vidha** vedhane, paṭivijjhitthāti paṭividdho dhammo. **Takka** vitakke, takkito.

### Pūjanatthesu –

**Pūja** pūjāyaṃ, apūjīyitthāti pūjito bhagavā. **Cāya** santānapūjanesu **apapubbo**, apacāyito. **Māna** pūjāyaṃ, mānito. **Ci** caye, apacito. **Vanda** abhivandane, vandito. **Kara** karaṇe, sakkato. **Sakkāra** pūjāyaṃ, sakkārito iccādi.

Huto hutāvī hutavā, vuṭṭho vusita jīṇako;  
Pakkaṃ pakkantako jāto, ṭhito ruḷho bubhukkhito.

Gītaṃ naccaṃ jito diṭṭho, tuṭṭho yiṭṭho ca bhaggavā;  
Vuttaṅca gutto acchinno, pahīno gamito gato.

Katobhisāṅkhato bhuttaṃ, ṭhānaṃ garumupāsito;  
Bhītaṅca sammato buddho, pūjitoṭītakālikā.

Atītappaccayantanayo.

### Tavetunādippaccayantanaya

“Puññāni kātumicchī, icchati, icchissati vā”ti viggāhe –

#### 636. Icchatthesu samāna kattu kesu ta ve tuṃ vā.

Icchā attho yesaṃ te **icchatthā**, tesu icchatthesu dhātūsu samānakattukesu santesu sabbadhātūhi **tavetuṃ**iccete paccayā honti vā, “tavetuṃ vā”ti yogavibhāgena tadatthakriyāyaṅca, te ca kitakattā kattari honti.

“Karotissa, vā”ti ca vattate.

#### 637. Tavetunādīsu kā.

**Tavetuna**iccevamādīsu paccayesu paresu karotissa dhātussa **kādeso** hoti vā, **ādisaddena tuṃtvāna tvā tabbesu** ca.

“Taddhitasamāsakitakā nāmaṃvātavetunādīsu cā”ti ettha “atave tunādīsū”ti nāmabyapadesassa nisedhanato tadantānaṃ nipātattaṃ siddhaṃ bhavati, tato nipātattā **tavetunamantato** “sabbāsamāvuso”tiādinā vibhattilopo. So puññāni kātave icchati, kātumicchati.

**Kādesābhāve** “tuṃtunatabbesu vā”ti **rakārassa tattam**. Kattuṃ kāmetīti kattukāmo, abhisāṅkharitumākaṅkhati. Tathā saddhammaṃ sotave, sotuṃ, suṇituṃ vā pattheti. Evaṃ anubhavituṃ, pacituṃ, gantuṃ, gamituṃ, khantuṃ, khanituṃ, hantuṃ, hanituṃ, mantuṃ, manituṃ, harituṃ, anussaritumicchati, ettha **ikārayuttatamhi** “namakarāna”miccādinā paṭisiddhattā na dhātvantalopo.

Tathā **tudabyathane**, tudituṃ, pavisituṃ, uddisibhuṃ, hotuṃ, sayibhuṃ, netuṃ, juhotuṃ, pajahituṃ, pahātuṃ, dātuṃ. Roddhuṃ, rundhitsuṃ, **tuṃtunādīsūpi** yogavibhāgena kattari vikaraṇappaccayā, saralopādi ca. Bhottuṃ, bhuñjituṃ, chettuṃ, chindituṃ. Sibbituṃ, boddhuṃ, bujjhituṃ. Jāyituṃ, janituṃ. Pattuṃ, pāpuṇituṃ. Jetuṃ, jinituṃ, ketuṃ, kiṇituṃ, vinicchetuṃ, vinicchinituṃ, ñātuṃ, jānituṃ, ghetuṃ, gaṇhituṃ. Coretuṃ, corayituṃ, pāletuṃ, pālayituṃ.

**Kārite** bhāvetuṃ, bhāvayituṃ, kāretuṃ, kārayituṃ, kārāpetuṃ, kārāpayitumicchati iccādi.

“Tavetum vā”ti yogavibhāgena kriyatthakriyāyañca gammamānāyaṃ **tum**paccayo. Yathā – subuddhum vakkhāmi, bhottum vajati, bhojanāya vajatīti attho. Evaṃ datṭhum gacchati, gantumārabhati, gantum payojayati, dassetumāha iccādi.

“Tu”miti vattate.

### 638. Arahasakkādīsu ca.

**Arahasakkabhabbānucchavikānurūpa**iccevamādīsvatthesu payujjamānesu sabbadhātūhi **tum**paccayo hoti, **casaddena kālasamayavelādīsupi. Ninda** garahāyaṃ, ko taṃ ninditumarahati, rājā arahasi bhavitum, araho bhavaṃ vattum. Sakkā jetum dhanena vā, sakkā laddhum, kātum sakkhissati. Bhabbo niyāmaṃ okkamitum, abhabbo kātum. Anucchaviko bhavaṃ dānaṃ paṭiggahetum. Idaṃ kātum anurūpaṃ. Dānaṃ dātum yuttam, dātum vattuñca labhati, evaṃ vaṭṭati bhāsītum, chinditum na ca kappati iccādi. Tathā kālo bhuñjitum, samayo bhuñjitum, velā bhuñjitum.

“Tu”miti vattate.

### 639. Pattavacane alamatthesu ca.

Alamatthesu pattavacane sati sabbadhātūhi **tum**paccayo hoti, alaṃsaddassa atthā **alamatthā** bhūsanapariyattinivāraṇā, tesu alamatthesu. Pattassa vacanaṃ **pattavacanaṃ**, alameva dānāni dātum, alameva puññāni kātum, sampattameva pariyattamevāti attho.

Katvā kammaṃ agacchi, gacchati, gacchissatīti vā atthe –

### 640. Pubbakālekakattukānaṃ tuna tvāna tvā vā.

**Pubbakā**loti pubbakriyā, eko kattā yesaṃ te **ekakattukā**, tesam ekakattukānaṃ samānakattukānaṃ dhātūnamantare pubbakāle vattamānadhātumhā **tuna tvāna tvā**iccete paccayā honti vā.

**Vās**addassa vavatthitavibhāsattā **tun**appaccayo katthaciyeva bhavati. Te ca **kī**tasāññattā, “ekakattukāna”nti vuttattā ca kattariyeva bhavanti. **Tune** “tavetunādīsu kā”ti **kā**deso, nipātattā silopo. So kātuna kammaṃ gacchati, akātuna puññaṃ kilamissanti sattā.

**Tvānatvā**su “rakāro cā”ti dhātvantalopo, kammaṃ katvāna bhadraṃ, dānādīni puññāni katvā saggaṃ gacchati, abhisankharitvā, karitvā. Tathā sibbitvā, jāyitvā, janitvā, dhammaṃ sutvā, sutvāna dhammaṃ modati, suṇitvā, patvā, pāpunītvā. Kiṇitvā, jetvā, jinitvā, jītvā. Coretvā, corayitvā, pūjetvā, pūjayitvā. Tathā mettam bhāvetvā, bhāvayitvā, vihāram kāretvā, kārayitvā, kārapetvā, kārapayitvā saggaṃ gamissanti iccādi.

**Pubbakā**leti kimattham? Paṭhati, pacati. **Ekakattukā**nanti kiṃ? Bhutte devadatte yaññadatto vajati.

“Apatvāna naḍiṃ pabbato, atikkamma pabbataṃ naḍi”tiādīsu pana sabbattha “bhavati”ti sambandhato **ekakattukā**tā, pubbakālatā ca gamyate.

“Vā”ti vattate.

### 641. Sabbehi tunādīnaṃ yo.

Sabbehi sopasaggānupasaggehi dhātūhi paresam **tun**ādīnaṃ paccayānaṃ **ya**saddādeso hoti vā. **Vanda** abhivandane **abhi**pubbo, **tvā**paccayassa **yo**, ikārāgamo ca, abhivandīya bhāsissam, abhivanditvā, vandīya, vanditvā. Tathā abhibhuyya, dvittarassattāni, abhibhavitvā, abhibhotvā.

**Si** sevāyaṃ, “kvaci dhātū”tiādīnā ikārassa āttam, nissāya, nissitvā.

**Bhaja** sevāyaṃ, “tathā kattari cā”ti pubbarūpattam, vibhajja, vibhajiya, vibhajitvā.

**Disa** atisajjane, uddissa, uddisiya, uddisitvā. Pavissa, pavisiya, pavisitvā.

**Nī** pāpuṇane, upanīya, upanetvā. Atiseyya, atisayitvā. Ohāya, ohitvā, jahitvā, hitvā. Ādāya, ādiyitvā, “divādito yo”ti yappaccayo, “kvaci dhātū”tiādīnā dhātvantassikāro ca, datvā, datvāna. Pidhāya, pidahitvā. Bhuñjiya, bhuñjitvā, bhotvā. Viceyya, vicinitvā. Viññāya, vijānitvā, ñatvā.

“Yathāgamaṃ, tunādīsū”ti ca vattate.

#### 642. Dadhantato yo kvaci.

**Dakāradhakārantehi** dhātūhi yathāgamaṃ yakārāgamo hoti kvaci **tunādīsū** paccayesu. **Yavato** dakārassa jakāro, samāpajjitvā, uppajjitvā, bhijjitvā, chijjitvā gato. **Budha** avagamane, “tathā kattari cā”ti sakhātvantassa yakārassa cavaggo, bujjhiya, bujjhitvā. Virajjhiya, virajjhitvā. Rundhiya, rundhitvā.

“Tunādīna”nti adhikāro, “vā”ti ca.

#### 643. Canantehi raccaṃ.

**Cakāranakārantehi** dhātūhi paresaṃ **tunādīnaṃ** paccayānaṃ **raccā**deso hoti vā, “racca”nti yogavibhāgena aññasmāpi, vavatthitavibhāsathoyam vāsaddo, rādilopo. **Vica** vivecane vipubbo, vivicca, viviccitvā, “yo kvacī”ti yogavibhāgena yakārāgamo.

**Pava** pāke, pacca, pacciya, paccitvā. Vimucca, vimuccitvā.

**Hana** hiṃsāgatīsu, āhacca, upahacca, āhantvā, upahantvā.

**Vāti** kiṃ? Avamañña, avamaññitvā, mantvā, **nyassañakāro**.

**I** gatimhi, yogavibhāgena **raccā**deso, paṭicca, avecca, upecca upetvā. **Kara** karaṇe, sakkacca, adhikicca, ikārāgamo, kariya.

**Disa** pekkhaṇe –

#### 644. Disā svānasvāntalopo ca.

**Disa**iccetāya dhātuyā paresaṃ **tunādīnaṃ** paccayānaṃ **svāna** svāiccādesā honti vā, dhātvantassa lopo ca. Disvānassa etadahosi, cakkhunā rūpaṃ disvā.

**Vāti** kiṃ? Nekkhammaṃ daṭṭhum, daṭṭhā. Passiya, passituna, passitvā.

**Antaggahaṇaṃ antalopaggahaṇaṇcānuvattate.**

#### 645. Ma ha da bhehi mma yha jja bbha ddhā ca.

**Ma ha da** bhaiccevamantehi dhātūhi paresaṃ **tunādīnaṃ** paccayānaṃ yathākkamaṃ **mma yha jja bbha ddhā**iccete ādesā honti vā, dhātvantalo po ca. **Makā**rantehi tāva āgamma, āgantvā. **Kamu** padavikkhepe, okkamma, okkamitvā, nikkamma, nikkhamitvā, abhiramma, abhiramitvā.

**Hakāran**tehi paggayha, paggaṇhitvā, paggaḥetvā. **Muha** vecitte, sammuyha, sammuyhitvā, yakāragamo, āruyha, āruhitvā, ogayha, ogahetvā.

**Dakāran**tehi uppajja, uppajjitvā, pamajja, pamajjitvā, upasampajja, upasampajjitvā. **Chidi** dvidhākarāṇe, acchijja, chijja, chijjitvā, chindiya, chinditvā, chetvā.

**Bhakāran**tehi **rabha** rābhasse, ārabba kathesi, āraddhā, ārabhitvā. **Labha** lābhe, upalabbha, upaladdhā, saddham paṭilabhivā puññāni karonti iccādi.

Tavetunādippaccayantanayo.

### Vattamānakālikamānantappaccayantanaya

#### 646. Vattamāne mānantā.

Āraddho aparisamatto attho **vattamāno**, tasmim vattamāne kāle gammadāne sabbadhātūhi **mānaanta**iccete paccayā honti. Te ca **kitasaññattā** “kattari kita”ti kattari bhavanti.

**Antamānappaccayānañcetha** “parasamaññāpayoge”ti parasamaññāvasena parassapadattanopadasaññattā **tyādīsu** viya **antamānesu** ca vikaraṇappaccayā bhavanti.

Teneva **mānappaccayo** “attanopadāni bhāve ca kammanī”ti bhāvakkammesupi hoti, tassa ca “attanopadāni parassapadatta”nti kvaci **antappaccayādeso** ca.

**Gamu, sappa** gatimhi, gacchatīti atthe **antappaccayo**, “bhūvādito a”iti **appaccayo**, “gamissanto ccho vā sabbāsū”ti dhātvantassa **cchādeso**, saralopādi, nāmabyapadese **syādyuppatti**. Gacchanta si itīdha “vā”ti vattamāne “simhi gacchantādīnaṃ ntasaddo aṃ” iti **ntassa amādeso**.

**Vāsaddassa** vavatthibhavibhāsattā **ekāro**kāraparassa na bhavati, saralopādi, so puriso gacchaṃ, gacchanto gaṇhāti, sesaṃ guṇavantusamaṃ.

**Itthiyaṃ** “nadādito vā ī”ti **īpaccayo**, “sesesu ntuvā”ti **ntubyapadese** “vā”ti adhikicca “ntussa tamikāre”ti **takāre** saralopasilopā, sā kaññā gacchatī, gacchantī iccādi itthisamaṃ.

**Napuṃsake** pure viya **ntassa amādeso**, taṃ cittaṃ gacchaṃ, gacchantaṃ, gacchantāni iccādi pulliṅgasamaṃ.

Tathā gacchatīti atthe **mānappaccayo**, **cchādesādi** ca, so gacchamāno gaṇhāti, te gacchamānā iccādi **purisasaddasamaṃ**. Sā gacchamānā, tā gacchamānāyo iccādi **kaññāsaddasamaṃ**. Taṃ gacchamānaṃ, tāni gacchamānāni iccādi **cittasaddasamaṃ**.

Gacchīyatīti atthe “attanopadāni bhāve ca kammanī”ti kammani **mānappaccayo**, “bhāvakkammesu yo”ti **yappaccayo**, “ivaṇṇāgamo vā”ti **ikārāgamo**, **cchādeso**, so tena gacchīyamāno, sā gacchīyamānā, taṃ gacchīyamānaṃ.

**Cchādesābhāve** “pubbarūpañcā”ti **yakārassa makāro**, dhammo adhigammamāno hitāya bhavati, adhigammamānā, adhigammamānaṃ.

Tathā **maha** pūjāyaṃ, mahatīti mahaṃ, mahanto, mahatī, mahantī, mahaṃ, mahantaṃ, mahamāno, mahamānā, mahamānaṃ. **Kammani** “yamhi dādhamāṭhāhāpā maha mathādīnamī”iti dhātvantassa **akārassa ikāro**, mahīyamāno, mahīyamānā, mahīyamānaṃ.

Evam caratīti caraṃ, caratī, carantī, carantaṃ, caramāno, cariyamāno, pacatīti pacam, pacatī, pacantī, pacantaṃ, pacamāno, paccamāno, “tassa cavagga”iccādinā **cavaggattaṃ**, dvittaṅga.

**Bhū** sattāyaṃ, bhavatīti atthe **antappaccayo**, **appaccayavuddhiavādesādi**, so bhavaṃ, bhavanto. **Itthiyaṃ** īpaccayo, “bhavato bhoto”ti **bhotādeso**, bhotī, bhotī, bhotiyo. **Napumsake** bhavaṃ, bhavantaṃ, bhavantāni, abhibhavamāno. **Bhāve** bhūyamānaṃ. **Kammani** abhibhūyamāno.

**Jara** vayohānimhi, “jara marāna”ntiādinā **jīra jīyādesā**, jīratīti jīraṃ, jīrantī, jīrantaṃ, jīramāno, jīriyamāno, jīyaṃ, jīyantī, jīyantaṃ, jīyamāno, jīyamaṃ.

**Mara** pāṇacāge, “kvaci dhātū”tiādinā ekassa **yakārassa** lopo, maratīti mīyaṃ, mīyantī, mīyantaṃ, mīyamāno, mīyamaṃ, maraṃ, marantī, marantaṃ, maramāno, marīyamāno. Labhaṃ, labhantī, labhantaṃ, labhamāno, labbhamāno. Vahaṃ, vahantī, vahantaṃ, vahamāno, vuyhamāno. “Isuyamūnamanto ccho vā”ti **cchādeso**, icchatīti icchaṃ, icchantī, icchantaṃ, icchamaṃ, icchīyamāno, issamaṃ.

“Disassa passadissadakkhā vā”ti **passa dissa dakkhādesā**, passatīti passaṃ, passantī, passantaṃ, passamaṃ, vipassīyamāno, dissamaṃ, dissanto, **mānassa antādeso**, dissaṃ, dissantī, dissantaṃ, dakkhaṃ, dakkhantī, dakkhantaṃ, dakkhamāno dakkhiyamāno iccādi.

**Tuda** byathane, tudatīti tudaṃ, tudantī, tudantaṃ, tudamaṃ, tujjamaṃ. Pavisatīti pavisaṃ, pavisantī, pavisantaṃ, pavisamaṃ, pavisīyamāno iccādi.

**Hū, bhū** sattāyaṃ, **appaccayalopo**, pahotīti pahonto, pahontī, pahontaṃ, pahūyamānaṃ tena. Setīti sento, sentī, sentaṃ, semāno, sayāṃ, sayantī, sayantaṃ, sayamaṃ, sayāno vā, **mānassa anādeso**, atisīyamāno.

**Asa** sabbhāve, “sabbatthāsassādilopo cā”ti **akārassa** lopo, atthīti saṃ, santo, satī, santī, santaṃ, samaṃ, samānā, samānaṃ.

**Thā** gatinivattimhi, “vā”ti vattamaṃe “thā tiṭṭho”ti **tiṭṭhādeso**, tiṭṭhaṃ, tiṭṭhantī, tiṭṭhantaṃ, tiṭṭhamāno. **Tiṭṭhābhāve** “kvaci dhātū”tiādinā **thāto hakārāgamo**, rassattañca, upaṭṭhahaṃ, upaṭṭhahantī, upaṭṭhahantaṃ, upaṭṭhahamaṃ. Thīyamānaṃ tena, upaṭṭhīyamāno, upaṭṭhahīyamāno.

**Pā** pāne, “pā pibo”ti **pibādeso**, pibatīti pibaṃ, pibantī, pibantaṃ, pibamaṃ, “kvaci dhātū”tiādinā **bakārassa vattaṃ**, pivaṃ, pivantī, pivantaṃ, pivamaṃ, pīyamāno, pīyamānā, pīyamānaṃ iccādi.

**Hu** dānādanahabyappadānesu, **appaccaye** pure viya dvibhāvādi, juhotīti juhaṃ, juhantī, juhantaṃ, juhamāno, hūyamāno. Evaṃ jahaṃ, jahantī, jahantaṃ, jahamaṃ, jahīyamāno. Dadātīti dadaṃ, dadantī, dadantaṃ, dadamaṃ, **dvittābhāve** dānaṃ dento, dentī, dentaṃ, dīyamāno.

**Rudhi** āvaraṇe, “rudhādito niggahītapubbañcā”ti **appaccayaniggahītāgamā**, rundhatīti rundhaṃ, rundhantī, rundhantaṃ, rundhamāno, rujjamaṃ. Bhuñjatīti bhuñjaṃ, bhuñjantī, bhuñjantaṃ, bhuñjamaṃ, bhuñjamaṃ iccādi.

**Divu** kīlāyaṃ, “divādito yo”ti **yappaccayo**, “tathā kattari cā”ti pubbarūpattaṃ, **battañca**, dibbatīti dibbaṃ, dibbantī, dibbantaṃ, dibbamāno. Evaṃ bujjhatīti bujjhaṃ, bujjhantaṃ, bujjhamāno, **cavaggādeso**. **Janī** pātubhāve, “janādinamā”ti yogavibhāgena **attaṃ**, jāyatīti jāyaṃ, jāyamāno, jāññamaṃ.

**Su** savāṇe, “svādito”tiādinā **ṇu ṇā uṇā** ca, suṇātīti suṇaṃ, suṇanto, suṇamaṃ, sūyamāno, suyyamaṃ. Pāpuṇātīti pāpuṇaṃ, pāpuṇamaṃ, pāpiyamāno.

“Kiyādito nā”ti **nā**, rassattaṃ, kiṇātīti kiṇaṃ, kiṇamaṃ, kīyamāno. Vinicchīnatīti vinicchīnaṃ, vinicchīnamāno, vinicchīyamāno, cinaṃ, cīyamāno. Jānātīti jānaṃ, jānamāno, **jādeso**, ñāyamāno. Gaṇhātīti gaṇhaṃ, gaṇhamāno, gayamaṃ.

**Kara** karaṇe, karotīti atthe “vattamāne mānantā”ti **antappaccayo**, “tanādito oyirā”ti **o**, “tassa vā”ti adhikicca “uttamokāro”ti **uttaṃ**, “karassākāro cā”ti **akārassukāro**. “Yavakārā cā”ti sare **ukārassa vattaṃ**, dvittaṃ, “bo vassā”ti **bakāradvayaṇca**, “kvaci dhātū”tiādinā **ralopo**, so kubbam, kubbanto, kubbatī, kubbantī, kubbantaṃ. **Uttābhāve** – kammaṃ karonto, karontī, karontaṃ. **Māne** – **uttadvayaṃ**, kurumāno, kurumānā, kurumānaṃ, kubbāno vā. **Kammaṇi** kayiramāno, karīyamāno vā iccādi.

**Cura** theyye, “curādito”tiādinā **ṇe ṇayā**, coretīti corento, corentī, corentaṃ, corayaṃ, corayatī, corayantaṃ, corayamāno, corīyamāno. Pāletīti pāleno, pālentī, pālentam, pālayaṃ, pālayantī, pālayantaṃ, pālayamāno, pāliyamāno iccādi.

**Kārite** bhāvetīti bhāvento, bhāventī, bhāventaṃ, bhāvayaṃ, bhāvayantī, bhāvayantaṃ, bhāvayamāno, bhāvīyamāno. Kāretīti kāronto, kārentī, kārentaṃ, kārayaṃ, kārayantī, kārayantaṃ, kārayamāno, kāriyamāno, kārāpento, kārāpentī, kārāpentaṃ, kārāpayaṃ, kārāpayantī, kārāpayantaṃ, kārāpayamāno, kārāpiyamāno iccādi.

Vattamānakālikamānantappaccayantanayo.

### Anāgatakālikappaccayantanaya

“Kāle”ti adhikāro.

#### 647. Bhavissati gamādīhi ṇī ghaṇa.

Bhavissati kāle gammamāne **gamādīhi dhātūhi ṇī ghaṇa**iccete paccayā honti. **Ṇakārā** vuddhatthā. Āyati gamanaṃ sīlamassāti atthe **ṇī**, vuddhiṇaḷopā. Gāmī, gāmīno, āgāmī kālo. **Ghaṇapaccaye** – “kvaci dhātū”tiādinā **ghalopo**, gāmaṃ gāmi, gāmī, gāmāyo.

**Bhaja** sevāyaṃ, āyati bhajitum sīlamassāti bhājī, bhāji, “na kagattaṃ cajā”ti yogavibhāgena nisedhanato “sacajānaṃ kagā ṇānubandhe”ti **gattaṃ** na bhavati.

**Su** gatimhi, kārite vuddhiāvādesā ca, āyati passavitum sīlamassāti passāvī, passāvi. Āyati paṭṭhānaṃ sīlamassāti paṭṭhāyī, paṭṭhāyi, “ākārantānamāyo”ti **āyādeso**.

“Bhavissatī”ti adhikāro.

#### 648. Kiriyaṃ ṇvutavo.

**Kiriyaṃ** kiriyatthāyaṃ gammamānāyaṃ dhātūhi **ṇvutu**iccete paccayā honti bhavissati kāle. **Ṇvumhi** – **ṇalopavuddhiakā**desā, karissaṃ vajatīti kārako vajati.

**Tumhi** – “karassa ca tattaṃ tusmi”nti **takāro**, sesaṃ kattusamaṃ, kattā vajati, kattaṃ vajatīti attho. Evaṃ pacissaṃ vajatīti pācako vajati, pacitā vajati. Bhuñjissaṃ vajatīti bhuñjako vajati, bhottā vajati iccādi.

#### 649. Kammani ṇo.

Kammaṃ upapade dhātūhi **ṇappaccayo** hoti bhavissati kāle **ṇalopavuddhī**. Nagaraṃ karissatīti nagarakāro vajati. **Lū** chedane, sālīṃ lavissatīti sālīlāvo vajati. **Vapa** bījasantāne, dhaññaṃ vapissatīti dhaññāvāpo vajati. Bhogaṃ dadissatīti bhogaḍāyo vajati, sindhum pīvissatīti sindhupāyo vajati iccādi.

“Kammaṇī”ti vattate.

### 650. Sese ssaṃ ntu mānānā.

Kammaṃ upapade **sese** aparisaṃmattatthe dhātūhi **ssaṃntu māna āna**iccete paccayā honti bhavissati kāle gammadāne, te ca kitakattā kattari bhavanti. Kammaṃ karissatīti atthe **ssaṃ**paccayo, ikārāgamo, **silopo**, kammaṃ karissaṃ vajati, sāpekkhattā na samāso. **Ntupaccaye** “tanādito oyirā”ti o, “simhi vā”ti ntva’ntassa **attaṃ**, kammaṃ karissatīti kammaṃ karonto vajati iccādi **guṇavantusamaṃ**.

Atha vā “bhavissati gamādīhi nī ghaṇa”ti ettha “bhavissatī”ti vacanato “ssantu”iti ekova paccayo datṭhabbo, tato “simhi vā”ti **attaṃ**, “ntasaddo a”mitiyogavibhāgena **amādeso**, silopo, karissaṃ karissanto, karissantā, karissantāṃ, karissante, karissatā karissantena, karissantehi, karissato karissantassa, karissatāṃ karissantānaṃ, karissatā, karissantehi, karissato karissantassa, karissatāṃ karissantānaṃ, karissati karissante, karissantesūtiādi **guṇavantusadisamaṃ** neyyaṃ.

**Mānamhi** – okārākārānaṃ **uttaṃ**, kammaṃ karissatīti kammaṃ kurumāno, kammaṃ karāno vajati. Evaṃ bhojanaṃ bhuñjissaṃ vajati, bhojanaṃ bhuñjanto, bhuñjamāno, bhuñjāno vajati.

Sabbattha kattari **ntumānesu** sakasakavikaraṇappaccayo kātabbo.

Khādanaṃ khādissatīti khādanaṃ khādissaṃ vajati, khādanaṃ khādanto, khādanaṃ khādamāno, khādanaṃ khādāno vajati. Maggaṃ carissatīti maggaṃ carissaṃ, maggaṃ caranto, maggaṃ caramāno, maggaṃ carāno vajati. **Bhikkha** āyācane, bhikkhaṃ bhikkhissatīti bhikkhaṃ bhikkhissaṃ carati, bhikkhaṃ bhikkhanto, bhikkhaṃ bhikkhamāno, bhikkhaṃ bhikkhāno carati iccādi.

Anāgatakālikappaccayantanayo.

### Uṇāḍippaccayantanaya

Atha **uṇā**dayo vuccante.

“Dhātuyā”ti adhikāro.

### 651. Kāle vattamānātīte ṇvādayo.

Atīte kāle, vattamāne ca gammadāne dhātūhi ṇupaccayo hoti. **Ādisaddena yu kta mi**iccādayo ca honti.

**Kara** karaṇe, akāsi, karotīti vā atthe ṇupaccayo, **ṇalopo**, vuddhi, kāru sippī, kārū kāravo. **Vā** gatigandhanesu, avāyi, vāyatīti vā vāyu, **āyādeso**. **Sada** assādane, assādīyatīti sādu. **Rādha, sādha** saṃsiddhimhi, sādhiyati anena hitanti sādhu. **Bandha** bandhane, attani paraṃ bandhatīti bandhu. **Cakkha** viyattiyāṃ vācāyaṃ, cakkhatīti cakkhu. **I** gatimhi, enti gacchanti pavattanti sattā etenāti āyu. **Dara** vidāraṇe, darīyatīti dāru kaṭṭhaṃ. **Sanu** dāne. Sanotīti sānu pabbatekadeso. Janīyatīti jānu jaṅghāsandhi. Carīyatīti cāru dassanīyo. **Raha** cāge, rahīyatīti rāhu asurindo. **Tara** taraṇe, tālu, **lo rassa**.

**Marādīnaṃ** panettha **ṇumhi** “ghaṭṭādīnaṃ vā”ti ettha **vāsaddena** na vuddhi, maru, taru, tanu, dhanu, hanu, manu, asu, vasu, vaṭṭu, garu iccādi.

**Cadi** hilādane, **yuppaccayo**, “nudādīhi yuṇvūnamanānanākānanakā sakāritehi cā”ti **anādeso**, niggahītāgamo ca, candanaṃ. Bhavati etthāti bhuvanaṃ, “jhalānamiyuvāsare vā”ti **uvādeso**. **Kira** vikkhepe, kiraṇo. Vicakkhaṇo, kampanaṃ karotīti karuṇā, **akārassuttaṃ**.

**Ktappaccaye** – **kalopo**, abhavi, bhavatīti vā bhūtaṃ yakkhādi, bhūtāni. Vāyatīti vāto, tāyatīti

tāto. **Mimhi** – bhavanti etthāti bhūmi, netīti nemi iccādi.

### 652. Khyādīhi mana ma ca to vā.

**Khī bhī su ru hu vā dhū hi lūpī** adaiccevamādīhi dhātūhi **manapaccayo** hoti, **massa ca to** hoti vā.

Adadhātuparasseva, makārassa takāratā;  
Tadaññato na hotāyaṃ, vavatthitavibhāsato.

**Khī** khaye, khīyanti ettha upaddavupasaggādayoti atthe **manapaccayo**, “kvaci dhātū” tiādinā **nalopo**, “aññesu cā” ti vuddhi, khemo. Tathā **bhī** bhaye, bhāyanti etasmāti bhīmo, **vādhikārato** na vuddhi. **Su** abhisave, savatīti somo. **Ru** gatimhi, romo. **Hu** dānādanahabyappadānesu, hūyatīti homo. **Vā** gatigandhanesu, vāmo. **Dhū** kampane, dhunātīti dhūmo. **Hi** gatimhi, hinotīti hemo. **Lū** chedane, lūyatīti lomo. **Pī** tappane, pīṇanaṃ pemo. **Ada** bhakkhaṇe, adatīti atthe **mana**, **massa ca vā takāro**, “to dassā” ti **takāro**, attā, ātumā, “kvaci dhātū” tiādinā **adassa** dīgho, **ukārāgamo ca**. **Yā** pāpaṇe, yāmo.

“Vā” ti vattamāne –

### 653. Samādihi thamā.

**Samadamadara raha lapa vasa yu du hi si dā sā ṭhā bhasa bahausiccevamādīhi** dhātūhi **tha maicce**te paccayā honti vā.

**Sama** upasame, **kvaci**ggahaṇādhikārā na dhātvantalopo, kilese sametīti samatho samādhi. Evaṃ damanaṃ damatho. **Dara** dāhe, daraṇaṃ daratho paridāho. **Raha** upādāne, rahīyatīti ratho, “kvaci dhātū” tiādinā **halopo**. **Sapa** akkose, sapaṇaṃ satho. **Vasa** nivāse, āvasanti etasminti āvasatho. **Yu** missane, yūtho, dīgho. **Du** gativuddhimhi, davati vaḍḍhatīti dumo. Hinotīti himo ussāvo. **Si** bandhane, sīyatīti sīmā, dīgho. **Dā** avakhaṇḍane, dāmo. **Sā** sāmatthe, sāmo. **Ṭhā** gatinivattimhi, thāmo, **ṭhassa thattaṃ**. **Bhasa** bhasmīkaraṇe, bhasmā, **brahmā**dittā “syā cā” ti āttaṃ. **Baha** vuddhimhi, brahmā, nipātanato **bro bassa**. **Usu** dāhe, usmā iccādi.

### 654. Masussa sussa ccha ra ccherā.

**Masuiccetassa** dhātussa **ssusa ccharacchera**iccete ādesā honti. **Masu** macchere, **kvippaccayo**, **ccharaccherā**desā, maccharo, macchero.

“Cchara ccherā” ti vattate.

### 655. Āpubbacarassa ca.

Āpubbassa **cara**iccetassa dhātussa **ccharaccherā**desā honti, **casaddena cchariyā**deso ca. Bhuso caraṇanti atthe **kvippaccayo**, **cchariyā**diādeso, rassattañca. Acchariyaṃ, accharaṃ, accheraṃ. Accharaṃ paharitaṃ yuttantipi acchariyaṃ.

### 656. Ala kala salehi layā.

**Ala kala sala** iccetehi dhātūhi **la yaicce**te paccayā honti. **Ala** parisamattimhi, allāṃ, alyaṃ. **Kala** saṅkhyāne, kallāṃ, kalyāṃ. **Sala, hula, pada** gatimhi, sallāṃ, salyaṃ.

“Kala salehī” ti vattate.

### 657. Yāṇa lāṇā.



Tehi **kala salaiccetehi dhātūhi yāṇa lāṇappaccayā** honti. Kalyāṇaṃ, paṭisalyāṇaṃ, kallāṇo, paṭisallāṇo. Yadā pana **lī** silesaneti dhātu, tadā “paṭisallayanam, paṭisallāṇa”nti **yuppaccayena** siddham, upasaggantassa niggaḥitassa **lattaṃ, rahādīparattā nassa ṇattaṃ, ekārassa** “kvaci dhātū”tiādīnā **attaṇca**.

#### 658. Mathissa thassa lo ca.

**Matha**iccetassa dhātussa **thassa lādeso** hoti, **casaddena lappaccayo, matha** viloḷane, mallo, so eva mallako, yathā hīnako.

“Kiccā”ti vattate.

#### 659. Avassakādhamiṇesu nī ca.

**Avassaka adhamiṇa**icceteesvatthesu, **ṇīpaccayo** hoti, kiccā cāti **ṇīpaccayo, ṇalopa** vuddhisilopā, avassaṃ me kammaṃ kātuṃ yuttosīti kārīsi me kammaṃ avassaṃ, kārīno me kammaṃ avassaṃ, hārīsi me bhāraṃ avassaṃ.

**Adhamiṇe** – sataṃ me iṇaṃ dātuṃ yuttosīti dāyīsi me sataṃ iṇaṃ, dhārīsi me sahaṣṣaṃ iṇaṃ iccādi, **kiccappaccayā** pana heṭṭhāyeva dassitā.

#### 660. Vajādīhi pabbajjādayo nipaccante.

Ākatigaṇoyam. **Vaja**iccevamādīhi dhātūhi paccayādesalopāgamanisedhalingādividhinā yathābhiddhānaṃ **pabbajjādayo** saddā nipaccante.

**Vaja** gatimhi **papubbo**, paṭhamameva vajitabbanti atthe “bhāvakkammesū”ti adhikicca “ṇyocā”ti **ṇyappaccayo, ṇalopādi**. “Pavvajya”nti rūpe sampatte iminā **jjhassa jjādeso, vakāradvayassa bakāradvayam**, vuddhinisedho, itthilingattaṇca nipaccante, pabbajjā.

Tathā **iṇja** kampane, iṇjanaṃ ijjā. **Yaja** devapūjāyam, yajanaṃ ijjā, “yajassādissī”ti ittaṃ. **Añja** byattigatīsu **sampubbo**, samañjanaṃ samajjā, ñjhassa **jjādeso. Sada** visaraṇagatyāvasānesu, nisīdanaṃ nisajjā. **Vida** ñāṇe, vijānaṃ, vidatīti vā vijjā. **Saja** vissagge, vissajjanaṃ vissajjā. **Pada** gatimhi, nipajjanaṃ nipajjā.

**Hana** hiṃsāgatīsu, hantabbanti atthe **ṇyamhi** kate “vadho vā sabbatthā”ti **hanassa vadhādeso, jhassiminā jjhādeso** ca, so vajjho, sā vajjhā. **Sī** saye, sayanaṃ, sayanti etthāti vā seyyā, vuddhi, yakārassa dvittaṇca. **Dhā** dhāraṇe **sampubbo**, sammā cittaṃ nidheti etāya, sayam vā saddahatīti atthe “itthiyamatiyavo vā”ti **appaccayo, “sandhā”**ti rūpe sampatte iminā **nakārassa dakāro, saddhā. Cara** caraṇe, caraṇanti atthe **ṇyappaccaye, ikārāgame** ca kate iminā vuddhinisedho, cariyā.

**Ruja** roge, rujananti atthe iminā chappaccayo, “byañjanantassa co chappaccayesu cā”ti dhātvantassa **cakāro, rucchā, rujāti** appaccayena siddham. Tathā **kuca** saṅkocane, **chappaccayo, kocanaṃ kucchā. Labha** lābhe, **chamhi cādeso, lacchā. Rada** vilekhane, racchā. **Muha** vecitte, muyhanaṃ mucchā, mucchanaṃ vā mucchā. **Vasa** nivāse, vacchā. **Kaca** dittimhi, kacchā. **Katha** kathane **sampubbo**, saddhim kathananti atthe **ṇyappaccayo, iminā thyassa cchādeso, saṃsaddassa sādeso** ca, sākacchā. **Tuda** byathane, tucchā. **Pada** gatimhi, byāpajjananti atthe **ṇyamhi** kate “byāpādyā”ti rūpe sampatte iminā nipātanena **dyassa jjādeso, rassattaṇca, byāpajjā.**

**Mara** pāṇacāge, marati maraṇanti ca atthe iminā tyatuyuppaccayā, dhātvantaloḷoca, tato “yavata”miccādinā **cakāro, macco, maccu. Sata** sātacce, iminā **yappaccayo, tyassa cakāro, saccam**. Tathā **nata** gattavināme, naccam. **Niti** nice, niccam. **Mā** māne, māyā. **Jana** janane, jāyā, **kana** dittikantīsu, nyassa **ṇattaṃ, dvittaṇca, kaññā. Dhana** dhaññe, dhaññaṃ. Punātīti puññaṃ, **nakārāgame** iccādi.

### 661. Ve pu sī davava mu ku dā bhūhvādīhi thuttima ñimā nibbatte.

**Vepusīdavavamu**iccevamādīhi dhātūhi, **ku dā bhū**ādito, **hv**ādito ca yathākkamaṃ **thuttima**ñimaicce te paccayā honti nibbattatthe. **Vepu** kampane, **thuppaccayo**, “kvaci dhātū”tiādīnā **akārāgamo**, atha vā “athū”ti vattabbe saralopaṃ katvā “thū”ti vuttanti daṭṭhabbaṃ, vepena nibbatto vepathu. **Sī** saye, sayanena nibbatto sayathu. **Dava** davane, davena nibbatto davathu. **Vamu** uggiraṇe, varena nibbatto vamathu.

Kutti karaṇaṃ, tena nibbattaṃ kuttimaṃ, “**ku**”iti nipātanato **karassa kutta**ṃ. **Dā** dāne, dāti dānaṃ, tena nibbattaṃ dattimaṃ, rassattaṃ. Bhūti bhavanaṃ, tena nibbattaṃ bhottimaṃ. Avahuti avahanaṃ, tena nibbattaṃ ohāvimaṃ, **ṇa**lopavuddhiāvādesā.

### 662. Akkose namhāni.

Akkose gammamāne **namhi** nipāte upapade sati dhātuto **āni**ppaccayo hoti. Na gamitabbo te jamma desoti atthe **āni**ppaccayo, kitakattā nāmamiva katvā **simhi** kate na gamānīti atthe kammadhārayasamāso, **nassa att**aṃ, puna samāsattā nāmamiva kate **syādy**uppatti, agamāni te jamma deso. Na kattabbaṃ te jamma kammanti akarāni te jamma kammaṃ.

**Namhī**ti kiṃ? Vipatti te. **Akkoseti** kiṃ? Agati te.

### 663. Sunassunassoṇavānuvānununakhuṇānā.

**Suna**icce tassa pāṭipadikassa sambandhino **unas**addassa **oṇa vāna uvāna una unakha uṇa ā** **āna**icce te ādesā honti. **Sunassunassa oṇā**diādesa, paranayane ca kate **syādy**uppatti, soṇo, soṇā, svāno, svānā, suvāno, suvānā, suno, sunā, sunakho, sunakhā, suṇo, suṇā, sā sāno, sānā iccādi.

### 664. Taruṇassa susu ca.

**Taruṇa**icce tassa saddassa **susu**iccādeso hoti. **Casaddo** aniyamattho, susu, taruṇo vā.

### 665. Yuvassuvassuvuvānununā.

**Yuva**icce tassa pāṭipadikassa **uvas**addassa **uvauvānaunaūna**icce te ādesā honti. Yuvā tiṭṭhati, yuvāno tiṭṭhati, yuno tiṭṭhati, yūno tiṭṭhati.

### 666. Chadādīhi tatraṇa.

**Chada**iccevamādīhi dhātūhi **tatraṇa**icce te paccayā honti. **Chada** apavāraṇe, “kvaci dhātū”tiādīnā dhātvantassa **takāro**. Ātapaṃ chādetīti chattaṃ, chatraṃ, byañjanattaye sarūpānamekassa lopo.

**Cinta** cintāyaṃ, cintetīti cittaṃ, **nakārassa** saṃyogādittā niggahītaṃ, tassa “byañjane cā”ti lopo, citraṃ, “ghaṭṭādīnaṃ vā”ti na vuddhi.

**Su** abhisave, “paradvebhāvo ṭhāne”ti **tassa** dvittaṃ, atthe abhisavetīti suttaṃ, sutraṃ.

**Sūda** paggharaṇe, atthe sūdetīti suttaṃ, rassattaṃ, bhujādittā **dal**opo, dvittaṅca. **Su** savane, suṇātīti sotamaṃ, sotamaṃ, vuddhi.

**Ni** pāpaṇe, netīti nettaṃ, netraṃ. **Vida** maṅgalle, **to d**assa, pavittaṃ, pavitraṃ. **Pū** pavane, punātīti pavittaṃ, pavitraṃ, **ikārāgamo**, vuddhiāvādesā ca.

**Pata** gatimhi, patatīti pattaṃ, patraṃ, patato tāyatīti patto, patro. **Tanu** vitthāre, taññātīti

tantam, tantram. **Yata** yatane, yattam, yatram. **Yā** pāpaṇe, yāpanā yatrā. **Yamu** uparame, yantam, yantram. **Ada** bhakkhaṇe, adatīti attam, atram. **Yuja** yoge, yujjatīti yottam, yotram, bhujādittā dhātvantalopadvittāni.

**Vatu** vattane, vattam, vatram. **Mida** sinehane, mijjatīti mittam, mitram. **Mā** parimāṇe, mattā parimāṇam, dvittarassattāni. Evaṃ punātīti putto, putro. **Kala** saṅkhyāne, kalattam, kalatram bhariyā. **Vara** saṃvaraṇe, varattam, varatram cammamayayottam. **Vepu** kampāne, vepatīti vettam, vetram.

**Gupa** saṃvaraṇe, gottam, gotram, “gupādīnañcā”ti dhātvantalopo, dvittañca, gattam vā, “kvaci dhātū”tiādīnā ukārassa akāro. **Dā** avakhaṇḍane, dattam, dātram. **Hu** havane, aggihuttam. **Vaha** pāpaṇe, vahittam, vahitram. **Cara** caraṇe, carittam, caritram. **Muca** mocane, muttam passāvo. **Bhāsa** dittimhi, bhastrā iccādi.

#### 667. Vadādīhi ṇitto gaṇe.

**Vada cara varaiccevamādīhi** dhātūhi **ṇittappaccayo** hoti gaṇe gammadāne. **Vada** viyattiyam vācāyam, vaditānam gaṇo vādittam. **Cara** caraṇe, caritānam gaṇo carittam. **Vara** varaṇe, varitānam gaṇo vārittam. Atha vā caranti tasmim paripūrakāritāyāti carittam. Vāritam tāyanti ettha, etenāti vā vārittam.

#### 668. Midādīhi ttitiyo.

**Mida pada ranja tanu dhāiccevamādīhi** dhātūhi yathābhiddhānam **tti tiicete** paccayā honti. Mijjati siniyhatīti metti, dhātvantalopo. Pajjatīti patti. **Ranja** rāge, ranjati etthāti ratti. Vitthāriyatīti tanti. Dhāretīti dhāti. **Pā** rakkhaṇe, pāti. **Vasa** nivāse, vasati.

#### 669. Usuranjadamsānam dāmsassa daḍḍho dha thā ca.

**Usu ranja dāmsaiccetesam** dhātūnam antare **dāmsassa daḍḍhā**deso hoti, sesehi dhātūhi **dha thāicete** paccayā honti. **Usu** dāhe, **ranja** rāge, **dha thā**ppaccayā, “kvaci dhātū”tiādīnā dhātvantalopo, dvittam, uḍḍho, raṭṭham. **Dāmsa** dāmsane, **kvippaccayo**, **kvilopo**, **dāmsassa daḍḍhā**deso ca, daḍḍham.

#### 670. Sūvusānamūvusānamato tho ca.

**Sū vu asaiccetesam** dhātūnam **ū u asānam** ataiccādeso hoti, ante **thappaccayo** ca.

**Sū** hiṃsāyam, sattham. **Vu** saṃvaraṇe, vattham. **Asa** bhuvi, attho. Yadā pana **sasu** hiṃsāyam, **vasa** acchādane, **ara** gatimhīti ca dhātu, tadā “samādīhi tha mā”ti **thappaccayo**, “kvaci dhātū”tiādīnā dhātvantalopo, “vagge ghosā”tiādīnā dvittam, sasatīti sattham, vasīyatīti vattham, arīyatīti attho.

#### 671. Ranjudādīhi dhadiddakirā kvaci ja da lopo ca.

**Ranja udiiccevamādīhi** dhātūhi **dha da idda ka iraicete** paccayā honti kvaci, dhātvantānam **jadānam** lopo ca hoti.

**Ranja** rāge, **dhappaccayo**, jalopo ca, randham. **Udi** pasavanakledanesu **saṃpubbo**, **dappaccayo**, samuddo, uddo. **Khuda** pipāsāyam, khuddo. **Chidi** dvidhākaṇe, chiddo. **Rudi** hiṃsāyam, ruddo, luddo, **lo rassa**. **Bhadi** kalyāṇe, bhaddo. **Nidi** kucchāyam, niddā. **Muda** hāse, muddā. **Dala** duggatimhi, **iddappaccayo**, daliddo.

**Susa** sosane, **suca** soke vā, **kappaccayo**, dhātvantassa **kakāro**, sukkaṃ. **Vaca** viyattiyam vācāyam, **vaka** ādāne vā, vakkam. **Saka** sattimhi, sakko. **Usu** dāhe, ukkā.

**Vaja** gatimhi, **irappaccayo**, appaṭihatam vajatīti vajiram. **Mada** ummāde, madirā. Evaṃ mandiram, rudhiram, ruhiram, ruciram. **Badha** bandhane, badhiro, badhirā, badhiram, timiro, timiram, siro. **Sara** hiṃsāyam, sariram. “Kalilam, salila”ntiādīsu **lo rassa**. Kuṭilo, kokilo iccādayo.

### 672. Paṭito hissa herāṇa hīraṇa.

**Paṭito** parassa **hiiccetassa** dhātussa **herāṇa hīraṇa**iccete ādesā honti. **Hi** gatimhi **paṭipubbo**, paṭipakkhe madditvā gacchatīti atthe “kvi cā”ti **kvippaccayo**, **kvilopo**, iminā **herāṇa hīraṇa**ādesā, **ṇalopo**, “tesu vuddhī”tiādīnā paṭisaddādisa vuddhī, pāṭiheram, pāṭihīram, yadā pana **hara** haraṇeti dhātu, tadā paṭipakkhe haratīti “pāṭihāriya”miti **ṇyenapi** siddham.

### 673. Kaḍyādīhi ko.

**Kaḍi**iccevamādīhi dhātūhi **kappaccayo** hoti.

**Kaḍi** chedane, **kappaccaye** kate “kvaci dhātū”tiādīnā, “niggahītañcā”ti vā **ikārānubandhassa** dhātussa **niggahītāgamo**, **kalopo** ca, **niggahītassa** vaggantattam, kaṇḍo usu, parimāṇaṇca. Evaṃ **ghaṭi** ghaṭtane, ghaṇṭo, ghaṇṭā vā. **Vaṭi** āvattane, **vaṭi** dhāraṇabandhanasaṅghātesu vā, vaṇṭo. **Karaḍi** bhājanatthe, karaṇḍo. **Maḍi** maṇḍanatthe, maṇḍo. **Saḍi** gumbatthe, saṇḍo. **Bhaḍi** bhaṇḍatthe, bhaṇḍam. **Paḍi** liṅgavekallatthe, paṇḍo, so eva paṇḍako. **Daḍi** aṇāyam, daṇḍo. **Raḍi** hiṃ sāyam, raṇḍo. **Taḍi** calanatthe, vitaṇḍo. **Caḍi** caṇḍatthe, caṇḍo. **Gaḍi** sanniccaye, gaṇḍo. **Aḍi** aṇḍatthe, aṇḍo. **Laḍi** jigucchāyam, laṇḍam. **Meḍi** kuṭilatthe, meṇḍo, meṇḍako vā. **Eraḍi** hiṃsāyam, eraṇḍo. **Khaḍi** chedanatthe, khaṇḍo. **Madi** hāse, mando. **Idi** paramissariye, indo. **Cadi** icchākantīsu, cando. **Khura** chedane, khuro iccādi.

“Ko”ti vattate.

### 674. Khādāmagamānaṃ khandhandhagandhā.

**Khāda** ama **gamuiccesam** dhātūnaṃ **khandha andha gandha**iccete ādesā honti, **kappaccayo** ca hoti. **Khāda** bhakkhane, jāṭijarāmarāṇādīhi saṃsāradukkhehi khajjatīti khandho. **Ama** roge, andho. **Gamu**, **sappa** gatimhi, gandho. **Kvaciggahaṇena** **kalopābhāve** khandhako, andhako, gandhako. Atha vā rāsattṭhena khandho. **Gandha** sūcane, attano nissayassa gandhanato sūcanato gandho.

### 675. Paṭādīhyalam.

**Paṭa**iccevamādīhi dhātūhi, pāṭipadikehi ca **alappaccayo** hoti. **Aṭa**, **paṭa** gatimhi, paṭe alam samatthanti atthe iminā **alappaccayo**, “si”nti **amādeso**, paṭalam, paṭalāni. Tathā **kala** kalale, kalalam. **Kusa** chedanabhūta dāna saṅcayesu, kusalam, yadā pana **sala lū lāiti** dhātu, tadā kucchitānaṃ salanato, kusānaṃ lavanato, kuso viya lavanato vā kusena lātabbattā kusalanti appaccayena **kappaccayena** vā rūpasiddhi veditabbā.

**Kada** made, kadalam. **Bhaganda** secane, bhagandalam. **Mekha** kaṭivicitte, mekhalam, mekhālā vā. **Vakka** rukkhatace, vakkalam. **Takka** rukkhasilese, takkalam. **Palla** ninnaṭṭhāne, pallalam. **Sadda** harite, saddalam, paralopo. **Mūla** paṭiṭṭhāyam, mulālam, rassattam. **Bila** nissaye, bilālam. **Vida** sattāyam, vidālam. **Caḍi** caṇḍikke, caṇḍālo, dīghattam. **Vā** gatigandhanesu, vālam. **Vasa** acchādane, vasalo. **Paci** vitthāre, pacalo, pañcālo, pañcannaṃ rājūnaṃ alantipi pañcālo. **Maca** core, macalo. **Musa** theyye, musalo.

**Gotthu** vaṃse, gotthulo. **Puthu** vitthāre, puthulo. **Bahu** saṅkhyāne, bahulam, paralopo. Yadā pana **lā** ādāne iti dhātu, tadā gotthum lāṭīti gotthulo. Evaṃ puthulo, bahulam.

**Maṅga** maṅgalye, maṅgalam. **Baha** vuddhimhi, bahalam. **Kamba** saṅcalane, kambalam. **Sabi**

maṇḍale, sambalaṃ, niggahītāgamo, sabalo vā. **Agga** gatikoṭṭille, aggalaṃ. **Maḍi** bhūsāyaṃ, maṇḍalaṃ. **Kuḍi** dāhe, kuṇḍalaṃ iccādi.

#### 676. Puthassa puthupathāmo vā.

**Putha**iccetassa dhātussa **puthu patha**icete ādesā honti, **amappaccayo** ca hoti vā, kvacatthoyaṃ **vāsaddo**. **Putha** vitthāre, patthaṭāti atthe **kvippaccayo**, iminā **puthassa puthupathā**desā, **kvilopo**. **Itthiyaṃ** īpaccayo, “o sare cā”ti sutte **casaddena avā**deso, puthavī, pathavī, padhavī, **thassa vattaṃ**, **amappaccaye pathā**deso, pathamo.

#### 677. Sasvādīhi tudavo.

**Sasui**cevamādīhi dhātūhi **tu du**icete paccayā honti. **Sasu** hiṃsāgatīsu, **tuppaccayo**, “kvaci dhātū”tiādīnā dhātvantassa **takāro**, sattu. **Jana** janane, jattu. **Dada** dāne, daddu kuṭṭhaviseso. **Ada** bhakkhaṇe, addu. **Mada**ummāde, maddu iccādi.

#### 678. Jhādīhi īvaro.

**Cipādhā**iccevamādīhi dhātūhi **īvar**appaccayo hoti. Ci caye, cīyatīti cīvaraṃ. **Pā** pāne, pātīti pīvaro pīno. **Dhā** dhāraṇe, dhīvaro kevaṭṭo.

#### 679. Munādīhi ci.

**Munādī**hi dhātūhi **ippaccayo** hoti, **casaddena pāṭipadikehi** ca. **Muna** ñāṇe, munātīti muni, vādhiḱārā na vuddhi. **Yata** yatane, yatātīti yati. **Agga** gatikoṭṭille, aggi. **Pata** gatimhi, pati. **Suca** socakammani, suci. **Ruca** dittimhi, ruci. **Isa** pariyesane, sīlādiguṇe esatīti isi. **Ku** sadde, kavi, vuddhi, **avā**deso ca. **Ru** sadde, ravi, dadhi, kuṭi. **Asu** khepane, asi. **Rāja** dittimhi, rāji. **Gapu**, **sappa** gatimhi, sappi. **Acca** pūjāyaṃ, acci. **Juta** dittimhi, joti, nandi, dīpi, kimi, **akārassa ittaṃ**. **Tamu** kaṅkhāyaṃ, timi. **Budha** bodhane, bujjhatīti bodhi. **Kasa** vilekhane, kasi. **Kapi** calane, kapi, kali, bali, masi, dhani, hari, ari, giri iccādayo.

Pāṭipadikato pana mahāli, bhaddāli, maṇi, araṇi, taraṇi, dharaṇi, saraṇi, dhamaṇi, avani, asani, vasani iccādi.

#### 680. Vidādīhyūro.

**Vida**iccevamādīhi dhātūhi **ūr**appaccayo hoti. **Vida** lābhe, vanditūṃ alaṃ anāsannattāti atthe **ūr**appaccayo. Vidūro, vijjūro vā, vidūre jāto vedūro maṇi. **Vala**, **valla** sādharmaṇabandhanesu, vallūro. **Masa** āmasane, masūro. **Sida** siṅgāre, sindūro, niggahītāgamo. **Du** gatimhi, dūro. **Ku** sadde, kūro. **Kapu** hiṃsātakkalagandhesu, kappūro, dvittaṃ. **Maya** gatimhi, mayūro, mahiyaṃ ravatīti vā mayūroti.

“Vaṇṇāgamo vaṇṇavipariyayo ca,  
Dve cāpare vaṇṇavikāranāsā;  
Dhātussa catthātisayena yogo,  
Taduccate pañcavidhaṃ nirutta”nti –

Vuttaniruttillakkhaṇānusārena “tesu vuddhī”tiādīnā, “kvaci dhātū”tiādīnā ca rūpasiddhi veditabbā.

**Udi** pasavanakledanesu, unditumalaṃ samatthoti undūro. **Khajja** bhakkhaṇe, khādītūṃ alanti khajjūro. **Kura** akkose, akkositumalanti kurūro. **Su** hiṃsāyaṃ, sūro.

#### 681. Hanādīhi ṇunutavo.

**Hana**iccevamādīhi dhātūhi **ṇu nu tu**iccete paccayā honti. **Ṇuppaccaye hana** hiṃsāgatīsu, hanatīti haṇu. **Jana** janane, jāyatīti jāṇu, dhātvantalo, dīgho. **Bhā** dittimhi, bhātīti bhāṇu. **Ri** santāne, rayatīti reṇu rajo. **Khanu** avadāraṇe, khanti, khaññatīti vā khāṇu. **Ama** gatyādīsu, amatīti aṇu, dhātvantalo.

**Ṇuppaccaye** – **ve** tantasantāne, vāyatīti venu, veṇu vā. **Dhe** pāne, dhāyati vacchaṃ pāyetīti dhenu, bhātīti bhānu.

**Tuppaccaye** – **dhā** dhāraṇe, kriyaṃ, lakkhaṇaṃ vā dhāretīti dhātu. **Si** bandhane, sīyati bandhīyatīti setu. **Kī** dhanaviyoge, **ki** unnatimhi, uddhaṃ gacchatīti ketu. **Hi** gatimhi, hinotīti hetu. **Jana** janane, jāyatīti jantu. **Tanu** vitthāre, tanotīti tantu. **Vasa** nivāse, vasati ettha phalaṃ tadāyattavuttitāyāti vatthu, “kvaci dhātū”tiādīnā **sata**kārasaṃyogassa **tthā**deso.

### 682. Kuṭādīhiṭho.

**Kuṭādīhi** dhātūhi **ṭhappaccayo** hoti. **Kuṭa** chedane, kuṭati chindatīti kuṭṭho byādhi. **Kusa** chedanapūraṇagandhesu, kusatīti koṭṭho udaraṃ, dhātvantalo padvittāni. **Kaṭamaddane**, kaṭati maddatīti kaṭṭhaṃ. **Kaṇa** nimīlane, kaṇṭho.

### 683. Manupūrasuṇādīhi ussanusisā.

**Manu pūra suṇa**iccevamādīhi dhātūhi, pāṭipadikehi ca **ussanusaisa**iccete paccayā honti.

**Manu** bodhane, ussa nusā, manate jānātīti manusso, mānuso vā, dhātvantassa āttaṃ.

**Pūra** dānapūraṇesu, pūratīti puriso, rassattaṃ, poso, **rakārikāra**ṇaṃ lopo, vuddhi ca, pure ucce ṭhāne setīti puriso.

**Suṇa** hiṃsākulasandhānesu, suṇati kulaṃ sandahatīti suṇisā. **Ku** kucchite, kavīyatīti karīsaṃ malaṃ, **kussa karatta**ṃ, dīgho ca. **Su** hiṃsāyaṃ, andhakāra vidhamanena sattānaṃ bhayaṃ hiṃsatīti sūriyo, **rakāra**ḡamo, **sakāra**ssa **yatta**ñca. **Maha** pūjāyaṃ, mahatīti mahiso, mahiyaṃ setīpi mahiso. **Si** bandhane, sīyati bandhīyatīti sīsaṃ iccādi.

### 684. Akkharehi kāra.

**Akkharehi** akkharavācakehi vaṇṇehi **kārappaccayo** hoti. **Taddhitā**disutte **caggaha**ṇena nāmabyapadese **syā**dyuppatti, akāro, akāraṃ, akārena iccādi, ākāro, okāro, kakāro, yakāro, hakāro, ḷakāro. Evakāradīsu pana karīyati uccārīyatīti kāro saddo, eva ca so kāro cāti evakāro. Evaṃ dhikāro, huṃkāro, sādhu kāro.

Ikāro dhātuniddese, vikaraṇandhitoti ca;  
Bhavantettha gamissādi, hanatyādīti ṇāpakā.

Uṇādippaccayantanayo.

Tabbādī ṇādayo niṭṭhā, tave tunādayo tathā;  
Mānantādi uṇādīti, chaddhā kitakasaṅgaho.

Iti padarūpasiddhiyaṃ kibbidhānakaṇḍo

Sattamo.

**Nigamana**

Sandhi nāmaṃ kārakañca, samāso taddhitaṃ tathā;  
Ākhyātaṃ kitakaṃ kaṇḍā, sattime **rūpasiddhiyaṃ**.

Tedhā sandhiṃ catuddhā padamapi catudhā pañcadhā nāmikañca,  
Byāsā chakkārakaṃ chassamasanamapi chabbhedato taddhitañca;  
Ākhyātaṃ aṭṭhadhā chabbidhamapi kitakaṃ paccayānaṃ pabhedā,  
Dīpentī rūpasiddhī ciramidha janatābuddhivuḍḍhiṃ karotu.

Vikhyātā**nandathera**vhayavaragurunaṃ tambapaṇṇiddhajānaṃ,  
Sisso **dīpaṅkarā**khyaddamiḷavasumatī dīpaladdhappakāso;  
Bālādiccādivāsadvitayamadhivasanaṃ sāsanaṃ jotayī yo,  
Soyamaṃ **buddhappiya**vho yati imamujukaṃ **rūpasiddhiṃ akāsi**.

**Iti padarūpasiddhipakaraṇaṃ niṭṭhitaṃ.**